

Namo tassa bhagavato arahato sammāsambuddhassa

## Dīghanikāye

### Sīlakkhandhavaggaṭṭhakathā

#### Ganthārambhakathā

Karuṇāsītalahadayaṃ, paññāpajjotavihatamohatamaṃ;  
Sanarāmaralokagaruṃ, vande **sugataṃ** gativimuttaṃ.

Buddhopi buddhabhāvaṃ, bhāvetvā ceva sacchikatvā ca;  
Yaṃ upagato gatamalaṃ, vande tamanuttaraṃ **dhammaṃ**.

Sugatassa orasānaṃ, puttānaṃ mārasenamathanānaṃ;  
Aṭṭhannaṃpi samūhaṃ, sirasā vande **ariyasaṅghaṃ**.

Iti me pasannamatino, ratanattayavandanāmayāṃ puññaṃ;  
Yaṃ suvihatantarāyo, hutvā tassānubhāvena.

**Dīghassa** dīghasuttaṅkitassa, nipuṇassa **āgamavarassa**;  
Buddhānubuddhasaṃvaṇṇitassa, saddhāvahaguṇassa.

Atthappakāsanatthaṃ, **aṭṭhakathā** ādito vasisatehi;  
Pañcahi yā saṅgītā, anusāṅgītā ca pacchāpi.

Sīhaḷadīpaṃ pana ābhatātha, vasinā mahāmahindena;  
Ṭhapitā sīhaḷabhāsāya, dīpavāsīnamatthāya.

Apanetvāna tatohaṃ, sīhaḷabhāsaṃ manoramaṃ bhāsaṃ;  
Tantinaṃyānucchavikaṃ, āropento vīgatadosaṃ.

Samayaṃ avilomento, therānaṃ theravaṃsapadīpānaṃ;  
Sunipuṇavinicchayānaṃ, mahāvihāre nivāsīnaṃ.

Hitvā punappunāgatamatthaṃ, atthaṃ pakāsayissāmi;  
Sujanassa ca tuṭṭhatthaṃ, ciraṭṭhitatthañca dhammassa.

Sīlakathā dhutadhammā, kammaṭṭhānāni ceva sabbāni;  
Cariyāvidhānasahito, jhānasamāpattivitthāro.

Sabbā ca abhiññāyo, paññāsaṅkalananicchayo ceva;  
Khandhadhātāyatanindriyāni, ariyāni ceva cattāri.

Saccāni paccayākāradesanā, suparisuddhanipuṇanayā;  
Avimuttatantimaggā, vipassanā bhāvanā ceva.

Iti pana sabbaṃ yasmā, **visuddhimagge** mayā suparisuddhaṃ;  
Vuttaṃ tasmā bhiyyo, na taṃ idha vicārayissāmi.

“Majjhe **visuddhimaggo**, esa catunnampi āgamānañhi;  
Tatvā pakāsayissati, tатtha yathā bhāsitaṃ atthaṃ”.

Iceva kato tasmā, tampi gahetvāna saddhimetāya;  
Aṭṭhakathāya vijānatha, dīghāgamanissitaṃ atthanti.

### Nidānakathā

Tattha **dīghāgamo** nāma sīlakkhandhavaggo, mahāvaggo, pāthikavaggoti vaggato tivaggo hoti; suddato catuttimsasuttasāṅgaho. Tassa vaggesu **sīlakkhandhavaggo** ādi, suttesu **brahmajālam**. Brahmajālassāpi “evaṃ me suta”ntiādikam āyasmatā ānandena paṭhamamahāsaṅgītikāle vuttaṃ nidānamādi.

### Paṭhamamahāsaṅgītikathā

Paṭhamamahāsaṅgīti nāma cesā kiñcāpi vinayapiṭake tantimārūḷhā, nidānakosallatthaṃ pana idhāpi evaṃ veditabbā. Dhammacakkappavattanañhi ādiṃ katvā yāva subhaddaparibbājakavinayanā katabuddhacikke, kusinārāyaṃ upavattane mallānaṃ sālavane yamakasālānamantare visākhapuṇṇamadivase paccūsasamaye anupādisesāya nibbānadhātuyā parinibbute bhagavati lokanāthe, bhagavato dhātubhājanadivase sannipatitānaṃ sattanaṃ bhikkhusatasahassānaṃ saṅghatthero āyasmā mahākassapo sattāhparinibbute bhagavati subhaddena vuḍḍhapabbajitena – “alam, āvuso, mā socittha, mā paridevittha, sumuttā mayaṃ tena mahāsamaṇena, upaddutā ca homa – ‘idaṃ vo kappati, idaṃ vo na kappati’ ti, idāni pana mayaṃ yaṃ icchissāma, taṃ karissāma, yaṃ na icchissāma na taṃ karissāma” ti (cūḷava. 437) vuttavacanamanussaranto, īdisassa ca saṅghasannipātassa puna dullabhabhāvaṃ maññamāno, “ṭhānaṃ kho panetaṃ vijjati, yaṃ pāpabhikkhū ‘atītasatthukaṃ pāvacaṇa’ nti maññamānā pakkhaṃ labhitvā nacirasseva saddhammaṃ antaradhāpeyyuṃ, yāva ca dhammavinayo tiṭṭhati, tāva anatītasatthukameva pāvacaṇaṃ hoti. Vuttañhetam bhagavatā –

‘Yo vo, ānanda, mayā dhammo ca vinayo ca desito paññatto, so vo mamaccayena satthā’ ti (dī. ni. 2.216).

‘Yaṃnūnāhaṃ dhammañca vinayañca saṅgāyeyyaṃ, yathayidaṃ sāsanaṃ addhaniyaṃ assa ciratṭhitikaṃ’.

Yañcāhaṃ bhagavatā –

‘Dhāressasi pana me tvaṃ, kassapa, sāṇāni paṃsukūlāni nibbasanāni’ ti (saṃ. ni. 2.154) vatvā cīvare sādharmaṇaparibhogena.

‘Ahaṃ, bhikkhave, yāvadeva ākañkhāmi vivicceva kāmehi vivicca akusalehi dhammehi savitakkaṃ savicāraṃ vivekajaṃ pītisukkaṃ paṭhamaṃ jhānaṃ upasampajja viharāmi; kassapopi, bhikkhave, yāvadeva, ākañkhati vivicceva kāmehi vivicca akusalehi dhammehi savitakkaṃ savicāraṃ vivekajaṃ pītisukkaṃ paṭhamaṃ jhānaṃ upasampajja viharatī’ ti (saṃ. ni. 2.152).

Evamādinā nayena navānupubbavivāraṇaḥabhiññāppabhede uttarimanussadhamme attanā samasamaṭṭhapanena ca anuggahito, tathā ākāse pañiṃ cāletvā alaggacittatāya ceva candopamaṇapāṭipadāya ca pasamsito, tassa kimaññaṃ āṇaṇyaṃ bhavissati. Nanu maṃ bhagavā rājā viya sakakavacaissariyānuppadānena attano kulavaṃsappatitṭhāpakaṃ puttaṃ ‘saddhammavaṃsappatitṭhāpako me ayaṃ bhavissatī’ ti, mantvā iminā asādharmaṇena anuggahena anuggahesi, imāya ca uḷārāya pasamsāya pasamsīti cintayanto dhammavinayasaṅgāyanatthaṃ bhikkhūnaṃ ussāhaṃ janesi. Yathāha –

“Atha kho āyasmā mahākassapo bhikkhū āmantesi – ‘ekamidāhaṃ, āvuso, samayaṃ pāvāya kusināraṃ addhānamaggappaṭipanno mahatā bhikkhusaṅghena saddhiṃ pañcamatthehi bhikkhusatehi’ ti (cūḷava. 437) sabbaṃ **subhaddakaṇḍam** vitthārato veditabbaṃ. Atthaṃ panassa

mahāparinibbānāvasāne āgataṭṭhāneyeva kathayissāma.

Tato paraṃ āha –

“Handa mayaṃ, āvuso, dhammañca vinayañca saṅgāyāma, pure adhammo dīpati, dhammo paṭibāhiyyati; pure avinayo dīpati, vinayo paṭibāhiyyati; pure adhammavādino balavanto honti, dhammavādino dubbalā honti, pure avinayavādino balavanto honti, vinayavādino dubbalā honti”’ti (cūḷava. 437).

Bhikkhū āhaṃsu – “tena hi, bhante, thero bhikkhū uccinatū”’ti. Thero pana sakalanavaṅgasatthusāsanapariyattidhare puthujjanasotāpannasakadāgāmianāgāmi sukkhavipassaka khīṇāsavabhikkhū anekasate, anekasahassee ca vajjetvā tipīṭakasabbapariyattippabhedadhare paṭisambhidāppatte mahānubhāve yebhuyyena bhagavato etadaggaṃ āropite tevijjādibhede khīṇāsavabhikkhūyeva ekūnapañcasate pariggahesi. Ye sandhāya idaṃ vuttaṃ – “atha kho āyasmā mahākassapo ekenūnāni pañca arahantasatāni uccinī”’ti (cūḷava. 437).

Kissa pana thero ekenūnamakāsīti? Āyasmato ānandattherassa okāsakaraṇatthaṃ. Tenahāyasmatā sahāpi, vināpi, na sakkā dhammasaṅgītiṃ kātuṃ. So hāyasmā sekkho sakaraṇīyo, tasmā sahāpi na sakkā. Yasmā panassa kiñci dasabaladesitaṃ suttageyyādikaṃ appaccakkhaṃ nāma natthi. Yathāha –

“Dvāsīti buddhato gaṇhiṃ, dve sahasāni bhikkhuto;  
Caturāsīti sahasāni, ye me dhammā pavattino”’ti. (theragā. 1027);

Tasmā vināpi na sakkā.

Yadi evaṃ sekkhopi samāno dhammasaṅgītiyā bahukārattā therena uccinitabbo assa, atha kasmā na uccinitoti? Parūpavādavivajjanato. Thero hi āyasmante ānande ativiya vissattho ahoṣi, tathā hi naṃ sirasmiṃ palitesu jātesupi ‘na vāyaṃ kumārako mattamaññāsī’ti, (saṃ. ni. 2.154) kumārakavādena ovadati. Sakyakulappasuto cāyasmā tathāgatassa bhātā cūḷapituputto. Tattha keci bhikkhū chandāgamaṇaṃ viya maññamānā – “bahū asekkhapaṭisambhidāppatte bhikkhū ṭhapetvā ānandaṃ sekkhapaṭisambhidāppattaṃ thero uccinī”’ti upavadeyyuṃ. Taṃ parūpavādaṃ parivajjento, ‘ānandaṃ vinā dhammasaṅgītiṃ na sakkā kātuṃ, bhikkhūnaṃyeva naṃ anumatiyā gahessāmī”’ti na uccini.

Atha sayameva bhikkhū ānandassatthāya therāṃ yāciṃsu. Yathāha –

“Bhikkhū āyasmantaṃ mahākassapaṃ etadavocūṃ – ‘ayaṃ, bhante, āyasmā ānando kiñcāpi sekkho abhabbo chandā dosā mohā bhayā agatiṃ gantuṃ, bahu cānena bhagavato santike dhammo ca vinayo ca pariyatto, tena hi, bhante, thero āyasmantampi ānandaṃ uccinatū’ti. Atha kho āyasmā mahākassapo āyasmantampi ānandaṃ uccinī”’ti (cūḷava. 437).

Evaṃ bhikkhūnaṃ anumatiyā uccinitena tenāyasmatā saddhiṃ pañcatherasatāni ahesuṃ.

Atha kho therānaṃ bhikkhūnaṃ etadahosi – “kattha nu kho mayaṃ dhammañca vinayañca saṅgāyeyyāmā”’ti? Atha kho therānaṃ bhikkhūnaṃ etadahosi – “rājagaṃ kho mahāgocaraṃ pahūtasenāsaṇaṃ, yaṃnūna mayaṃ rājagahe vassaṃ vasantā dhammañca vinayañca saṅgāyeyyāma, na aññe bhikkhū rājagahe vassaṃ upagaccheyyu”’nti (cūḷava. 437).

Kasmā pana nesāṃ etadahosi? “Idaṃ pana amhākaṃ thāvarakammaṃ, koci visabhāgapuggalo saṅghamaṃjhaṃ pavisitvā ukkoṭeyyā”’ti. Athāyasmā mahākassapo ñattidutiyena kammaena sāvesi –

“Suṇātu me, āvuso saṅgho, yadi saṅghassa pattakallaṃ saṅgho imāni pañca bhikkhusatāni sammaneyya rājagahe vassaṃ vasantāni dhammañca vinayañca saṅgāyituṃ, na aññehi bhikkhūhi rājagahe vassaṃ vasitabba”’nti. Esā ñatti.

“Suṇātu me, āvuso saṅgho, saṅgho imāni pañcabhikkhusatāni sammanna”ti ‘rājagahe vassaṃ vasantāni dhammañca vinayañca saṅgāyituṃ, na aññehi bhikkhūhi rājagahe vassaṃ vasitabbanti. Yassāyasmato khamati imesaṃ pañcannaṃ bhikkhusatānaṃ sammuti’ rājagahe vassaṃ vasantānaṃ dhammañca vinayañca saṅgāyituṃ, na aññehi bhikkhūhi rājagahe vassaṃ vasitabbanti, so tuṅhassa; yassa nakkhamati, so bhāseyya.

“Sammataṇi saṅghena imāni pañcabhikkhusatāni rājagahe vassaṃ vasantāni dhammañca vinayañca saṅgāyituṃ, na aññehi bhikkhūhi rājagahe vassaṃ vasitabbanti, khamati saṅghassa, tasmā tuṅhī, evametam dhārayāmi”ti (cūḷava. 438).

Ayaṃ pana kammavācā tathāgatassa parinibbānato ekavīsatiṃ divasā katā. Bhagavā hi visākhapuṇṇamāyaṃ paccūsasamaye parinibbuto, athassa sattāhaṃ suvaṇṇavaṇṇaṃ sarīraṃ gandhamālādīhi pūjayiṃsu. Evaṃ sattāhaṃ sādhuḷānadivasā nāma ahesuṃ. Tato sattāhaṃ citakāya agginā jhāyi, sattāhaṃ sattipaṇjaraṃ katvā sandhāgārasālāyaṃ dhātupūjaṃ karīṃsūti, ekavīsatiṃ divasā gatā. Jeṭṭhamūlasukkapakkhapañcamīyaṃyeva dhātuyo bhājayiṃsu. Etasmiṃ dhātubhājanadivase sannipatitassa mahābhikkhusaṅghassa subhaddena vuḍḍhapabbajitena kataṃ anācāraṃ ārocetvā vuttanayeneva ca bhikkhū uccinitvā ayaṃ kammavācā katā.

Imaṃ pana kammavācaṃ katvā thero bhikkhū āmantesi – “āvuso, idāni tumhākaṃ cattālīsa divasā okāso kato, tato paraṃ ‘ayaṃ nāma no palibodho atthī’ti, vattuṃ na labbhā, tasmā etthantare yassa rogapalibodho vā ācariyupajjhāyapalibodho vā mātāpitupalibodho vā atthi, pattaṃ vā pana pacitabbaṃ, cīvaraṃ vā kātabbaṃ, so taṃ palibodhaṃ chinditvā taṃ karaṇīyaṃ karotū”ti.

Evaṃ pana vatvā thero attano pañcasatāya parisāya parivuto rājagaṃ gato. Aññepi mahātherā attano attano parivāre gahetvā sokasallasamappitaṃ mahājanaṃ assāsetukāmā taṃ taṃ disaṃ pakkantā. Puṇṇatthero pana sattasatabhikkhuparivāro ‘tathāgatassa parinibbānaṭṭhānaṃ āgatāgataṃ mahājanaṃ assāsessāmi’ti kusiṇārāyaṃyeva aṭṭhāsi.

Āyasmā ānando yathā pubbe aparinibbutassa, evaṃ parinibbutassāpi bhagavato sayameva pattacīvaramādāya pañcahi bhikkhusatehi saddhiṃ yena sāvattī tena cārikaṃ pakkāmi. Gacchato gacchato panassa parivārā bhikkhū gaṇanapathaṃ vītivattā. Tenāyasmataṃ gatagataṭṭhāne mahāparidevo ahoṣi. Anupubbena pana sāvattīmanuppatte there sāvattīvāsino manussa ‘‘thero kira āgato’’ti sutvā gandhamālādīhatthā paccuggantvā – “bhante, ānanda, pubbe bhagavatā saddhiṃ āgacchatha, ajja kuhiṃ bhagavantaṃ ṭhapetvā āgatathā’’tiādīni vadamānā parodiṃsu. Buddhassa bhagavato parinibbānadivase viya mahāparidevo ahoṣi.

Tatra sudaṃ āyasmā ānando aniccatādipaṭisaṃyuttāya dhammiyākathāya taṃ mahājanaṃ saññāpetvā jetavanaṃ pavisitvā dasabalena vasitagandhakuṭiṃ vanditvā dvāraṃ vivaritvā mañcapīṭhaṃ nīharitvā papphoṭetvā gandhakuṭiṃ sammajjitvā milātamaḷākacavaraṃ chaḍḍetvā mañcapīṭhaṃ atiharitvā puna yathāṭṭhāne ṭhapetvā bhagavato ṭhitakāle karaṇīyaṃ vattaṃ sabbamakāsi. Kurumāno ca nhānakoṭṭhakasammajjanaudakupatṭhāpanādīkālesu gandhakuṭiṃ vanditvā – “nanu bhagavā, ayaṃ tumhākaṃ nhānakālo, ayaṃ dhammadesanākālo, ayaṃ bhikkhūnaṃ ovādadānakālo, ayaṃ sīhaseyyakappanakālo, ayaṃ mukhadhovanakālo’’tiādīni nayena paridevamānova akāsi, yathā taṃ bhagavato guṇagaṇāmatarasāññūtāya patīṭṭhitapemo ceva akhīṇāsavo ca anekesu ca jātisatasahassesu aññamaññassūpakārasañjanitacittamaddavo. Tamaṇaṃ aññatarā devatā – “bhante, ānanda, tumhe evaṃ paridevamānā kathaṃ aññe assāsessathā’’ti saṃvejesi. So tassā vacanena saṃviggahadayo santhambhitvā tathāgatassa parinibbānato pabhuti ṭhānanisajjabahulattā ussannadhātukaṃ kāyaṃ samassāsetuṃ dutiyadivase khīravirecanaṃ pivitvā vihāreyeva nisīdi. Yaṃ sandhāya subhena māṇavena pahitaṃ māṇavakaṃ etadavoca –

“Akālo, kho māṇavaka, atthi me ajja bhesajjamattā pītā, appeva nāma svepi upasaṅkameyyāmi’’ti (dī. ni. 1.447).

Dutiyadivase cetakattherena pacchāsamaṇena gantvā subhena māṇavena puṭṭho imasmiṃ dīghanikāye **subhasuttaṃ** nāma dasamaṃ suttaṃ abhāsi.

Atha ānandatthero jetavanamahāvihāre khaṇḍaphullappaṭisaṅkharāṇaṃ kārāpetvā upakaṭṭhāya vassūpanāyikāya bhikkhusaṅghaṃ ohāya rājagahaṃ gato tathā aññepi dhammasaṅgāhakā bhikkhūti. Evañhi gate, te sandhāya ca idaṃ vuttaṃ – “atha kho therā bhikkhū rājagahaṃ agamaṃsu, dhammañca vinayañca saṅgāyitu”nti (cūḷava. 438). Te āsaḥhipuṇṇamāyaṃ uposathaṃ katvā pāṭipadadivase sannipatitvā vassaṃ upagacchiṃsu.

Tena kho pana samayena rājagahaṃ parivāretvā aṭṭhārasa mahāvihārā honti, te sabbepi chaḍḍitapatitauklāpā ahesuṃ. Bhagavato hi parinibbāne sabbepi bhikkhū attano attano pattacīvaramādāya vihāre ca pariveṇe ca chaḍḍetvā agamaṃsu. Tattha katikavattaṃ kurumānā therā bhagavato vacanapūjanatthaṃ titthiyavādaparimocanattañca – ‘paṭhamaṃ māsaṃ khaṇḍaphullappaṭisaṅkharāṇaṃ karomā’ti cintesuṃ. Titthiyā hi evaṃ vadeyyuṃ – ‘samaṇassa gotamassa sāvakaṃ satthari ṭhiteyeva vihāre paṭijaggiṃsu, parinibbute chaḍḍesuṃ, kulānaṃ mahādhanapariccāgo vinassati’ti. Tesañca vādaparimocanatthaṃ cintesunti vuttaṃ hoti. Evaṃ cintayitvā ca pana katikavattaṃ kariṃsu. Yaṃ sandhāya vuttaṃ –

“Atha kho therānaṃ bhikkhūnaṃ etadahosi – bhagavatā, kho āvuso, khaṇḍaphullappaṭisaṅkharāṇaṃ vaṇṇitaṃ, handa mayaṃ, āvuso, paṭhamaṃ māsaṃ khaṇḍaphullappaṭisaṅkharāṇaṃ karoma, majjhimaṃ māsaṃ sannipatitvā dhammañca vinayañca saṅgāyissāmā”ti (cūḷava. 438).

Te dutiyadivase gantvā rājadvāre aṭṭhaṃsu. Rājā āgantvā vanditvā – ‘kiṃ bhante, āgatathā’ti attanā kattabbakiccaṃ pucchi. Therā aṭṭhārasa mahāvihārapaṭisaṅkharāṇatthāya hatthakammaṃ paṭivedesuṃ. Rājā hatthakammakārake manusse adāsi. Therā paṭhamaṃ māsaṃ sabbavihāre paṭisaṅkharāpetvā rañño ārocesuṃ – ‘niṭṭhitaṃ, mahārāja, vihārapaṭisaṅkharāṇaṃ, idāni dhammavinayasāṅgahaṃ karomā’ti. “Sādhu bhante visaṭṭhā karotha, mayhaṃ āṇacakkaṃ, tumhākañca dhammacakkaṃ hotu, āṇāpetha, bhante, kiṃ karomi”ti. “Saṅgahaṃ karontānaṃ bhikkhūnaṃ sannisajjaṭṭhānaṃ mahārājā”ti. “Kattha karomi, bhante”ti? “Vebhārapabbatapasse sattapaṇṇi guhādvāre kātuṃ yuttaṃ mahārājā”ti. “Sādhu, bhante”ti kho rājā ajātasattu vissakammunā nimmitasadisāṃ suvibhattabhittithambhasopānaṃ, nānāvidhamālākammalatākammavicittaṃ, abhibhavantamiva rājabhavanavibhūtiṃ, avahasantamiva devavimānasiriṃ, siriyā nīketanamiva ekanipātattitthamiva ca devamanussanayanavahaṃgānaṃ, lokarāmaṇeyyakamiva sampiṇḍitaṃ daṭṭhabbasāramaṇḍaṃ maṇḍapaṃ kārāpetvā vividhakusumadāmōlambakaviniggalantacāruvitānaṃ nānāratanaṃ vicittamaṇiḍḍimatalamiva ca, naṃ nānāpuppūhūpahāraviccitasupariniṭṭhitabhūmikammaṃ brahmavimānasadisāṃ alaṅkaritvā, tasmīṃ mahāmaṇḍape pañcasatānaṃ bhikkhūnaṃ anagghāni pañca kappiyapaccattharaṇasatāni paññāpetvā, dakkhiṇabhāgaṃ nissāya uttarābhikkuṃ therānaṃ, maṇḍapamaṃjhe puratthābhikkuṃ buddhassa bhagavato āsanārahaṃ dhammāsaṇaṃ paññāpetvā, dantakhacitaṃ bījaniṅcetha ṭhapetvā, bhikkhusaṅghassa ārocāpesi – ‘niṭṭhitaṃ, bhante, mama kicca’nti.

Tasmīṃca pana divase ekacce bhikkhū āyasmantaṃ ānandaṃ sandhāya evamāhaṃsu – “imasmiṃ bhikkhusaṅghe eko bhikkhu vissagandhaṃ vāyanto vicarati”ti. Thero taṃ sutvā imasmiṃ bhikkhusaṅghe añño vissagandhaṃ vāyanto vicaraṇakabhikkhu nāma natthi. Addhā ete maṃ sandhāya vadantīti saṃvegaṃ āpajji. Ekacce naṃ āhaṃsuyeva – “sve āvuso, ānanda, sannipāto, tvañca sekkho sakaraṇīyo, tena te na yuttaṃ sannipātaṃ gantuṃ, appamatto hohi”ti.

Atha kho āyasmā ānando – ‘sve sannipāto, na kho metaṃ patirūpaṃ yvāhaṃ sekkho samāno sannipātaṃ gaccheyya’nti, bahudeva rattiṃ kāyagatāya satiyā vītināmetvā rattiyaṃ paccūsasamaye caṅkamā orohitvā vihāraṃ pavisitvā “nīpajjissāmi”ti kāyaṃ āvajjesi, dve pādā bhūmito muttā, apattañca sīsaṃ bimbohanaṃ, etasmīṃ antare anupādāya āsavehi cittaṃ vimucci. Ayañhi āyasmā caṅkamena bahi vītināmetvā visesaṃ nibbattetuṃ asakkonto cintesi – “nanu maṃ bhagavā etadavoca – ‘katapuññosi tvaṃ, ānanda, padhānamanuyuñja, khippaṃ hohisi anāsavo’ti (dī. ni. 2.207). Buddhānañca kathādosso nāma natthi,

mama pana accāraddhaṃ vīriyaṃ, tena me cittaṃ uddhaccāya saṃvattati. Handāhaṃ vīriyasamatam vojemī”ti, caṅkamā orohitvā pādadhovanatthāne tthatvā pāde dhovitvā vihāraṃ pavisitvā mañcake nisīditvā, “thokaṃ vissamissamī”ti kāyaṃ mañcake apanāmesi. Dve pādā bhūmito muttā, sīsaṃ bimbohanamappattaṃ, etasmiṃ antare anupādāya āsavehi cittaṃ vimuttaṃ, catuiriyaṃ pathavirahitaṃ therassa arahattaṃ. Tena “imasmiṃ sāsane anipanno anisinno aṭṭhito acāṅkamanto ko bhikkhu arahattaṃ patto”ti vutte “ānandatthero”ti vattuṃ vaṭṭati.

Atha therā bhikkhū dutiyadivase pañcamiyaṃ kālapakkhassa katabhattakiccā pattacīvaraṃ paṭisāmetvā dhammasabhāyaṃ sannipatiṃsu. Atha kho āyasmā ānando arahā samāno sannipātaṃ agamāsi. Kathaṃ agamāsi? “Idānimhi sannipātamajjhaṃ pavisanāraho”ti haṭṭhatuṭṭhacitto ekaṃsaṃ cīvaraṃ katvā bandhanā muttatālapakkaṃ viya, paṇḍukambale nikkhattajātimaṇi viya, vigatavalāhake nabhe samuggatapunṇacando viya, bālātapasamphassavikasitareṇupīṇjaragabbhaṃ padumaṃ viya ca, parisuddhena pariyodātena sappabhena sassirīkena ca mukhavarena attano arahattappattiṃ ārocayamāno viya agamāsi. Atha naṃ disvā āyasmato mahākassapassa etadahosi – “sobhati vata bho arahattappatto ānando, sace sathā dhareyya, addhā ajjānandassa sādhuḥkāraṃ dadeyya, handa, dānissāhaṃ sathārā dātappaṃ sādhuḥkāraṃ dadāmi”ti, tikkhattuṃ sādhuḥkāramadāsi.

Majjhimbhāṇakā pana vadanti – “ānandatthero attano arahattappattiṃ nāpetukāmo bhikkhūhi saddhiṃ nāgato, bhikkhū yathāvuḍḍhaṃ attano attano pattāsane nisīdantā ānandattherassa āsanaṃ tṭhapetvā nisinnā. Tattha keci evamāhaṃsu – ‘etaṃ āsanaṃ kassā’ti? ‘Ānandassā’ti. ‘Ānando pana kuhiṃ gato’ti? Tasmīṃ samaye thero cintesi – ‘idāni mayhaṃ gamanakālo’ti. Tato attano ānubhāvaṃ dassento pathaviyaṃ nimujjivā attano āsaneyeva attānaṃ dassesi”ti, ākāseṇa gantvā nisīdītipi eke. Yathā vā tathā vā hotu. Sabbathāpi taṃ disvā āyasmato mahākassapassa sādhuḥkāradānaṃ yuttameva.

Evaṃ āgate pana tasmīṃ āyasmante mahākassapatthero bhikkhū āmantesi – “āvuso, kiṃ paṭhamam saṅgāyāma, dhammaṃ vā vinayaṃ vā”ti? Bhikkhū āhaṃsu – “bhante, mahākassapa, **vinayo nāma** buddhasāsanassa āyu. Vinaye tṭhite sāsanaṃ tṭhitaṃ nāma hoti. Tasmā paṭhamam vinayaṃ saṅgāyāma”ti. “Kaṃ dhuraṃ katvā”ti? “Āyasmantaṃ upāli”nti. “Kiṃ ānando nappahoti”ti? “No nappahoti”. Api ca kho pana sammāsambuddho dharamānoyeva vinayapariyattiṃ nissāya āyasmantaṃ upāliṃ etadagge tṭhapesi – “etadaggaṃ, bhikkhave, mama sāvakaṇaṃ bhikkhūnaṃ vinayadharānaṃ yadidaṃ upāli”ti (a. ni. 1.228). “Tasmā upālittheraṃ pucchitvā vinayaṃ saṅgāyāma”ti.

Tato thero vinayaṃ pucchanaṭṭhāya attanāva attānaṃ sammanni. Upālittheropi vissajjanatthāya sammanni. Tatrāyaṃ pāli – atha kho āyasmā mahākassapo saṅghaṃ nāpesi –

“Suṇātu me, āvuso, saṅgho, yadi saṅghassa pattakallaṃ,  
Ahaṃ upāliṃ vinayaṃ puccheyya”nti.

Āyasmāpi upāli saṅghaṃ nāpesi –

“Suṇātu me, bhante, saṅgho, yadi saṅghassa pattakallaṃ,  
Ahaṃ āyasmatā mahākassapena vinayaṃ puṭṭho vissajjeyya”nti. (cūḷava. 439);

Evaṃ attānaṃ sammannitvā āyasmā upāli uṭṭhāyāsanaṃ ekaṃsaṃ cīvaraṃ katvā there bhikkhū vanditvā dhammasane nisīdi dantakhacitaṃ bījanaṃ gahetvā, tato mahākassapatthero therāsane nisīditvā āyasmantaṃ upāliṃ vinayaṃ pucchi. “Paṭhamam āvuso, upāli, pārājikaṃ kattha paññatta”nti? “Vesāliyaṃ, bhante”ti. “Kaṃ ārabbhā”ti? “Sudinnaṃ kalandaṃputtaṃ ārabbhā”ti. “Kismiṃ vatthusmi”nti? “Methunadhamme”ti.

“Atha kho āyasmā mahākassapo āyasmantaṃ upāliṃ paṭhamassa pārājikassa vatthumpi pucchi, nidānampi pucchi, puggalampi pucchi, paññattimpī pucchi, anupaññattimpī pucchi, āpattimpī pucchi, anāpattimpī pucchi” (cūḷava. 439). Puṭṭho puṭṭho āyasmā upāli vissajjesi.

Kiṃ panettha paṭhamapārājike kiñci apañetabbam vā pakkhipitabbam vā atthi natthīti? Apañetabbam

natthi. Buddhassa hi bhāgavato bhāsīte apanetabbam nāma natthi. Na hi tathāgatā ekabyañjanampi niratthakam vadanti. Sāvakanam pana devatanam vā bhāsīte apanetabbampi hoti, tam dhammasaṅgāhakattherā apanayimsu. Pakkhipitabbam pana sabbatthāpi atthi, tasmā yaṃ yattha pakkhipitum yuttam, tam pakkhipimsueva. Kiṃ pana tanti? ‘Tena samayenā’ti vā, ‘tena kho pana samayenā’ti vā, ‘atha khoti vā’, ‘evam vutteti’ vā, ‘etadavocā’ti vā, evamādikam sambandhavacanamatam. Evam pakkhipitabbayuttam pakkhipitvā pana – ‘‘idam paṭhamapārājika’’nti ṭhapesum. Paṭhamapārājike saṅgahamārūḷhe pañca arahantasatāni saṅgaham āropitanayeneva gaṇasajjhāyamakamsu – ‘‘tena samayena buddho bhagavā verañjāyam viharatī’’ti. Tesam sajjhāyāraddhakāleyeva sādhuḷkaram dadamānā viya mahāpathavī udakapariyantam katvā akampittha.

Eteneva nayena sesāni tīṇi pārājikāni saṅgaham āropetvā ‘‘idam pārājikakaṇḍa’’nti ṭhapesum. Terasa saṅghādisesāni ‘‘terasaka’’nti ṭhapesum. Dve sikkhāpadāni ‘‘aniyatāni’’ti ṭhapesum. Timsa sikkhāpadāni ‘‘nissaggiyāni pācittiyāni’’ti ṭhapesum. Dvenavuti sikkhāpadāni ‘‘pācittiyāni’’ti ṭhapesum. Cattāri sikkhāpadāni ‘‘pāṭidesanīyāni’’ti ṭhapesum. Pañcasattati sikkhāpadāni ‘‘sekhiyāni’’ti ṭhapesum. Satta dhamme ‘‘adhikaraṇasamathā’’ti ṭhapesum. Evam sattavīsādhikāni dve sikkhāpadasatāni ‘‘mahāvibhaṅgo’’ti kittetvā ṭhapesum. Mahāvibhaṅgāvasānepi purimanayeneva mahāpathavī akampittha.

Tato bhikkhunīvibhaṅge aṭṭha sikkhāpadāni ‘‘pārājikakaṇḍam nāma ida’’nti ṭhapesum. Sattarasa sikkhāpadāni ‘‘sattarasaka’’nti ṭhapesum. Timsa sikkhāpadāni ‘‘nissaggiyāni pācittiyāni’’ti ṭhapesum. Chasatṭhisatasikkhāpadāni ‘‘pācittiyāni’’ti ṭhapesum. Aṭṭha sikkhāpadāni ‘‘pāṭidesanīyāni’’ti ṭhapesum. Pañcasattati sikkhāpadāni ‘‘sekhiyāni’’ti ṭhapesum. Satta dhamme ‘‘adhikaraṇasamathā’’ti ṭhapesum. Evam tīṇi sikkhāpadasatāni cattāri ca sikkhāpadāni ‘‘bhikkhunīvibhaṅgo’’ti kittetvā – ‘‘ayaṃ ubhato vibhaṅgo nāma catusaṭṭhibhāṇavāro’’ti ṭhapesum. Ubhatovibhaṅgāvasānepi vuttanayeneva mahāpathavikampo ahosi.

Etenevupāyena asītibhāṇavāraparimāṇam khandhakam, pañcavīsātibhāṇavāraparimāṇam parivāraṇca saṅgaham āropetvā ‘‘idam **vinayapiṭakam** nāmā’’ti ṭhapesum. Vinayapiṭakāvasānepi vuttanayeneva mahāpathavikampo ahosi. Tam āyasmantaṃ upāliṃ paṭicchāpesum – ‘‘āvuso, imaṃ tuyham nissitake vācehi’’ti. Vinayapiṭakasāṅghāvasāne upālīthero dantakhacitaṃ bījanīṃ nikkhipitvā dhammāsānā orohitvā there bhikkhū vanditvā attano pattāsane nisīdi.

Vinayaṃ saṅgāyitvā dhammaṃ saṅgāyitukāmo āyasmā mahākassapo bhikkhū pucchi – ‘‘dhammaṃ saṅgāyante hi kam puggalaṃ dhuraṃ katvā dhammo saṅgāyitabbo’’ti? Bhikkhū – ‘‘ānandattheraṃ dhuraṃ katvā’’ti āhamsu.

Atha kho āyasmā mahākassapo saṅghaṃ ñāpesi –

‘‘Suṇātu me, āvuso, saṅgho, yadi saṅghassa pattakallaṃ,  
Ahaṃ ānandaṃ dhammaṃ puccheyya’’nti;

Atha kho āyasmā ānando saṅghaṃ ñāpesi –

‘‘Suṇātu me, bhante, saṅgho, yadi saṅghassa pattakallaṃ,  
Ahaṃ āyasmatā mahākassapena dhammaṃ puṭṭho vissajjeyya’’nti;

Atha kho āyasmā ānando uṭṭhāyāsānā ekaṃsaṃ cīvaraṃ katvā there bhikkhū vanditvā dhammāsane nisīdi dantakhacitaṃ bījanīṃ gahetvā. Atha kho āyasmā mahākassapo bhikkhū pucchi – ‘‘kataraṃ, āvuso, piṭakam paṭhamaṃ saṅgāyāmā’’ti? ‘‘Suttantapiṭakam, bhante’’ti. ‘‘Suttantapiṭake catasso saṅgītiyo, tāsū paṭhamaṃ kataraṃ saṅgīti’’nti? ‘‘Dīghasaṅgītiṃ, bhante’’ti. ‘‘Dīghasaṅgītiyaṃ catutiṃsa suttāni, tayo vaggā, tesu paṭhamaṃ kataraṃ vaggā’’nti? ‘‘Sīlakkhandhavaggaṃ, bhante’’ti. ‘‘Sīlakkhandhavagge terasa suttantā, tesu paṭhamaṃ kataraṃ sutta’’nti? ‘‘Brahmajālasuttaṃ nāma bhante, tividhasīlāṅkataṃ, nānāvīdhamicchājīvakuha lapanādividdhamsanam, dvāsaṭṭhidiṭṭhijālaviniveṭhanam, dasasahasilokadhātukampanam, tam paṭhamaṃ saṅgāyāmā’’ti.

Atha kho āyasmā mahākassapo āyasmantaṃ ānandaṃ etadavoca, “brahmajālaṃ, āvuso ānanda, kattha bhāsita”nti? “Antarā ca, bhante, rājagahaṃ antarā ca nāḷandaṃ rājāgāraṃ ambalaṭṭhikāya”nti. “Kaṃ ārabbhā”ti? “Suppiyañca paribbājakaṃ, brahmadattañca māṇava”nti. “Kismiṃ vatthusmi”nti? “Vaṇṇāvaṇṇe”ti. Atha kho āyasmā mahākassapo āyasmantaṃ ānandaṃ brahmajālassa nidānampi pucchi, puggalampi pucchi, vatthumpi pucchi (cūḷava. 440). Āyasmā ānando vissajjesi. Vissajjanāvasāne pañca arahantasatāni gaṇasajjhāyamakaṃsu. Vuttanayeneva ca pathavikampo ahoṣi.

Evaṃ brahmajālaṃ saṅgāyivā tato paraṃ “sāmaññaphalaṃ, panāvuso ānanda, kattha bhāsita”ntiadinā nayena pucchāvissajjanānukkamena saddhiṃ brahmajālena sabbepi terasa suttante saṅgāyivā – “ayaṃ sīlakkhandhavaggo nāmā”ti kittetvā ṭhapesuṃ.

Tadanantaraṃ mahāvaggam, tadanantaraṃ pāthikavagganti, evaṃ tivaggasaṅgahaṃ catutimsasuttapaṭimaṇḍitaṃ catusaṭṭhibhāṇavāraparimāṇaṃ tantim saṅgāyivā “ayaṃ **dīghanikāyo** nāmā”ti vatvā āyasmantaṃ ānandaṃ paṭicchāpesuṃ – “āvuso, imaṃ tuyhaṃ nissitake vācehi”ti.

Tato anantaraṃ asītibhāṇavāraparimāṇaṃ **majjhimanikāyaṃ** saṅgāyivā dhammasenāpatisāriputtattherassa nissitake paṭicchāpesuṃ – “imaṃ tumhe pariharathā”ti.

Tato anantaraṃ satabhāṇavāraparimāṇaṃ **saṃyuttanikāyaṃ** saṅgāyivā mahākassapattheraṃ paṭicchāpesuṃ – “bhante, imaṃ tumhākaṃ nissitake vācethā”ti.

Tato anantaraṃ vīsātibhāṇavārasataparimāṇaṃ **aṅguttaranikāyaṃ** saṅgāyivā anuruddhattheraṃ paṭicchāpesuṃ – “imaṃ tumhākaṃ nissitake vācethā”ti.

Tato anantaraṃ dhammasaṅgahavibhaṅgadhātukathāpuggalapaññattikathāvatthuyamakapaṭṭhānaṃ abhidhammoti vuccati. Evaṃ saṃvaṇṇitaṃ sukhumaññagocaraṃ tantim saṅgāyivā – “idaṃ **abhidhammapīṭakaṃ** nāmā”ti vatvā pañca arahantasatāni sajjhāyamakaṃsu. Vuttanayeneva pathavikampo ahoṣi.

Tato paraṃ jātakaṃ, niddeso, paṭisambhidāmaggo, apadānaṃ, suttanipāto, khuddakapāṭho, dhammapadaṃ, udānaṃ, itivuttakaṃ, vimānavatthu, petavatthu, theragāthā, therīgāthāti imaṃ tantim saṅgāyivā “**khuddakagantho** nāmāya”nti ca vatvā “abhidhammapīṭakasmiṃyeva saṅgahaṃ āropayimsū”ti dīghabhāṇakā vadanti. Majjhimbhāṇakā pana “cariyāpīṭakabuddhavaṃsehi saddhiṃ sabbampetaṃ khuddakaganthaṃ nāma suttantapīṭake pariyāpanna”nti vadanti.

Evametaṃ sabbampi buddhavacanaṃ rasavasena ekavidhaṃ, dhammavinayavasena duvidhaṃ, paṭhamamajjhimapacchimavasena tividhaṃ. Tathā piṭakavasena. Nikāyavasena pañcavidhaṃ, aṅgavasena navavidhaṃ, dhammakhandhavasena caturāsītisahassavidhanti veditabbaṃ.

**Kathaṃ rasavasena ekavidhaṃ?** Yañhi bhagavatā anuttaraṃ sammāsambodhiṃ abhisambujjhivā yāva anupādisesāya nibbānadhātuyā parinibbāyati, etthantare pañcacattālīsavassāni devamanussanāgayakkhādayo anusāsantena vā paccavekkhantena vā vuttaṃ, sabbam taṃ ekarasam vimuttirasameva hoti. Evaṃ rasavasena ekavidhaṃ.

**Kathaṃ dhammavinayavasena duvidhaṃ?** Sabbameva cetam dhammo ceva vinayo cāti saṅkhyam gacchati. Tattha vinayapīṭakaṃ vinayo, avasesam buddhavacanaṃ dhammo. Tenevāha “yannūna mayam dhammañca vinayañca saṅgāyeyyāmā”ti (cūḷava. 437). “Aham upāliṃ vinayaṃ puccheyyam, ānandaṃ dhammaṃ puccheyya”nti ca. Evaṃ dhammavinayavasena duvidhaṃ.

**Kathaṃ paṭhamamajjhimapacchimavasena tividhaṃ?** Sabbameva hidaṃ paṭhamabuddhavacanaṃ, majjhimbuddhavacanaṃ, pacchimabuddhavacanaṃ tippabhedam hoti. Tattha –

“Anekajātisaṃsāraṃ, sandhāvissaṃ anibbisam;



Gahakāraṃ gavesanto, dukkhā jāti punappunaṃ.  
 Gahakāraṃ diṭṭhosi, puna geḥaṃ na kāhasi;  
 Sabbā te phāsukā bhaggā, gahakūṭaṃ visankhataṃ;  
 Visankhāragataṃ cittaṃ, taṇhānaṃ khayamajjhagā’’ti. (dha. pa. 153-54);

Idaṃ paṭhamabuddhavacanaṃ. Keci ‘‘yadā have pātubhavanti dhammā’’ti (mahāva. 1) khandhake udānagāthaṃ vadanti. Esā pana pāṭipadadivase sabbaññubhāvappattassa somanassamayaññaṇa paccayākāraṃ paccavekkhantassa uppannā udānagāthāti veditabbā.

Yaṃ pana parinibbānakāle abhāsi – ‘‘handā dāni, bhikkhave, āmantayāmi vo, vayadhammā saṅkhārā, appamādena sampādeṭhā’’ti (dī. ni. 2.218) idaṃ pacchimabuddhavacanaṃ. Ubhinnamantare yaṃ vuttaṃ, etaṃ majjhimabuddhavacanaṃ nāma. Evaṃ paṭhamamajjhimapacchimabuddhavacanasena tividaṃ.

Kathaṃ **piṭakavasena tividaṃ**? Sabbampi cetaṃ vinayapiṭakaṃ suttantapiṭakaṃ abhidhammapiṭakanti tippabhedameva hoti. Tattha paṭhamasaṅgītiyaṃ saṅgītaṃ asaṅgītaṃ sabbampi samodhānetvā ubhayāni pātimokkhāni, dve vibhaṅgā, dvāvīsati khandhakā, soḷasaparivārāti – idaṃ **vinayapiṭakaṃ** nāma. Brahmajālādicatuttiṃsasuttasaṅgaho dīghanikāyo, mūlapariyāyasuttādiyadḍhasatadesuttasaṅgaho majjhimanikāyo, oghataraṇasuttādisattasuttasahassasattasatadvāsaṭṭhisuttasaṅgaho saṃyuttanikāyo, cītapariyādānasuttādinavasuttasahassapañcasattapaññāsuttasaṅgaho aṅguttaranikāyo, khuddakapāṭha-dhammapada-udāna-itivuttaka-suttanipāta-vimānavatthu-petavatthu-theragāthā-therīgāthā-jātaka-niddesa-paṭisambhidāmagga-apadāna-buddhavaṃsa-cariyāpiṭakavasena pannarasappabhedo khuddakanikāyoti idaṃ **suttantapiṭakaṃ** nāma. Dhammasaṅgaho, vibhaṅgo, dhātukathā, puggalapaññatti, kathāvatthu, yamakaṃ, paṭṭhānanti – idaṃ **abhidhammapiṭakaṃ** nāma. Tattha –

‘‘Vividhavesanayattā, vinayanato ceva kāyavācānaṃ;  
 Vinayatthavidūhi ayaṃ, vinayo vinayoti akkhāto’’.

Vividhā hi ettha pañcavidhapātimokkhuddesapārājikādi satta āpattikkhandhamātikā vibhaṅgādiṭṭhāyā. Visesabhūtā ca dalhīkammasithilakaraṇappayojanā anupaññattinayā. Kāyikavācasikaajjhācāranisedhanato cesa kāyaṃ vācānaṃ vineti, tasmā vividhanayattā visesanayattā kāyavācānaṃ vinayanato ceva vinayoti akkhāto. Tenetametassa vacanatthakosallatthaṃ vuttaṃ –

‘‘Vividhavesanayattā, vinayanato ceva kāyavācānaṃ;  
 Vinayatthavidūhi ayaṃ, vinayo vinayoti akkhāto’’ti.

Itaraṃ pana –

‘‘Athānaṃ sūcanato suvuttato, savanatotha sūdanato;  
 Suttāṇā suttasabhāgato ca, suttanti akkhātaṃ.

Taṇhi attatthaparattādibhede atthe sūceti. Suvuttā cettha atthā, veneyajjhāsāyānulomena vuttattā. Savati cetaṃ atthe sassamiva phalaṃ, pasavatīti vuttaṃ hoti. Sūdati cetaṃ dhenu viya khīraṃ, paggharāpetīti vuttaṃ hoti. Suṭṭhu ca ne tāyati, rakkhatīti vuttaṃ hoti. Suttasabhāgañcetaṃ, yathā hi tacchakānaṃ suttam pamānaṃ hoti, evametampi viññūnaṃ. Yathā ca suttana saṅgahitāni pupphāni na vikiriyanti, na viddhamāsiyanti, evameva tena saṅgahitā atthā. Tenetametassa vacanatthakosallatthaṃ vuttaṃ –

‘‘Athānaṃ sūcanato, suvuttato savanatotha sūdanato;  
 Suttāṇā suttasabhāgato ca, suttanti akkhāta’’nti.

Itaro pana –

‘‘Yaṃ ettha vuḍḍhimanto, salakkhaṇā pūjitā paricchinnā;

Vuttādhikā ca dhammā, abhidhammo tena akkhāto’.

Ayañhi abhisaddo vuḍḍhilakkhaṇapūjita-paricchinna-dhikesu dissati. Tathā hesa “bālā me dukkhā vedanā abhikkamanti, no paṭikkamanti”tiādīsu (ma. ni. 3.389) vuḍḍhiyaṃ āgato. “Yā tā rattiyo abhiññatā abhilakkhitā”tiādīsu (ma. ni. 1.49) salakkhaṇe. “Rājābhiraṇṇa manujindo”tiādīsu (ma. ni. 2.399) pūjite. “Paṭibalo vinetuṃ abhidhamme abhivinaye”tiādīsu (mahāva. 85) paricchinne. Añña-mañña-saṅkaravirahite dhamme ca vinaye cāti vuttaṃ hoti. “Abhikkantena vaṇṇenā”tiādīsu (vi. va. 819) adhike.

Ettha ca “rūpūpapattiyā maggaṃ bhāveti” (dha. sa. 251), “mettāsahagatena cetasā ekaṃ disaṃ pharivā viharati”tiādīnā (vibha. 642) nayena vuḍḍhimantopi dhammā vuttā. “Rūpārammaṇaṃ vā saddārammaṇaṃ vā”tiādīnā (dha. sa. 1) nayena ārammaṇādīhi lakkhaṇīyattā salakkhaṇāpi. “Sekkā dhammā, asekkā dhammā, lokuttarā dhammā”tiādīnā (dha. sa. tikamātikā 11, dukamātikā 12) nayena pūjitāpi, pūjārahāti adhippāyo. “Phasso hoti, vedanā hoti”tiādīnā (dha. sa. 1) nayena sabhāvaparicchinntā paricchināpi. “Mahaggaṭā dhammā, appamāṇā dhammā (dha. sa. tikamātikā 11), anuttarā dhammā”tiādīnā (dha. sa. dukamātikā 11) nayena adhi-kāpi dhammā vuttā. Tenetametassa vacanathakosallatthaṃ vuttaṃ –

“Yaṃ ettha vuḍḍhimanto, salakkhaṇā pūjitā paricchinā;  
Vuttādhikā ca dhammā, abhidhammo tena akkhāto”ti.

Yaṃ panettha avasiṭṭhaṃ, taṃ –

“Piṭakaṃ piṭakatthavidū, pariyaṭṭibhājanatthato āhu;  
Tena samodhānetvā, tayopi vinayādayo ñeyyā”.

Pariyaṭṭipi hi “mā piṭakasampadānenā”tiādīsu (a. ni. 3.66) piṭakanti vuccati. “Atha puriso āgaccheyya kudālapīṭakamādāyā”tiādīsu (a. ni. 3.70) yaṃ kiñci bhājanampi. Tasmā ‘piṭakaṃ piṭakatthavidū pariyaṭṭibhājanatthato āhu.

Idāni **‘tena samodhānetvā tayopi vinayādayo ñeyyā’**ti, tena evaṃ duvidhatthena piṭakasaddena saha samāsaṃ katvā vinayo ca so piṭakañca pariyaṭṭibhāvato, tassa tassa atthassa bhājanato cāti vinayapiṭakaṃ, yathāvutteneva nayena suttantañca taṃ piṭakañcāti suttantapiṭakaṃ, abhidhammo ca so piṭakañcāti abhidhammapiṭakanti. Evamete tayopi vinayādayo ñeyyā.

Evaṃ ñatvā ca punapi tesuyeva piṭakesu nānappakāra-kosallatthaṃ –

“Desanāsāsanakathābhedaṃ tesu yathārahaṃ;  
Sikkhāppahānagambhīrabhāvañca paridīpaye.  
Pariyaṭṭibhedaṃ sampattim, vipattiñcāpi yaṃ yaḥim;  
Pāpuṇāti yathā bhikkhu, tampi sabbaṃ vibhāvaye”.

Tatrāyaṃ paridīpanā vibhāvanā ca. Etāni hi tīṇi piṭakāni yathākkamaṃ āṇāvohāraparamatthadesanā, yathāparādhayathānulomayathādhhammasāsanāni, saṃvarāsaṃvaradīṭṭhivinivēṭhananāmarūpaparicchedakathāti ca vuccanti. Ettha hi vinayapiṭakaṃ āṇārahena bhagavatā āṇābhāhullato desitattā **āṇādesanā**, suttantapiṭakaṃ vohāra-kusalena bhagavatā vohārabāhullato desitattā **vohāradesanā**, abhidhammapiṭakaṃ paramatthakusalena bhagavatā paramatthabāhullato desitattā **paramatthadesanā**ti vuccati.

Tathā paṭhamam – ‘ye te pacurāparādhā sattā, te yathāparādhamaṃ ettha sāsītā’ti **yathāparādhāsāsanam**, dutiyaṃ – ‘anekajjhāsāyānuyacariyādhimuttikā sattā yathānulomaṃ ettha sāsītā’ti **yathānulomasāsanam**, tatiyaṃ – ‘dhammapuñjamatte “ahaṃ mamā”ti saññino sattā yathādhamaṃ ettha sāsītā’ti **yathādhmmasāsananti** vuccati.

Tathā paṭhamam – ajjhācārapaṭipakkabhūto saṃvarāsaṃvaravaro ettha kathitoti **saṃvarāsaṃvarakathā**.

Samvarāsamvaroti khuddako ceva mahanto ca samvaro, kammākammaṃ viya, phalāphalaṃ viya ca, dutiyaṃ – “dvāsattihiṭṭhipaṭipakkhabhūtā diṭṭhiviniveṭhanā ettha kathitā”ti **diṭṭhiviniveṭhanakathā**, tatiyaṃ – “rāgādipaṭipakkhabhūto nāmarūpaparicchedo ettha kathito”ti **nāmarūpaparicchedakathā**ti vuccati.

Tīsupi cetesu tisso sikkhā, tīṇi pahānāni, catubbidho ca gambhīrabhāvo veditabbo. Tathā hi vinayaṭṭhake visesena **adhīsilasikkhā** vuttā, suttantapaṭṭhake **adhicittasikkhā**, abhidhammapaṭṭhake **adhipaññāsikkhā**.

Vinayaṭṭhake ca **vītikamappahānaṃ**, kilesānaṃ vītikamapaṭṭhakkattā sīlassa. Suttantapaṭṭhake **pariyuṭṭhānappahānaṃ**, pariyuṭṭhānapaṭṭhakkattā samādhissa. Abhidhammapaṭṭhake **anusayappahānaṃ**, anusayapaṭṭhakkattā paññāya. Paṭhame ca **tadaṅgappahānaṃ**, itaresu **vikkhambhanasamucchedappahānāni**. Paṭhame ca duccharitasamkilesappahānaṃ, itaresu **taṇhādīṭṭhisamkilesappahānaṃ**.

Ekamekasmīncettha catubbidhopi dhammatthadesanā paṭivedhagambhīrabhāvo veditabbo. Tattha **dhammoti** tanti. **Atthoti** tassāyeva attho. **Desanā**ti tassā manasā vavattāpīṭṭhāya tantiyā desanā. **Paṭivedhoti** tantiyā tantiatthassa ca yathābhūtāvabodho. Tīsupi cetesu ete dhammatthadesanāpaṭivedhā. Yasmā sasādīhi viya mahāsamuddo mandabuddhīhi dukkhogāḷhā alabbhaneyyapaṭīṭṭhā ca, tasmā gambhīrā. Evaṃ ekamekasmīṃ ettha catubbidhopi gambhīrabhāvo veditabbo.

Aparo nayo, **dhammoti** hetu. Vuttañhettaṃ – “hetumhi ñāṇaṃ dhammapaṭṭhakkattā”ti. **Atthoti** hetuphalaṃ, vuttañhettaṃ – “hetuphale ñāṇaṃ atthapaṭṭhakkattā”ti (vibha. 720). **Desanā**ti paññatti, yathā dhammaṃ dhammābhilāpoti adhippāyo. Anulomapaṭṭhakkattāsalakkhepavittārādivasena vā kathanāṃ. **Paṭivedhoti** abhisamayo, so ca lokiyalokuttaro visayato asammo ca, atthānurūpaṃ dhammesu, dhammānurūpaṃ atthesu, paññattipathānurūpaṃ paññattīsu avabodho. Tesaṃ tesaṃ vā tattha tattha vuttadhammānaṃ paṭivijjhitabbo salakkhaṇasaṅkhāto aviparītasabhāvo.

Idāni yasmā etesu piṭṭhakesu yaṃ yaṃ dhammajātaṃ vā atthajātaṃ vā, yā cāyaṃ yathā yathā ñāpetabbo attho sotūnaṃ ñāṇassa abhimukho hoti, tathā tathā tadatthajotikā desanā, yo cettha aviparītāvabodhasaṅkhāto paṭivedho, tesaṃ tesaṃ vā dhammānaṃ paṭivijjhitabbo salakkhaṇasaṅkhāto aviparītasabhāvo. Sabbampetaṃ anupacitakusalasambhārehi duppaññehi sasādīhi viya mahāsamuddo dukkhogāḷhaṃ alabbhaneyyapaṭīṭṭhāna, tasmā gambhīraṃ. Evampi ekamekasmīṃ ettha catubbidhopi gambhīrabhāvo veditabbo.

Ettāvatā ca –

“Desanāsāsanakathā, bhedaṃ tesu yathārahaṃ;  
Sikkhāppahānagambhīra, bhāvañca paridīpaye”ti –

Ayaṃ gāthā vuttatthāva hoti.

“Pariyattibhedaṃ sampattim, vipattiñcāpi yaṃ yaṃ;  
Pāpuṇāti yathā bhikkhu, tampi sabbaṃ vibhāvaye”ti –

Ettha pana tīsu piṭṭhakesu tividho pariyattibhedo daṭṭhabbo. Tisso hi pariyattiyō – alagaddūpamā, nissaraṇatthā, bhaṇḍāgārikapariyattīti.

Tattha yā duggahitā, upārambhādihetu pariyāpuṭā, ayaṃ **alagaddūpamā**. Yaṃ sandhāya vuttaṃ “seyyathāpi, bhikkhave, puriso alagaddatthiko alagaddagavesī alagaddapariyesanaṃ caramāno, so passeyya mahantaṃ alagaddaṃ, tamenāṃ bhoge vā naṅguṭṭhe vā gaṇṇheyya, tassa so alagaddo paṭiparivattitvā hatthe vā bāhāyaṃ vā aññatarasmīṃ vā aṅgapaccaṅge ḍaṃseyya, so tato nidānaṃ maraṇaṃ vā nigaccheyya, maraṇamattaṃ vā dukkhaṃ. Taṃ kissa hetu? Duggahitattā, bhikkhave, alagaddassa. Evameva kho,

bhikkhave, idhekacce moghapurisā dhammaṃ pariyāpuṇanti, suttaṃ...pe... vedallaṃ, te taṃ dhammaṃ pariyāpuṇitvā tesam dhammānaṃ paññāya atthaṃ na upaparikkhanti, tesam te dhammā paññāya atthaṃ anupaparikkhantaṃ na nijjhānaṃ khamanti, te upārambhānisamsā ceva dhammaṃ pariyāpuṇanti, itivādappamokkhānisamsā ca, yassa catthāya dhammaṃ pariyāpuṇanti, tañcassa atthaṃ nānubhonti, tesam te dhammā duggahitā dīgharattaṃ ahitāya dukkhāya saṃvattanti. Taṃ kissa hetu? Duggahitattā, bhikkhave, dhammāna’’nti (ma. ni. 1.238).

Yā pana suggahitā sīlakkhandhādīpāripūrimyeva ākaṅkhamānena pariyāpuṇā, na upārambhādīhetu, ayaṃ **nissaraṇatthā**. Yaṃ sandhāya vuttaṃ – “tesam te dhammā suggahitā dīgharattaṃ hitāya sukhāya saṃvattanti. Taṃ kissa hetu? Suggahitattā, bhikkhave, dhammāna’’nti (ma. ni. 1.239).

Yaṃ pana pariññātakhandho pahīnakilesa bhāvitamaggo paṭividdhākuppo sacchikatanirodho khīṇāsavo kevalaṃ paveṇīpālanatthāya vaṃsānurakkhaṇatthāya pariyāpuṇāti, ayaṃ **bhaṇḍāgārikapariyattī**.

Vinaye pana suppaṭipanno bhikkhu sīlasampadaṃ nissāya tisso vijjā pāpuṇāti, tāsamyeva ca tattha pabhedavacanato. Sutte suppaṭipanno samādhisampadaṃ nissāya cha abhiññā pāpuṇāti, tāsamyeva ca tattha pabhedavacanato. Abhidhamme suppaṭipanno paññāsampadaṃ nissāya catasso paṭisambhidā pāpuṇāti, tāsāñca tattheva pabhedavacanato, evametesu suppaṭipanno yathākkamena imaṃ vijjāttayachalābhiññācatuppaṭisambhidābhedam sampattiṃ pāpuṇāti.

Vinaye pana duppaṭipanno anuññātasukhasamphassaattharaṇapāvuraṇādīphassasāmaññato paṭikkhittesu upādinnakaphassādīsu anavajjasaññī hoti. Vuttampi hetam – “tathāhaṃ bhagavatā dhammaṃ desitaṃ ājānāmi, yathā ye me antarāyikā dhammā antarāyikā vuttā bhagavatā, te paṭisevato nālaṃ antarāyāyā’’ti (ma. ni. 1.234). Tato dussīlabhāvaṃ pāpuṇāti. Sutte duppaṭipanno – “cattāro me, bhikkhave, puggalā santo saṃvijjamānā’’tiādīsu (a. ni. 4.5) adhippāyaṃ ajānanto duggahitaṃ gaṇhāti, yaṃ sandhāya vuttaṃ – “attanā duggahitena amhe ceva abbhācikkhati, attānañca khaṇati, bahuñca apuññaṃ pasavati’’ti (ma. ni. 1.236). Tato micchādīṭṭhitaṃ pāpuṇāti. Abhidhamme duppaṭipanno dhammacintaṃ atidhāvanto acinteyyāni cinteti. Tato cittakkhepaṃ pāpuṇāti, vuttañhetam – “cattārimāni, bhikkhave, acinteyyāni, na cintetabbāni, yāni cintento ummādassa viḥātassa bhāgī assā’’ti (a. ni. 4.77). Evametesu duppaṭipanno yathākkamena imaṃ dussīlabhāva micchādīṭṭhitaṃ cittakkhepabhedam vipattiṃ pāpuṇāti’’ti.

Ettāvatā ca –

“Pariyattibhedam sampattiṃ, vipattiñcāpi yaṃ yaḥiṃ;  
Pāpuṇāti yathā bhikkhu, tampi sabbaṃ vibhāvaye’’ti –

Ayampi gāthā vuttatthāva hoti. Evaṃ nānappakāro piṭakāni ñatvā tesam vasenetam buddhavacanam tividhanti ñātabbaṃ.

Katham nikāyavasena pañcavidham? Sabbameva cetam dīghanikāyo, majjhimānikāyo, saṃyuttānikāyo, aṅguttāranikāyo, khuddakanikāyoti pañcappabhedam hoti. Tattha katamo **dīghanikāyo**? Tivaggasaṅgahāni brahmajalādīni catuttiṃsa suttāni.

“Catuttiṃseva suttantā, tivaggo yassa saṅgaho;  
Esa dīghanikāyoti, paṭhamo anulomiko’’ti.

Kasmā pana dīghanikāyoti vuccati? Dīghappamāṇānaṃ suttānaṃ samūhato nivāsato ca. Samūhanivāsā hi nikāyoti vuccanti. “Nāhaṃ, bhikkhave, aññaṃ ekanikāyampi samanupassāmi evaṃ cittaṃ, yathayidaṃ, bhikkhave, tīracchānagatā pāṇā’’ (saṃ. ni. 2.100). Poṇikanikāyo cikkhallikanikāyoti evamādīni cettha sādhakāni sāsānato lokato ca. Evaṃ sesānampi nikāyabhāve vacanattho veditabbo.

Katamo **majjhimānikāyo**? Majjhimappamāṇāni pañcadasavaggasaṅgahāni mūlapariyāyasuttādīni

diyadḍhasataṃ dve ca suttāni.

“Diyadḍhasatasuttantā, dve ca suttāni yattha so;  
Nikāyo majjhimo pañca, dasavaggapariggaho”ti.

Katamo **saṃyuttanikāyo**? Devatāsaṃyuttādivasena kathitāni oghataraṇādīni satta suttasahassāni satta ca suttasatāni dvāsaṭṭhi ca suttāni.

“Sattasuttasahassāni, sattasuttasatāni ca;  
Dvāsaṭṭhi ceva suttantā, eso saṃyuttasaṅgho”ti.

Katamo **aṅguttaranikāyo**? Ekekaaṅgātirekavasena kathitāni cittapariyādānādīni nava suttasahassāni pañca suttasatāni sattapaññāsaṅga suttāni.

“Nava suttasahassāni, pañca suttasatāni ca;  
Sattapaññāsa suttāni, saṅkhyā aṅguttare aya”nti.

Katamo **khuddakanikāyo**? Sakalaṃ vinayapiṭakaṃ, abhidhammapiṭakaṃ, khuddakapāṭhādayo ca pubbe dassitā pañcadasappabhedā, ṭhapetvā cattāro nikāye avasesaṃ buddhavacanaṃ.

“Ṭhapetvā caturopete, nikāye dīghādikē;  
Tadaññaṃ buddhavacanaṃ, nikāyo khuddako mato”ti.

Evaṃ nikāyavasena pañcavidhaṃ.

Kathaṃ aṅgavasena navavidhaṃ? Sabbameva hidaṃ suttaṃ, geyyaṃ, veyyākaraṇaṃ, gāthā, udānaṃ, itivuttakaṃ, jātakaṃ, abbhutadhammaṃ, vedallanti navappabhedāṃ hoti. Tattha ubhatovibhaṅganiddesakhandhakaparivārā, suttanipāte maṅgalasuttaratanasuttanālakasuttatuvattakasuttāni ca aññaṃpi ca suttanāmaṃ tathāgatavacanaṃ **suttanti** veditabbaṃ. Sabbampi sagāthakaṃ suttaṃ **geyyanti** veditabbaṃ. Visesena saṃyuttake sakalopi sagāthavaggo, sakalampi abhidhammapiṭakaṃ, niggāthakaṃ suttaṃ, yañca aññaṃpi aṭṭhahi aṅgehi asaṅgahitaṃ buddhavacanaṃ, taṃ **veyyākaraṇanti** veditabbaṃ. Dhammapadaṃ, theragāthā, therīgāthā, suttanipāte nosuttanāmikā suddhikagāthā ca **gāthāti** veditabbaṃ. Somanassaññaṃamayikagāthā paṭisaṃyuttā dveasīti suttantā **udānanti** veditabbaṃ. “Vuttañhetāṃ bhagavatā”tiādinayappavattā dasuttarasatasuttantā **itivuttakanti** veditabbaṃ. Apaṇṇakajātakādīni paññāsādhikāni pañcajātakasatāni **‘jātaka’**nti veditabbaṃ. “Cattārome, bhikkhave, acchariyā abbhutā dhammā ānande”tiādinayappavattā (dī. ni. 2.209) sabbepi acchariyā abbhutadhammapaṭisaṃyuttasuttantā **abbhutadhammanti** veditabbaṃ. Cūḷavedalla-mahāvedalla-sammādiṭṭhi-sakkapañha-saṅkhārabhājanīya-mahāpuṇṇamasuttādayo sabbepi vedañca tuṭṭhiñca laddhā laddhā pucchitasuttantā **vedallanti** veditabbaṃ. Evaṃ aṅgavasena navavidhaṃ.

Kathaṃ dhammakkhandhavasena caturāsītisahassavidhaṃ? Sabbameva cetāṃ buddhavacanaṃ –

“Dvāsīti buddhato gaṇhiṃ, dve saḥassāni bhikkhuto;  
Caturāsīti saḥassāni, ye me dhammā pavattino”ti.

Evaṃ paridīpitadhammakkhandhavasena caturāsītisahassappabhedāṃ hoti. Tattha ekānusandhikaṃ suttaṃ eko dhammakkhandho. Yaṃ anekānusandhikaṃ, tattha anusandhivasena dhammakkhandhagaṇaṇā. Gāthābandhesu pañhāpucchanaṃ eko dhammakkhandho, vissajjanaṃ eko. Abhidhamme ekamekaṃ tikadukabhājanaṃ, ekamekañca cittavārabhājanaṃ, ekameko dhammakkhandho. Vinaye atthi vatthu, atthi mātikā, atthi padabhājanīyaṃ, atthi antarāpatti, atthi āpatti, atthi anāpatti, atthi tikacchedo. Tattha ekameko koṭṭhāso ekameko dhammakkhandhoti veditabbo. Evaṃ dhammakkhandhavasena caturāsītisahassavidhaṃ.

Evametāṃ abhedato rasavasena ekavidhaṃ, bhedato dhammavinayādivasena duvidhādibhedāṃ

buddhavacanaṃ saṅgāyanteṇa mahākassapappamukhena vasīgaṇeṇa “ayaṃ dhammo, ayaṃ vinayo, idaṃ paṭhamabuddhavacanaṃ, idaṃ majjhimbuddhavacanaṃ, idaṃ pacchimabuddhavacanaṃ, idaṃ vinayapaṭṭakāyaṃ, idaṃ suttantaṭṭakāyaṃ, idaṃ abhidhammapaṭṭakāyaṃ, ayaṃ dīghanikāyo...pe... ayaṃ khuddakanikāyo, imāni suttādāni navāṅgāni, imāni caturāsīti dhammakhandhasahassāni”ti, imaṃ pabhedāya vavatthapetvāva saṅgītaṃ. Na kevalaṅca imameva, aññampi uddānasaṅgaha-vaggasaṅgaha-peyyālasaṅgaha-ekakanipāta-dukanipātaṭṭakāyaṃ-saṃyuttasaṅgaha-panṇāsasaṅgahādi-anekavidhaṃ tīsu piṭṭakesu sandissamānaṃ saṅgahappabhedāya vavatthapetvā eva sattahi māsehi saṅgītaṃ.

Saṅgītipariyosāne cassa – “idaṃ mahākassapatttherena dasabalassa sāsaṇaṃ pañcavassasahassaparimāṇakālaṃ pavattanasamattamaṃ kata”nti saṅgītapamodā sādhuṅkaṃ viya dadamānā ayaṃ mahāpathavī udakapariyantaṃ katvā anekappaṅkaṃ kammaṃ saṅkammaṃ sampakammaṃ sampavedhi, anekāni ca acchariyāni pāturaheṣenti, ayaṃ paṭhamamahāsaṅgīti nāma. Yā loke –

“Satehi pañcahi katā, tena pañcasatāti ca;  
Thereheva katattā ca, therikāti pavuccatī”ti.

## 1. Brahmajālasuttavaṇṇanā

### Paribbājakakathāvaṇṇanā

Imissā paṭhamamahāsaṅgītiyā vattamānāya vinayasaṅgahāvasāne suttantaṭṭake ādinikāyassa ādisuttaṃ brahmajālaṃ pucchante āyasmā mahākassapena – “brahmajālaṃ, āvuso ānanda, kattha bhāsita”nti, evamādivuttavacanapariyosāne yattha ca bhāsitaṃ, yañcārabbha bhāsitaṃ, taṃ sabbaṃ pakāseṇa āyasmā ānanda evaṃ me sutantiādimāha. Tena vuttaṃ “brahmajālassāpi evaṃ me sutantiādikāya āyasmā ānandena paṭhamamahāsaṅgītikāle vuttaṃ nidānamādi”ti.

1. Tattha evanti nipātaṭṭakāya. Metiādiṇi nāmapadāni. Paṭipanno hotīti ettha paṭīti upasaggapadaṃ, hotīti ākhyātaṭṭakāya. Iminā tāva nayena padavibhāgo vedītabbo.

Atthato pana evaṃ-saddo tāva upamūpadesasampahamsanagaraṇavacanasampañjiggaṅkārānidassanāvadhāraṇādiānekattahappabhedo. Tathāhesa – “evaṃ jātena maccena, kattabbaṃ kusalaṃ bahu”nti (dha. pa. 53) evamādiṇi upamāyaṃ āgato. “Evaṃ te abhikkamītabbaṃ, evaṃ te paṭikkamītabba”ntiādiṇi (a. ni. 4.122) upadeso. “Evamevaṃ bhagavā, evamevaṃ sugatā”tiādiṇi (a. ni. 3.66) sampahamsane. “Evamevaṃ paṇāyaṃ vasalī yasmim vā tasmim vā tassa muṇḍakassa samaṇakassa vaṇṇaṃ bhāsati”tiādiṇi (saṃ. ni. 1.187) garaṇe. “Evaṃ, bhanteti kho te bhikkhū bhagavato paccassu”ntiādiṇi (ma. ni. 1.1) vacanasampañjiggahe. “Evaṃ byā kho ahaṃ, bhante, bhagavatā dhammaṃ desitaṃ ājānāmi”tiādiṇi (ma. ni. 1.398) ākāre. “Ehi tvaṃ, māṇavaka, yena samaṇo ānanda tenupasaṅkama, upasaṅkamitvā mama vacanena samaṇaṃ ānandaṃ appābādhaṃ appātākaṃ lahuṭṭhānaṃ balaṃ phāsuvihāraṃ puccha. “Subho māṇavo todeyyaputto bhavantaṃ ānandaṃ appābādhaṃ appātākaṃ lahuṭṭhānaṃ balaṃ phāsuvihāraṃ pucchati”ti. “Evaṃca vadehi, sādhu kira bhavaṃ ānanda yena subhassa māṇavassa todeyyaputtassa nivesanaṃ, tenupasaṅkamatā anukammaṃ upādāyā”tiādiṇi (dī. ni. 1.445) nidassane. “Taṃ kiṃ maññatha, kālāmā, ime dhammā kusalā vā akusalā vāti? Akusalā, bhante. Sāvajjā vā anavajjā vāti? Sāvajjā, bhante. Viññugarahitā vā viññuppasatthā vāti? Viññugarahitā, bhante. Samattā samādinā ahitāya dukkhāya saṃvattanti no vā, kathaṃ vo ettha hotīti? Samattā, bhante, samādinā ahitāya dukkhāya saṃvattanti, evaṃ no ettha hotī”tiādiṇi (a. ni. 3.66) avadhāraṇe. Svāyamidha ākāranidassanāvadhāraṇesu daṭṭhabbo.

Tattha ākāratthena evaṃ-saddena etamatthaṃ dīpeti, nānāyanipunaṃanekajjhāsayasamuttānaṃ, atthabyañjanasampannaṃ, vividhapāṭihāriyaṃ, dhammatthadesanāpaṭivedhagambhīraṃ, sabbasattānaṃ sakasakabhāsānurūpato sotapathamāgacchantaṃ tassa bhagavato vacanaṃ sabbappaṅkaṃ ko samattho viññātuṃ, sabbathāmena pana sotukāmatāya janetvāpi ‘evaṃ me sutamaṃ’ mayāpi ekenākāreṇa sutanti.

Nidassanattthena – “nāhaṃ sayambhū, na mayā idaṃ sacchikata”nti attānaṃ parimocento – ‘evaṃ me

sutaṃ’, ‘mayāpi evaṃ suta’nti idāni vattabbaṃ sakalaṃ suttaṃ nidasseti.

Avadhāraṇatthena – “etadaggaṃ, bhikkhave, mama sāvakaṇaṃ bhikkhūnaṃ bahussutānaṃ yadidaṃ ānando, gatimantānaṃ, satimantānaṃ, dhitimantānaṃ, upaṭṭhākānaṃ yadidaṃ ānando”ti (a. ni. 1.223).  
Evaṃ bhagavatā – “āyasmā ānando atthakusalo, dhammakusalo, byañjanakusalo, niruttikusalo, pubbāparakusalo”ti (a. ni. 5.169). Evaṃ dhammasenāpatinā ca pasatthabhāvānurūpaṃ attano dhāraṇabalaṃ dassento sattānaṃ sotukāmatāṃ janeti – ‘evaṃ me sutaṃ’, tañca kho atthato vā byañjanato vā anūnāmanadhikaṃ, evameva na aññathā daṭṭhabba’nti.

**Me**-saddo tīsu atthesu dissati. Tathā hissa – “gāthābhigītaṃ me abhojaneyya’ntiādīsu (su. ni. 81) mayāti attho. “Sādhu me, bhante, bhagavā saṅkhittena dhammaṃ desetū”tiādīsu (saṃ. ni. 4.88) mayhanti attho. “Dhammadāyādā me, bhikkhave, bhavathā”tiādīsu (ma. ni. 1.29) mamāti attho. Idha pana mayā sutanti ca, mama sutanti ca atthadvaye yujjati.

**Sutanti** ayaṃ **suta**-saddo saupasaggo ca anupasaggo ca – gamanavissutakilinna-upacitānuyoga-sotaviññeyya-sotadvārānusāra-viññātādiānekattappabhedo, tathā hissa “senāya pasuto”tiādīsu gacchantoti attho. “Sutadhammassa passato”tiādīsu (udā. 11) vissutadhammassāti attho. “Avassutā avassutassā”tiādīsu (pāci. 657) kilinnākilinnassāti attho. “Tumhehi puññaṃ pasutaṃ anappaka”ntiādīsu (khu. pā. 7.12) upacitanti attho. “Ye jhānapasutā dhīrā”tiādīsu (dha. pa. 181) jhānānuyuttāti attho. ‘Dīṭṭhaṃ sutaṃ muta’ntiādīsu (ma. ni. 1.241) sotaviññeyyanti attho. “Sutadharo sutasannicayo”tiādīsu (ma. ni. 1.339) sotadvārānusāraviññātadharoti attho. Idha panassa sotadvārānusārena upadhāritanti vā upadhāraṇanti vāti attho. ‘Me’ saddassa hi ‘mayā’ti atthe satī ‘evaṃ mayā sutaṃ’ sotadvārānusārena upadhāritanti yujjati. ‘Mamā’ti atthe satī evaṃ mama sutaṃ sotadvārānusārena upadhāraṇanti yujjati.

Evametesu tīsu padesu **evanti** sotaviññāṇādiviññāṇakiccanidassanaṃ. **Meti** vuttaviññāṇasamaṅgipuggalanidassanaṃ. **Sutanti** assavanabhāvapaṭikkhepato anūnādhikāvīparītaggahaṇanidassanaṃ. Tathā **evanti** tassā sotadvārānusārena pavattāya viññāṇavīthiyā nānappakārena ārammaṇe pavattibhāvappakāsaṇaṃ. **Meti** attappakāsaṇaṃ. **Sutanti** dhammappakāsaṇaṃ. Ayañhettha saṅkhepo – “nānappakārena ārammaṇe pavattāya viññāṇavīthiyā mayā na aññaṃ kataṃ, idaṃ pana kataṃ, ayaṃ dhammo suto”ti.

Tathā **evanti** niddisitaḥḥammappakāsaṇaṃ. **Meti** puggalappakāsaṇaṃ. **Sutanti** puggalakiccappakāsaṇaṃ. Idaṃ vuttaṃ hoti. “Yaṃ suttaṃ niddisissāmi, taṃ mayā evaṃ suta’nti.

Tathā **evanti** yassa cittasantānassa nānākārappavattiyā nānatthabyañjanaggahaṇaṃ hoti, tassa nānākāraniddeso. **Evanti** hi ayamākārappaññatti. **Meti** kattuniddeso. **Sutanti** visayaniddeso. Ettāvata nānākārappavattena cittasantānena taṃ samaṅgino kattu visayaggahaṇasanniṭṭhānaṃ kataṃ hoti.

Athavā **evanti** puggalakiccaniddeso. **Sutanti** viññāṇakiccaniddeso. **Meti** ubhayakiccayuttapuggalaniddeso. Ayaṃ panettha saṅkhepo, “mayā savanakiccaviññāṇasamaṅginā puggalena viññāṇavasena laddhasavanakiccavohārena suta’nti.

Tattha evanti ca meti ca saccikaṭṭhaparamatthavasena avijjamānapaññatti. Kiñhettha taṃ paramatthato atthi, yaṃ **evanti** vā meti vā niddesaṃ labhetha? Sutanti vijjamānapaññatti. Yañhi taṃ ettha sotena upaladdhaṃ, taṃ paramatthato vijjamānanti. Tathā ‘eva’nti ca, meti ca, taṃ taṃ upādāya vattabbato upādāpaññatti. ‘Suta’nti dīṭṭhādīni upanidhāya vattabbato upanidhāpaññatti. Ettha ca evanti vacanena asammohaṃ dīpeti. Na hi sammūlho nānappakārappaṭivedhasamattho hoti. ‘Suta’nti vacanena sutassa asammosaṃ dīpeti. Yassa hi sutaṃ sammutṭhaṃ hoti, na so kālantarena mayā sutanti paṭijānāti. Iccassa asammohena paññāsiddhi, asammosena pana satisiddhi. Tattha paññāpubbaṅgamāya satiyā byañjanāvadhāraṇasamatthatā, satipubbaṅgamāya paññāya atthappaṭivedhasamatthatā. Tadubhayasamatthatāyogena atthabyañjanasampannassa dhammakosassa anupālanasamatthato dhammabhaṇḍāgārikattasiddhi.

Aparo nayo, evanti vacanena yoniso manasikāraṃ dīpeti. Ayoniso manasikaroto hi nānappakārapaṭivedhābhāvato. Sutanti vacanena avikkhepaṃ dīpeti, vikkhittacittassa savanābhāvato. Tathā hi vikkhittacitto puggalo sabbasampattiyā vuccamānopi “na mayā sutam, puna bhaṇathā”ti bhaṇati. Yoniso manasikārena cettha attasammāpaṇidhiṃ pubbe ca katapuññataṃ sādheti, sammā appaṇihittatassa pubbe akatapuññassa vā tadabhāvato. Avikkhepena saddhammassavanaṃ sappurisūpanissayaṅca sādheti. Na hi vikkhittacitto sotuṃ sakkoti, na ca sappurise anupassayamānassa savanaṃ atthīti.

Aparo nayo, yasmā evanti yassa cittasantānassa nānākārappavattiyā nānatthabyañjanaggahaṇaṃ hoti, tassa nānākāraniddesoti vuttaṃ, so ca evaṃ bhaddako ākāro na sammāappaṇihittatano pubbe akatapuññassa vā hoti, tasmā evanti iminā bhaddakenākārena pacchimakakkadvayasampattimattano dīpeti. Sutanti savanayogena purimacakkadvayasampattiṃ. Na hi appatirūpadese vasato sappurisūpanissayavirahitassa vā savanaṃ atthi. Iccassa pacchimakakkadvayasiddhiyā āsayasuddhisiddhā hoti, purimacakkadvayasiddhiyā payogasuddhi, tāya ca āsayasuddhiyā adhiḡamabyattisiddhi, payogasuddhiyā āgamabyattisiddhi. Iti payogāsayasuddhassa āgamādhigamasampannassa vacanaṃ aruṇuggaṃ viya sūriyassa udayato yoniso manasikāro viya ca kusalakammassa arahati bhagavato vacanassa pubbaṅgamaṃ bhavitunti ṭhāne nidānaṃ ṭhapento – “evaṃ me suta”ntiādīmāha.

Aparo nayo, ‘eva’nti iminā nānappakārapaṭivedhadīpakena vacanena attano atthapaṭibhānapaṭisambhidāsampattisabbhāvaṃ dīpeti. ‘Suta’nti iminā sotabbappabhedapaṭivedhadīpakena dhammaniruttipaṭisambhidāsampattisabbhāvaṃ. ‘Eva’nti ca idaṃ yoniso manasikāradīpakaṃ vacanaṃ bhāsamāno – “ete mayā dhammā manasānupekkhitā, diṭṭhiyā suppaṭividdhā”ti dīpeti. ‘Suta’nti idaṃ savanayogadīpakaṃ vacanaṃ bhāsamāno – “bahū mayā dhammā sutā dhātā vacasā paricita”ti dīpeti. Tadubhayenāpi atthabyañjanapāripūriṃ dīpento savane ādaraṃ janeti. Atthabyañjanaparipuññaṅhi dhammaṃ ādarena assuṇanto mahatā hitā paribāhiro hotīti, tasmā ādaraṃ janetvā sakkaccaṃ ayaṃ dhammo sotabboti.

“Evaṃ me suta”nti iminā pana sakalena vacanena āyasmā ānando tathāgatappaveditaṃ dhammaṃ attano adahanto asappurisabhūmiṃ atikkamati. Sāvakattaṃ paṭijānanto sappurisabhūmiṃ okkamati. Tathā asaddhammā cittaṃ vuṭṭhāpeti, saddhamme cittaṃ paṭiṭṭhāpeti. “Kevalaṃ sutamevetam mayā, tasseva bhagavato vacana”nti dīpento attānaṃ parimoceti, satthāraṃ apadisati, jinavacanaṃ appeti, dhammanettiṃ paṭiṭṭhāpeti.

Apica “evaṃ me suta”nti attanā uppāditabhāvaṃ appaṭijānanto purimavacanaṃ vivaranto – “sammukhā paṭiggahitamidaṃ mayā tassa bhagavato catuvesārajjavīsāradassa dasabaladharassa āsabhāṭṭhānaṭṭhāyino sīhanādanādino sabbasattuttamassa dhammissarassa dhammarājassa dhammādhipatino dhammadīpassa dhammasaraṇassa saddhammavaracakkavattino sammāsambuddhassa vacanaṃ, na ettha atthe vā dhamme vā pade vā byañjane vā kaṅkhā vā vimati vā kātabbā”ti sabbesaṃ devamanussānaṃ imasmiṃ dhamme assaddhiyaṃ vināseti, saddhāsampadaṃ uppādeti. Tenetaṃ vuccati –

“Vināsayati assaddhaṃ, saddhaṃ vaḍḍheti sāsane;  
Evaṃ me sutamiccevaṃ, vadaṃ gotamasāvako”ti.

**Ekanti** gaṇanaparicchedaniddeso. **Samayanti** paricchinnaniddeso. **Ekam samayanti** aniyamitaparidīpanaṃ. Tattha **samayasaddo** –

“Samavāye khaṇe kāle, samūhe hetudiṭṭhisu;  
Paṭilābhe pahāne ca, paṭivedhe ca dissati”.

Tathā hissa – “appevanāma svepi upasaṅkameyyāma kālaṅca samayaṅca upādāyā”ti evamādīsu (dī. ni. 1.447) samavāyo attho. “Ekova kho bhikkhave, khaṇo ca samayo ca brahmacariyavāsāyā”tiādīsu (a. ni. 8.29) khaṇo. “Uṇhasamayo pariḷāhasamayo”tiādīsu (pāci. 358) kālo. “Mahāsamayo pavanasmī”ntiādīsu (dī. ni. 2.332) samūho. “Samayopi kho te, bhaddāli, appaṭividdho ahosi, bhagavā kho sāvattthiyaṃ viharati, bhagavāpi maṃ jānissati, bhaddāli nāma bhikkhu satthusāsane sikkhāya aparipūrākār”ti. Ayampi kho, te



bhaddāli, samayo appaṭividdho ahoṣī”tiādīsu (ma. ni. 2.135) hetu. “Tena kho pana samayena uggahamāno paribbājako samaṇamuṇḍikāputto samayappavādake tīdukācīre ekasālake mallikāya ārāme paṭivasatī”tiādīsu (ma. ni. 2.260) diṭṭhi.

“Diṭṭhe dhamme ca yo attho, yo cattho samparāyiko;  
Atthābhisamayā dhīro, paṇḍitoti pavuccatī”ti. (saṃ. ni. 1.128) –

Ādīsu paṭilābho. “Sammā mānābhisamayā antamakāsi dukkhassā”tiādīsu (a. ni. 7.9) pahānaṃ. “Dukkhasa pīlanaṭṭho saṅkhataṭṭho santāpaṭṭho vipariṇāmaṭṭho abhisamayāṭṭho”tiādīsu (paṭi. 108) paṭivedho. Idha panassa kālo attho. Tena saṃvaccharautumāsaddhamāsarattidivapubbaṇhamajjhanhikasāyanhapaṭhamamajjhi-mapacchimayāmamuhuttādīsu kālappabhedabhūtesu samayesu ekaṃ samayanti dīpeti.

Tattha kiñcāpi etesu saṃvaccharādīsu samayesu yaṃ yaṃ suttaṃ yasmim̐ yasmim̐ saṃvacchare utumhi māse pakkhe rattibhāge vā divasabhāge vā vuttaṃ, sabbaṃ taṃ therassa suviditaṃ suvatthāpitaṃ paññāya. Yasmā pana – “evaṃ me suttaṃ” asukasamvacchare asukautumhi asukamāse asukapakkhe asukarattibhāge asukadivasabhāge vāti evaṃ vutte na sakkā sukkena dhāretuṃ vā uddisituṃ vā uddisāpetuṃ vā, bahu ca vattabbaṃ hoti, tasmā ekeneva padena tamatthaṃ samodhānetvā “ekaṃ samaya”nti āha. Ye vā ime gabbhokantisamayo, jātisamayo, saṃvegasamayo, abhinikkhamanasamayo, dukkarakārikasamayo, māravijayasamayo, abhisambodhisamayo diṭṭhadhammasukhavihārasamayo, desanāsamayo, parinibbānasamayoti, evamādayo bhagavato devamanussesu ativiya pakāsā anekakālappabhedā eva samayā. Tesu samayesu desanāsamayasāṅkhātāṃ ekaṃ samayanti dīpeti. Yo cāyaṃ ñāṇakarūṇākkiccasamayesu karūṇākkiccasamayo, atthitaparāhitapaṭipattisamayesu parāhitapaṭipattisamayo, sannipatitānaṃ karaṇīyadvayasamayesu dhammikathāsamayo desanāpaṭipattisamayesu desanāsamayo, tesupi samayesu aññataraṃ samayaṃ sandhāya “**ekaṃ samaya**”nti āha.

Kasmā panettha yathā abhidhamme “yasmim̐ samaye kāmāvacara”nti (dha. sa. 1) ca, ito aññesu ca suttapadesu – “yasmim̐ samaye, bhikkhave, bhikkhu vivicceva kāmehī”ti ca bhummavacananiddeso kato, vinaye ca – “tena samayena buddho bhagavā”ti karaṇavacana, tathā akatvā “ekaṃ samaya”nti upayogavacananiddeso katoti? Tattha tathā idha ca aññathā atthasambhavato. Tattha hi abhidhamme ito aññesu suttapadesu ca adhikaraṇattho bhāvena bhāvalakkhaṇattho ca sambhavati. Adhikaraṇāñhi kālattho, samūhattho ca samayo, tattha tattha vuttānaṃ phassādidhammānaṃ khaṇasamavāyahetusāṅkhātassa ca samayassa bhāvena tesam̐ bhāvo lakkhīyati, tasmā tadatthajotanatthaṃ tattha bhummavacananiddeso kato.

Vinaye ca hetuattho karaṇattho ca sambhavati. Yo hi so sikkhāpadapaññattisamayo sārīputtādīhipi dubbhāñeyyo, tena samayena hetubhūtena karaṇabhūtena ca sikkhāpadāni paññāpayanto sikkhāpadapaññattihetuṇca apekkhamāno bhagavā tattha tattha vihāsi, tasmā tadatthajotanatthaṃ tattha karaṇavacana niddeso kato.

Idha pana aññasmiṇca evaṃ jātike accantasam̐yogattho sambhavati. Yañhi samayaṃ bhagavā imaṃ aññaṃ vā suttantaṃ desesi, accantameva taṃ samayaṃ karuṇāvihārena vihāsi, tasmā tadatthajotanatthaṃ idha upayogavacananiddeso katoti.

Tenetaṃ vuccati –

“Taṃ taṃ atthamapekkhitvā, bhummena karaṇena ca;  
Aññatra samayo vutto, upayogena so idhā”ti.

Porāṇā pana vaṇṇayanti – “tasmiṃ samaye”ti vā, “tena samayenā”ti vā, “ekaṃ samaya”nti vā, abhilāpamattabhedo esa, sabbattha bhummamevatthoti. Tasmā “ekaṃ samaya”nti vuttepi “ekasmiṃ samaye”ti attho veditabbo.

**Bhagavā**ti garu. Garuñhi loke bhagavāti vadanti. Ayañca sabbaguṇavisiṭṭhatāya sabbasattānaṃ garu,

tasmā bhagavāti vedītabbo. Porāṇehipi vuttaṃ –

“Bhagavāti vacanaṃ seṭṭhaṃ, bhagavāti vacanamuttamaṃ;  
Garu gāravayutto so, bhagavā tena vuccatī”ti.

Api ca –

“Bhāgyavā bhaggavā yutto, bhagehi ca vibhattavā;  
Bhattavā vantaḡamano, bhavesu bhagavā tato”ti.

Imissā gāthāya vasenassa padassa vitthāraattho vedītabbo. So ca visuddhimagge buddhānussatiniddese vuttōveva.

Ettāvata cetha **evaṃ me sutanti** vacanena yathāsutaṃ dhammaṃ dassento bhagavato dhammakāyaṃ paccakkhaṃ karoti. Tena “nayıdam atikkantasatthukaṃ pāvacaṇaṃ, ayaṃ vo satthā”ti satthu adassanena ukkaṇṭhitam jaṇaṃ samassāseti.

**Ekam samayaṃ bhagavāti** vacanena tasmim samaye bhagavato avijjamānabhāvaṃ dassento rūpakāyapariniḡbānaṃ sādheti. Tena “evaṃvidhassa nāma ariyadhammassa desako dasabaladhāro vajirasāṅghāta samānakāyo sopi bhagavā pariniḡbuto, kena añṇena jīvite āsā janetabbā”ti jīvitamadamaṭṭaṃ jaṇaṃ saṃvejeti, saddhamme cassa ussāhaṃ janeti.

**Evanti** ca bhaṇanto desanāsampattiṃ niddisati. **Me sutanti** sāvakasampattiṃ. **Ekam samayanti** kālasampattiṃ. **Bhagavāti** desakasampattiṃ.

**Antarā ca rājagahaṃ antarā ca nāḡlandanti antarā**-saddo kāraṇakhaṇacittavemajjhavivarādīsū dissati. “Tadantaraṃ ko jāneyya añṇātra tathāgatā”ti (a. ni. 6.44) ca, “janā saṅgama mantenti maṅca taṅca kimantara”nti (saṃ. ni. 1.228) ca ādīsū hi kāraṇe antarā-saddo. “Addasa maṃ, bhante, añṇātarā itthī vijjantarikāya bhājanaṃ dhovanti”tiādīsū (ma. ni. 2.149) khaṇe. “Yassantarato na santi kopā”tiādīsū (udā. 20) citte. “Antarā vosānamāpādī”tiādīsū (cūḡava. 350) vemajjhe. “Api cāyaṃ, bhikkhave, tapodā dvinnaṃ mahānirayānaṃ antarikāya āgacchatī”tiādīsū (pārā. 231) vivare. Svāyamidha vivare vattatī, tasmā rājagahassa ca nāḡlandāya ca vivareti evametthattho vedītabbo. Antarā-saddena pana yuttattā upayogavacaṇaṃ kataṃ. Īdīsesu ca ṭhānesu akkharacintakā “antarā gāmaṅca nadiṅca yātī”ti evaṃ ekameva antarāsaddaṃ payujjanti, so dutiyapadenapi yojetabbo hoti, ayojyamāne upayogavacaṇaṃ na pāpuṇāti. Idha pana yojetvāyeva vuttoti.

**Addhānamaggapaṭipanno hotīti** addhānasaṅkhātaṃ maggaṃ paṭipanno hoti, “dīghamagga”nti attho. Addhānagamanasamayassa hi vibhaṅge “aḡḡhayaḡjanaṃ gacchissāmīti bhuṅḡitabba”ntiādivacanaṭṭo (pāci. 218) aḡḡhayaḡjanaṃpi addhānamaggo hoti. Rājagahato pana nāḡlandā yojanaṃeva.

**Mahatā bhikkhusāṅghena saddhinti** ‘mahatā’ti guṇamahattenapi mahatā, saṅkhyāmahattenapi mahatā. So hi bhikkhusāṅgho guṇehipi mahā ahoṣi, appicchatādiḡguṇasamannāgatattā. Saṅkhyāyapi mahā, paṅcasatasāṅkhyattā. Bhikkhūnaṃ saṅgho ‘bhikkhusāṅgho’, tena bhikkhusāṅghena. Diṭṭhisīlasāmaṅḡasaṅghātasāṅkhātena samaṇaḡaṇenāti attho. **Saddhinti** ekato.

**Paṅcamattehi bhikkhusatehīti** paṅcamattā etesanti paṅcamattāni. Mattāti pamāṇaṃ vuccatī, tasmā yathā “bhojane mattaṅḡū”ti vutte “bhojane mattaṃ jānāti, pamāṇaṃ jānāti”ti attho hoti, evamidhāpi – “tesaṃ bhikkhusatānaṃ paṅcamattā paṅcapamāṇa”nti evamattho daṭṭhabbo. Bhikkhūnaṃ satāni bhikkhusatāni, tehi paṅcamattehi bhikkhusatehi.

**Suppiyopi kho paribbājakoti suppiyoti** tassa nāmaṃ. **Pi-kāro** maggapaṭipannasabhāgatāya puggalasampiṇḡanaṭṭho. **Kho-kāro** padasandhikaro, byaṅḡjanasiliṭṭhatāvasena vutto. **Paribbājakoti** saṅḡjayassa antevāsī channaparibbājako. Iḡaṃ vuttaṃ hoti – “yadā bhagavā taṃ addhānamaggaṃ paṭipanno,

tadā suppiyopi paribbājako paṭipanno ahoṣī’’ti. Atītakālattho hettha hoti-saddo.

**Saddhiṃ antevāsīnā brahmadattena māṇavenāti** – ettha ante vasatīti antevāsī. Samīpacāro santikāvacarō sissoti attho. **Brahmadattoti** tassa nāmaṃ. **Māṇavoti** sattopi coropi taruṇopi vuccati.

‘‘Coditā devadūtehi, ye pamajjanti māṇavā;  
Te dīgharattaṃ socanti, hīnakāyūpagā narā’’ti. (ma. ni. 3.271) –

Ādīsu hi satto māṇavoti vutto. ‘‘Māṇavehipi samāgacchanti katakammehipi akatakammehipī’’tiādīsu (ma. ni. 2.149) coro. ‘‘Ambaṭṭho māṇavo, aṅgako māṇavo’’tiādīsu (dī. ni. 1.316) taruṇo ‘māṇavo’’ti vutto. Idhāpi ayamevattho. Idañhi vuttaṃ hoti – brahmadattena nāma taruṇantevāsīnā saddhinti.

**Tatrāti** tasmīṃ addhānamagge, tesu vā dvīsu janesu. **Sudanti** nipātamattaṃ. **Anekapariyāyenāti** pariyāya-saddo tāva vāradesanākāraṇesu vattati. ‘‘Kassa nu kho, ānanda, ajja pariyāyo bhikkhuniyo ovadītu’’ntiādīsu (ma. ni. 3.398) hi vāre pariyāyasaddo vattati. ‘‘Madhupiṇḍikapariyāyotveva naṃ dhārehi’’tiādīsu (ma. ni. 1.205) desanāyaṃ. ‘‘Imināpi kho, te rājañña, pariyāyena evaṃ hotū’’tiādīsu (dī. ni. 2.411) kāraṇe. Svāyamidhāpi kāraṇe vattati, tasmā ayamettha attho – ‘‘anekavidhena kāraṇenā’’ti, ‘‘bahūhi kāraṇehī’’ti vuttaṃ hoti.

**Buddhassa avaṇṇaṃ bhāsati**ti avaṇṇavirahitassa aparimāṇavaṇṇasamannāgatassāpi buddhassa bhagavato – ‘‘yaṃ loke jātivuddhesu kattabbaṃ abhivādanādisāmīcikkammaṃ ‘sāmaggirasō’’ti vuccati, taṃ samaṇassa gotamassa natthi tasmā arasarūpo samaṇo gotamo, nibbhogo, akiriyavādo, ucchedavādo, jegucchī, venayiko, tapassī, apagabbho. Natthi samaṇassa gotamassa uttarimanussadhammo alamariyañāpadassanaviseso. Takkapariyāhataṃ samaṇo gotamo dhammaṃ deseti, vīmaṃsānucaritaṃ, sayamaṃpaṭibhānaṃ. Samaṇo gotamo na sabbaññū, na lokavidū, na anuttaro, na aggapuggalo’’ti. Evaṃ taṃ taṃ akāraṇameva kāraṇanti vatvā tathā tathā avaṇṇaṃ dosaṃ nindaṃ bhāsati.

Yathā ca buddhassa, evaṃ dhammassāpi taṃ taṃ akāraṇameva kāraṇato vatvā – ‘‘samaṇassa gotamassa dhammo durakkhāto, duppaṭivedīto, aniyyāniko, anupasamasamaṇvattaniko’’ti tathā tathā avaṇṇaṃ bhāsati.

Yathā ca dhammassa, evaṃ saṅghassāpi yaṃ vā taṃ vā akāraṇameva kāraṇato vatvā – ‘‘micchāpaṭipanno samaṇassa gotamassa sāvakaṃsaṅgho, kuṭilapaṭipanno, paccanīkaṭipadaṃ ananulomapaṭipadaṃ adhammānulomapaṭipadaṃ paṭipanno’’ti tathā tathā avaṇṇaṃ bhāsati.

Antevāsī panassa – ‘‘amhākaṃ ācariyo aparāmasitabbaṃ parāmasati, anakkamitabbaṃ akkamati, svāyaṃ aggīṃ gilanto viya, hatthena asidhāraṃ parāmasanto viya, muṭṭhinā sineruṃ padāletukāmo viya, kakacadantapantiyaṃ kīḷamāno viya, pabhinnamadaṃ caṇḍahatthiṃ hatthena gaṇhanto viya ca vaṇṇārahasseva ratanattayassa avaṇṇaṃ bhāsamāno anayabyasanaṃ pāpuṇissati. Ācariye kho pana gūṭhaṃ vā aggīṃ vā kaṇṭakaṃ vā kaṇhasappaṃ vā akkamante, sūlaṃ vā abhirūhante, halāhalaṃ vā viṣaṃ khādante, khārodakaṃ vā pakkhalante, narakapapātaṃ vā papatante, na antevāsīnā taṃ sabbamanukātābbaṃ hoti. Kammassakā hi sattā attano kammānurūpeveva gatiṃ gacchanti. Neva pitā puttassa kammena gacchati, na putto pitu kammena, na mātā puttassa, na putto mātuyā, na bhātā bhaginiyā, na bhaginī bhātu, na ācariyo antevāsīno, na antevāsī ācariyassa kammena gacchati. Mayhañca ācariyo tiṇṇaṃ ratanānaṃ avaṇṇaṃ bhāsati, mahāsāvajjo kho panāriyūpavādōti. Evaṃ yoniso ummujjivā ācariyavādaṃ maddamāno sammākāraṇameva kāraṇato apadisanto anekapariyāyena tiṇṇaṃ ratanānaṃ vaṇṇaṃ bhāsītumāraddho, yathā taṃ paṇḍitaṭṭhāntiko kulaputto’’. Tena vuttaṃ – ‘‘suppiyassa pana paribbājakassa antevāsī brahmadatto māṇavo anekapariyāyena buddhassa vaṇṇaṃ bhāsati, dhammassa vaṇṇaṃ bhāsati, saṅghassa vaṇṇaṃ bhāsati’’ti.

Tattha **vaṇṇanti** vaṇṇa-saddo saṅghāna-jāti-rūpāyatana-kāraṇa-pamāṇa-guṇa-pasaṃsādīsu dissati. Tattha ‘‘mahantaṃ sapparājavaṇṇaṃ abhinimminivā’’tiādīsu (saṃ. ni. 1.142) saṅghānaṃ vuccati. ‘‘Brāhmaṇova seṭṭho vaṇṇo, hīno añño vaṇṇo’’tiādīsu (ma. ni. 2.402) jāti. ‘‘Paramāya vaṇṇapokkharatāya samannāgato’’tiādīsu (dī. ni. 1.303) rūpāyatanaṃ.

“Na harāmi na bhañjāmi, ārā siṅghāmi vārijaṃ;  
Atha kena nu vaṇṇena, gandhatthenoti vuccatī”ti. (saṃ. ni. 1.234) –

Ādīsu kāraṇaṃ. “Tayo pattassa vaṇṇā”tiādīsu (pārā. 602) pamāṇaṃ. “Kadā saññūḷhā pana, te gahapati, ime samaṇassa gotamassa vaṇṇā”tiādīsu (ma. ni. 2.77) guṇo. “Vaṇṇārahassa vaṇṇaṃ bhāsati”tiādīsu (a. ni. 2.135) pasaṃsā. Idha guṇopi pasaṃsāpi. Ayaṃ kira taṃ taṃ bhūtaṃ kāraṇaṃ apadisanto anekapariyāyena ratanattayassa guṇūpasañhitaṃ pasaṃsaṃ abhāsī. Tattha – “ītipi so bhagavā arahaṃ sammāsambuddho”tiādīnā (pārā. 1) nayena, “ye bhikkhave, buddhe pasannā agge te pasannā”tiādīnā “ekapuggalo, bhikkhave, loke uppajjamāno uppajjati...pe... asamo asamasamo”tiādīnā (a. ni. 1.174) ca nayena buddhassa vaṇṇo veditabbo. “Svākkhāto bhagavatā dhammo”ti (dī. ni. 2.159) ca “ālayasamugghāto vaṭṭupacchedo”ti (iti. 90, a. ni. 4.34) ca, “ye bhikkhave, ariye aṭṭhaṅgike magge pasannā, agge te pasannā”ti ca evamādīhi nayehi dhammassa vaṇṇo veditabbo. “Suppaṭipanno bhagavato sāvakaṅgho”ti (dī. ni. 2.159) ca, “ye, bhikkhave, saṅghe pasannā, agge te pasannā”ti (a. ni. 4.34) ca evamādīhi pana nayehi saṅghassa vaṇṇo veditabbo. Pahontena pana dhammakathikena pañcanikāye navaṅgaṃ satthusāsaṇaṃ caturāsītīdhammakhandhasahassāni ogāhitvā buddhādīnaṃ vaṇṇo pakāsetabbo. Imasmiñhi ṭhāne buddhādīnaṃ guṇe pakāseto atitthena pakkhando dhammakathikoti na sakkā vattaṃ. Īdisesu hi ṭhānesu dhammakathikassa thāmo veditabbo. Brahmaḍatto pana māṇavo anussavādimattasambandhitena attano thāmena ratanattayassa vaṇṇaṃ bhāsati.

**Itiha te ubho ācariyantevāsīti** evaṃ te dve ācariyantevāsikā. **Aññamaññassāti** añño aññassa. **Ujuvipaccanīkavādāti** īsakampi apariharitvā ujumeva vividhapaccanīkavādā, anekavāraṃ viruddhavādā eva hutvāti attho. Ācariyena hi ratanattayassa avaṇṇe bhāsīte antevāsī vaṇṇaṃ bhāsati, puna itaro avaṇṇaṃ, itaro vaṇṇanti evaṃ ācariyo sārāphalake visarukkhaññiṃ ākotayamāno viya punappunaṃ ratanattayassa avaṇṇaṃ bhāsati. Antevāsī pana suvaṇṇarajatamañimayāya aññiyā taṃ aññiṃ paṭibāhayamāno viya punappunaṃ ratanattayassa vaṇṇaṃ bhāsati. Tena vuttaṃ – “ujuvipaccanīkavādā”ti.

**Bhagavantaṃ piṭṭhito piṭṭhito anubandhā honti bhikkhusaṅghañcāti** bhagavantañca bhikkhusaṅghañca pacchato pacchato dassanaṃ avijahantā iriyāpathānubandhanena anubandhā honti, sīsānulokino hutvā anugatā hontīti attho.

Kasmā pana bhagavā taṃ addhānaṃ paṭipanno? Kasmā ca suppiyo anubandho? Kasmā ca so ratanattayassa avaṇṇaṃ bhāsati? Bhagavā tāva tasmim kāle rājagahaparivattakesu aṭṭhārasasu mahāvihāresu aññatarasmim vasi tvā pātova sarīrapaṭṭijagganaṃ katvā bhikkhācāraṇāyaṃ bhikkhusaṅghaparivuto rājagahe piṇḍāya carati. So taṃ divasaṃ bhikkhusaṅghassa sulabhapiṇḍapātaṃ katvā pacchābhataṃ piṇḍapātaṃ paṭikkanto bhikkhusaṅghaṃ pattacīvaraṃ gāhāpetvā – “nāḷandaṃ gamissāmī”ti, rājagahato nikkhamitvā taṃ addhānaṃ paṭipanno. Suppiyopi kho tasmim kāle rājagahaparivattake aññatarasmim paribbājakāraṃ vasi tvā paribbājakaparivuto rājagahe bhikkhāya carati. Sopi taṃ divasaṃ paribbājakaparivuto sulabhābhikkhaṃ katvā bhuttapātarāso paribbājake paribbājakaparikkhāraṃ gāhāpetvā – nāḷandaṃ gamissāmicceva bhagavato taṃ maggaṃ paṭipannabhāvaṃ ajānantova anubandho. Sace pana jāneyya nānubandheyya. So ajānitvāva gacchanto gīvaṃ ukkhipitvā olokayamāno bhagavantaṃ addasa buddhasiriyā sobhamānaṃ rattakambalaparikkhittamiva jaṅgamakanakagirisikharaṃ.

Tasmim kira samaye dasabalassa sarīrato nikkhamitvā chabbaṇṇarasmiyo samantā asītihatthappamāṇe padese ādhāvanti vidhāvanti ratanāveḷaratanadāmaratanacuṇṇavippakiṇṇaṃ viya, pasārītaratanacittakañcanapaṭamiva, rattasuvaṇṇarasaniñcamānāniva, ukkāsataniṭṭasamākulamiva, nirantaravippakiṇṇakaṇikārapupphamiva vāyuvegakkhittacīnapiṭṭhacūṇṇamiva, indadhanuvijjulatātārāgaṇappabhāvisaravipphurītaviccharitamiva ca taṃ vanantaraṃ hoti.

Asīti anubyañjanānuraññitañca pana bhagavato sarīraṃ vikaṣitakamaluppalamiva, saraṃ sabbapāliphullamiva pāricchattakaṃ, tārāmarīcīvikasitamiva, gaganatalaṃ siriyā avahasantaṃ, byāmapabhāparikkhepavilāsīnī cassa dvattiṃsavaraḷakkhaṇamālā ganthetvā ṭhapitadvattiṃsacandamālāya dvattiṃsasūriyamālāya paṭipāṭiyā ṭhapitadvattiṃsacakkavattīdvattiṃsasakkadevarājadvattiṃsamahābrahmānaṃ sirim siriyā abhibhavanti.

Taṅca pana bhagavantam parivāretvā t̥hitā bhikkhū sabbeva appicchā santuṭṭhā pavivittā asaṃsaṭṭhā codakā pāpāgarahino vattāro vacanakkhamā sīlasampannā samādhipaññāvimuttivimuttinñānadassanasampannā. Tesam majjhe bhagavā rattakambalapākāraparikkhito viya kañcanathambho, rattapadumasaṇḍamajjhagatā viya suvaṇṇanāvā, pavāḷavedikāparikkhito viya aggikkhandho, tārāṇaparivārito viya puññacando migapakkhīnampi cakkhūni pīṇayati, pageva devamanussānaṃ. Tasmīṅca pana divase yebhuyyena asīmahātherā meghavaṇṇaṃ paṃsukūlaṃ ekamaṃsaṃ karitvā kattaraṇḍaṃ ādāya suvammavammitā viya gandhahatthino vīgatadosā vantadosā bhinnakilesā vijaṭṭhitaṃ chinnabandhanā bhagavantam parivārayiṃsu. So sayam vītarāgo vītarāgehi, sayam vītadoso vītadosehi, sayam vītamohehi, sayam vītataṇho vītataṇhehi, sayam nikkilesa nikkilesehi, sayam buddho anubuddhehi parivārito; pattaparivāritaṃ viya kesaram, kesaraparivāritā viya kaṇṇikā, aṭṭhanāgasahassaparivārito viya chaddanto nāgarājā, navutihamsasahassaparivārito viya dhataratṭho haṃsarājā, senaṅaparivārito viya cakkavattirājā, devaṅaparivārito viya sakko devarājā, brahmagāṇaparivārito viya hārito mahābrahmā, aparimitakālasaṅcitapuññabalānibhattāya acinteyyāya anopamāya buddhalīlāya cando viya gaganatalaṃ taṃ maggaṃ paṭipanno hoti.

Athevaṃ bhagavantam anopamāya buddhalīlāya gacchantaṃ bhikkhū ca okkhittacakkhū santindriye santamānase uparinabhe t̥hitam puññacandaṃ viya bhagavantamyeva namassamāne disvāva paribbājako attano parisam avalokesi. Sā hoti kājandaṇḍake olambetvā gahitoluggaviluggapiṭṭhakatidaṇḍamorapiñchamattikāpattapasibbakakuṇḍikādiānekaparikkhārahārabharitā. “Asukassa hatthā sobhaṇā, asukassa pādā”ti evamādiniratthakavacanā mukharā vikiṇṇavācā adassanīya apāsādikā. Tassa taṃ disvā vippaṭṭisāro udapādi.

Idāni tena bhagavato vaṇṇo vattabbo bhavēyya. Yasmā pana lābhasakkārahāniyā ceva pakkhahāniyā ca nīccampi bhagavantam usūyati. Aññatitthiyānañhi yāva buddho loke nuppajjati, tāvadeva lābhasakkārā nibbantanti, buddhuppādato pana paṭṭhāya parihīnalābhasakkārā honti, sūriyuggamane khajjopanakā viya nissirīkataṃ āpajjanti. Upatissakolitānañca sañjayaṃsa santike pabbajitakāleyeva paribbājaka mahāparisā ahesuṃ, tesu pana pakkantesu sāpi tesam parisā bhinnā. Iti imehi dvīhi kāraṇehi ayaṃ paribbājako yasmā nīccampi bhagavantam usūyati, tasmā taṃ usūyavisuggāraṃ uggiranto ratanattayassa avaṇṇameva bhāsātīti vedītabbo.

**2. Atha kho bhagavā ambalaṭṭhikāyaṃ rājāgarake ekarattivāsaṃ upagacchi saddhiṃ bhikkhusaṅghenāti** bhagavā tāya buddhalīlāya gacchamāno anupubbena ambalaṭṭhikādvāraṃ pāpuṇitvā sūriyaṃ oloketvā – “akālo dāni gantuṃ, atthasamīpaṃ gato sūriyo”ti ambalaṭṭhikāyaṃ rājāgarake ekarattivāsaṃ upagacchi.

Tattha **ambalaṭṭhikā**ti rañño uyyānaṃ. Tassa kira dvārasamīpe taruṇaambarukkho atthi, taṃ “ambalaṭṭhikā”ti vadanti. Tassa avidūre bhavattā uyyānampi ambalaṭṭhikā tveva saṅkhyāṃ gataṃ. Taṃ chāyūdakasampannaṃ pākāraparikkhitaṃ suyojjitadvāraṃ mañjusā viya suguttaṃ. Tattha rañño kīḷanattamaṃ paṭibhānaccittavittamaṃ agāraṃ akaṃsu. Taṃ “rājāgaraka”nti vuccati.

**Suppiyopi khoti** suppiyopi tasmīṃ t̥hāne sūriyaṃ oloketvā – “akālo dāni gantuṃ, bahū khuddakamahallakā paribbājaka, bahuparissayo ca ayaṃ maggo corehipi vāḷayakkhehipi vāḷamigehipi. Ayaṃ kho pana samaṇo gotamo uyyānaṃ pavīṭṭho, samaṇassa ca gotamassa vasanaṭṭhāne devatā ārakkhamaṃ gaṇhanti, handāhampi idha ekarattivāsaṃ upagantvā sveva gamissāmī”ti tadevuyyānaṃ pāvīsi. Tato bhikkhusaṅgho bhagavato vattaṃ dassetvā attano attano vasanaṭṭhānaṃ sallakkhesi. Paribbājakopi uyyānassa ekapasse paribbājakaaparikkhāre otāretvā vāsaṃ upagacchi saddhiṃ attano parisāya. Pāḷiyamārūḷhavaseneva pana – “saddhiṃ attano antevāsīnā brahmadattena māṇavenā”ti vuttaṃ.

Evamaṃ vāsaṃ upagato pana so paribbājako rattibhāge dasabalaṃ olokesi. Tasmīṅca samaye samantā vippakīṇṇatārakā viya padīpā jalanti, majjhe bhagavā nisīno hoti, bhikkhusaṅgho ca bhagavantam parivāretvā. Tattha ekabhikkhusapi hatthakukkucamaṃ vā pādakukkucamaṃ vā ukkāsitāsaddo vā khīpitasaddo vā natthi. Sā hi parisā attano ca sikkhitasikkhatāya satthari ca gāraṇenāti dvīhi kāraṇehi nivāte padīpasikhā viya nīccalā sannisīnāva ahoṃsi. Paribbājako taṃ vibhūtiṃ disvā attano parisam olokesi. Tattha keci hatthamaṃ

khīpanti, keci pādaṃ, keci vippalapanti, keci nillālitaḥivhā paggharitaḥelā, dante khādantā kākacchamānā gharuḥarupassāsino sayanti. So ratanattayassa guṇavaṇṇe vattabbepi issāvasena puna avaṇṇameva ārabhi. Brahmaddatto pana vuttanayeneva vaṇṇaṃ. Tena vuttaṃ – “tatrapī sudam suppiyo paribbājako”ti sabbam vattabbaṃ. Tattha **tatrapī** tasmimpi, ambalaṭṭhikāyaṃ uyyāneti attho.

**3. Sambahulānanti** bahukānaṃ. Tattha vinayapariyāyena tayo janā “sambahulā”ti vuccanti. Tato paraṃ saṅgho. Suttantapariyāyena pana tayo tayova tato paṭṭhāya sambahulā. Idha suttantapariyāyena “sambahulā”ti veditabbā. **Maṇḍalamāḷeti** katthaci dve kaṇṇikā gahetvā haṃsavaṭṭakacchannena katā kūtāgārasālāpi “maṇḍalamāḷo”ti vuccati, katthaci ekaṃ kaṇṇikaṃ gahetvā thambhapantiṃ parikkhipitvā katā upaṭṭhānasālāpi “maṇḍalamāḷo”ti vuccati. Idha pana nisīdanasālā “maṇḍalamāḷo”ti veditabbo. **Sannisinnānanti** nisajjanavasena. **Sannipatitānanti** samodhānavasena. **Ayaṃ saṅkhiyadhammoti** saṅkhiyā vuccati kathā, kathādhhammoti attho. **Udapādīti** uppanno. Katamo pana soti? Acchariyaṃ āvusoti evamādi. Tattha andhassa pabbatārohaṇaṃ viya niccaṃ na hotīti **acchariyaṃ**. Ayaṃ tāva saddanayo. Ayaṃ pana aṭṭhakathānayo – accharāyogganti **acchariyaṃ**. Accharaṃ paharituṃ yuttanti attho. Abhūtapubbaṃ bhūtanti **abbhutaṃ**. Ubhayaṃ petam vimhayassevādhivacanaṃ. **Yāvañcidanti** yāva ca idaṃ tena suppaṭividditāya apameyyattaṃ dasseti.

**Tena bhagavatā jānatā...pe... suppaṭividditāti** etthāyaṃ saṅkhepattho. Yo so bhagavā samatiṃsa pāramiyo pūretvā sabbakilese bhañjivā anuttaraṃ sammāsambodhiṃ abhisambuddho, tena bhagavatā tesam tesam sattānaṃ āsayānusayaṃ **jānatā**, hatthatale ṭhapitaṃ āmalakaṃ viya sabbañeyyadhammaṃ **passatā**.

Api ca pubbenivāsādīhi **jānatā**, dibbena cakkhunā **passatā**. Tīhi vijjāhi chahi vā pana abhiññāhi **jānatā**, sabbattha appaṭihatena samantacakkhunā **passatā**. Sabbadhammajānanasamatthāya vā paññāya **jānatā**, sabbasattānaṃ cakkhuvisayātītāni tirokuṭṭadigatānipi rūpāni ativisuddhena maṃsacakkhunā **passatā**. Attahitasādhikāya vā samādhipadaṭṭhānāya paṭivedhapaññāya **jānatā**, parahitasādhikāya karuṇāpadaṭṭhānāya desanāpaññāya **passatā**.

Arīnaṃ hatattā paccayādīnaṃ arahattā **arahatā**. Sammā sāmāñca sabbadhammānaṃ buddhattā sammāsambuddhena antarāyikadhamme vā **jānatā**, niyyānikadhamme **passatā**, kilesārīnaṃ hatattā **arahatā**. Sammā sāmāñca sabbadhammānaṃ buddhattā **sammāsambuddhenāti**. Evaṃ catūvesārājivasena catūhākārehi thomitena sattānaṃ **nānādhimuttikatā** nānājjhāsayatā suppaṭividditā yāva ca **suṭṭhu paṭividditā**.

Idānissa suppaṭividditabhāvaṃ dassetuṃ **ayañhīti**ādīmāha. Idaṃ vuttaṃ hoti yā ca ayaṃ bhagavatā “dhātuso, bhikkhave, sattā saṃsandanti samenti, hīnādhimuttikā hīnādhimuttikehi saddhiṃ saṃsandanti samenti, kalyāṇādhimuttikā kalyāṇādhimuttikehi saddhiṃ saṃsandanti samenti. Atītampi kho, bhikkhave, addhānaṃ dhātusova sattā saṃsandimṃsu samimṃsu, hīnādhimuttikā hīnādhimuttikehi...pe... kalyāṇādhimuttikā kalyāṇādhimuttikehi saddhiṃ saṃsandimṃsu samimṃsu, anāgatampi kho, bhikkhave, addhānaṃ...pe... saṃsandissanti samessanti, etarahipi kho, bhikkhave, paccuppannaṃ addhānaṃ dhātusova sattā saṃsandanti samenti, hīnādhimuttikā hīnādhimuttikehi...pe... kalyāṇādhimuttikā kalyāṇādhimuttikehi saddhiṃ saṃsandanti samenti”ti evaṃ sattānaṃ nānādhimuttikatā, nānājjhāsayatā, nānādiṭṭhikatā, nānākhantitā, nānārucitā, nāḷiyā minantena viya tulāya tulayantena viya ca nānādhimuttikatāññāna sabbāññutaññāna viditā, sā yāva suppaṭividditā. Dvepi nāma sattā ekajjhāsaya dullabhā lokasmiṃ. Ekasmiṃ gantukāme eko ṭhātukāmo hoti, ekasmiṃ pivitukāme eko bhuñjitukāmo. Imesu cāpi dvīsu ācariyantevāsīsu **ayañhi** “suppiyo paribbājako...pe... bhagavantaṃ piṭṭhito piṭṭhito anubandhā honti **bhikkhusaṅghaṃcā**”ti. Tattha **itihmeti** itiha ime, evaṃ imeti attho. Sesam vuttanayameva.

**4. Atha kho bhagavā tesam bhikkhūnaṃ imaṃ saṅkhiyadhammaṃ viditvāti** ettha viditvāti sabbāññutaññāna jānitvā. Bhagavā hi katthaci maṃsacakkhunā disvā jānāti – “addasā kho bhagavā mahantaṃ dārukkhandhaṃ gaṅgāya nadiyā sotena vuyhamāna”ntiādīsu (saṃ. ni. 4.241) viya. Katthaci dibbacakkhunā disvā jānāti – “addasā kho bhagavā dibbena cakkhunā visuddhena atikkantamānusakena tā devatāyo saḥassasseva pāṭaligāme vatthūni parigaṇhantiyo”tiādīsu (dī. ni. 2.152) viya. Katthaci pakatisotena sutvā jānāti – “assosi kho bhagavā āyasmato ānandassa subhaddena paribbājakena saddhiṃ imaṃ kathāsallāpa”ntiādīsu (dī. ni. 2.213) viya. Katthaci dibbasotena sutvā jānāti – “assosi kho bhagavā dibbāya

sotadhātuṃ viśuddhāya atikkantamānusiḱāya sandhānassa gahapatissa nigrodhena paribbājakena saddhiṃ imaṃ kathāsallāpa’ntiādīsu (dī. ni. 3.54) viya. Idha pana sabbaññutaññāṇena sutvā aññāsi. Kiṃ karonto aññāsi? Pacchimayāmakiccaṃ, kiccaṇca nāmetaṃ sātthakaṃ, niratthakanti duvidhaṃ hoti. Tattha niratthakakiccaṃ bhagavatā bodhipallānkeyeva arahattamaggena samugghātaṃ kataṃ. Sātthakamyeva pana bhagavato kiccaṃ hoti. Taṃ pañcavidhaṃ – purebhattakiccaṃ, pacchābhattakiccaṃ, purimayāmakiccaṃ, majjhimayāmakiccaṃ, pacchimayāmakiccanti.

Tatridaṃ purebhattakiccaṃ –

Bhagavā hi pātova uṭṭhāya upaṭṭhākānuggahatthaṃ sarīraphāsukatthaṇca mukhadhovanādisarīraparikammaṃ katvā yāva bhikkhācāraṇelā tāva vivittāsane vītināmetvā, bhikkhācāraṇelāyaṃ nivāsetvā kāyabandhanaṃ bandhitvā cīvaraṃ pārupitvā pattamādāya kadāci ekako, kadāci bhikkhusaṅghaparivuto, gāmaṃ vā nigamaṃ vā piṇḍāya pavisati; kadāci pakatiyā, kadāci anekehi pāṭihāriyehi vattamānehi. Seyyathidaṃ, piṇḍāya pavisato lokanāthassa purato purato gantvā mudugataṇvā pathaviṃ sodhenti, valāhakā udakaphusitāni muñcantā magge reṇuṃ vūpasametvā upari vitānaṃ hutvā tiṭṭhanti, apare vātā pupphāni upasaṃharitvā magge okiranti, unnatā bhūmippadesā onamanti, onatā unnamanti, pādanikkhepasamaye samāva bhūmi hoti, sukhasamphassāni padumapupphāni vā pāde sampatichanti. Indakhīlassa anto ṭhapitamatte dakkhiṇapāde sarīrato chabbaṇṇarasmiyo nikkhamitvā suvaṇṇarasapiṇḍarāni viya citraṭapaṇarikkhittāni viya ca pāsādakūṭāgārādīni alaṅkarontiyo ito cito ca dhāvanti, hatthiassavihaṅgādayo sakasakaṭṭhānesu ṭhitāyeva madhurenākāreṇa saddaṃ karonti, tathā bherivīṇādīni tūriyāni manussānaṇca kāyūpagāni ābharaṇāni. Tena saññāṇena manussā jānanti – ‘‘ajja bhagavā idha piṇḍāya pavitṭho’’ti. Te sunivatthā supārutā gandhapupphādīni ādāya gharā nikkhamitvā antaravīthiṃ paṭipajjitvā bhagavantaṃ gandhapupphādīni sakkaccaṃ pūjetvā vanditvā – ‘‘amhākaṃ, bhante, dasa bhikkhū, amhākaṃ vīsati, paññāsaṃ...pe... sataṃ dethā’’ti yācitvā bhagavatopi pattaṃ gahetvā āsanaṃ paññāpetvā sakkaccaṃ piṇḍapātena paṭimānenti. Bhagavā katabhattakicco tesam sattaṇaṃ cittasantānāni oloketvā tathā dhammaṃ deseti, yathā keci saraṇagamanesu paṭiṭṭhahanti, keci pañcasu sīlesu, keci sotāpattisakadāgāmiānāgāmiṃphalānaṃ aññatarasmiṃ; keci pabbajitvā aggaphale arahatteti. Evaṃ mahājanaṃ anuggahetvā uṭṭhāyāsanā vihāraṃ gacchati. Tattha gantvā maṇḍalamāle paññattavarabuddhāsane nisīdati, bhikkhūnaṃ bhattakiccapariyosānaṃ āgamayamāno. Tato bhikkhūnaṃ bhattakiccapariyosāne upaṭṭhāko bhagavato nivedeti. Atha bhagavā gandhakuṭiṃ pavisati. Idaṃ tāva **purebhattakiccaṃ**.

Atha bhagavā evaṃ katapurebhattakicco gandhakuṭiyā upaṭṭhāne nisīditvā pāde pakkhāletvā pādapīṭhe ṭhatvā bhikkhusaṅghaṃ oṇadati – ‘‘bhikkhave, appamādena sampādettha, dullabho buddhuppādo lokasmiṃ, dullabho manussatapaṭilābho, dullabhā sampatti, dullabhā pabbajjā, dullabhaṃ saddhammassavana’’nti. Tattha keci bhagavantaṃ kammaṭṭhānaṃ pucchanti. Bhagavāpi tesam cariyānurūpaṃ kammaṭṭhānaṃ deti. Tato sabbepi bhagavantaṃ vanditvā attano attano rattiṭṭhānadivāṭṭhānāni gacchanti. Keci araññaṃ, keci rukkhamaṇaṃ, keci pabbatādīnaṃ aññataraṃ, keci cātumahārājikabhavanaṃ...pe... keci vasavattibhavananti. Tato bhagavā gandhakuṭiṃ pavisitvā sace ākaṅkhati, dakkhiṇena passena sato sampajāno muhuttaṃ sīhaseyyaṃ kappeti. Atha samassāsitaḱāyo uṭṭhahitvā dutiyabhāge lokaṃ voloketi. Tatiyabhāge yaṃ gāmaṃ vā nigamaṃ vā upanissāya viharati tattha mahājano purebhattaṃ dānaṃ datvā pacchābhattaṃ sunivattho supāruto gandhapupphādīni ādāya vihāre sannipatati. Tato bhagavā sampattaparīsāya anurūpena pāṭihāriyena gantvā dhammasabhāyaṃ paññattavarabuddhāsane nisajja dhammaṃ deseti kālayuttaṃ samayayuttaṃ, atha kālaṃ viditvā parisam uyyojeti, manussā bhagavantaṃ vanditvā pakkamanti. Idaṃ **pacchābhattakiccaṃ**.

So evaṃ niṭṭhitapacchābhattakicco sace gattāni osiñcitukāmo hoti, buddhāsanaṃ uṭṭhāya nānakoṭṭhakaṃ pavisitvā upaṭṭhākena paṭiyāditaudakena gattāni utuṃ gaṇhāpeti. Upaṭṭhākopi buddhāsanaṃ ānetvā gandhakuṭipariveṇe paññāpeti. Bhagavā surattadupaṭṭaṃ nivāsetvā kāyabandhanaṃ bandhitvā uttarāsaṅgaṃ ekaṃsaṃ karitvā tattha gantvā nisīdati ekakova muhuttaṃ paṭisallīno, atha bhikkhū tato tato āgamma bhagavato upaṭṭhānaṃ āgacchanti. Tattha ekacce pañhaṃ pucchanti, ekacce kammaṭṭhānaṃ, ekacce dhammassavanaṃ yācanti. Bhagavā tesam adhippāyaṃ sampādento purimayāmaṃ vītināmeti. Idaṃ **purimayāmakiccaṃ**.

Purimayāmakiccapariyosāne pana bhikkhūsu bhagavantam vanditvā pakkantesu sakaladasasahassilokadhātudevātāyo okāsam labhamānā bhagavantam upasaṅkamitvā pañham pucchanti, yathābhisaṅkhatam antamaso caturakkharampi. Bhagavā tāsam devatānam pañham vissajjento majjhimayāmam vītināmeti. Idam **majjhimayāmakiccam**.

Pacchimayāmam pana tayo koṭṭhāse katvā purebhattato paṭṭhāya nisajjāya pīṭitassa sarīrassa kilāsubhāvamocanattam ekaṃ koṭṭhāsam caṅkamaṇa vītināmeti. Dutiyakoṭṭhāse gandhakuṭim pavisitvā dakkhiṇena passena sato sampajāno sīhaseyyam kappeti. Tatiyakoṭṭhāse paccuṭṭhāya nisīditvā purimabuddhānam santike dānasīlādivasena katādhikārapuggaladassanattam buddhacakkhunā lokam voloketi. Idam **pacchimayāmakiccam**.

Tasmiṃ pana divase bhagavā purebhattakiccam rājagahe pariyosāpetvā pacchābhatte maggam āgato, purimayāme bhikkhūnam kammaṭṭhānam kathetvā, majjhimayāme devatānam pañham vissajjtvā, pacchimayāme caṅkamaṇa āruya caṅkamamaṇo pañcannaṃ bhikkhusatānam imam sabbaññutaññānam ārabha pavattam katham sabbaññutaññāneva sutvā aññāsīti. Tena vuttam – ‘pacchimayāmakiccam karonto aññāsī’ ti.

Ñatvā ca panassa etadahosi – ‘ime bhikkhū mayham sabbaññutaññānam ārabha guṇam kathenti, etesaṅca sabbaññutaññānakiccam na pākaṭam, mayhameva pākaṭam. Mayi pana gate ete attano katham nirantaram āroccanti, tato nesam aham tam aṭṭhuppattim katvā tividham sīlam vibhajanto, dvāsaṭṭhiyā ṭhānesu appaṭivattiyam sīhanādam nadanto, paccayākāram samodhānetvā buddhaguṇe pākaṭe katvā, sīneruṃ ukkhipento viya suvaṇṇakūṭena nabham paharanto viya ca dasasahassilokadhātukampanam brahmajālasuttantam arahattanikūṭena niṭṭhāpento desessāmi, sā me desanā parinibbutassāpi pañcavassasahassāni sattānam amatamahānibbānam sampāpikā bhavissatī’ ti. Evaṃ cintetvā yena maṇḍalamālo tenupasaṅkamīti. **Yenāti** yena disābhāgena, so upasaṅkamitabbo. Bhummatthe vā etaṃ karaṇavacanam, yasmim padese so maṇḍalamālo, tattha gatoti ayamettha attho.

**Paññatte āsane nisīdīti** buddhakāle kira yattha yattha ekopi bhikkhu viharati sabbattha buddhāsanam paññattameva hoti. Kasmā? Bhagavā kira attano santike kammaṭṭhānam gahetvā phāsukaṭṭhāne viharante manasi karoti – ‘asuko mayham santike kammaṭṭhānam gahetvā gato, sakkhissati nu kho viśesam nibbattetuṃ no vā’ ti. Atha nam passati kammaṭṭhānam vissajjtvā akusalavitakkaṃ vitakkayamānam, tato ‘kathañhi nāma mādisassa satthu santike kammaṭṭhānam gahetvā viharantaṃ imam kulaputtam akusalavitakkā abhibhavitvā anamatagge vaṭṭadukkhe samsāressantī’ ti tassa anuggahattam tattheva attānam dassetvā tam kulaputtam ovaditvā ākāsam uppatitvā puna attano vasanaṭṭhānameva gacchati. Athevam ovadiyamānā te bhikkhū cintayimṣu – ‘sattā amhākaṃ manam jānitvā āgantvā amhākaṃ samīpe ṭhitamyeva attānam dasseti’ ti. Tasmiṃ khaṇe – ‘bhante, idha nisīdatha, idha nisīdathā’ ti āsanapariyesanam nāma bhāroti. Te āsanam paññāpetvā viharanti. Yassa pīṭham atthi, so tam paññāpeti. Yassa natthi, so mañcam vā phalakaṃ vā kaṭṭham vā pāsānam vā vālukapuñjam vā paññāpeti. Tam alabhamānā purāṇapaṇṇānīpi saṅkaḍḍhitvā tattha paṃsukūlam pattharitvā ṭhapenti. Idha pana rañño nisīdanāsanameva atthi, tam papphoṭetvā paññāpetvā parivāretvā te bhikkhū bhagavato adhimuttikaññānamārabha guṇam thomayamānā nisīdimṣu. Tam sandhāya vuttam – ‘paññatte āsane nisīdī’ ti.

Evaṃ nisinno pana jānantoyeva kathāsamuṭṭhāpanattam bhikkhū pucchi. Te cassa sabbam kathayimṣu. Tena vuttam – ‘nisajja kho bhagavā’ tiādi. Tattha **kāya netthāti** katamāya nu kathāya sannisinnā bhavathāti attho. **Kāya netthāti** pi pāli, tassā katamāya nu etthāti attho **kāya notthāti** pi pāli. Tassāpi purimoyeva attho.

**Antarākathāti**, kammaṭṭhānamanasikārauddesaparipucchādīnam antarā aññā ekā kathā. **Vippakatāti**, mama āgamanapaccayā apariniṭṭhitā sikhā appattā. Tena kiṃ dasseti? ‘Nāham tumhākaṃ kathābhāṅgattam āgato, aham pana sabbaññutāya tumhākaṃ katham niṭṭhāpetvā matthakappattam katvā dassāmīti āgato’ ti nisajjeva sabbaññūpavāraṇam pavāreti. **Ayam kho no, bhante, antarākathā vippakatā, atha bhagavā anuppattoti** etthāpi ayamadhippāyo. Ayam bhante amhākaṃ bhagavato sabbaññutaññānam ārabha guṇakathā vippakatā, na rājakathādikā tiracchānakathā, atha bhagavā anuppatto; tam no idāni niṭṭhāpetvā desethāti.



Ettāvata ca yaṃ āyasmatā ānandena kamalakuvalayujjalavimalasādhurasasalilāya pokkharāṇiyā sukhāvatarāṇatthaṃ nimmalasilātalacānavilāsasobhitaratanasopānaṃ, vippakiṇṇamuttātālasadisavālukākiṇṇapaṇḍarabhūmibhāgaṃ titthaṃ viya suvibhattabhittivicitravedikāparikkhittassa nakkhattapathaṃ phusitukāmatāya viya, vijambhitasamussayassa pāsādavarassa sukhārohaṇatthaṃ dantamayasaṇhamuduphalakakañcanalātāvinaddhamāṇigaṇappabhāsamudayujjalasobhaṃ sopānaṃ viya, suvaṇṇavalayanūpurādīsaṅghaṭṭanasaddasammissitakathitahasitamadhurassaragehajanavācaritassa ulārissarivibhavasobhitassa mahāgharassa sukhappavesanattaṃ suvaṇṇarajatamaṇimuttapavāḷādijutivissaravijjotitasuppatiṭṭhitavisāladvārabāhaṃ mahādvāraṃ viya ca atthabyaṇṇjanasampannassa buddhaguṇānubhāvasaṃsūcakassa imassa suttassa sukhāvagaṇatthaṃ kāladesadesakavatthuparisāpadesapaṭimaṇḍitaṃ nidānaṃ bhāsitaṃ, tassatthavaṇṇanā samattāti.

5. Idāni – “mamaṃ vā, bhikkhave, pare avaṇṇaṃ bhāseyyu” ntiādīnā nayena bhagavatā nikkhittassa suttassa vaṇṇanāya okāso anuppatto. Sā panesā suttavaṇṇanā. Yasmā suttanikkhepaṃ vicāretvā vuccamānā pākāṭā hoti, tasmā suttanikkhepaṃ tāva vicārayissāma. Cattāro hi suttanikkhepā – attajjhāsayo, parajjhāsayo, pucchāvasiko, aṭṭhuppattikoti.

Tattha yāni suttāni bhagavā parehi anajjhīṭṭho kevalaṃ attano ajjhāsayeneva kathesi; seyyathidaṃ, ākaṅkheyyasuttaṃ, vatthasuttaṃ, mahāsatiṭṭhānaṃ, mahāsaḷāyatanavibhaṅgasuttaṃ, ariyavaṃsasuttaṃ, sammappadhānasuttantahārako, iddhipādāndriyabalabojjhaṅgamaggaṅgasuttantahārakoti evamādīni; tesam attajjhāsayo nikkhepo.

Yāni pana “paripakkā kho rāhulassa vimuttiparipācāniyā dhammā; yaṃnūnāhaṃ rāhulaṃ uttarim āsavānaṃ khaye vineyya” nti; (saṃ. ni. 4.121) evaṃ paresaṃ ajjhāsayaṃ khantiṃ manaṃ abhinīhāraṃ bujjanabhāvañca avekkhitvā parajjhāsaya vasena kathitāni; seyyathidaṃ, cūḷarāhulovādasuttaṃ, mahārāhulovādasuttaṃ, dhammacakkappavattanaṃ, dhātu vibhaṅgasuttanti evamādīni; tesam parajjhāsayo nikkhepo.

Bhagavantaṃ pana upasaṅkamitvā catasso parisā, cattāro vaṇṇā, nāgā, supaṇṇā, gandhabbā, asurā, yakkhā, mahārājāno, tāvatimsādayo devā, mahābrahmāti evamādayo – “bojjhaṅgā bojjhaṅgā” ti, bhante, vuccanti. “Nīvaraṇā nīvaraṇā” ti, bhante, vuccanti; “ime nu kho, bhante, pañcupādānakkhandhā”. “Kiṃ sūda vittaṃ purisassa seṭṭha” ntiādīnā nayena pañhaṃ pucchanti. Evaṃ puṭṭhena bhagavatā yāni kathitāni bojjhaṅgasamuyuttādīni, yāni vā panaññāni pi devatāsamuyutta-mārasamuyutta-brahmasamuyutta-sakkapañha-cūḷavedalla-mahāvedalla-sāmaññaphala-āḷavaka-sūciloma-kharalomasuttādīni; tesam pucchāvasiko nikkhepo.

Yāni pana tāni uppannaṃ kāraṇaṃ paṭicca kathitāni, seyyathidaṃ – dhammadāyādaṃ, cūḷasīhanādaṃ, candūpamaṃ, puttamaṃsūpamaṃ, dārukhandhūpamaṃ, aggikkhandhūpamaṃ, pheṇapiṇḍūpamaṃ, pārīcchattakūpamanti evamādīni; tesam aṭṭhuppattiko nikkhepo.

Evametesu catūsu nikkhepesu imassa suttassa aṭṭhuppattiko nikkhepo. Aṭṭhuppattiyā hi idaṃ bhagavatā nikkhittaṃ. Katarāya aṭṭhuppattiyā? Vaṇṇāvaṇṇe. Ācariyo ratanattayassa avaṇṇaṃ abhāsi, antevāsī vaṇṇaṃ. Iti imaṃ vaṇṇāvaṇṇaṃ aṭṭhuppattiṃ katvā desanākusalo bhagavā – “mamaṃ vā, bhikkhave, pare avaṇṇaṃ bhāseyyu” nti desanaṃ ārabhi. Tattha **mamanti**, sāmivacanaṃ, mamāti attho. **Vāsaddo** vikappanatto. **Pareti**, paṭiviruddhā sattā. **Tatrāti** ye avaṇṇaṃ vadanti tesu.

Na āghātōtiādīhi kiñcāpi tesam bhikkhūnaṃ āghātōyeva natthi, atha kho āyatim kulaputtānaṃ īdisesupi ṭhānesu akusaluppattiṃ paṭisedhento dhammanettiṃ ṭhapeti. Tattha āhanati cittanti ‘**āghāto**’; kopassetam adhivacanaṃ. Appatītā honti tena atuṭṭhā asomanassikāti **appaccayo**; domanassassetam adhivacanaṃ. Neva attano na paresaṃ hitaṃ abhirādhatīti **anabhiraddhi**; kopassetam adhivacanaṃ. Evamettha dvīhi padehi saṅkhārakkhandho, ekena vedanākkhandhoti dve khandhā vuttā. Tesam vasena sesānampi sampayuttadhammānaṃ kāraṇaṃ paṭikkhittameva.

Evaṃ paṭhamena nayena manopadosaṃ nivāretvā, dutiyena nayena tatha ādīnavaṃ dassento āha – “tatra ce tumhe assatha kupitā vā anattamanā vā, tumhaṃ yevassa tena antarāyo”ti. Tatha ‘**tatra ce tumhe assathā**’ti tesu avaṇṇabhāsakesu, tasmim vā avaṇṇe tumhe bhaveyyātha ce; yadi bhaveyyāthāti attho. ‘Kupitā’ kopena, anattamanā domanassena. ‘**Tumhaṃ yevassa tena antarāyo**’ti tumhākaṃyeva tena kopena, tāya ca anattamanatāya paṭhamajjhānādīnaṃ antarāyo bhaveyya.

Evaṃ dutiyena nayena ādīnavaṃ dassetvā, tatiyena nayena vacanattasallakkhaṇamattepi asamattathaṃ dassento – “api nu tumhe paresa”ntiādīmāha. Tatha **paresanti** yesaṃ kesam ci. Kupito hi neva buddhapaccekabuddhaariyasāvakaṇaṃ, na mātāpitūnaṃ, na paccatthikānaṃ subhāsītadubbhāsītassa atthaṃ ājānāti. Yathāha –

“Kuddho atthaṃ na jānāti, kuddho dhammaṃ na passati;  
Andhaṃ tamaṃ tadā hoti, yaṃ kodho sahate naraṃ.

Anatthajanano kodho, kodho cittappakopano;  
Bhayamantarato jātaṃ, taṃ jano nāvabujjhatī”ti. (a. ni. 7.64);

Evaṃ sabbathāpi avaṇṇe manopadosaṃ nisedhetvā idāni paṭipajjitabbākāraṃ dassento – “tatra tumhehi abhūtaṃ abhūtaṃ”tiādīmāha.

Tatha **tatra tumhehi**, tasmim avaṇṇe tumhehi. **Abhūtaṃ abhūtaṃ nibbeṭhetabbanti** yaṃ abhūtaṃ, taṃ abhūtabhāveneva apanetabbaṃ. Kathaṃ? **Itipetaṃ abhūtaṃ**tiādīnā nayena. Tatrāyaṃ yojanā – “tumhākaṃ sathā na sabbāññū, dhammo durakkhāto, saṅgho duppaṭipanno”tiādīni sutvā na tuṅhī bhavitabbaṃ. Evaṃ pana vattabbaṃ – “iti petaṃ abhūtaṃ, yaṃ tumhehi vuttaṃ, taṃ imināpi kāraṇena abhūtaṃ, imināpi kāraṇena atacchaṃ, ‘**natthi cetam amhesu**’, ‘na ca panetaṃ amhesu saṃvijjati’, sabbāññūyeva amhākaṃ sathā, svākkhāto dhammo, suppaṭipanno saṅgho, tatra idaṅcīdaṅca kāraṇa”nti. Ettha ca dutiyaṃ padaṃ paṭhamassa, catutthaṅca tatiyassa vevacananti vedītabbaṃ. Idaṅca avaṇṇeyeva nibbeṭhanaṃ kātābbaṃ, na sabbattha. Yadi hi “tvam dussīlo, tavācariyo dussīlo, idaṅcīdaṅca tayā kataṃ, tavācariyena kata”nti vutte tuṅhībhūto adhvāseti, āsaṅkaṅyo hoti. Tasmā manopadosaṃ akatvā avaṇṇo nibbeṭhetabbo. “Oṭṭhosi, goṇosī”tiādīnā pana nayena dasahi akkosavatthūhi akkosantaṃ puggalaṃ ajjuhekkhitvā adhvāsanakantiyeva tatha kātābā.

6. Evaṃ avaṇṇabhūmiyaṃ tādīlakkhaṇaṃ dassetvā idāni vaṇṇabhūmiyaṃ dassetuṃ “mamaṃ vā, bhikkhave, pare vaṇṇaṃ bhāseyyu”ntiādīmāha. Tatha **pareti** ye keci pasannā devamanussā. Ānandanti etenāti **ānando**, pītiyā etaṃ adhvācanaṃ. Sumanassa bhāvo **somanassaṃ**, cetāsikasukhassetaṃ adhvācanaṃ. Uppilāvino bhāvo **uppilāvitattaṃ**. Kassa uppilāvitattanti? **Cetasoti**. Uddhaccāvahāya uppilāpanapītiyā etaṃ adhvācanaṃ. Idhāpi dvīhi padehi saṅkhārakkhandho, ekena vedanākkhandho vutto.

Evaṃ paṭhamanayena uppilāvitattaṃ nivāretvā, dutiyena tatha ādīnavaṃ dassento – “tatra ce tumhe assathā”tiādīmāha. Idhāpi **tumhaṃ yevassa tena antarāyoti** tena uppilāvitattena tumhākaṃyeva paṭhamajjhānādīnaṃ antarāyo bhaveyyāti attho vedītabbo. Kasmā panetaṃ vuttaṃ? Nanu bhagavatā –

“Buddhoti kittayantassa, kāye bhavati yā pīti;  
Vameva hi sā pīti, kasiṇenāpi jambudīpassa.

Dhammoti kittayantassa, kāye bhavati yā pīti;  
Vameva hi sā pīti, kasiṇenāpi jambudīpassa.

Saṅghoti kittayantassa, kāye bhavati yā pīti;  
Vameva hi sā pīti, kasiṇenāpi jambudīpassā”ti ca.

“Ye, bhikkhave, buddhe pasannā, agge te pasannā”ti ca evamādīhi anekasatehi suttehi ratanattaye pītisomanassameva vaṇṇitanti. Saccaṃ vaṇṇitaṃ, taṃ pana nekkhammanissitaṃ. Idha – “amhākaṃ buddho,

amhākaṃ dhammo’’tiādīnā nayena āyasmato channassa uppannasadisam gehassitam pītisomanassam adhippetam. Idañhi jhānādīpaṭilābhāya antarāyakaram hoti. Tenevāyasmā channopi yāva buddho na parinibbāyi, tāva visesam nibbattetum nāsakkhi, parinibbānakāle paññattena pana brahmadāṇḍena tajjito tam pītisomanassam pahāya visesam nibbatesi. Tasmā antarāyakaramyeva sandhāya idam vuttanti vedittabham. Ayañhi lobhasahagatā pīti. Lobho ca kodhasadisova. Yathāha –

‘‘Luddho attham na jānāti, luddho dhammam na passati;  
Andham tamam tadā hoti, yam lobho sahate naram.

Anatthajanano lobho, lobho cittappakopano;  
Bhayamantarato jātam, tam jano nāvabujjhati’’ti. (itivu. 88);

Tatīyavāro pana idha anāgatopi atthato āgato yevāti vedittabbo. Yatheva hi kuddho, evam luddhopi attham na jānātīti.

Paṭipajjitabbākāradassanavāre panāyam yojanā – ‘‘tumhākaṃ sathā sabbaññū araham sammāsambuddho, dhammo svākkhāto, saṅgho suppaṭipanno’’tiādīni sutvā na tuṅhī bhavitabham. Evam pana paṭijānitabham – ‘‘**itipetam bhūtam**, yam tumhehi vuttam, tam imināpi kāraṇena bhūtam, imināpi kāraṇena taccham. So hi bhagavā itipi araham, itipi sammāsambuddho; dhammo itipi svākkhāto, itipi sandīṭṭhiko; saṅgho itipi suppaṭipanno, itipi ujuppaṭipanno’’ti. ‘‘Tvam sīlavā’’ti pucchitenāpi sace sīlavā, ‘‘sīlavāhamasmī’’ti paṭijānitabbameva. ‘‘Tvam paṭhamassa jhānassa lābhī...pe... arahā’’ti puṭṭhenāpi sabhāgānam bhikkhūnamyeva paṭijānitabham. Evañhi pāpicchatā ceva parivajjitā hoti, sāsanassa ca amoghatā dīpitā hotīti. Sesam vuttanayeneva vedittabham.

### Cūlasīlavaṇṇanā

7. **Appamattakaṃ kho panetaṃ, bhikkhave**ti ko anusandhi? Idam suttam dvīhi padehi ābaddham vaṇṇena ca avaṇṇena ca. Tattha vaṇṇo – ‘‘iti petam abhūtam iti petam ataccha’’nti, ettheva udakantaṃ patvā aggiviya nivatto. Vaṇṇo pana bhūtam bhūtato paṭijānitabham – ‘‘iti petam bhūta’’nti evam anuvattatiyeva. So pana duvidho brahmadattena bhāsītavaṇṇo ca bhikkhusaṅghena acchariyam āvusotiādīnā nayena āraddhavaṇṇo ca. Tesu bhikkhusaṅghena vuttavaṇṇassa upari suññatāpakāsane anusandhiṃ dassessati. Idha pana brahmadattena vuttavaṇṇassa anusandhiṃ dassetuṃ ‘‘appamattakaṃ kho panetaṃ, bhikkhave’’ti desanā āraddhā.

Tattha **appamattakanti** parittassa nāmam. **Oramattakanti** tasseva vevacanaṃ. **Mattāti** vuccati pamāṇam. Appam mattā etassāti **appamattakaṃ**. Oraṃ mattā etassāti **oramattakaṃ**. Sīlameva **sīlamattakaṃ**. Idam vuttam hoti – ‘appamattakaṃ kho, panetaṃ bhikkhave, oramattakaṃ sīlamattakaṃ’ nāma yena ‘‘tathāgatassa vaṇṇam vadāmī’’ti ussāham katvāpi vaṇṇam vadamāno puthujjano vadeyyāti. Tattha siyā – nanu idam sīlam nāma yogino aggavibhūsanam? Yathāhu porāṇā –

‘‘Sīlam yogissa’laṅkāro, sīlam yogissa maṇḍanaṃ;  
Sīlehi’laṅkato yogī, maṇḍane aggataṃ gato’’ti.

Bhagavatāpi ca anekesu suttasatesu sīlam mahantameva katvā kathitam. Yathāha – ‘‘ākāṅkheyya ce, bhikkhave, bhikkhu ‘sābrahmacārīnam piyo cassam manāpo ca garu ca bhāvanīyo cā’ti, sīlesvevassa paripūrakārī’’ti (ma. ni. 1.65) ca.

‘‘Kikīva aṇḍam, camarīva vāladhiṃ;  
Piyamva puttam, nayanamva ekakaṃ.  
Tatheva sīlam, anurakkhamānā;  
Supesalā hotha, sadā sagāravā’’ti ca.

‘‘Na pupphagandho paṭivātameti;

Na candanaṃ taggaramallikā vā.  
Satañca gandho paṭivātameti;  
Sabbā disā sappuriso pavāyati.

Candanaṃ tagaraṃ vāpi, uppalaṃ atha vassikī;  
Etesaṃ gandhajātānaṃ, sīlagandho anuttaro.

Appamatto ayaṃ gandho, yvāyaṃ tagaracandanaṃ;  
Yo ca sīlavataṃ gandho, vāti devesu uttamo.

Tesaṃ sampannasīlānaṃ, appamādavihāriṇaṃ;  
Sammadañña vimuttānaṃ, māro maggaṃ na vīdatī’’ti ca. (dha. pa. 57);

‘‘Sīle paṭiṭṭhāya naro sapañño, cittaṃ paññañca bhāvayaṃ;  
Ātāpī nipako bhikkhu, so imaṃ vijaṭṭe jaṭa’’nti ca. (saṃ. ni. 1.23);

‘‘Seyyathāpi, bhikkhave, ye keci bījagāmahūtagāmā vuḍḍhiṃ virūḷhiṃ vepullaṃ āpajjanti, sabbe te pathaviṃ nissāya, pathaviyaṃ paṭiṭṭhāya; evamete bījagāmahūtagāmā vuḍḍhiṃ virūḷhiṃ vepullaṃ āpajjanti. Evameva kho, bhikkhave, bhikkhu sīlaṃ nissāya sīle paṭiṭṭhāya sattabojjhaṅge bhāvento sattabojjhaṅge bahulikaronto vuḍḍhiṃ virūḷhiṃ vepullaṃ pāpuṇāti dhammesū’’ti (saṃ. ni. 5.150) ca. Evaṃ aññānīpi anekāni suttāni daṭṭhabbāni. Evamanekesu suttasatesu sīlaṃ mahantameva katvā kathitaṃ. Taṃ ‘‘kasmā imasmiṃ ṭhāne appamattaka’’nti āhāti? Upari guṇe upanidhāya. Sīlañhi samādhiṃ na pāpuṇāti, samādhi paññaṃ na pāpuṇāti, tasmā uparimaṃ upanidhāya heṭṭhimaṃ oramattakaṃ nāma hoti. Kathaṃ sīlaṃ samādhiṃ na pāpuṇāti? Bhagavā hi abhisambodhito sattame saṃvacchare sāvatthinagara – dvāre kaṇḍambarukkhamūle dvādasayojane ratanamaṇḍape yojanappamāṇe ratanapallaṅke nisīditvā tiyojanike dibbasetacchatte dhāriyamāne dvādasayojanāya parisāya attādānaparidīpanaṃ titthiyamaddanaṃ – ‘‘uparimakāyato aggikkhandho pavattati, heṭṭhimakāyato udakadhārā pavattati...pe... ekekalomakūpato aggikkhandho pavattati, ekekalomakūpato udakadhārā pavattati, channaṃ vaṇṇāna’’ntiādinayappavattaṃ yamakapāṭihāriyaṃ dasseti. Tassa suvaṇṇavaṇṇasarīrato suvaṇṇavaṇṇā rasmiyo uggantvā yāva bhavaggā gacchanti, sakaladasasahassacakkavāḷassa alaṅkaraṇakālo viya hoti, dutiyā dutiyā rasmiyo purimāya purimāya yamakayamakā viya ekakkhaṇe viya pavattanti.

Dvinnañca cittānaṃ ekakkhaṇe pavatti nāma natthi. Buddhānaṃ pana bhagavantānaṃ bhavaṅgaparivāsassa lahukātāya pañcahākārehi āciṇṇavasitāya ca, tā ekakkhaṇe viya pavattanti. Tassā tassā pana rasmiyā āvajjanaparikammādhiṭṭhānāni visuṃ visuṃyeva.

Nīlarasmiatthāya hi bhagavā nīlakasiṇaṃ samāpajjati, pītarasmiatthāya pītakasiṇaṃ, lohitaodātarasmiatthāya lohitaodātakasiṇaṃ, aggikkhandhatthāya tejokasiṇaṃ, udakadhāratthāya āpokasiṇaṃ samāpajjati. Satthā caṅkamati, nimmito tiṭṭhati vā nisīdati vā seyyaṃ vā kappetūti sabbaṃ vitthāretabbaṃ. Ettha ekampi sīlassa kiccaṃ natthi, sabbaṃ samādhikiccameva. Evaṃ sīlaṃ samādhiṃ na pāpuṇāti.

Yaṃ pana bhagavā kappasatasahassādhikāni cattāri asaṅkhyeyyāni pāramiyo pūretvā, ekūnatimsavassakāle cakkavattisīrinivāsabhūtā bhavanā nikkhamma anomānadītīre pabbajitvā, chabbassāni padhānayaṃ katvā, visākhapuṇṇamāyaṃ uruvelagāme sujātāya dinnāṃ pakkhattadibbojaṃ madhupāyāsaṃ paribhuñjitvā, sāyanhasamaye dakkhiṇuttarena bodhimaṇḍaṃ pavisitvā assatthadumarājānaṃ tikkhattuṃ padakkhiṇaṃ katvā, pubbuttarabhāge ṭhito tiṇasanthāraṃ santharivā, tisandhipallaṅkaṃ ābhujitvā, caturaṅgasamannāgataṃ mettākammaṭṭhānaṃ pubbaṅgamaṃ katvā, vīriyādhīṭṭhānaṃ adhiṭṭhāya, cuddasahatthapallaṅkavaragato suvaṇṇapīṭhe ṭhapitaṃ rajatakkhandhaṃ viya paññāsahatthaṃ bodhikkhandhaṃ piṭṭhito katvā, upari mañichattena viya bodhisākhāya dhāriyamāno, suvaṇṇavaṇṇe cīvare pavāḷasadesu bodhiankuresu patamānesu, sūriye atthaṃ upagacchante mārābalaṃ vidhamitvā, paṭhamayāme pubbenivāsaṃ anussaritvā, majjhimayāme dibbacakkuṃ visodhetvā, paccūsakāle sabbabuddhānamāciṇṇe paccayākāre ñānaṃ otāretvā, ānāpānecatutthajjhānaṃ nibbattetvā,

tadeva pādaḥ katvā vipassanaṃ vaḍḍhetvā, maggapaṭipāṭiyā adhigatena catutthamaggena sabbakilese khepetvā sabbabuddhagūṇe paṭivijjhi, idamassa paññāciccaṃ. Evaṃ samādhi paññaṃ na pāpuṇāti.

Tattha yathā hatthe udakaṃ pātiyaṃ udakaṃ na pāpuṇāti, pātiyaṃ udakaṃ ghaṭe udakaṃ na pāpuṇāti, ghaṭe udakaṃ kolambe udakaṃ na pāpuṇāti, kolambe udakaṃ cāṭiyaṃ udakaṃ na pāpuṇāti, cāṭiyaṃ udakaṃ mahākumbhiyaṃ udakaṃ na pāpuṇāti, mahākumbhiyaṃ udakaṃ kusobbhe udakaṃ na pāpuṇāti, kusobbhe udakaṃ kandare udakaṃ na pāpuṇāti, kandare udakaṃ kunnadiyaṃ udakaṃ na pāpuṇāti, kunnadiyaṃ udakaṃ pañcamahānadiyaṃ udakaṃ na pāpuṇāti, pañcamahānadiyaṃ udakaṃ cakkavāḷamahāsamudde udakaṃ na pāpuṇāti, cakkavāḷamahāsamudde udakaṃ sinerupādake mahāsamudde udakaṃ na pāpuṇāti. Pātiyaṃ udakaṃ upanidhāya hatthe udakaṃ parittaṃ...pe... sinerupādakamahāsamudde udakaṃ upanidhāya cakkavāḷamahāsamudde udakaṃ parittaṃ. Iti uparūpari udakaṃ bahukaṃ upādāya heṭṭhā heṭṭhā udakaṃ parittaṃ hoti.

Evameva upari upari gūṇe upādāya heṭṭhā heṭṭhā sīlaṃ appamattakaṃ oramattakanti veditabbaṃ. Tenāha – “appamattakaṃ kho panetaṃ, bhikkhave, oramattakaṃ sīlamattaka”nti.

**Yena puthujjanoti, ettha –**

“Duve puthujjanā vuttā, buddhenādiccabandhunā;  
Andho puthujjano eko, kalyāṇeko puthujjano”ti.

Tattha yassa khandhadhātuāyatanādīsu uggahaparipucchāsavanadhāraṇapaccavekkhaṇāni natthi, ayaṃ andhaputhujjano. Yassa tāni atthi, so kalyāṇaputhujjano. Duvidhopi panesa –

“Puthūnaṃ jananaḍīhi, kāraṇehi puthujjano;  
Puthujjanantogadhata, puthuvāyaṃ jano itī”.

So hi puthūnaṃ nānappakāraṇaṃ kilesāḍīnaṃ jananaḍīhi kāraṇehi puthujjano. Yathāha –

“Puthu kilese janentīti puthujjanā, puthu avihatasakkāyaditthikāti puthujjanā, puthu sathārānaṃ mukhullokikāti puthujjanā, puthu sabbagatīhi avuttitāti puthujjanā, puthu nānābhisaṅkhāre abhisāṅkharontīti puthujjanā, puthu nānāoghehi vuyhanti, puthu santāpehi santappanti, puthu pariḷāhehi pariḍayhanti, puthu pañcasu kāmaguṇesu rattā gidhā gathitā mucchitā ajjhoppānā laggā laggitā palibuddhāti puthujjanā, puthu pañcahi nīvaraṇehi āvutā nivutā ovutā pihitā paṭicchannā paṭikujjitāti puthujjanā”ti. Puthūnaṃ gaṇanapathamatītānaṃ ariyadhammaparammukhānaṃ nīcadhammasamācārānaṃ janānaṃ antogadhatapi puthujjano, puthuvāyaṃ visumyeva saṅkhyāṃ gato viśaṃsaṭṭho sīlasutādiguṇayuttehi ariyehi janehīti puthujjanoti.

**Tathāgatassāti atthahi kāraṇehi bhagavā tathāgato.** Tathā āgatoti tathāgato, tathā gatoti tathāgato, tathalakkaṇaṃ āgatoti tathāgato, tathadhamme yāthāvato abhisambuddhoti tathāgato, tathadassitāya tathāgato, tathavāḍitāya tathāgato, tathākāritāya tathāgato, abhibhavanaṭṭhena tathāgatoti.

Kathaṃ bhagavā **tathā āgatoti tathāgato?** Yathā sabbalokahitāya ussukkamāpannā purimakā sammāsambuddhā āgatā, yathā vipassī bhagavā āgato, yathā sikhī bhagavā, yathā vessabhū bhagavā, yathā kakusandho bhagavā, yathā koṇāgamano bhagavā, yathā kassapo bhagavā āgato. Kiṃ vuttaṃ hoti? Yena abhinīhārena ete bhagavanto āgatā, teneva amhākampi bhagavā āgato. Atha vā yathā vipassī bhagavā...pe... yathā kassapo bhagavā dānapāramiṃ pūretvā, sīlanekkhampapaññāvīriyakhantisaccaadhiṭṭhānamettāupekkhāpāramiṃ pūretvā, imā dasa pāramiyo, dasa upapāramiyo, dasa paramatthapāramiyoti samatīmsapāramiyo pūretvā āṅgapariccāgaṃ, nayanadhanarajjaputtadārapariccāgantī ime pañca mahāpariccāge pariccājitvā pubbayogapubbacariyadhammakkhānañātathacariyādayo pūretvā buddhicariyāya koṭiṃ patvā āgato; tathā amhākampi bhagavā āgato. Atha vā yathā vipassī bhagavā...pe... kassapo bhagavā cattāro satipaṭṭhāne, cattāro sammappadhāne, cattāro iddhipāde, pañcindriyāni, pañca balāni, satta bojjhaṅge, ariyaṃ atthaṅgikaṃ

maggam bhāvetvā brūhetvā āgato, tathā amhākampi bhagavā āgato. Evaṃ tathā āgatoti tathāgato.

“Yatheva lokamhi vipassīdayo,  
Sabbaññubhāvaṃ munayo idhāgatā;  
Tathā ayaṃ sakyamunīpi āgato,  
Tathāgato vuccati tena cakkhumā”ti.

Evaṃ tathā āgatoti tathāgato.

Kathaṃ **tathā gatoti tathāgato?** Yathā sampatijāto vipassī bhagavā gato...pe... kassapo bhagavā gato.

Kathaṃca so bhagavā gato? So hi sampati jātova samehi pādehi pathaviyaṃ patiṭṭhāya uttarābhimukho sattapadavītiḥārena gato. Yathāha – “sapatijāto kho, ānanda, bodhisatto samehi pādehi patiṭṭhahitvā uttarābhimukho sattapadavītiḥārena gacchati, setamhi chatte anudhāriyamāne sabbā ca disā anuviloketi, āsabhīṃ vācaṃ bhāsati – ‘aggohamasmi lokassa, jeṭṭhohamasmi lokassa, seṭṭhohamasmi lokassa, ayamantimā jāti, natthidāni punabbhavo’ti’” (dī. ni. 2.31).

Taṅcassa gamanaṃ tathaṃ ahoṣi? Avitathaṃ anekesaṃ visesādhigamānaṃ pubbanimittabhāvena. Yañhi so sampatijātova samehi pādehi patiṭṭhahi. Idamassa caturiddhipādapaṭilābhassa pubbanimittam.

Uttarābhimukhabhāvo pana sabbalokuttarabhāvassa pubbanimittam.

Sattapadavītiḥāro, sattabojjhaṅgaratanapaṭilābhassa.

“Suvaṇṇadaṇḍā vītipatanti cāmarā”ti, ettha vuttacāmarukkhepo pana sabbatitthiyanimmaddanassa.

Setacchattadhāraṇam, arahattavimuttivaravimalasetacchattapaṭilābhassa.

Sattamapadūpari ṭhatvā sabbadisānuvilokanaṃ, sabbaññutānāvarenañāṇapaṭilābhassa.

Āsabhivācābhāsaṃ appaṭivattiyavaradhammacakkappavattanassa pubbanimittam.

Tathā ayaṃ bhagavāpi gato, taṅcassa gamanaṃ tathaṃ ahoṣi, avitathaṃ, tesamyeva visesādhigamānaṃ pubbanimittabhāvena.

Tenāhu porāṇā –

“Muhuttajātova gavampatī yathā,  
Samehi pādehi phusī vasundharaṃ;  
So vikkamī satta padāni gotamo,  
Setaṅca chattaṃ anudhārayuṃ marū.

Gantvāna so satta padāni gotamo,  
Disā vilokesi samā samantato;  
Aṭṭhaṅgupetaṃ giramabbhudīrayi,  
Sīho yathā pabbatamuddhaniṭṭhito”ti.

Evaṃ tathā gatoti tathāgato.

Atha vā yathā vipassī bhagavā...pe... yathā kassapo bhagavā, ayampi bhagavā tatheva nekkhammena kāmacchandaṃ pahāya gato, abyāpādena byāpādaṃ, ālokasaññāya thinamidham, avikkhepena uddhaccakukkuccaṃ, dhammavavattānena vicikicchaṃ pahāya ñāṇena avijjaṃ padāletvā, pāmojjena aratiṃ

vinodetvā, paṭhamajjhānena nīvaranaḥkavāṭaṃ ugghāṭetvā, dutiyajjhānena vitakkavicāraṃ vūpasametvā, tatiyajjhānena pītiṃ virājetvā, catutthajjhānena sukhadukkhaṃ pahāya, ākāsaṇaṇcāyatanasamāpattiyā rūpasaññāpaṭighasaññānānattasaññāyo samatikkamitvā, viññāṇaṇcāyatanasamāpattiyā ākāsaṇaṇcāyatanasaññāṃ, ākiñcaññāyatanasamāpattiyā viññāṇaṇcāyatanasaññāṃ, nevasaññānāsaññāyatanasamāpattiyā ākiñcaññāyatanasaññāṃ samatikkamitvā gato.

Aniccānupassanāya niccasaññāṃ pahāya, dukkhānupassanāya sukhasaññāṃ, anattānupassanāya attasaññāṃ, nibbidānupassanāya nandiṃ, virāgānupassanāya rāgaṃ, nirodhānupassanāya samudayaṃ, paṭinissaggānupassanāya ādānaṃ, khayānupassanāya ghanasaññāṃ, vayānupassanāya āyūhanaṃ, vipariṇāmanānupassanāya dhuvasaññāṃ, animittānupassanāya nimittaṃ, appaṇihitānupassanāya paṇidhiṃ, suññatānupassanāya abhinivesaṃ, adhipaññādharmavipassanāya sārādānābhinivesaṃ, yathābhūtaññānadassanena sammohābhinivesaṃ, ādīnavānupassanāya ālayābhinivesaṃ, paṭisaṅkhānupassanāya appaṭisaṅkhaṃ, vivaṭṭānupassanāya saṃyogābhinivesaṃ, sotāpattimaggena diṭṭhekaṭṭhe kilese bhañjitvā, sakadāgāmimaggena oḷārike kilese pahāya, anāgāmimaggena aṇusahagata kilese samugghāṭetvā, arahattamaggena sabbakilese samucchinditvā gato. Evampi tathā gatoti tathāgato.

Kathaṃ **tathalakkhaṇaṃ āgatoti tathāgato?** Pathavīdhātuyā kakkhaḷattalakkhaṇaṃ tathaṃ avitathaṃ. Āpodhātuyā paggharaṇalakkhaṇaṃ. Tejodhātuyā uṇhattalakkhaṇaṃ. Vāyodhātuyā vitthambhanalakkhaṇaṃ. Ākāsadhātuyā asamphuṭṭhalakkhaṇaṃ. Viññāṇadhātuyā vijānanalakkhaṇaṃ.

Rūpassa ruppanalakkhaṇaṃ. Vedanāya vedayitalakkhaṇaṃ. Saññāya sañjānanalakkhaṇaṃ. Saṅkhārānaṃ abhisāṅkharāṇalakkhaṇaṃ. Viññāṇassa vijānanalakkhaṇaṃ.

Vitakkassa abhiniropanalakkhaṇaṃ. Vicārassa anumajjanalakkhaṇaṃ pītiyā pharaṇalakkhaṇaṃ. Sukhassa sātālakkhaṇaṃ. Cित्tekaggatāya avikkhepalakkhaṇaṃ. Phassassa phusanalakkhaṇaṃ.

Saddhindriyassa adhimokkhalakkhaṇaṃ. Vīriyindriyassa paggahalakkhaṇaṃ. Satindriyassa upaṭṭhānalakkhaṇaṃ. Samādhindriyassa avikkhepalakkhaṇaṃ. Paññindriyassa pajānanalakkhaṇaṃ.

Saddhābalassa assaddhiye akampiyalakkhaṇaṃ. Vīriyabalassa kosajje, satibalassa muṭṭhassacce. Samādhibalassa uddhacce, paññābalassa avijjāya akampiyalakkhaṇaṃ.

Satisambojjhaṅgassa upaṭṭhānalakkhaṇaṃ. Dhammavicayasambojjhaṅgassa pavicayalakkhaṇaṃ. Vīriyasambojjhaṅgassa paggahalakkhaṇaṃ. Pītisambojjhaṅgassa pharaṇalakkhaṇaṃ. Passaddhisambojjhaṅgassa vūpasamalakkhaṇaṃ. Samādhisambojjhaṅgassa avikkhepalakkhaṇaṃ. Upekkhāsambojjhaṅgassa paṭisaṅkhānalakkhaṇaṃ.

Sammādiṭṭhiyā dassanalakkhaṇaṃ. Sammāsāṅkappassa abhiniropanalakkhaṇaṃ. Sammāvācāya pariggahalakkhaṇaṃ. Sammākammantassa samuṭṭhānalakkhaṇaṃ. Sammāājīvassa vodānalakkhaṇaṃ. Sammāvāyāmassa paggahalakkhaṇaṃ. Sammāsatiyā upaṭṭhānalakkhaṇaṃ. Sammāsamādhissa avikkhepalakkhaṇaṃ.

Avijjāya aññāṇalakkhaṇaṃ. Saṅkhārānaṃ cetanālakkaṇaṃ. Viññāṇassa vijānanalakkhaṇaṃ. Nāmassa namanalakkhaṇaṃ. Rūpassa ruppanalakkhaṇaṃ. Saḷāyatanassa āyatanalakkhaṇaṃ. Phassassa phusanalakkhaṇaṃ. Vedanāya vedayitalakkhaṇaṃ. Taṇhāya hetulakkhaṇaṃ. Upādānassa gahaṇalakkhaṇaṃ. Bhavassa āyūhanalakkhaṇaṃ. Jātiyā nibbattilakkhaṇaṃ. Jarāya jīraṇalakkhaṇaṃ. Maraṇassa cutilakkhaṇaṃ.

Dhātūnaṃ suññatālakkaṇaṃ. Āyatanānaṃ āyatanalakkhaṇaṃ. Satipaṭṭhānānaṃ upaṭṭhānalakkhaṇaṃ. Sammappadhānānaṃ padahanalakkhaṇaṃ. Iddhipādānaṃ ijjhanalakkhaṇaṃ. Indriyānaṃ adhipatīlakkaṇaṃ. Balānaṃ akampiyalakkhaṇaṃ. Bojjhaṅgānaṃ niyyānalakkhaṇaṃ. Maggassa hetulakkhaṇaṃ.

Saccānaṃ tathalakkhaṇaṃ. Samathassa avikkhepalakkhaṇaṃ. Vipassanāya anupassanālakkaṇaṃ.

Samathavipassanānaṃ ekarasalakkhaṇaṃ. Yuganaddhānaṃ anativattanalakkhaṇaṃ.

Sīlavisuddhiyā saṃvaralakkhaṇaṃ. Cittavisuddhiyā avikkhepalakkhaṇaṃ. Diṭṭhivisuddhiyā dassanalakkhaṇaṃ.

Khaye ñāṇassa samucchedanalakkhaṇaṃ. Anuppāde ñāṇassa passaddhilakkhaṇaṃ.

Chandassa mūlalakkhaṇaṃ. Manasikārassa samuṭṭhāpanalakkhaṇaṃ. Phassassa samodhānalakkhaṇaṃ. Vedanāya samosaraṇalakkhaṇaṃ. Samādhissa pamukhalakkhaṇaṃ. Satiyā ādhipeyyalakkhaṇaṃ. Paññāya tatuttariyalakkhaṇaṃ. Vimuttiyā sārālakkaṇaṃ... amatogadhassa nibbānassa pariyoṣānalakkhaṇaṃ tathaṃ avitathaṃ. Evaṃ tathalakkhaṇaṃ ñāṇagatiyā āgato avirajjhivā patto anuppattoti tathāgato. Evaṃ tathalakkhaṇaṃ āgatoti tathāgato.

Kathaṃ **tathadhamme yāthāvato abhisambuddhoti tathāgato?** Tathadhammā nāma cattāri ariyasaccāni. Yathāha – “cattārimāni, bhikkhave, tathāni avitathāni anaññathāni. Katamāni cattāri? ‘Idaṃ dukkha’nti bhikkhave, tathametam avitathametaṃ anaññathameta’nti (saṃ. ni. 5.1090) vitthāro. Tāni ca bhagavā abhisambuddho, tasmā tathānaṃ dhammānaṃ abhisambuddhattā tathāgatoti vuccati. Abhisambuddhattho hettha gatasaddo.

Api ca jarāmaṇassa jātipaccayasambhūtasamudāgataṭṭho tatho avitatho anaññatho...pe..., saṅkhārānaṃ avijjāpaccayasambhūtasamudāgataṭṭho tatho avitatho anaññatho...pe..., tathā avijjāya saṅkhārānaṃ paccayaṭṭho, saṅkhārānaṃ viññāṇassa paccayaṭṭho...pe..., jātiyā jarāmaṇassa paccayaṭṭho tatho avitatho anaññatho. Taṃ sabbaṃ bhagavā abhisambuddho, tasmāpi tathānaṃ dhammānaṃ abhisambuddhattā tathāgatoti vuccati. Evaṃ tathadhamme yāthāvato abhisambuddhoti tathāgato.

Kathaṃ **tathadassitāya tathāgato?** Bhagavā yaṃ sadevake loke...pe..., sadevamanussāya pajāya aparimāṇāsu lokadhātūsu aparimāṇānaṃ sattānaṃ cakkhudvāre āpāthamāgacchantaṃ rūpārammaṇaṃ nāma atthi, taṃ sabbākārato jānāti passati. Evaṃ jānatā passatā ca, tena taṃ iṭṭhāniṭṭhādivasena vā diṭṭhasutamutaviññātesu labbhamānakapadavasena vā. “Katamaṃ taṃ rūpaṃ rūpāyatanam? Yaṃ rūpaṃ catunnaṃ mahābhūtānaṃ upādāya vaṇṇanibhā sanidassanaṃ sappatiṅgaṃ nīlaṃ pītaka’ntiadinā (dha. sa. 616) nayena anekehi nāmehi terasahi vārehi dvepaññāsāya nayehi vibhajjamaṇaṃ tathameva hoti, vitathaṃ natthi. Esa nayo sotadvārādīsupi āpāthamāgacchantesu saddādīsū. Vuttañcetaṃ bhagavatā – “yaṃ bhikkhave, sadevakassa lokassa...pe... sadevamanussāya pajāya diṭṭhaṃ sutam mutam viññātam pattam pariyesitam anuvaritaṃ manasā, tamahaṃ jānāmi. Tamahaṃ abhāññāsim, taṃ tathāgatassa viditam, taṃ tathāgato na upaṭṭhāsī’nti (a. ni. 4.24). Evaṃ tathadassitāya tathāgato. Tattha tathadassī atthe tathāgatoti padasambhavo veditabbo.

Kathaṃ **tathavāditāya tathāgato?** Yaṃ rattim bhagavā bodhimaṇḍe aparājītapallaṅke nisinna tiṇṇaṃ mārānaṃ matthakaṃ madditvā anuttaraṃ sammāsambodhiṃ abhisambuddho, yañca rattim yamakasālānamantare anupādisesāya nibbānadhātuyā parinibbāyi, etthantare pañcattālīsavassaparimāṇe kāle paṭhamabodhiyāpi majjhimabodhiyāpi pacchimabodhiyāpi yaṃ bhagavatā bhāsitaṃ – suttaṃ, geyyaṃ...pe... vedallaṃ, taṃ sabbaṃ atthato ca byañjanato ca anupavajjaṃ, anūnāmanadhikaṃ, sabbākārāparipuṇṇaṃ, rāgamadanimmadaṇaṃ, dosamohadanimmadaṇaṃ. Natthi tattha vālaggamattampi avakkhalitaṃ, sabbaṃ taṃ ekamuddikāya lañchitaṃ viya, ekañāḷiyā mitaṃ viya, ekatulāya tulitaṃ viya ca, tathameva hoti avitathaṃ anaññathaṃ. Tenāha – “yañca, cunda, rattim tathāgato anuttaraṃ sammāsambodhiṃ abhisambujjhāti, yañca rattim anupādisesāya nibbānadhātuyā parinibbāyati, yaṃ etasmiṃ antare bhāsati lapati niddisati, sabbaṃ taṃ tatheva hoti, no aññathā. Tasmā ‘tathāgato’nti vuccatī’nti (a. ni. 4.23). Gadattho hettha gatasaddo. Evaṃ tathavāditāya tathāgato.

Api ca āgadanam āgado, vacananti attho. Tayo aviparīto āgado assāti, da-kārassa ta-kāraṃ katvā tathāgatoti evametasmim atthe padasiddhi veditabbā.

Kathaṃ **tathākāritāya tathāgato?** Bhagavato hi vācāya kāyo anulometi, kāyassapi vācā, tasmā



yathāvādī tathākārī, yathākārī tathāvādī ca hoti. Evaṃbhūtassa cassa yathāvācā, kāyopi tathā gato pavattoti attho. Yathā ca kāyo, vācāpi tathā gatā pavattāti tathāgato. Tenevāha – “yathāvādī, bhikkhave, tathāgato tathākārī, yathākārī tathāvādī. Iti yathāvādī tathākārī yathākārī tathāvādī. Tasmā ‘tathāgato’ ti vuccatī” ti (a. ni. 4.23). Evaṃ tathākārītāya tathāgato.

Kathaṃ **abhibhavanaṭṭhena tathāgato?** Upari bhavaggaṃ heṭṭhā avīciṃ pariyantaṃ katvā tiriyaṃ aparimāṇāsu lokadhātūsu sabbasatte abhibhavati sīlenapi samādhināpi paññāyapi vimuttiyāpi, vimuttiñāṇadassanenapi na tassa tulā vā pamāṇaṃ vā atthi; atulo appameyyo anuttaro rājātirāḷā devadevo sakkānaṃ atisakko brahmānaṃ atibrahmā. Tenāha – “sadevake, bhikkhave, loke...pe... sadevamanussāya pajāya tathāgato abhibhū anabhibhūto aññadatthudaso vasavattī, tasmā ‘tathāgato’ ti vuccatī” ti.

Tatrevaṃ padasiddhi veditabbā. Agado viya agado. Ko panesa? Desanāvīlāsamayo ceva puññussayo ca. Tena hesa mahānubhāvo bhisakko dibbāgadena sappe viya sabbaparappavādino sadevakañca lokaṃ abhibhavati. Iti sabbālokābhibhavane tatho aviparīto desanāvīlāsamayo ceva puññussayo ca agado assāti. Da-kārassa ta-kāraṃ katvā tathāgatoti veditabbo. Evaṃ abhibhavanaṭṭhena tathāgato.

Api ca tathāya gatotipi tathāgato, tathaṃ gatotipi tathāgato. **Gatoti** avagato, atīto patto paṭipannoti attho.

Tattha sakalalokaṃ tīraṇapariññāya tathāya gato avagatoti tathāgato. Lokasamudayaṃ pahānapariññāya tathāya gato atītoti tathāgato. Lokanīrodhaṃ sacchikiriyāya tathāya gato pattoti tathāgato. Lokanīrodhagāminīṃ paṭipadaṃ tathaṃ gato paṭipannoti tathāgato. Tena vuttaṃ bhagavatā –

“Loko, bhikkhave, tathāgatena abhisambuddho, lokasmā tathāgato viśamyutto. Lokasamudayo, bhikkhave, tathāgatena abhisambuddho, lokasamudayo tathāgatassa pahīno. Lokanīrodho, bhikkhave, tathāgatena abhisambuddho, lokanīrodho tathāgatassa sacchikato. Lokanīrodhagāminī paṭipadā, bhikkhave, tathāgatena abhisambuddhā, lokanīrodhagāminī paṭipadā tathāgatassa bhāvitā. Yaṃ bhikkhave, sadevakassa lokassa...pe... sabbaṃ taṃ tathāgatena abhisambuddhaṃ. Tasmā, tathāgatoti vuccatī” ti (a. ni. 4.23).

Tassapi evaṃ attho veditabbo. Idampi ca tathāgatassa tathāgatabhāvadīpane mukhamattameva. Sabbākārena pana tathāgatova tathāgatassa tathāgatabhāvaṃ vaṇṇeyya.

**Katamañca taṃ bhikkhaveti** yena appamattakena oramattakena sīlamattakena puthujjano tathāgatassa vaṇṇaṃ vadamāno vadeyya, taṃ katamantī pucchati? Tattha pucchā nāma adīṭṭhajotanā pucchā, dīṭṭhasaṃsandanā pucchā, vimaticchedanā pucchā, anumati pucchā, kathetukamyatā pucchāti pañcavidhā hoti.

Tattha katamā **adīṭṭhajotanā pucchā?** Pakatiyā lakkhaṇaṃ aññātaṃ hoti, adīṭṭhaṃ atulitaṃ atīritaṃ avibhūtaṃ avibhāvitaṃ, tassa nāñāya dassanāya tulanāya tīraṇāya vibhāvanāya pañhaṃ pucchati, ayaṃ adīṭṭhajotanā pucchā.

Katamā **dīṭṭhasaṃsandanā pucchā?** Pakatiyā lakkhaṇaṃ nātaṃ hoti, dīṭṭhaṃ tulitaṃ tīritaṃ vibhūtaṃ vibhāvitaṃ, tassa aññehi paṇḍitehi saddhiṃ saṃsandanathāya pañhaṃ pucchati, ayaṃ dīṭṭhasaṃsandanā pucchā.

Katamā **vimaticchedanā pucchā?** Pakatiyā saṃsayapakkhando hoti, vimatipakkhando, dvelhajakajāto, “evaṃ nu kho, na nu kho, kinnu kho, kathaṃ nu kho” ti. So vimaticchedanathāya pañhaṃ pucchati. Ayaṃ vimaticchedanā pucchā.

Katamā **anumatipucchā?** Bhagavā bhikkhūnaṃ anumatiyā pañhaṃ pucchati – “taṃ kiṃ maññatha, bhikkhave, rūpaṃ niccaṃ vā aniccaṃ vā” ti. Aniccaṃ, bhante. Yaṃ panāniccaṃ, dukkhaṃ vā taṃ sukhaṃ vāti? Dukkhaṃ bhanteti (mahāva. 21) sabbaṃ vattabbaṃ, ayaṃ anumati pucchā.

Katamā **kathetukamyatā pucchā**? Bhagavā bhikkhūnaṃ kathetukamyatāya pañhaṃ pucchati. Cattārome, bhikkhave, satipaṭṭhānā. Katame cattāro?...Pe... atṭhime bhikkhave maggaṅgā. Katame atṭhāti, ayaṃ kathetukamyatā pucchā.

Iti imāsu pañcasu pucchāsu adiṭṭhassa tāva kassaci dhammassa abhāvato tathāgatassa adiṭṭhajotanā pucchā natthi. “Idaṃ nāma aññehi paṇḍitehi samaṇabrāhmaṇehi saddhiṃ saṃsanditvā desessāmī”ti samannāhārasseva anuppajjanato diṭṭhasaṃsandanaṃ pucchāpi natthi. Yasmā pana buddhānaṃ ekadhammepi āsappanā parisappanā natthi, bodhimaṇḍeyeva sabbā kankhā chinnā; tasmā vimaticchedanā pucchāpi natthiyeva. Avasesā pana dve pucchā buddhānaṃ atthi, tāsu ayaṃ kathetukamyatā pucchā nāma.

8. Idāni taṃ kathetukamyatāya pucchāya pucchitamattaṃ kathetuṃ “pāṇātipātāṃ pahāyā”tiādimāha.

Tattha pāṇassa atipāto pāṇātipāto, pāṇavadho, pāṇaghātoto vuttaṃ hoti. **Pāṇoti** cettha vohārato satto, paramatthato jīvitindriyaṃ, tasmim̐ pana pāṇe pāṇasaññino jīvitindriyupacchedakaupakkamasamuṭṭhāpikā kāyavacīdvārānaṃ aññataradvārappavattā vadhakacetanā pāṇātipāto. So guṇavirahitesu tiracchānagatādisu pāṇesu khuddake pāṇe appasāvajjo, mahāsārīre mahāsāvajjo, kasmā? Payogamahantatāya. Payogasamattepi vatthumahantatāya. Guṇavantesu manussādisu appaguṇe pāṇe appasāvajjo, mahāguṇe mahāsāvajjo. Sarīraguṇānaṃ pana samabhāve sati kilesānaṃ upakkamānañca mudutāya appasāvajjo, tibbatāya mahāsāvajjoti veditabbo.

Tassa pañca sambhārā honti – pāṇo, pāṇasaññitā, vadhakacittaṃ, upakkamo, tena maraṇanti. Cha payogā – sāhatthiko, āṇattiko, nissaggiyo, thāvaro, vijjāmayo, iddhiṃmayoti. Imasmim̐ panatthe vitthāriyamāne ativiya papañco hoti, tasmā taṃ na vitthārayāma, aññañca evarūpaṃ. Atthikehi pana samantapāsādikāṃ vinayaṭṭhakathaṃ oloketvā gahetabbaṃ.

**Pahāyāti** imaṃ pāṇātipātacetanāsankhātāṃ dussīlyāṃ pajahitvā. **Paṭivirato** pahīnakālato paṭṭhāya tato dussīlyato orato virato. Natthi tassa vīttikkamissāmīti cakkhusotaviññeyyā dhammā pageva kāyikāti imināva nayena aññesupi evarūpesu padesu attho veditabbo.

**Samaṇoti** bhagavā samitapāpatāya laddhavohāro. **Gotamoti** gottavasena. Na kevalaṅca bhagavāyeva pāṇātipātā paṭivirato, bhikkhusaṅghopi paṭivirato, desanā pana ādito paṭṭhāya evaṃ āgatā, atthaṃ pana dīpentena bhikkhusaṅghavasenāpi dīpetuṃ vaṭṭati.

**Nihitadaṇḍo nihitasattho** parūpaghātathāya daṇḍaṃ vā satthaṃ vā ādāya avattanato nikkhattadaṇḍo ceva nikkhattasattho cāti attho. Ettha ca ṭhapetvā daṇḍaṃ sabbampi avasesaṃ upakaraṇaṃ sattānaṃ viheṭhanabhāvato satthanti veditabbaṃ. Yaṃ pana bhikkhū kattaradaṇḍaṃ vā dantakaṭṭhaṃ vā vāsim̐ pipphalikaṃ vā gahetvā vicaranti, na taṃ parūpaghātathāya. Tasmā nihitadaṇḍo nihitasattho tveva saṅkhyāṃ gacchati.

**Lajjīti** pāpajigucchanaḷakkhaṇāya lajjāya samannāgato. **Dayāpannoti** dayāṃ mettacittatāṃ āpanno. **Sabbapāṇabhūtāhitānukampīti**; sabbe pāṇabhūte hitena anukampako. Tāya dayāpannatāya sabbesaṃ pāṇabhūtānaṃ hitacittakoti attho. **Viharatīti** iriyati yapeti yāpeti pāleti. **Iti vā hi, bhikkhavesi** evaṃ vā bhikkhave. Vā saddo upari “adinnādānaṃ pahāyā”tiādiṇi apekkhitvā vikappattho vutto, evaṃ sabbattha purimaṃ vā pacchimaṃ vā apekkhitvā vikappabhāvo veditabbo.

Ayaṃ panettha saṅkhepo – bhikkhave, puthujjano tathāgatassa vaṇṇaṃ vadamāno evaṃ vadeyya – “samaṇo gotamo pāṇaṃ na hanati, na ghāteti, na tattha samanūñño hoti, virato imasmā dussīlyā; aho, vata re buddhaguṇā mahantā”ti, iti mahantaṃ ussāhaṃ katvā vaṇṇaṃ vattukāmopi appamattakaṃ oramattakaṃ ācārasīlamattakameva vakkhati. Upari asādhāraṇabhāvaṃ nissāya vaṇṇaṃ vattuṃ na sakkhissati. Na kevalaṅca puthujjanova sotāpannasakadāgāmiānāgāmiarahantopi paccekabuddhāpi na sakkontiyeva; tathāgatoyeva pana sakkoti, taṃ vo upari vakkhāmīti, ayamettha sādhippāyā atthavaṇṇanā. Ito paraṃ pana apubbapadameva vaṇṇayissāma.

**Adinnādānaṃ pahāyāti** ettha adinnassa ādānaṃ adinnādānaṃ, parasamharaṇaṃ, theyyaṃ, corikāti vuttaṃ hoti. Tattha **adinnanti** parapariggahitaṃ, yattha paro yathākāmakāritaṃ āpajjanto adaṇḍāraho anupavajjo ca hoti. Tasmiṃ parapariggahite parapariggahitasāññino, tadādāyakaupakkamasamuṭṭhāpikā theyyacetanā adinnādānaṃ. Taṃ hīne parasantake appasāvajjaṃ, paṇīte mahāsāvajjaṃ, kasmā? Vatthupaṇītatāya. Vatthusamatte sati guṇādhikānaṃ santake vatthusmiṃ mahāsāvajjaṃ. Taṃ taṃ guṇādhikaṃ upādāya tato tato hīnaguṇassa santake vatthusmiṃ appasāvajjaṃ.

Tassa pañca sambhārā honti – parapariggahitaṃ, parapariggahitasāññitā, theyyacittaṃ, upakkamo, tena haraṇanti. Cha payogā – sāhatthikādayova. Te ca kho yathānurūpaṃ theyyāvahāro, pasayhāvahāro, paṭicchannāvahāro, parikappāvahāro, kusāvahāroti imesaṃ avahārānaṃ vasena pavattā, ayamettha saṅkhepo. Vitthāro pana samantapāsādikāyaṃ vutto.

Dinnameva ādiyatīti **dinnādāyī**. Cittenapi dinnameva paṭikaṅkhatīti **dinnapāṭikaṅkhi**. Thenetīti theno. Na thenena **athenena**. Athenattāyeva **sucibhūtena**. **Attanāti** attabhāvena. Athenam sucibhūtaṃ attānaṃ katvā viharatīti vuttaṃ hoti. Sesam paṭhamasikkhāpade vuttanayeneva yojetabbaṃ. Yathā ca idha, evaṃ sabbattha.

**Abrahmacariyanti** asetṭhacariyaṃ. Brahmaṃ seṭṭhaṃ ācāraṃ caratīti brahmacārī. **Ārācārīti** abrahmacariyato dūracārī. **Methunāti** rāgapariyuṭṭhānavasena sadisattā methunakāti laddhavohārehi paṭisevitabbato methunāti saṅkhyam gatā asaddhammā. **Gāmadhammāti** gāmvāsīnaṃ dhammā.

**9. Musāvādaṃ pahāyāti** ettha **musāti** viṣaṃvādanapurekkhārassa atthabhañjanako vacīpayogo kāyapayogo, vā viṣaṃvādanādhippāyena panassa paraviṣaṃvādakakāyavacīpayogasamuṭṭhāpikā cetanā musāvādo.

Aparo nayo, ‘**musā**’ti abhūtaṃ atacchaṃ vatthu. ‘**Vādo**’ti tassa bhūtaṃ tacchato viññāpanaṃ. Lakkhaṇato pana atathaṃ vatthuṃ tathato paraṃ viññāpetukāmassa tathāviññattisamuṭṭhāpikā cetanā musāvādo. So yamatthaṃ bhañjati, tassa appatāya appasāvajjo, mahantatāya mahāsāvajjo.

Api ca gahaṭṭhānaṃ attano santakaṃ adātukāmatāya natthītiādinayappavatto appasāvajjo, sakkhinā hutvā atthabhañjanatthaṃ vutto mahāsāvajjo, pabbajitānaṃ appakampi telaṃ vā sappiṃ vā labhitvā hasādhippāyena – ‘‘ajja gāme telaṃ nadī maññe sandatī’’ti pūraṇakathānaṃ pavatto appasāvajjo, adīṭṭhamyeva pana dīṭṭhantiādinā nayena vadantānaṃ mahāsāvajjo.

Tassa cattāro sambhārā honti – atathaṃ vatthu, viṣaṃvādanacittaṃ, tajjo vāyāmo, parassa tadatthavijānananti. Eko payogo sāhatthikova. So kāyena vā kāyapaṭibaddhena vā vācāya vā paraviṣaṃvādanakiriyākaraṇena daṭṭhabbo. Tāya ce kiriyāya paro tamatthaṃ jānāti, ayaṃ kiriyasamuṭṭhāpikacetanākkhaṇeyeva musāvādakammunā bajjhati.

Yasmā pana yathā kāyakaṃyapaṭibaddhavācāhi paraṃ viṣaṃvādeti, tathā ‘‘idamassa bhaññāhī’’ti āṇāpentopi paṇṇaṃ likhitvā purato nissajjantopi, ‘‘ayamattho evaṃ daṭṭhabbo’’ti kuḍḍādīsu likhitvā ṭhapentopi. Tasmā ettha āṇattikanissaggiyathāvarāpi payogā yujjanti, aṭṭhakathāsu pana anāgatattā vīmaṃsitvā gahetabbā.

Saccaṃ vadatīti **saccavādī**. Saccena saccaṃ sandahati ghaṭetīti **saccasandho**. Na antarantarā musā vadatīti attho. Yo hi puriso kadāci musā vadati, kadāci saccaṃ, tassa musāvādena antaritattā saccaṃ saccena na ghaṭiyati; tasmā so na saccasandho. Ayaṃ pana na tādiso, jīvitahetupi musā avatvā saccena saccaṃ sandahati yevāti saccasandho.

**Thetoti** thiro thirakathoti attho. Eko hi puggalo haliddirāgo viya, thusarāsīmhi nikhātakhāṇu viya, assapiṭṭhe ṭhapitakumbhaṇḍamiva ca na thirakatho hoti, eko pāsānalekhā viya, indakhīlo viya ca thirakatho hoti, asinā sīsaṃ chindantepi dve kathā na katheti, ayaṃ vuccati theto.

**Paccayikoti** pattiyāyitabbako, saddhāyitabbakoti attho. Ekacco hi puggalo na paccayiko hoti, “idaṃ kena vuttaṃ, asukenā”ti vutte “mā tassa vacanaṃ saddahathā”ti vattabbataṃ āpajjati. Eko paccayiko hoti, “idaṃ kena vuttaṃ, asukenā”ti vutte “yadi tena vuttaṃ, idameva pamāṇaṃ, idāni upaparikkhitabbaṃ natthi, evameva ida”nti vattabbataṃ āpajjati, ayaṃ vuccati paccayiko. **Avisaṃvādako lokassāti** taya saccavādītaya lokaṃ na visaṃvādetīti attho.

**Pisuṇaṃ vācaṃ pahāyāti**ādīsu yāya vācāya yassa taṃ vācaṃ bhāsati, tassa hadaye attano piyabhāvaṃ, parassa ca suññabhāvaṃ karoti, sā pisuṇā vācā.

Yāya pana attānampi parampi pharusāṃ karoti, yā vācā sayampi pharusā, neva kaṇṇasukhā na hadayaṅgamā, ayaṃ pharusā vācā.

Yena samphaṃ palapati niratthakaṃ, so samphappalāpo.

Tesaṃ mūlabhūtā cetanāpi pisuṇavācādināmeva labhati, sā eva ca idhādhippetāti.

Tattha saṃkiliṭṭhacittassa paresaṃ vā bhedāya attano piyakamyatāya vā kāyavacīpayogasamuṭṭhāpikā cetanā pisuṇavācā. Sā yassa bhedaṃ karoti, tassa appaṇatāya appasāvajjā, mahāṇatāya mahāsāvajjā.

Tassā cattāro sambhārā – bhinditabbo paro, “iti ime nānā bhavissanti, vinā bhavissanti”ti bhedapurekkhārātā vā, “iti ahaṃ piyo bhavissāmi vissāsiko”ti piyakamyatā vā, tajjo vāyāmo, tassa tadatthavijānananti. **Imesaṃ bhedāyāti**, yesaṃ itoti vuttānaṃ santike suttaṃ tesaṃ bhedāya.

**Bhinnānaṃ vā sandhātāti** dvinnāṃ mittānaṃ vā samānupajjhāyakādīnaṃ vā kenacideva kāraṇena bhinnānaṃ ekamekaṃ upasaṅkamitvā “tumhākaṃ īdise kule jātānaṃ evaṃ bahussutānaṃ idaṃ na yutta”ntiādīni vatvā sandhānaṃ kattā anukattā. **Anuppādātāti** sandhānānuppādātā. Dve jane samagge disvā – “tumhākaṃ evarūpe kule jātānaṃ evarūpehi guṇehi samannāgatānaṃ anucchavikameta”ntiādīni vatvā dalhīkammaṃ kattāti attho. Samaggo āramo assāti **samaggārāmo**. Yattha samaggā natthi, tattha vasitumpi na icchatīti attho. Samaggarāmotipi pāḷi, ayamevettha attho. **Samaggaratoti** samaggesu rato, te pahāya aññattha gantumpi na icchatīti attho. Samagge disvāpi sutvāpi nandatīti **samagganandī**, **samaggakaraṇiṃ vācaṃ bhāsītāti** yā vācā satte samaggeyeva karoti, taṃ sāmaggiguṇaparidīpikameva vācaṃ bhāsati, na itaranti.

Parassa mammachedakakāyavacīpayogasamuṭṭhāpikā ekantapharusacetanā pharusāvācā. Tassā āvibhāvatthamidaṃ vatthu – eko kira dārako mātuvacanaṃ anādiyitvā araṇṇaṃ gacchati, taṃ mātā nivattetumasakkontī – “caṇḍā taṃ mahiṃsī anubandhatū”ti akkosi. Athassa tatheva araṇṇe mahiṃsī utthāsī. Dārako “yaṃ mama mātā mukhena kathesi, taṃ mā hotu, yaṃ cittena cintesi taṃ hotū”ti, saccakiriyamakāsi. Mahiṃsī tattheva baddhā viya aṭṭhāsī. Evaṃ mammachedakopi payogo cittasaṅhatāya na pharusā vācā hoti. Mātāpitaro hi kadāci puttake evaṃ vadanti – “corā vo khaṇḍākhāṇaṃ karontū”ti, uppalapattampi ca nesaṃ upari patantaṃ na icchanti. Ācariyupajjhāyā ca kadāci nissitake evaṃ vadanti – “kiṃ ime ahirīkā anottappino caranti, niddhamatha ne”ti, atha ca nesaṃ āgamādhigamasampattiṃ icchanti. Yathā ca cittasaṅhatāya pharusā vācā na hoti, evaṃ vacanaṅhatāya aphaṇḍā vācā na hoti. Na hi mārāpetukāmassa – “imaṃ sukhaṃ sayāpethā”ti vacanaṃ aphaṇḍā vācā hoti, cittapharusatāya panesā pharusā vācāva. Sā yaṃ sandhāya pavattitā, tassa appaṇatāya appasāvajjā, mahāṇatāya mahāsāvajjā. Tassā tayo sambhārā – akkositabbo paro, kupitacittaṃ, akkosanāti.

**Nelāti** elamaṃ vuccati doso, nāssā elanti nelā, niddosāti attho. “Nelāṅgo setapacchādo”ti, (udā. 65) ettha vuttanelamaṃ viya. **Kaṇṇasukhāti** byañjanamadhuratāya kaṇṇānaṃ sukhā, sūcivijjhaṇaṃ viya kaṇṇasūlaṃ na janeti. Atthamadhuratāya sakalasarīre kopamaṃ ajanetvā pemaṃ janetīti **pemaṇiyā**. Hadayaṃ gacchati, appaṭṭhaññamānā sukhena cittaṃ pavisaṭīti **hadayaṅgamā**. Guṇaparipuṇṇatāya pure bhavāti **porī** pure saṃvaḍḍhanārī viya sukumārātipi **porī**. Purassa esātipi **porī**. Nagaravāsīnaṃ kathāti attho. Nagaravāsīno hi yuttakathā honti. Pitimattaṃ pitāti vadanti, bhātimattaṃ bhātāti vadanti, mātimmattaṃ mātāti vadanti. Evarūpī kathā bahuno janassa kantā hotīti **bahujanakantā**. Kantabhāveneva bahuno janassa manāpā

cittavuḍḍhikarāti **bahujanamanāpā**.

Anatthaviññāpikā kāyavacīpayogasamuṭṭhāpikā akusalacetanā samphappalāpo. So āsevanamandatāya appasāvajjo, āsevanamahantatāya mahāsāvajjo, tassa dve sambhārā – bhāratayuddhasītāharaṇādiniratthakakathāpurekkhārātā, tathārūpī kathā kathanañca.

Kālena vadatīti **kālavādī** vattabbayuttakālaṃ sallakkhetvā vadatīti attho. Bhūtaṃ tathaṃ tacchaṃ sabhāvameva vadatīti **bhūtavādī**. Diṭṭhadhammikasamparāyikatthasannissitameva katvā vadatīti **atthavādī**. Navalokuttaradhammasannissitaṃ katvā vadatīti **dhammavādī** samvaravinayapahānavinayasannissitaṃ katvā vadatīti **vinayavādī**.

Nidhānaṃ vuccati ṭhapanokāso, nidhānamassā atthīti **nidhānavatī**. Hadaye nidhātabbayuttakaṃ vācaṃ bhāsītāti attho. **Kālenā**ti evarūpiṃ bhāsamanopi ca – “ahaṃ nidhānavatiṃ vācaṃ bhāsissāmī”ti na akālena bhāsati, yuttakālaṃ pana apekkhitvāva bhāsātīti attho. **Sāpadesanti** saupamaṃ, sakāraṇanti attho. **Pariyantavatinti** paricchedaṃ dassetvā yathāssā paricchedo paññāyati, evaṃ bhāsātīti attho. **Atthasamhitanti** anekehipi nayehi vibhajantena pariyādātuṃ asakkuṇeyyatāya atthasampannaṃ bhāsati. Yaṃ vā so atthavādī atthaṃ vadati, tena atthena sahitattā atthasamhitāṃ vācaṃ bhāsati, na aññaṃ nikkhipitvā aññaṃ bhāsātīti vuttaṃ hoti.

**10. Bījagāmbhūtagāmasamārambhā**ti mūlabījaṃ khandhabījaṃ phaḷubījaṃ aggabījaṃ bījabījanti pañcavidhassa bījagāmassa ceva, yassa kassaci nīlatiṇarukkadhādikassa bhūtagāmassa ca samārambhā, chedanabhedanapacanādibhāvena vikopanā paṭiviratoti attho.

**Ekabhattikoti** pātarāsabhattaṃ sāyamāsabhattanti dve bhattāni, tesu pātarāsabhattaṃ antomajjhanhikena paricchīnaṃ, itaraṃ majjhanhikato uddhaṃ anto aruṇena. Tasmā antomajjhanhike dasakkhattuṃ bhuñjamānopi ekabhattikova hoti. Taṃ sandhāya vuttaṃ “ekabhattiko”ti.

Rattiyā bhojanaṃ ratti, tato uparatoti **rattūparato**. Atikkante majjhanhike yāva sūriyatthaṅgamaṇā bhojanaṃ vikālabhojanaṃ nāma. Tato viratattā **virato vikālabhojanā**. Kadā virato? Anomānadītīre pabbajitadivasato paṭṭhāya.

Sāsanassa ananulomattā visūkaṃ paṭāṇībhūtaṃ dassananti visūkadassanaṃ. Attanā naccananaccāpanādivasena naccā ca gītā ca vādītā ca antamaso mayūranaccādivasenapi pavattānaṃ naccādīnaṃ visūkabhūtā dassanā cāti **naccagītavādītavisūkadassanā**. Naccādīni hi attanā payojetuṃ vā parehi payojāpetuṃ vā payuttāni passituṃ vā neva bhikkhūnaṃ na bhikkhunīnañca vaṭṭanti.

Mālādīsu **mālā**ti yaṃ kiñci pupphaṃ. **Gandhanti** yaṃ kiñci gandhajātaṃ. **Vilepananti** chavirāgakarānaṃ. Tattha piḷandhanto dhāreti nāma, ūnaṭṭhānaṃ pūrento maṇḍeti nāma, gandhavasena chavirāgavasena ca sādiyanto vibhūseti nāma. **Ṭhānaṃ** vuccati kāraṇaṃ. Tasmā yāya dussīlyacetanāya tāni mālādīhāraṇādīni mahājano karotī, tato paṭiviratoti attho.

**Uccāsayanam** vuccati pamāṇātikantaṃ. **Mahāsayananti** akappiyapaccattharaṇaṃ. Tato viratoti attho.

**Jātarūpanti** suvaṇṇaṃ. **Rajatanti** kahāpaṇo, lohamāsako, jatumāsako, dārumāsakoti ye vohāraṃ gacchanti. Tassa ubhayassāpi paṭiggahaṇā paṭivirato, neva naṃ uggaṇhāti, na uggaṇhāpeti, na upanikkhittaṃ sādiyātīti attho.

**Āmakadhaññapaṭiggahaṇā**ti, sālīvīhiyavagodhūmakaṅguvarakakudrūsakasankhātassa sattavidhassāpi āmakadhaññassa paṭiggahaṇā. Na kevalaṅca etesaṃ paṭiggahaṇameva, āmasanampi bhikkhūnaṃ na vaṭṭatiyeva. **Āmakamaṃsapaṭiggahaṇā**ti ettha aññatra odissa anuññātā āmakamaṃsamacchānaṃ paṭiggahaṇameva bhikkhūnaṃ na vaṭṭati, no āmasanaṃ.

**Itthikumārikapaṭiggahaṇā**ti ettha **itthī**ti purisantaragatā, itarā kumārikā nāma, tāsāṃ paṭiggahaṇampi

āmasanampi akappiyameva.

**Dāsīdāsapāṭiggahaṇā**ti ettha dāsīdāsavaseneva tesam paṭiggahaṇam na vaṭṭati. “Kappiyakārakam dammi, ārāmīkam dammī”ti evam vutte pana vaṭṭati.

Ajeḷakādīsū khattavatthupariyosānesu kappiyākappiyanayo vinayavasena upaparikkhitabbo. Tattha **khettaṃ** nāma yasmiṃ pubbaṇṇam ruhati. **Vatthu** nāma yasmiṃ aparāṇṇam ruhati. Yattha vā ubhayampi ruhati, taṃ khettaṃ. Tadatthāya akatabhūmibhāgo **vatthu**. Khattavatthusīsenā cettha vāpitaḷākādīnipi saṅgahitāneva.

**Dūteyyam** vuccati dūtakkammaṃ, gihīnam pahitaṃ paṇṇam vā sāsanaṃ vā gahetvā tattha tattha gamanaṃ. **Pahiṇagamaṇam** vuccati gharā gharaṃ pesitassa khuddakagamaṇam. Anuyogo nāma tadubhayakaraṇam. Tasmā dūteyyapahiṇagamaṇānam anuyogāti. Evamettha attho vedītabbo.

**Kayavikkayā**ti kayā ca vikkayā ca. Tulākūṭādīsū **kūṭanti** vañcanaṃ. Tattha tulākūṭam nāma rūpakūṭam āṅgakūṭam, gahaṇakūṭam, paṭicchannakūṭanti catubbidham hoti. Tattha **rūpakūṭam** nāma dve tulā samarūpā katvā gaṇhanto mahatiyā gaṇhāti, dadanto khuddikāya deti. **Āṅgakūṭam** nāma gaṇhanto pacchābhāge hatthena tulaṃ akkamati, dadanto pubbabhāge. **Gahaṇakūṭam** nāma gaṇhanto mūle rajjuṃ gaṇhāti, dadanto agge. **Paṭicchannakūṭam** nāma tulaṃ susīraṃ katvā anto ayacuṇṇam pakkhipitvā gaṇhanto taṃ pacchābhāge karoti, dadanto aggabhāge.

**Kaṃso** vuccati suvaṇṇapāti, tāya vañcanaṃ **kaṃsakūṭam**. Kathaṃ? Ekaṃ suvaṇṇapātiṃ katvā aññā dve tisso lohapātiyo suvaṇṇavaṇṇe karoti, tato janapadaṃ gantvā kiñcīdeva aḍḍham kulaṃ pavisitvā – “suvaṇṇabhājanāni kiṇathā”ti vatvā agghe pucchite samagghataram dātukāmā honti. Tato tehi – “kathaṃ imesaṃ suvaṇṇabhāvo jānitabbo”ti vutte, “vīmaṃsitvā gaṇhathā”ti suvaṇṇapātiṃ pāsāṇe ghaṃsitvā sabbā pātiyo datvā gacchati.

**Mānakūṭam** nāma hadayabhedasikhābhedarajjubhedavasena tividham hoti. Tattha **hadayabhedo** sappitelādiminānakāle labbhati. Tāni hi gaṇhanto heṭṭhāchiddena mānena – “saṅīkam āsīñcā”ti vatvā antobhājane bahuṃ paggharāpetvā gaṇhāti, dadanto chiddam pidhāya sīgham pūretvā deti.

**Sikhābhedo** tilataṇḍulādiminānakāle labbhati. Tāni hi gaṇhanto saṅīkam sikhāṃ ussāpetvā gaṇhāti, dadanto vegena pūretvā sikhāṃ chindanto deti.

**Rajjubhedo** khattavatthuminānakāle labbhati. Lañjam alabhantā hi khettaṃ amahantampi mahantaṃ katvā minanti.

Ukkoṭanādīsū **ukkoṭananti** assāmīke sāmīke kātuṃ lañjaggahaṇam. **Vañcananti** tehi tehi upāyehi paresam vañcanaṃ. Tatridamekaṃ vatthu – eko kira luddako migañca migapotakañca gahetvā āgacchati, tameko dhutto – “kiṃ bho, migo agghati, kiṃ migapotako”ti āha. “Migo dve kahāpaṇe, migapotako eka”nti ca vutte ekaṃ kahāpaṇam datvā migapotakaṃ gahetvā thokaṃ gantvā nivatto – “na me bho, migapotakena attho, migaṃ me dehī”ti āha. Tena hi – dve kahāpaṇe dehīti. So āha – “nanu te bho, mayā paṭhamam eko kahāpaṇo dinno”ti? “Āma, dinno”ti. “Idam migapotakaṃ gaṇha, evam so ca kahāpaṇo, ayañca kahāpaṇagghanaṃ migapotakoti dve kahāpaṇā bhavissanti”ti. So “kāraṇam vadatī”ti sallakkhetvā migapotakaṃ gahetvā migaṃ adāsīti. **Nikatīti** yogavasena vā māyāvasena vā apāmaṅgam pāmaṅganti, amaṇiṃ maṇinti, asuvaṇṇam suvaṇṇanti katvā patirūpakena vañcanaṃ. **Sāciyogoti** kuṭīlayogo, etesaṃyeva ukkoṭanādīnametaṃ nāmaṃ. Tasmā – ukkoṭanasāciyogo, vañcanasāciyogo, nikatisāciyogoti, evamettha attho daṭṭhabbo. Keci aññam dassetvā aññassa parivattanaṃ sāciyogoti vadanti. Tam pana vañcaneneva saṅgahitaṃ.

Chedanādīsū **chedananti** hatthacchedanādi. **Vadhoti** māraṇam. **Bandhoti** rajjubandhanādīhi bandhanaṃ. **Viparāmosoti** himaviparāmoso, gumbaviparāmosoti duvidho. Yam himapātasamaye himena paṭicchannā hutvā maggappaṭipannaṃ janaṃ musanti, ayam himaviparāmoso. Yam gumbādīhi paṭicchannā

musanti, ayaṃ gumbaviparāmoso. **Ālopo** vuccati gāmanigamādīnaṃ vilopakaraṇaṃ. **Sahasākāro**ti sāhasikakiriya. Gehaṃ pavisitvā manussānaṃ ure satthaṃ ṭhapetvā icchitabhaṇḍānaṃ gahaṇaṃ. Evametasmā chedana...pe... sahasākārā paṭivirato samaṇo gotamoti. Iti vā hi, bhikkhave, puthujjano tathāgatassa vaṇṇaṃ vadamāno vadeyyāti.

Ettāvata cūlasīlaṃ niṭṭhitaṃ hoti.

### Majjhimasīlavaṇṇanā

**11.** Idāni majjhimasīlaṃ vitthārento “yathā vā paneke bhonto” tiādīmāha. Tatrāyaṃ anuttānapadavaṇṇanā. **Saddhādeyyānī**ti kammañca phalañca idhalokañca paralokañca saddahitvā dinnāni. ‘Ayaṃ me ñāti’ ti vā, ‘mitto’ ti vā, idaṃ paṭikarissati, idaṃ vā tena katapubbanti vā, evaṃ na dinnānīti attho. Evaṃ dinnāni hi na saddhādeyyāni nāma honti. **Bhojanānī**ti desanāsīsamattametaṃ, atthato pana saddhādeyyāni bhojanāni bhuñjitvā cīvarāni pārupitvā senāsanāni sevamānā gilānabhesajjaṃ paribhuñjamānīti sabbametaṃ vuttameva hoti.

**Seyyathidanti** nipāto. Tassattho katamo so bījagāmabhūtagāmo, yassa samārambhaṃ anuyuttā viharantīti. Tato taṃ dassento **mūlabījanti**ādīmāha. Tattha **mūlabījaṃ** nāma haliddi, siṅgiveraṃ, vacā, vacattaṃ, ativisā, kaṭukaroḥiṇī, usīraṃ, bhaddamuttakanti evamādi. **Khandhabījaṃ** nāma assattho, nigrodho, pilakkho, udumbaro, kacchako, kapitthanoti evamādi. **Phaḷubījaṃ** nāma ucchu, naḷo, veḷūti evamādi. **Aggabījaṃ** nāma ajjakaṃ, phaṇijjakaṃ, hiriveranti evamādi. **Bījabījaṃ** nāma pubbaṇṇaṃ aparāṇṇanti evamādi. Sabbañhettaṃ rukkhaṭo viyojitaṃ viruhanasamattameva “bījagāmo” ti vuccati. Rukkhaṭo pana aviyojitaṃ asukkhaṃ “bhūtagāmo” ti vuccati. Tattha bhūtagāmasamārambho pācittiyavattu, bījagāmasamārambho dukkaṭavattuṭi veditabbo.

**12. Sannidhikāraparibhoganti** sannidhikatassa paribhogaṃ. Tattha duvidhā kathā, vinayavasena ca sallekhasena ca. Vinayavasena tāva yaṃ kiñci annaṃ ajja paṭiggahitaṃ aparajju sannidhikāraṃ hoti, tassa paribhoge pācittiyaṃ. Attanā laddhaṃ pana sāmaṇerānaṃ datvā, tehi laddhaṃ ṭhapāpetvā dutiyadivase bhuñjituṃ vaṭṭati, sallekko pana na hoti.

**Pānasannidhimhi** eseva nayo. Tattha pānaṃ nāma ambapānādīni aṭṭha pānāni, yāni ca tesam anulomāni. Tesam vinicchayo samantapāsādikāyaṃ vutto.

**Vatthasannidhimhi** anadhiṭṭhitaṃ avikkappaṃ sannidhi ca hoti, sallekhañca kopeti, ayaṃ pariyāyakathā. Nipariyāyato pana ticīvarasantuṭṭhena bhavitabbaṃ, catutthaṃ labhitvā aññassa dātabbaṃ. Sace yassa kassaci dātuṃ na sakkoti, yassa pana dātukāmo hoti, so uddesatthāya vā paripucchathāya vā gato, āgatamatte dātabbaṃ, adātuṃ na vaṭṭati. Cīvare pana appahonte satiyā paccāsāya anuññātakālaṃ ṭhapetuṃ vaṭṭati. Sūcisuttacīvarakāraṇaṃ alābhena tato parampi vinayakammaṃ katvā ṭhapetuṃ vaṭṭati. “Imasmiṃ jiṇṇe puna īdisaṃ kuto labhissāmī” ti pana ṭhapetuṃ na vaṭṭati, sannidhi ca hoti, sallekhañca kopeti.

**Yānasannidhimhi** yānaṃ nāma vayhaṃ, ratho, sakaṭaṃ, sandamānikā, sivikā, pāṭaṅkīti; nettaṃ pabbajitassa yānaṃ. Upāhanā pana pabbajitassa yānaṃyeva. Ekabhikkhussa hi eko araññatthāya, eko dhotapādakatthāyāti, ukkaṃsato dve upāhanasaṅghāṭā vaṭṭanti. Tatiyaṃ labhitvā aññassa dātabbo. “Imasmiṃ jiṇṇe aññaṃ kuto labhissāmī” ti hi ṭhapetuṃ na vaṭṭati, sannidhi ca hoti, sallekhañca kopeti.

**Sayanasannidhimhi** sayananti mañco. Ekassa bhikkhuno eko gabbhe, eko divāṭhāneti ukkaṃsato dve mañcā vaṭṭanti. Tato uttari labhitvā aññassa bhikkhuno vā gaṇassa vā dātabbo; adātuṃ na vaṭṭati. Sannidhi ca hoti, sallekhañca kopeti.

**Gandhasannidhimhi** bhikkhuno kaṇḍukacchuchavidosādiābādhe sati gandhā vaṭṭanti. Te gandhe āharāpetvā tasmim roge vūpasante aññesaṃ vā ābādhikānaṃ dātabbā, dvāre pañcaṅguligharadhūpanādīsu vā upanetabbā. “Puna roge sati bhavissanti” ti pana ṭhapetuṃ na vaṭṭati, sannidhi ca hoti, sallekhañca kopeti.

**Āmisanti** vuttāvasesaṃ daṭṭhabbaṃ. Seyyathidaṃ, idhekacco bhikkhu – “tathārūpe kāle upakārāya bhavissatī”ti tilataṇḍulamuggamāsanāḷikeraloṇamacchamaṃsavallūrasappitelaguḷabhājanādīni āharāpetvā ṭhapeti. So vassakāle kālasseva sāmaṇerehi yāguṃ pacāpetvā paribhuñjitvā “sāmaṇera, udakakaddame dukkhaṃ gāmaṃ pavisitūṃ, gaccha asukaṃ kulaṃ gantvā mayhaṃ vihāre nisinnabhāvaṃ ārocehi; asukakulato dadhiādīni āharā”ti peseti. Bhikkhūhi – “kiṃ, bhante, gāmaṃ pavissisathā”ti vuttepi, “duppaveso, āvuso, idāni gāmo”ti vadati. Te – “hotu, bhante, acchatha tumhe, mayaṃ bhikkhaṃ pariyesitvā āharissāmā”ti gacchanti. Atha sāmaṇeropi dadhiādīni āharitvā bhattañca byañjanañca sampādetvā upaneti, taṃ bhuñjantasseva upaṭṭhākā bhattaṃ paḥiṇanti, tatopi manāpaṃ manāpaṃ bhuñjati. Atha bhikkhū piṇḍapātaṃ gahetvā āgacchanti, tatopi manāpaṃ manāpaṃ gīvāyāmakāṃ bhuñjatiyeva. Evaṃ catumāsampi vītināmeti. Ayaṃ vuccati – “bhikkhu muṇḍakuṭumbikajīvikaṃ jīvati, na samaṇajīvika”nti. Evarūpo āmisasannidhi nāma hoti.

Bhikkhuno pana vasanaṭṭhāne ekā taṇḍulanāḷi, eko guḷapiṇḍo, catubhāgamattaṃ sappīti ettakaṃ nidhetuṃ vaṭṭati, akāle sampattacorānaṃ atthāya. Te hi ettakampi āmisapaṭisaṅghāraṃ alabhaṅkā jīvītāpi voropeyyuṃ, tasmā sace ettakaṃ natthi, āharāpetvāpi ṭhapetuṃ vaṭṭati. Aphāsukakāle ca yadetta kappiyaṃ, taṃ attanāpi paribhuñjituṃ vaṭṭati. Kappiyakuṭiyaṃ pana bahuṃ ṭhapentassāpi sannidhi nāma natthi. Tathāgatassa pana taṇḍulanāḷiādīsu vā yaṃ kiñci caturatanamattaṃ vā pilotikakhaṇḍaṃ “idaṃ me ajja vā sve vā bhavissatī”ti ṭhapitaṃ nāma natthi.

**13.** Visūkadassanesu **naccam** nāma yaṃ kiñci naccam, taṃ maggaṃ gacchantenāpi gīvaṃ pasāretvā daṭṭhuṃ na vaṭṭati. Vitthāraviniṅchayo panettha samantapāsādikāyaṃ vuttanayeneva veditaḅbo. Yathā cettha, evaṃ sabbesu sikkhāpadapaṭisaṃyuttasu suttapadesu. Ito parañhi ettakampi avatvā tattha tattha payojanamattameva vaṇṇayissāmāti.

**Pekkhanti** naṭasamajjaṃ. **Akkhānanti** bhāratayujjhanādikaṃ. Yasmiṃ ṭhāne kathiyati, tattha gantumpi na vaṭṭati. **Pāṇissaranti** kaṃsatāḷaṃ, pāṇitāḷantipi vadanti. **Vetāḷanti** ghanatāḷaṃ, mantena matasarīruṭṭhāpanantipi eke. **Kumbhathūṇanti** caturassaambaṇakatāḷaṃ, kumbhasaddantipi eke. **Sobhanakanti** naṭānaṃ abbhokkiraṇaṃ, sobhanakaraṃ vā, paṭibhānaccittanti vuttaṃ hoti. **Caṇḍālanti** ayoguḷakīḷā, caṇḍālānaṃ sāṇadhovanakīḷāntipi vadanti. **Vaṃsanti** veḷuṃ ussāpetvā kīḷanaṃ.

**Dhovananti** aṭṭhidhovaṇaṃ, ekaccesu kira janapadesu kālaṅkate ñātake na jhāpenti, nikhaṇitvā ṭhapenti. Atha nesam pūtibhūtaṃ kāyaṃ ñatvā nīharitvā aṭṭhīni dhovitvā gandhehi makkhetvā ṭhapenti. Te nakkhattakāle ekasmiṃ ṭhāne aṭṭhīni ṭhapetvā ekasmiṃ ṭhāne surādīni ṭhapetvā rodantā paridevantā suraṃ pivanti. Vuttampi cetam – “atthi, bhikkhave, dakkhiṇesu janapadesu aṭṭhidhovaṇaṃ nāma, tattha hoti annampi pānampi khajjampi bhojjampi leyyampi peyyampi naccampi gītampi vāditaṃ. Atthetaṃ, bhikkhave, dhovaṇaṃ, netam natthīti vadāmi”ti (a. ni. 10.107). Ekacce pana indajālena aṭṭhidhovaṇaṃ dhovanantipi vadanti.

Hatthiyuddhādīsu bhikkhuno neva hatthiādīhi saddhiṃ yujjhituṃ, na te yujjhāpetuṃ, na yujjhante daṭṭhuṃ vaṭṭati. **Nibuddhanti** mallayuddhaṃ. **Uyyodhikanti** yattha sampahāro dissati. **Balagganti** balagaṇanaṭṭhānaṃ. **Senābyūhanti** senāniveso, sakaṭabyūhādivasena senāya nivesanaṃ. **Anīkadassananti** – “tayo hatthi pacchimaṃ hatthānīka”ntiādīnā (pāci. 324) nayena vuttassa anīkassa dassanaṃ.

**14.** Pamādo ettha tiṭṭhatīti pamādaṭṭhānaṃ. Jūtañca taṃ pamādaṭṭhānañcāti **jūtappamādaṭṭhānaṃ**. Ekekāya pantiyā aṭṭha aṭṭha padāni assāti **aṭṭhapadaṃ** dasapadepe eseva nayo. **Ākāsanti** aṭṭhapadadasapadesu viya ākāseyeva kīḷanaṃ. **Parihārapathanti** bhūmiyaṃ nānāpathamaṇḍalaṃ katvā tattha tattha pariharitabbaṃ, pathaṃ pariharantānaṃ kīḷanaṃ. **Santikanti** santikakīḷanaṃ. Ekajjhaṃ ṭhapitā sāriyo vā sakkharāyo vā acālentā nakheneva apanenti ca upanenti ca, sace tattha kāci calati, parājayo hoti, evarūpāya kīḷāyetaṃ adhivacanaṃ. **Khalikanti** jūtaphalake pāsakakīḷanaṃ. **Ghaṭikā** vuccati dīghadaṇḍakena rassadaṇḍakāṃ paharaṇakīḷanaṃ. **Salākahatthanti** lākhāya vā mañjīṭṭhikāya vā piṭṭhodakena vā salākahatthaṃ temetvā – “kiṃ hotu”ti bhūmiyaṃ vā bhittiyaṃ vā taṃ paharitvā hatthiassādīrūpadassanakīḷanaṃ. **Akkhanti** guḷakīḷā. **Paṅgaciraṃ** vuccati paṇṇanāḷikaṃ, taṃ dhamantā kīḷanti. **Vaṅkakanti** gāmadārakānaṃ kīḷanaṃ khuddakanaṅgalaṃ. **Mokkhacikā** vuccati



samparivattanakīlā, ākāse vā daṇḍakam gahetvā bhūmiyaṃ vā sīsaṃ ṭhapetvā heṭṭhupariyabhāvena parivattanakīlāti vuttaṃ hoti. **Ciṅgulikaṃ** vuccati tālapaṇṇādīhi kataṃ vātappahārena paribbhamanacakkam. **Pattāḷhakaṃ** vuccati paṇṇanāḷikā. Tāya vālukādīni minantā kīlanti. **Rathakanti** khuddakaratham. **Dhanukanti** khuddakadhanumeva. **Akkharikā** vuccati ākāse vā piṭṭhiyaṃ vā akkharajānanakīlā. **Manesikā** nāma manasā cintitajānanakīlā. **Yathāvajjam** nāma kṇakuṇikhujjādīnaṃ yaṃ yaṃ vajjam, taṃ taṃ payojetvā dassanakīlā.

**15. Āsandinti** pamāṇātikkantāsaṇaṃ. Anuyuttā viharantīti idaṃ apekkhitvā pana sabbapadesu upayogavacanam kataṃ. **Pallaṅkoti** pādesu vālarūpāni ṭhapetvā kato. **Gonakoti** dīghalomako mahākojavo, caturaṅgulādhikāni kira tassa lomāni. **Cittakanti** vānavicittam uṇṇāmayattharaṇaṃ. **Paṭikāti** uṇṇāmayo setattharaṇo. **Paṭalikāti** ghanapuppahako uṇṇāmayattharaṇo. Yo āmalakapattotipi vuccati. **Tūlikāti** tiṇṇam tūlānaṃ aññatarapuṇṇā tūlikā. **Vikatikāti** sīhabyagghādirūpavicetro uṇṇāmayattharaṇo. **Uddalomīti** ubhayatodasaṃ uṇṇāmayattharaṇaṃ, keci “ekatouggatapuppha”nti vadanti. **Ekantalomīti** ekatodasaṃ uṇṇāmayattharaṇaṃ. Keci “ubhatouggatapuppha”nti vadanti. **Kaṭṭissanti** ratanaparisibbitam koseyyakaṭṭissamayapaccattharaṇaṃ. **Koseyyanti** ratanaparisibbitameva kosiyasuttamayapaccattharaṇaṃ. Suddhakoseyyam pana vaṭṭatīti vinaye vuttaṃ. Dīghanikāyaṭṭhakathāyaṃ pana “ṭhapetvā tūlikaṃ sabbāneva gonakādīni ratanaparisibbitāni na vaṭṭantī”ti vuttaṃ.

**Kuttakanti** soḷasaṇaṃ nātakithīnaṃ ṭhatvā naccanayoggaṃ uṇṇāmayattharaṇaṃ. **Hatthatharaṃ assattharanti** hatthiassapiṭṭhīsu attharaṇaaththarakāyeva. Rathatharepi eseva nayo. **Ajinappaveṇīti** ajinacammehi mañcappamāṇena sibbitvā katā pavenī. **Kadalīmīgapavarapaccattharaṇanti** kadalīmīgacammaṃ nāma atthi, tena kataṃ pavarapaccattharaṇaṃ; uttamapaccattharaṇanti attho. Taṃ kira setavatthassa upari kadalīmīgacammaṃ pattharivā sibbetvā karonti. **Sauttaracchadanti** saha uttaracchadena, uparibaddhena rattavitānena saddhinti attho. Setavitānampi heṭṭhā akappiyapaccattharaṇe sati na vaṭṭati, asati pana vaṭṭati. **Ubhatolohitakūpadhānanti** sīsūpadhānañca pādūpadhānañcāti mañcassa ubhatolohitakaṃ upadhānaṃ, etaṃ na kappati. Yaṃ pana ekameva upadhānaṃ ubhosu passesu rattam vā hoti padumavaṇṇaṃ vā vicitraṃ vā, sace pamāṇayuttaṃ, vaṭṭati. Mahāupadhānaṃ pana paṭikkhittaṃ. Alohitakāni dvepi vaṭṭantiyeva. Tato uttari labhitvā aññesaṃ dātabbāni. Dātuṃ asakkonto mañce tiriyaṃ attharivā upari paccattharaṇaṃ datvā nipajjitumpi labhati. Āsandīdīsu pana vuttanayeneva paṭipajjitabbaṃ. Vuttañhetam – “anuñāmi, bhikkhave, āsandiyaṃ pāde chinditvā paribhuñjituṃ, pallaṅkassa vāḷe bhinditvā paribhuñjituṃ, tūlikaṃ vijāṭetvā bimbohanaṃ kātuṃ, avasesaṃ bhummattaraṇaṃ kātu”nti (cūḷava. 297).

**16. Ucchādanādīsu** mātukucchito nikkhantadāraṇaṃ sarīragandho dvādasavassapattakāle nassati, tesam sarīraduggandhaharaṇatthāya gandhacuṇṇādīhi ucchādenti, evarūpaṃ ucchādanaṃ na vaṭṭati. Puññavante pana dāraṇe ūrūsu nipajjāpetvā telena makkhetvā hatthapādaūrunābhiādīnaṃ saṇṭhānasampādanattham parimaddanti, evarūpaṃ parimaddanaṃ na vaṭṭati.

**Nhāpananti** tesameva dāraṇaṃ gandhādīhi nhāpanaṃ. **Sambāhananti** mahāmallānaṃ viya hatthapāde muggarādīhi paharivā bāhuvaḍḍhanaṃ. **Ādāsanti** yaṃ kiñci ādāsaṃ pariharitum na vaṭṭati. **Añjananti** alaṅkārañjanaṃ. **Mālāti** baddhamālā vā abaddhamālā vā. **Vilepananti** yaṃ kiñci chavirāgakaṇaṃ. **Mukhacuṇṇam mukhalepananti** mukhe kāḷapīlakādīnaṃ haraṇatthāya mattikakakkaṃ denti, tena lohite calite sāsapakakkaṃ denti, tena dose khādite tilakakkaṃ denti, tena lohite sannisinne haliddikakkaṃ denti, tena chavivaṇṇe ārūḷhe mukhacuṇṇakena mukhaṃ cuṇṇenti, taṃ sabbam na vaṭṭati.

Hatthabandhādīsu hatthe vicitrasaṅkhakapālādīni bandhitvā vicaranti, taṃ vā aññaṃ vā sabbampi hatthābharaṇaṃ na vaṭṭati, apare sikkhaṃ bandhitvā vicaranti. Suvāṇṇacīrakamuttalatādīhi ca taṃ parikkhipanti; taṃ sabbam na vaṭṭati. Apare catuhatthadaṇḍam vā aññaṃ vā pana alaṅkatadaṇḍakam gahetvā vicaranti, tathā itthipurisarūpādivicittam bhesajjanāḷikam suparikkhittam vāmapasse olaggitam; apare kaṇṇikaratanaparikkhittakosaṃ atitikhīnaṃ asiṃ, pañcavaṇṇasuttasibbitam makaradantakādivicittam chattaṃ, suvaṇṇarajatādivicitrā morapiñchādivarikkhittā upāhanā, keci ratanamattāyāmaṃ caturaṅgulavithataṃ kesantaparicchedam dassetvā meghamukhe vijjulataṃ viya nalāṭe uñhīsapattam bandhanti, cūḷamaṇiṃ dhārenti, cāmaravālabjaniṃ dhārenti, taṃ sabbam na vaṭṭati.

17. Aniyyanikattā saggamokkhamaggānaṃ tiracchānabhūtā kathāti **tiracchānakathā**. Tattha rājānaṃ ārabha mahāsammato mandhātā dhammāsoko evaṃ mahānubhāvotiādinā nayena pavattā kathā **rājakathā**. Esa nayo **corakathādīsu**. Tesu asuko rājā abhirūpo dassanīyotiādinā nayena gehassitakathāva **tiracchānakathā** hoti. Sopi nāma evaṃ mahānubhāvo khayāṃ gatoti evaṃ pavattā pana kammaṭṭhānabhāve tiṭṭhati. Coresu mūladevo evaṃ mahānubhāvo, meghamālo evaṃ mahānubhāvoti tesāṃ kammaṃ paṭicca aho sūrāti gehassitakathāva **tiracchānakathā**. Yuddhepi bhāratayuddhādīsu asukena asuko evaṃ mārīto, evaṃ viddhoti kāmāssādavaseneva kathā **tiracchānakathā**. Tepi nāma khayāṃ gatāti evaṃ pavattā pana sabbattha kammaṭṭhānameva hoti. Api ca annādīsu evaṃ vaṇṇavantaṃ gandhavantaṃ rasavantaṃ phassasampannaṃ khādimha bhujjīmhāti kāmāssādavasena kathetuṃ na vaṭṭati. Sāthhakaṃ pana katvā pubbe evaṃ vaṇṇādisampannaṃ annaṃ pānaṃ vatthaṃ sayanaṃ mālaṃ gandhaṃ sīlavantānaṃ adamha, cetiye pūjaṃ karimhāti kathetuṃ vaṭṭati. **Nātikathādīsu** pana “amhākaṃ ñātakā sūrā samatthā”ti vā “pubbe mayaṃ evaṃ vicitrehi yānehi vicarimhā”ti vā assādavasena vattuṃ na vaṭṭati. Sāthhakaṃ pana katvā “tepi no ñātakā khayāṃ gatā”ti vā “pubbe mayaṃ evarūpā upāhanā saṅghassa adamhā”ti vā kathetuṃ vaṭṭati. **Gāmakathāpi** suniviṭṭhadunniviṭṭhasubhikkhadubbhikkhādīvasena vā “asukagāmaṃvāsino sūrā samatthā”ti vā evaṃ assādavasena na vaṭṭati. Sāthhakaṃ pana katvā “saddhā pasannā”ti vā “khayavayaṃ gatā”ti vā vattuṃ vaṭṭati. **Nigamanagaraajanapadakathādīsupi** eseva nayo.

**Itthikathāpi** vaṇṇasaṅghānādīni paṭicca assādavasena na vaṭṭati, saddhā pasannā khayavayaṃ gatāti evameva vaṭṭati. **Sūrakathāpi** ‘nandimitto nāma yodho sūro ahoṣī’ti assādavasena na vaṭṭati. Saddho ahoṣi khayāṃ gatoti evameva vaṭṭati. **Visikhākathāpi** “asukā visikhā suniviṭṭhā dunniviṭṭhā sūrā samatthā”ti assādavasena na vaṭṭati. Saddhā pasannā khayavayaṃ gatāti evameva vaṭṭati.

**Kumbhaṭṭhānakathāti** udakaṭṭhānakathā, udakatitthakathātipi vuccati, kumbhadāsikathā vā, sāpi “pāsādikā naccituṃ gāyituṃ chekā”ti assādavasena na vaṭṭati; saddhā pasannātiādinā nayeneva vaṭṭati. **Pubbapetakathāti** atūtañātikathā. Tattha vattamānañātikathāsadiso vinicchayo.

**Nānattakathāti** purimapakchimakathāhi vimuttā avasesā nānāsabhāvā niratthakakathā. **Lokakkhāyikāti** ayaṃ loko kena nimmitto, asukena nāma nimmitto. Kāko seto, aṭṭhīnaṃ setattā; balākā rattā. Lohitassa rattattāti evamādikā lokāyatavitaṇḍasallāpakathā.

**Samuddakkhāyikā** nāma kasmā samuddo sāgaro? Sāgaradevena khato, tasmā sāgaro. Khato meti hatthamuddāya sayāṃ niveditattā “samuddo”ti evamādikā niratthakā samuddakkhāyanakathā. **Bhavoti** vuḍḍhi. **Abhavoti** hāni. Iti bhavo, iti abhavoti yaṃ vā taṃ vā niratthakakāraṇaṃ vatvā pavattitakathā **itibhavābhavakathā**.

18. **Viggāhikakathāti** viggahakathā, sārāmbhakathā. Tattha **sahitaṃ meti** mayhaṃ vacanaṃ sahitaṃ siliṭṭhaṃ atthayuttaṃ kāraṇayuttanti attho. **Asahitaṃ teti** tuyhaṃ vacanaṃ asahitaṃ asiliṭṭhaṃ. **Adhiciṇṇaṃ te viparāvattanti** yaṃ tuyhaṃ dīgharattāciṇṇavasena suppaṇaṃ, taṃ mayhaṃ ekavacaneneva viparāvattaṃ parivattivā ṭhitāṃ, na kiñci jānāsīti attho.

**Āropito te vādoti** mayā tava doso āropito. **Cara vādappamokkhāyāti** dosamocanattaṃ cara, vicara; tattha tattha gantvā sikkhāti attho. **Nibbeṭhehi vā sace pahosīti** atha sayāṃ pahosi, idānimeva nibbeṭhehīti.

19. Dūteyyakathāyaṃ **idha gacchāti** ito asukaṃ nāma ṭhānaṃ gaccha. **Amutrāgacchāti** tato asukaṃ nāma ṭhānaṃ āgaccha. **Idaṃ harāti** ito idaṃ nāma hara. **Amutra idaṃ āharāti** asukaṭṭhānato idaṃ nāma idha āhara. Sānkhepatō pana idaṃ dūteyyaṃ nāma ṭhapetvā pañca sahadhammike ratanattayassa upakārapaṭisaṃyuttañca gihīsānaṃ aññesaṃ na vaṭṭati.

20. **Kuhakāti**ādiṃsu tividhena kuhanavattunā lokaṃ kuhayanti, vimhāpayantīti kuhakā. Lābhasakkāratthikā hutvā lapantīti **lapakā**. Nimittaṃ sīlametesanti **nemittikā**. Nippeso sīlametesanti **nippesikā**. Lābhena lābhaṃ nijigīsanti magganti pariyesantīti **lābhena lābhaṃ nijigīsītāro**. Kuhanā, lapanā, nemittikatā, nippesikatā, lābhena lābhaṃ nijigīsanaṭṭāti etāhi samannāgatānaṃ puggalānaṃ etaṃ adhivacanaṃ. Ayametta sānkhepo. Vitthārena panetā kuhanādikā visuddhimagge sīlaniddeseveva pālīñca

aṭṭhakathañca āharitvā pakāsītīti.

Ettāvatā majjhimasīlaṃ niṭṭhitam hoti.

### Mahāsīlavaṇṇanā

**21.** Ito paraṃ mahāsīlaṃ hoti. **Aṅanti** hatthapādādīsū yena kenaci evarūpena aṅgena samannāgato dīghāyū yasavā hotītiādinayappavattaṃ aṅgasatthaṃ. **Nimittanti** nimittasatthaṃ. Paṇḍurājā kira tisso muttāyō mutṭhiyaṃ katvā nemittikaṃ pucchi – “kiṃ me hatthe”ti? So ito cito ca vilokesi, tasmiñca samaye gharagolikāya makkhikā gayantī muttā, so “muttā”ti āha. Puna “katī”ti puṭṭho kukkuṭassa tikkhattuṃ ravantassa saddaṃ sutvā “tisso”ti āha. Evaṃ taṃ taṃ ādisitvā nimittamanuyuttā viharanti.

**Uppātanti** asanipātādīnaṃ mahantānaṃ uppatitaṃ, tañhi disvā “idaṃ bhavissati, evaṃ bhavissatī”ti ādisanti. **Supinanti** yo pubbaṅhasamaye supinaṃ passati, evaṃ vipāko hoti; yo idaṃ nāma passati, tassa idaṃ nāma hotītiādinā nayena supinakaṃ anuyuttā viharanti. **Lakkhaṇanti** iminā lakkhaṇena samannāgato rājā hoti, iminā uparājātīdikam. **Mūsikacchinnanti** undūrakhāyitaṃ. Tenāpi hi ahate vā vatthe anahate vā vatthe ito paṭṭhāya evaṃ chinne idaṃ nāma hotīti ādisanti. **Aggihomanti** evarūpena dārunā evaṃ hute idaṃ nāma hotīti aggijuhanaṃ. Dabbihomādīnipi aggihomāneva, evarūpāya dabbiyā īdisehi kaṇādīhi hute idaṃ nāma hotīti evaṃ pavattivasena pana visuṃ vuttāni.

Tattha **kaṇoti** kuṇḍako. **Taṇḍulāti** sāliādīnañceva tiṇajātīnañca taṇḍulā. **Sappīti** gosappiādikaṃ. **Telanti** tilatelādikaṃ. Sāsapādīni pana mukhena gahetvā aggimhi pakkhipanaṃ, vijjaṃ parijappitvā juhanaṃ vā **mukhahomaṃ**. Dakkhiṇakkhakaṇḍulohitādīhi juhanaṃ **lohitahomaṃ**. **Aṅgavijjāti** pubbe aṅgameva disvā byākaraṇavasena aṅgaṃ vuttaṃ, idha aṅgulaṭṭhiṃ disvā vijjaṃ parijappitvā ayaṃ kulaputto vā no vā, sirīsampanno vā no vātīdibyaākaraṇavasena aṅgavijjā vuttā. **Vatthuvijjāti** gharavattuārāmaṃvatthādīnaṃ guṇadosasallakkhaṇavijjā. Mattikādivisesaṃ disvāpi hi vijjaṃ parijappitvā heṭṭhā pathaviyaṃ timsaratanamate, ākāse ca asītīratanamatte padese guṇadosaṃ passanti. **Khattavijjāti** abhēyyamāsuraṅgārājasatthādīsatham. **Sivavijjāti** susāne pavisitvā santikaraṇavijjā, siṅgālarutavijjātipi vadanti. **Bhūtavijjāti** bhūtavejjamanto. **Bhūrivijjāti** bhūrighare vasantena uggahetabbamanto. **Ahivijjāti** sappadaṭṭhatikicchanaṃvijjā ceva sappāvahāyanavijjā ca. **Visavijjāti** yāya, purāṇavisam vā rakkhanti, navavisam vā karonti visavantameva vā. **Vicchikavijjāti** vicchikadaṭṭhatikicchanaṃvijjā. **Mūsikavijjāyapi** eseva nayo. **Sakuṇavijjāti** sapakkhakaapakkhakadvipadacatuppadānaṃ rutagatādivasena sakuṇaññaṃ. **Vāyasavijjāti** kākarutaññaṃ, taṃ visuññeva satthaṃ, tasmā visuṃ vuttaṃ.

**Pakkajjhānanti** paripākagatacintā. Idāni “ayaṃ ettakaṃ jīvissati, ayaṃ ettaka”nti evaṃ pavattaṃ ādiṭṭhaññaṃanti attho. **Saraparittānanti** sararakkhaṇaṃ, yathā attano upari na āgacchati, evaṃ karaṇavijjā. **Migacakkanti** idaṃ sabbasāṅgāhikaṃ sabbasakuṇacatuppadānaṃ rutaññaṇavasena vuttaṃ.

**22.** **Maṇilakkhaṇādīsū** evarūpo maṇi pasattho, evarūpo apasattho, sāmīno ārogyaissariyādīnaṃ hetu hoti, na hotīti, evaṃ vaṇṇasaṅgāhānādivasena maṇiādīnaṃ lakkhaṇaṃ anuyuttā viharantīti attho. Tattha **āvudhanti** ṭhapetvā asiādīni avasesaṃ āvudhaṃ. **Itthilakkhaṇādīnipi** yamhi kule te itthipurisādayo vasanti, tassa vuḍḍhihānivaseneva veditabbāni. **Ajalakkhaṇādīsū** pana evarūpānaṃ ajādīnaṃ maṃsaṃ khādītābbaṃ, evarūpānaṃ na khādītābbaṃti ayaṃ viseso veditabbo.

Api cettha **godhāya lakkhaṇe** cittaṃkammaṇḍandhanādīsūpi evarūpāya godhāya sati idaṃ nāma hotīti ayaṃ viseso veditabbo. Idañcettha vatthu – ekasmiṃ kira vihāre cittaṃkammaṃ godhaṃ aggim dhamamānaṃ akaṃsu. Tato paṭṭhāya bhikkhūnaṃ mahāvivādo jāto. Eko āgantukabhikkhu taṃ disvā makkhesi. Tato paṭṭhāya vivādo mandībhūto hoti. **Kaṇṇikalakkhaṇaṃ** piḷandhanakaṇṇikāyapi gehakaṇṇikāyapi vasena veditabbaṃ. **Kacchapalakkhaṇaṃ** godhālakkhaṇasadisameva. **Migalakkhaṇaṃ** sabbasāṅgāhikaṃ sabbacatuppadānaṃ lakkhaṇavasena vuttaṃ.

**23.** **Raññaṃ niyyānaṃ bhavissatīti** asukadvise asukanakkhattena asukassa nāma rañño niggamaṇaṃ bhavissatīti evaṃ rājūnaṃ pavāsagamaṇaṃ byākaroti. Esa nayo sabbattha. Kevalaṃ panettha **aniyyānanti**

vippavutthānaṃ puna āgamaṃ. **Abbhantarānaṃ raññaṃ upayānaṃ bhavissati, bāhirānaṃ raññaṃ apayānanti** antonagare amhākaṃ rājā paṭiviruddhaṃ bahirājānaṃ upasaṅkamissati, tato tassa paṭikkamaṃ bhavissatīti evaṃ raññaṃ upayānāpayānaṃ byākaroti. Dutiyapadepi eseva nayo. Jayaparājayaṃ pākāṭāyeva.

**24. Candaggāhādayo** asukadivase rāhu candaṃ gahessatīti byākaraṇavaseneva veditabbā. Api ca nakkhattassa aṅgārakādīgāhasamāyogopi nakkhattagāhoyeva. **Ukkāpātoti** ākāsato ukkānaṃ patanaṃ. **Disāḍāhoti** disākālusiyāṃ aggisikhadhūmasikhādīhi ākulabhāvo viya. **Devadudrabbhīti** sukkhavalāhakagajjanaṃ. **Uggamananti** udayanaṃ. **Okkamananti** atthaṅgamaṃ. **Samkilesanti** avisuddhatā. **Vodānanti** visuddhatā. **Evaṃ vipākoti** lokassa evaṃ vividhasukhadukkhāvaho.

**25. Suvuṭṭhikāti** devassa sammādhārānuppavecchanaṃ. **Dubbuṭṭhikāti** avaggāho, vassavibandhoti vuttaṃ hoti. **Muddāti** hatthamuddā. **Gaṇanā** vuccati acchiddakagaṇanā. **Saṅkhānanti** saṅkalanasaṭṭupādānādivasena piṇḍagaṇanā. Yassa sā paguṇā hoti, so rukkhampi disvā ettakāni ettha paṇṇānīti jānāti. **Kāveyyanti** “cattārome, bhikkhave, kavī. Katame cattāro? Cintākavi, sutakavi, atthakavi, paṭibhānakavī”ti (a. ni. 4.231). Imesaṃ catunnaṃ kavīnaṃ attano cintāvasena vā; “vessantaro nāma rājā ahoṣī”tiādīni sutvā sutavasena vā; imassa ayaṃ attho, evaṃ taṃ yojessāmīti evaṃ atthavasena vā; kiñcīdeva disvā tappaṭibhāgaṃ kattabbaṃ karissāmīti evaṃ ṭhānuppattikapaṭibhānavasena vā; jīvikatthāya kabyakaraṇaṃ. Lokāyatamaṃ vuttameva.

**26. Āvāhanaṃ** nāma imassa dārakassa asukakulato asukanakkhattena dārikaṃ ānethāti āvāhakarāṇaṃ. **Vivāhananti** imaṃ dārikaṃ asukassa nāma dārakassa asukanakkhattena detha, evamassā vuḍḍhi bhavissatīti vivāhakarāṇaṃ. **Samvaraṇanti** samvaraṇaṃ nāma ‘ajja nakkhattaṃ sundaraṃ, ajjeva samaggā hotha, iti vo viyogo na bhavissatīti’ evaṃ samaggakarāṇaṃ. **Vivaraṇaṃ** nāma ‘sace viyujjitukāmattha, ajjeva viyujjatha, iti vo puna saṃyogo na bhavissatīti’ evaṃ viyaṃyogakarāṇaṃ. **Saṅkīraṇanti** ‘uṭṭhānaṃ vā iṇaṃ vā dinnāṃ dhanāṃ ajja saṅkaḍḍhatha, ajja saṅkaḍḍhitaṅhi taṃ thāvaraṃ hotīti’ evaṃ dhanapiṇḍāpanaṃ. **Vikīraṇanti** ‘sace payogaudhārādivasena dhanāṃ payojitukāmattha, ajja payojitaṃ dīguṇacatugguṇaṃ hotīti’ evaṃ dhanapayojāpanaṃ. **Subhagakarāṇanti** piyamaṇāpakaraṇaṃ vā sassirīkakarāṇaṃ vā. **Dubbhagakarāṇanti** tabbiparītaṃ. **Viruddhagabbhakarāṇanti** viruddhassa vilīnassa aṭṭhitassa matassa gabbhassa karaṇaṃ. Puna avināsāya bhesajjadānanti attho. Gabbho hi vātena, pāṇakehi, kammunā cāti tīhi kāraṇehi vinassati. Tattha vātena vinassante nibbāpanīyaṃ sītaṃ bhesajjaṃ deti, pāṇakehi vinassante pāṇakānaṃ paṭikkammaṃ karoti, kammunā vinassante pana buddhāpi paṭibāhituṃ na sakkonti.

**Jivhānibandhananti** mantena jivhāya bandhakarāṇaṃ. **Hanusamphananti** mukhabandhamantena yathā hanukaṃ cāletuṃ na sakkonti, evaṃ bandhakarāṇaṃ. **Hatthābhijappananti** hatthānaṃ parivattanatthaṃ mantajappanaṃ. Tasmīṃ kira mante sattapadantare ṭhatvā jappite itaro hatthe parivattetvā khipati. **Kaṇṇajappananti** kaṇṇehi saddaṃ assavanatthāya vijjāya jappanaṃ. Taṃ kira jappitvā vinicchayaṭṭhāne yaṃ icchati, taṃ bhaṇati, paccatthiko taṃ na suṇāti, tato paṭivacanaṃ sampādetuṃ na sakkoti. **Ādāsapañhanti** ādāse devataṃ otāretvā pañhapucchanaṃ. **Kumārikapañhanti** kumārikāya sarīre devataṃ otāretvā pañhapucchanaṃ. **Devapañhanti** dāsiyā sarīre devataṃ otāretvā pañhapucchanaṃ. **Ādiccupaṭṭhānanti** jīvikatthāya ādiccapāricariyā. **Mahatupaṭṭhānanti** tatheva mahābrahmapāricariyā. **Abbhujjālananti** mantena mukhato aggijālānīharaṇaṃ. **Sirivhāyananti** “ehi siri, mayhaṃ sire patiṭṭhāhī”ti evaṃ sirena siriyā avhāyanaṃ.

**27. Santikammanti** devaṭṭhānaṃ gantvā sace me idaṃ nāma samijjhissati, tumhākaṃ iminā ca iminā ca upahāraṃ karissāmīti samiddhikāle kattabbaṃ santipaṭṭissavakammaṃ. Tasmīṃ pana samiddhe tassa karaṇaṃ **paṇidhikammaṃ** nāma. **Bhūrikammanti** bhūrihare vasiṭvā gahitamantassa payogakarāṇaṃ. **Vassakammaṃ vossakammanti** ettha vassoti puriso, vossoti paṇḍako. Iti vossassa vassakarāṇaṃ vassakammaṃ, vassassa vossakarāṇaṃ vossakammaṃ. Taṃ pana karonto acchandikabhāvamattaṃ pāpeti, na līngaṃ antaradhāpetuṃ sakkoti. **Vatthukammanti** akatavatthusmīṃ gehapatiṭṭhāpanaṃ. **Vatthuparikammanti** “idañcīdāñcāharathā”ti vatvā vatthubalikammakarāṇaṃ. **Ācamaṇanti** udakena mukhasuddhikaraṇaṃ. **Nhāpananti** aññesaṃ nhāpanaṃ. **Juhananti** tesāṃ atthāya aggijuhanaṃ. **Vamananti** yogaṃ datvā vamanakarāṇaṃ. **Virecanepi** eseva nayo. **Uddhamvirecananti** uddham dosānaṃ nīharaṇaṃ.

**Adhovirecananti** adho dosānaṃ nīharaṇaṃ. **Sisavirecananti** sirovirecanaṃ. **Kaṇṇatelaṃ** kaṇṇānaṃ bandhanatthaṃ vā vaṇaharaṇatthaṃ vā bhesajjatelapacanaṃ. **Nettatappananti** akkhitappanatelamaṃ. **Natthukammanti** telena yojetvā natthukaraṇaṃ. **Añjananti** dve vā tīṇi vā paṭalāni nīharaṇasamatthaṃ khārañjanaṃ. **Paccañjananti** nibbāpanīyaṃ sītalabhesajjañjanaṃ. **Sālākiyanti** salākavejjakammaṃ. **Sallakattiyanti** sallakattavejjakammaṃ. **Dārakatikicchā** vuccati komārabhaccavejjakammaṃ. **Mūlabhesajjanaṃ anuppādananti** iminā kāyatikicchanaṃ dasseti. **Osadhīnaṃ paṭimokkhoti** khārādīni datvā tadanurūpe vaṇe gate tesamaṃ apanayanaṃ.

Ettāvatā mahāsīlaṃ niṭṭhitaṃ hoti.

### **Pubbantakappikasassatavādavaṇṇanā**

**28.** Evaṃ brahmadattena vuttavaṇṇassa anusandhivasena tividhaṃ sīlaṃ vitthāretvā idāni bhikkhusaṅghena vuttavaṇṇassa anusandhivasena – “atthi, bhikkhave, aññeva dhammā gambhīrā duddasā” tiādīnaṃ nayena suññatāpakāsaṇaṃ ārabhi. Tattha **dhammā**ti guṇe, desanāyaṃ, pariyattiyaṃ, nissatteti evamādīsu dhammasaddo vattati.

“Na hi dhammo adhammo ca, ubho samavipākino;  
Adhammo nirayaṃ neti, dhammo pāpeti suggati”nti. (theragā. 304);

Ādīsu hi guṇe dhammasaddo. “Dhammaṃ, vo bhikkhave, desessāmi ādikalyāṇa”ntiādīsu (ma. ni. 3.420) desanāyaṃ. “Idha bhikkhu dhammaṃ pariyāpuṇāti suttaṃ, geyya”ntiādīsu (a. ni. 5.73) pariyattiyaṃ. “Tasmiṃ kho pana samaye dhammā honti, khandhā honti” tiādīsu (dha. sa. 121) nissatte. Idha pana guṇe vattati. Tasmā atthi, bhikkhave, aññeva tathāgatassa guṇāti evamettha attho daṭṭhabbo.

**Gambhīrā**ti mahāsamuddo viya makasatuṇḍasūciyā aññatra tathāgatā aññesaṃ ñāṇena alabbhaneyyapaṭiṭṭhā, gambhīrattāyeva **duddasā**. Duddasattāyeva **duranubodhā**. Nibbutasabbapariḷāhattā **santā**, santārammaṇesu pavattanatopi santā. Atittikaraṇaṭṭhena **paṇītā**, sādurasabhojanaṃ viya. Uttamaññāṇavisayattā na takkena avacaritabbāti **atakkāvacaṇā**. **Nipuṇāti** saṅhasukhumasabhāvattā. Bālānaṃ avisayattā, paṇḍitehiyeva veditabbāti **paṇḍitavedanīyā**.

**Ye tathāgato sayamaṃ abhiññā sacchikatvā pavedetī**ti ye dhamme tathāgato anaññaneyyo hutvā sayameva abhivisiṭṭhena ñāṇena paccakkhaṃ katvā pavedeti, dīpeti, katheti, pakāsetīti attho. **Yehī**ti yehi guṇadhammehi. **Yathābhuccanti** yathābhūtaṃ. **Vaṇṇamaṃ sammā vadamānā vadeyyunti** tathāgatassa vaṇṇamaṃ vattukāmā sammā vadeyyuṃ, ahāpetvā vattuṃ sakkuṇeyyunti attho. Katame ca pana te dhammā bhagavatā evamaṃ thomitāti? Sabbaññutaññāṇamaṃ. Yadi evamaṃ, kasmā bahuvacananiddeso katoti? Puthucittasamāyogato ceva, puthuārammaṇato ca. Tañhi catūsu ñāṇasampayuttamahākiriyaṇaṃ labbhati, na cassa koci dhammo ārammaṇaṃ nāma na hoti. Yathāha – “atītaṃ sabbaṃ jānātīti sabbaññutaññāṇamaṃ, tattha āvaraṇaṃ natthīti anāvarenaññāṇa”ntiādi (paṭi. ma. 1.120). Iti puthucittasamāyogato punappunaṃ uppattivaseṇa puthuārammaṇato ca bahuvacananiddeso katoti.

“Aññevā”ti idaṃ panettha vavatthāpanavacanaṃ, “aññeva, na paṇātipātā veramaṇīdayo. Gambhīrāva na uttānā”ti evamaṃ sabbapadehi yojetabbaṃ. Sāvakaṇāraṃaññāṇāhi gambhīraṃ, paccekabodhiññāṇaṃ pana tato gambhīrataranti tattha vavatthānaṃ natthi, sabbaññutaññāṇaṃ ca tatopi gambhīrataranti tatthāpi vavatthānaṃ natthi, ito panaññāṇaṃ gambhīrataramaṃ natthi; tasmā gambhīrā vāti vavatthānaṃ labbhati. Tathā duddasāva duranubodhā vāti sabbaṃ veditabbaṃ.

**Katame ca te bhikkhveti** ayaṃ pana tesamaṃ dhammānaṃ kathetukamyatā pucchā. **Santi, bhikkhave, eke samaṇabrāhmaṇā**tiādi pucchāvissajjanaṃ. Kasmā panetaṃ evamaṃ āradhanti ce? Buddhānañhi cattāri ṭhānāni patvā gajjitaṃ mahantaṃ hoti, ñāṇaṃ anupavisati, buddhaññāṇassa mahantabhāvo paññāyati, desanā gambhīrā hoti, tilakkhaṇāhatā, suññatāpaṭisaṃyuttā. Katamāni cattāri? Vinayapaññattiṃ, bhūmantaraṃ, paccayākāraṃ, samayantaranti. Tasmā – “idaṃ lahukaṃ, idaṃ garukaṃ, idaṃ satekiccaṃ, idaṃ atekiccaṃ, ayaṃ āpatti, ayaṃ anāpatti, ayaṃ chejjagāminī, ayaṃ vuṭṭhānagāminī, ayaṃ desanāgāminī,

ayaṃ lokavajjā, ayaṃ paṇṇattivajjā, imasmiṃ vatthusmiṃ idaṃ paññapetabba’’nti yaṃ evaṃ otiṇṇe vatthusmiṃ sikkhāpadapaññāpanaṃ nāma, tatha aññesaṃ thāmo vā balaṃ vā natthi; avisayo esa aññesaṃ, tathāgatasseva visayo. Iti vinayapaññattiṃ patvā buddhānaṃ gajjitaṃ mahantaṃ hoti, ñāṇaṃ anupavisati... pe... suññatāpaṭisaṃyuttāti.

Tathā ime cattāro satipaṭṭhānā nāma...pe... ariyo aṭṭhaṅgiko maggo nāma, pañca khandhā nāma, dvādasa āyatanāni nāma, aṭṭhārasa dhātuyo nāma, cattāri ariyasaccāni nāma, bāvīsatiṅgīyāni nāma, nava hetū nāma, cattāro āhārā nāma, satta phassā nāma, satta vedanā nāma, satta saññā nāma, satta cetanā nāma, satta cittāni nāma. Etesu ettakā kāmāvacarā dhammā nāma, ettakā rūpāvacaraarūpāvacarapariyāpannā dhammā nāma, ettakā lokiyā dhammā nāma, ettakā lokuttarā dhammā nāmāti catuvīsatisamantapaṭṭhānaṃ anantanayaṃ abhidhammapiṭakaṃ vibhajitvā kathetuṃ aññesaṃ thāmo vā balaṃ vā natthi, avisayo esa aññesaṃ, tathāgatasseva visayo. Iti bhūmantaraparichedaṃ patvā buddhānaṃ gajjitaṃ mahantaṃ hoti, ñāṇaṃ anupavisati...pe... suññatāpaṭisaṃyuttāti.

Tathā ayaṃ avijjā saṅkhārānaṃ navahākārehi paccayo hoti, uppādo hutvā paccayo hoti, pavattaṃ hutvā, nimittaṃ, āyūhanaṃ, saṃyogo, palibodho, samudayo, hetu, paccayo hutvā paccayo hoti, tathā saṅkhārādayo viññānādīnaṃ. Yathāha – ‘‘kathaṃ paccayapariggahe paññā dhammaṭṭhitiñāṇaṃ? Avijjā saṅkhārānaṃ uppādaṭṭhiti ca pavattaṭṭhiti ca, nimittaṭṭhiti ca, āyūhanaṭṭhiti ca, saṃyogaṭṭhiti ca, palibodhaṭṭhiti ca, samudayaṭṭhiti ca, hetuṭṭhiti ca, paccayaṭṭhiti ca, imehi navahākārehi avijjā paccayo, saṅkhārā paccayasamuppannā, ubhohete dhammā paccayasamuppannāti paccayapariggahe paññā dhammaṭṭhitiñāṇaṃ. Atīampi addhānaṃ, anāgatampi addhānaṃ avijjā saṅkhārānaṃ uppādaṭṭhiti ca...pe... jāti jarāmarāṇassa uppādaṭṭhiti ca...pe... paccayaṭṭhiti ca, imehi navahākārehi jāti paccayo, jarāmarāṇaṃ paccayasamuppannaṃ, ubhohete dhammā paccayasamuppannāti paccayapariggahe paññā dhammaṭṭhitiñāṇa’’nti (paṭi. ma. 1.45). Evamimaṃ tassa tassa dhammassa tathā tathā paccayabhāvena pavattaṃ tivaṭṭaṃ tiyaddhaṃ tisandhiṃ catusaṅkhepaṃ vīsataṅkāraṃ paṭiccasamuppādaṃ vibhajitvā kathetuṃ aññesaṃ thāmo vā balaṃ vā natthi, avisayo esa aññesaṃ, tathāgatasseva visayo, iti paccayākāraṃ patvā buddhānaṃ gajjitaṃ mahantaṃ hoti, ñāṇaṃ anupavisati...pe... suññatāpaṭisaṃyuttāti.

Tathā cattāro janā sassatavādā nāma, cattāro ekaccasassatavādā, cattāro antānantikā, cattāro amarāvikkhepikā, dve adhiccasamuppannikā, soḷasa saññīvādā, aṭṭha asaññīvādā, aṭṭha nevasaññīnāsaññīvādā, satta ucchedavādā, pañca diṭṭhadhammanibbānavādā nāma. Te idaṃ nissāya idaṃ gaṇhantīti dvāsaṭṭhi diṭṭhigatāni bhinditvā nijjaṭṭaṃ nigumbhaṃ katvā kathetuṃ aññesaṃ thāmo vā balaṃ vā natthi, avisayo esa aññesaṃ, tathāgatasseva visayo. Iti samayantaraṃ patvā buddhānaṃ gajjitaṃ mahantaṃ hoti, ñāṇaṃ anupavisati, buddhañāṇassa mahantaṭā paññāyati, desanā gambhīrā hoti, tilakkhaṇāhatā, suññatāpaṭisaṃyuttāti.

Imasmiṃ pana ṭhāne samayantaraṃ labbhati, tasmā sabbaññūtaññāṇassa mahantabhāvadassanattaṃ desanāya ca suññatāpakāsanavibhāvanattaṃ samayantaraṃ anupavisanto dhammarājā – ‘‘santi, bhikkhave, eke samaṇabrāhmaṇā’’ti evaṃ pucchāvissajjanaṃ ārabhi.

**29.** Tatha **santīti** atthi saṃvijjanti upalabbhanti. **Bhikkhaveli** ālapanavacanaṃ. **Eketi** ekacce. **Samaṇabrāhmaṇāti** pabbajjūpagatabhāvena samaṇā, jātiyā brāhmaṇā. Lokena vā samaṇāti ca brāhmaṇāti ca evaṃ sammatā. Pubbantaṃ kappetvā vikappetvā gaṇhantīti **pubbantakappikā**. Pubbantakappo vā etesaṃ atthīti pubbantakappikā. Tatha antoti ayaṃ saddo antaabbhantaramariyādalāmakaparabhāgakoṭṭhāsesu dissati. ‘‘Antapūro udarapūro’’tiādīsu hi ante antasaddo. ‘‘Caranti loka parivārachannā anto asuddhā bahi sobhamānā’’tiādīsu (saṃ. ni. 1.122) abbhantare. ‘‘Kāyabandhanassa anto jīrati (cūḷava. 278). ‘‘Sā haritantaṃ vā panthantaṃ vā selantaṃ vā udakantaṃ vā’’tiādīsu (ma. ni. 1.304) mariyādāyaṃ. ‘‘Antamidaṃ, bhikkhave, jīvikānaṃ yadidaṃ piṇḍolya’’ntiādīsu (saṃ. ni. 3.80) lāmake. ‘‘Esevanto dukkhassa’’tiādīsu (saṃ. ni. 2.51) parabhāge. Sabbapaccayasāṅkhayo hi dukkhassa parabhāgo koṭṭi vuccati. ‘‘Sakkāyo kho, āvuso, eko anto’’tiādīsu (a. ni. 6.61) koṭṭhāse. Svāyaṃ idhāpi koṭṭhāse vattati.

Kappasaddopi – ‘‘tiṭṭhatu, bhante bhagavā kappam’’ (dī. ni. 2.167), ‘‘atthi kappo nipajjituṃ’’ (a. ni. 8.80), ‘‘kappakatena akappakataṃ saṃsibbitaṃ hotī’’ti, (pāci. 371) evaṃ

āyukappalesakappavinayakappādīsu sambahulesu atthesu vattati. Idha taṇhādīṭṭhīsu vattatīti veditabbo. Vuttampi cetam – “kappāti dve kappā, taṇhākappo ca diṭṭhikappo cā”ti (mahāni. 28). Tasmā taṇhādīṭṭhivasena atītam khandhakoṭṭhāsam kappetvā pakappetvā ṭhitāti pubbantakappikāti evamettha attho veditabbo. Tesam evam pubbantam kappetvā ṭhitānam punappunam uppajjanavasena pubbantameva anugatā diṭṭhīti pubbantānudiṭṭhino. Te evamdiṭṭhino tam pubbantam ārabba āgamma paṭicca aññampi janam diṭṭhigatikaṃ karontā anekavīhitāni adhimuttipadāni abhivadanti aṭṭhārasahi vatthūhi.

Tattha **anekavīhitānīti** anekavidhāni. **Adhimuttipadānīti** adhivacanapadāni. Atha vā bhūtam attham abhibhavitvā yathāsabhāvato aggahetvā pavattanato adhimuttiyoti diṭṭhiyo vuccanti. Adhimuttīnam padāni adhimuttipadāni, diṭṭhidīpakāni vacanānīti attho. **Aṭṭhārasahi vatthūhīti** aṭṭhārasahi kāraṇehi.

**30.** Idāni yehi aṭṭhārasahi vatthūhi abhivadanti, tesam kathetukamyatāya pucchāya “te ca kho bhonto”tiadinā nayena pucchitvā tāni vatthūni vibhajītvā dassetuṃ “santi, bhikkhave”tiadināma. Tattha vadanti etenāti vādo, diṭṭhigatassetam adhivacanam. Sassato vādo etesanti **sassatavādā**, sassatadiṭṭhinoti attho. Eteneva nayena ito paresampi evarūpānam padānam attho veditabbo. **Sassatam attānañca lokañcāti** rūpādīsu aññataram attāti ca lokoti ca gahetvā tam sassatam amaram niccam dhuvam paññapenti. Yathāha – “rūpam attā ceva loko ca sassato cāti attānañca lokañca paññapenti tathā vedanam, saññam, saṅkhāre, viññānam attā ceva loko ca sassato cāti attānañca lokañca paññapenti”ti.

**31.** **Ātappamanvāyāti**ādīsu vīriyam kilesānam ātapanabhāvena ātappanti vuttam. Tadeva padahanavasena **padhānam**. Punappunam yuttavasena **anuyogoti**. Evam tippabhedam vīriyam anvāya āgamma paṭiccāti attho. **Appamādo** vuccati satiyā avippavāso. **Sammā manasikāroti** upāyamanasikāro, pathamanasikāro, atthato ñāṇanti vuttam hoti. Yasmiñhi manasikāre ṭhitassa pubbenivāsānussati ñāṇam ijjhāti, ayam imasmiṃ ṭhāne manasikāroti adhippeto. Tasmā vīriyañca satīñca ñāṇañca āgammāti ayamettha saṅkhepattho. **Tathārūpanti** tathājātikaṃ. **Cetosamādhinti** cittasamādhim. **Phusatīti** vindati paṭilabhati. **Yathā samāhite citteti** yena samādhinā sammā āhite suṭṭhu ṭhapite cittamhi **anekavīhitam pubbenivāsanti**adinam attho visuddhimagge vutto.

**So evamāhāti** so evam jhānānubhāvasampanno hutvā diṭṭhigatiko evam vadati. **Vañjhoti** vañjhapasuvañjhatālādayo viya aphalo kassaci ajanakoti. Etena “attā”ti ca “loko”ti ca gahitānam jhānādīnam rūpādījanakabhāvam paṭikkhipati. Pabbatakūṭam viya ṭhitoti **kūṭattho**. **Esikatṭhāyīṭṭhitoti** esikatṭhāyī viya hutvā ṭhitoti esikatṭhāyīṭṭhito. Yathā sunikhāto esikatṭhambho niccalo tiṭṭhati, evam ṭhitoti attho. Ubhayenapi lokassa vināsabhāvam dīpeti. Keci pana īsikatṭhāyīṭṭhitoti pālīm vatvā muñje īsikā viya ṭhitoti vadanti. Tatrāyamadhippāyo – yadidaṃ jāyatīti vuccati, tam muñjato īsikā viya vijjamānameva nikkhamati. Yasmā ca īsikatṭhāyīṭṭhito, tasmā teva sattā sandhāvanti, ito aññattha gacchantīti attho.

**Samsarantīti** aparāparam sañcaranti. **Cavantīti** evam saṅkhyam gacchanti. Tathā **upapajjantīti**. Aṭṭhakathāyam pana pubbe “sassato attā ca loko cā”ti vatvā idāni te ca sattā sandhāvantiadinā vacanena ayam diṭṭhigatiko attanāyeva attano vadam bhindati, diṭṭhigatikassa dassanam nāma na nibaddham, thusarāsimhi nikhātakhāṇu viya cañcalaṃ, ummattakapacchiyam pūvakhaṇḍagūthagomayādīni viya cettha sundarampi asundarampi hoti yevāti vuttam. **Atthitveva sassatisamanti** ettha **sassatīti** niccam vijjamānatāya mahāpathaviṃva maññati, tathā sinerupabbatacandimasūriye. Tato tehi samam attānam maññamānā atthi teva sassatisamanti vadanti.

Idāni **sassato attā ca loko cāti**ādīkāya paṭiññāya sādhanattham hetuṃ dassento “tam kissa hetu? Ahañhi ātappamanvāyā”tiadināma. Tattha **imināmahaṃ etam jānāmīti** iminā visesādhigamena aham etam paccakkhato jānāmi, na kevalam saddhāmatkena vadamīti dasseti, makāro panettha padasandhikaraṇattham vutto. **Idam, bhikkhave, paṭhamam ṭhānanti** catūhi vatthūhīti vatthusaddena vuttetu catūsu ṭhānesu idam paṭhamam ṭhānam, idam jātisatasahassamattānussaraṇam paṭhamam kāraṇanti attho.

**32-33.** Upari vāradvayepi eseva nayo. Kevalaṃhi ayam vāro anekajātisatasahassānussaraṇavasena vutto. Itare dasacattālīsasamvaṭṭavivaṭṭakappānussaraṇavasena. Mandapañño hi titthiyo

anekajātisatasahassamattam anussarati, majjhimapañño dasasamvattavivaṭṭakappāni, tikkhapañño cattālīsam, na tato uddham.

**34. Catutthavāre takkayatīti takkī, takko vā assa atthīti takkī.** Takketvā vitakketvā diṭṭhigāhino etaṃ adhivacanam. Vīmaṃsāya samannāgatoti **vīmaṃsī.** Vīmaṃsā nāma tulanā ruccanā khamanā. Yathā hi puriso yaṭṭhiyā udakam vīmaṃsītvā otarati, evameva yo tulayitvā ruccitvā khamāpetvā diṭṭhim gaṇhāti, so “vīmaṃsī”ti vedītabbo. **Takkapariyāhatanti** takkena pariyāhatam, tena tena pariyāyena takketvāti attho. **Vīmaṃsānucaritanti** tāya vuttappakārāya vīmaṃsāya anucaritam. **Sayamapaṭibhānanti** attano paṭibhānamattasañjātam. **Evamāhāti** sassatadiṭṭhim gaṇhetvā evam vadati.

Tattha catubbidho takkī – anussutiko, jātissaro, lābhī, suddhatakkikoti. Tattha yo “vessantaro nāma rājā ahoṣī”tiādīni sutvā “tena hi yadi vessantarova bhagavā, sassato attā”ti takkayanto diṭṭhim gaṇhāti, ayam anussutiko nāma. Dve tisso jātiyo saritvā – “ahameva pubbe asukasmim nāma ahoṣim, tasmā sassato attā”ti takkayanto jātissaratakkiko nāma. Yo pana lābhītāya “yathā me idāni attā sukhī hoti, atītepi evam ahoṣi, anāgatepi bhavissati”ti takkayitvā diṭṭhim gaṇhāti, ayam lābhītaṭṭhiko nāma. “Evam sati idaṃ hoti”ti takkamatteneva gaṇhanto pana suddhatakkiko nāma.

**35. Etesam vā aññatarenāti** etesamyeva catunnam vatthūnam aññatarena ekena vā dvīhi vā tīhi vā. **Natthi ito bahiddhāti** imehi pana vatthūhi bahi aññam ekaṃ kāraṇampi sassatapaññattiyā natthīti appaṭivattiyam sīhanādam nadati.

**36. Tayidaṃ, bhikkhave, tathāgato pajānātīti** bhikkhave, tam idaṃ catubbidhampi diṭṭhigatam tathāgato nānappakārato jānāti. Tato tam pajānanākāram dassento ime diṭṭhiṭṭhānātiādīmāha. Tattha diṭṭhiyova diṭṭhiṭṭhānā nāma. Api ca diṭṭhinam kāraṇampi diṭṭhiṭṭhānameva. Yathāha “katamāni attha diṭṭhiṭṭhānāni? Khandhāpi diṭṭhiṭṭhānam, avijjāpi, phassopi, saññāpi, vitakkopi, ayonisomanasikāropi, pāpamittopi, paratoghosopi diṭṭhiṭṭhāna”nti. “Khandhā hetu, khandhā paccayo diṭṭhiṭṭhānam upādāya samuṭṭhānatthena, evam khandhāpi diṭṭhiṭṭhānam. Avijjā hetu...pe... pāpamitto hetu. Paratoghoso hetu, paratoghoso paccayo diṭṭhiṭṭhānam upādāya samuṭṭhānatthena, evam paratoghosopi diṭṭhiṭṭhāna”nti (paṭi. ma. 1.124). **Evamgahitāti** diṭṭhisāṅkhātā tāva diṭṭhiṭṭhānā – “sassato attā ca loko cā”ti evamgahitā ādinā, pavattitāti attho. **Evamparāmatthāti** nirāsāṅkacittatāya punappunam āmatthā parāmatthā, ‘idameva saccam, moghamāñña’nti pariniṭṭhāpitā. Kāraṇasāṅkhātā pana diṭṭhiṭṭhānā yathā gayhamānā diṭṭhiyo samuṭṭhāpentī, evam ārammaṇavasena ca pavattanavasena ca āsevanavasena ca gahitā. Anādīnavadassitāya punappunam gahaṇavasena parāmatthā. **Evamgatikāti** evam nirayatiracchānapettivisayagatikānam aññataragatikā. **Evam abhisamparāyāti** idaṃ purimapasasēva vevacanam, evamvidhaparalokāti vuttam hoti.

**Taṅca tathāgato pajānātīti** na kevalaṅca tathāgato sakāraṇam sagatikam diṭṭhigatameva pajānāti, atha kho taṅca sabbam pajānāti, tato ca uttaritaram sīlaṅceva samādhiṅca sabbaññutaññāṅca pajānāti. **Taṅca pajānanam na parāmasatīti** taṅca evamvidham anuttaram visesam pajānantopi aham pajānāmīti taṅhādiṭṭhimānaparāmāsavasena taṅca na parāmasati. **Aparāmasato cassa paccattaññeva nibbuti viditāti** evam aparāmasato cassa aparāmāsapaccayā sayameva attanāyeva tesam parāmāsakilesānam nibbuti viditā. Pākaṭam, bhikkhave, tathāgatassa nibbānanti dasseti.

Idāni yathāpaṭipannena tathāgatena sā nibbuti adhigatā, tam paṭipattim dassetuṃ yāsu vedanāsu rattā titthiyā “idha sukhino bhavissāma, ettha sukhino bhavissāmā”ti diṭṭhigahanam pavisanti, tāsamyeva vedanānam vasena kammaṭṭhānam ācikkhanto vedanānam samudayañcātiādīmāha. Tattha **yathābhūtam viditvāti** “avijjāsamudayā vedanāsamudayoti paccayasamudayaṭṭhena vedanākkhandhassa udayam passati, taṅhāsamudayā vedanāsamudayoti paccayasamudayaṭṭhena vedanākkhandhassa udayam passati, kammasamudayā vedanāsamudayoti paccayasamudayaṭṭhena vedanākkhandhassa udayam passati, phassasamudayā vedanāsamudayoti paccayasamudayaṭṭhena vedanākkhandhassa udayam passati (paṭi. ma. 1.50). Nibbatilakkhaṇam passantopi vedanākkhandhassa udayam passati”ti imesam pañcannam lakkhaṇam vasena vedanānam samudayam yathābhūtam viditvā; “avijjānirodhā vedanānirodhoti paccayanirodhaṭṭhena vedanākkhandhassa vāyam passati, taṅhānirodhā vedanānirodhoti paccayanirodhaṭṭhena vedanākkhandhassa vāyam passati, kammanirodhā vedanānirodhoti



paccayanirodhaṭṭhena vedanākkhandhassa vyaṃ passati, phassanirodhā vedanānirodhoti paccayanirodhaṭṭhena vedanākkhandhassa vyaṃ passati. Vipariṇāmalakkhaṇaṃ passantopi vedanākkhandhassa vyaṃ passati”ti (paṭi. ma. 1.50) imesaṃ pañcannaṃ lakkhaṇānaṃ vasena vedanānaṃ atthaṅgamaṃ yathābhūtaṃ viditvā, “yaṃ vedanaṃ paṭicca uppajjati sukhaṃ somanassaṃ, ayaṃ vedanāya assādo”ti (saṃ. ni. 3.26) evaṃ assādaṇca yathābhūtaṃ viditvā, “yaṃ vedanā niccā dukkhā vipariṇāmadhammā, ayaṃ vedanāya ādīnava”ti evaṃ ādīnavaṇca yathābhūtaṃ viditvā, “yo vedanāya chandarāgavinayo chandarāgappahānaṃ, idaṃ vedanāya nissaraṇa”nti evaṃ nissaraṇaṇca yathābhūtaṃ viditvā vigatachandarāgatāya anupādāno anupādāvimutto, bhikkhave, tathāgato; yasmim upādāne sati kiñci upādiyeyya, upādinnatā ca khandho bhaveyya, tassa abhāvā kiñci dhammaṃ anupādiyitvāva vimutto bhikkhave tathāgatoti.

**37. Ime kho te, bhikkhave** ye te ahaṃ – “katame, ca te, bhikkhave, dhammā gambhīrā”ti apucchim, “ime kho te, bhikkhave, taṇca tathāgato pajānāti tato ca uttaritaraṃ pajānāti”ti evaṃ niddiṭṭhā sabbaññutaññānadhammā gambhīrā duddasā...pe... paṇḍitavedaniyāti veditabbā. Yehi tathāgatassa neva puthujjano, na sotāpannādīsu aññataro vaṇṇaṃ yathābhūtaṃ vattum sakkoti, atha kho tathāgatova yathābhūtaṃ vaṇṇaṃ sammā vadamāno vadeyyāti evaṃ pucchamānenāpi sabbaññutaññānameva puṭṭhaṃ, niyyātentenāpi tadeva niyyātitam, antarā pana diṭṭhiyo vibhattāti.

Paṭhamabhāṇavāraṇṇanā niṭṭhitā.

### Ekaccasassatavādavaṇṇanā

**38. Ekaccasassatikāti** ekaccasassatavādā. Te duvidhā honti – sattekaccasassatikā, saṅkhārekaccasassatikāti. Duvidhāpi idha gahitāyeva.

**39. Yanti nipātamattaṃ. Kadācīti** kismiñci kāle. **Karahacīti** tasseva vevacanaṃ. **Dīghassa addhunoti** dīghassa kālassa. **Accayenāti** atikkamena. **Samvaṭṭatīti** vinassati. **Yebhuyyenāti** ye uparibrahmalokesu vā arūpesu vā nibbattanti, tadavasese sandhāya vuttaṃ. Jhānāmanena nibbattatā **manomayā**. Pīti tesam bhakkho āhāroti **pītibhakkhā**. Attanova tesam pabhāti **sayampabhā**. Antalikkhe carantīti **antalikkhacarā**. Subhesu uyyānavimānakapparukkādīsu tiṭṭhantīti, **subhaṭṭhāyino** subhā vā manoramavattābharaṇā hutvā tiṭṭhantīti **subhaṭṭhāyino**. **Ciraṃ dīghamaddhānanti** ukkaṃsena aṭṭha kappe.

**40. Vivaṭṭatīti** saṅghāti. **Suññaṃ brahmavimānanti** pakatiyā nibbattasattānaṃ natthitāya suññaṃ, brahmakāyikabhūmi nibbattatīti attho. Tassa kattā vā kāretā vā natthi, visuddhimagge vuttanayena pana kammaṃpaccayautusamuṭṭhānā ratanabhūmi nibbattati. Pakatinibbattiṭṭhānesuyeva cettha uyyānakapparukkādāyo nibbattanti. Atha sattānaṃ pakatiyā vasitāṭṭhāne nikanti uppajjati, te paṭhamajjhānaṃ bhāvetvā tato otaranti, tasmā atha kho aññataro sattotiādīmāha. **Āyukkhayā vā puññakkhayā vāti** ye uḷāraṃ puññakammaṃ katvā yattha katthaci appāyuke devaloke nibbattanti, te attano puññabalena ṭhātum na sakkonti, tassa pana devalokassa āyuppamāṇeneva cavantīti āyukkhayā cavantīti vuccanti. Ye pana parittaṃ puññakammaṃ katvā dīghāyukadevaloke nibbattanti, te yāvatāyukaṃ ṭhātum na sakkonti, antarāva cavantīti puññakkhayā cavantīti vuccanti. **Dīghamaddhānaṃ tiṭṭhatīti** kappam vā upaḍḍhakappaṃ vā.

**41. Anabhiratīti** aparassāpi sattassa āgamanapatthanā. Yā pana paṭighasampayuttā ukkaṅghitā, sā brahmaloke natthi. **Paritassanāti** ubbijjanā phandaṇā, sā panesā tāsātassanā, taṇhātassanā, diṭṭhitassanā, ñāṇatassanāti catubbidhā hoti. Tattha “jātim paṭicca bhayaṃ bhayānakaṃ chambhitattaṃ lomahaṃso cetaso utrāso. Jaraṃ... byādhiṃ... maraṇaṃ paṭicca...pe... utrāso”ti (vibha. 921) ayaṃ **tāsātassanā** nāma. “Aho vata aññepi sattā itthattaṃ āgaccheyyu”nti (dī. ni. 3.38) ayaṃ **taṇhātassanā** nāma. “Paritassitavipphanditamevā”ti ayaṃ **diṭṭhitassanā** nāma. “Tepi tathāgatassa dhammadesanaṃ sutvā yebhuyyena bhayaṃ saṃvegaṃ santāsaṃ āpajjantī”ti (a. ni. 4.33) ayaṃ **ñāṇatassanā** nāma. Idha pana taṇhātassanāpi diṭṭhitassanāpi vaṭṭati. **Brahmavimānanti** idha pana paṭhamābhiniṭṭhātassa atthitāya suññanti na vuttaṃ. **Upapajjantīti** upapattivasena upagacchanti. **Sahabyatanti** sahabhāvaṃ.

**42. Abhibhūti** abhibhavitvā t̥hito jetṭhakohamasmīti. **Anabhibhūtoti** aññehi anabhibhūto.

**Aññadatthūti** ekaṃsavacane nipāto. Dassanavasena **daso**, sabbaṃ passāmīti attho. **Vasavattīti** sabbaṃ janaṃ vase vattemi. **Issaro kattā nimmātāti** ahaṃ loke issaro, ahaṃ lokassa kattā ca nimmātā ca, pathavī – himavanta-sineru-cakkavāḷa-mahāsamudda-candima-sūriyā mayā nimmitāti. **Seṭṭho sajjitāti** ahaṃ lokassa uttamo ca sajjitā ca, “tvaṃ khattiyō nāma hohi, tvaṃ brāhmaṇo, vesso, suddo, gahaṭṭho, pabbajito nāma. Antamaso tvaṃ oṭṭho hohi, goṇo hohi”ti “evaṃ sattānaṃ saṃvisajetā aha”nti maññati. **Vasī pitā bhūtabhabyānanti** (dī. ni. 1.17) ahamasmi ciṇṇavasitāya vasī, ahaṃ pitā bhūtānañca bhabyānañcāti maññati. Tattha aṇḍajalābujā sattā antoṇḍakose ceva antovatthimhi ca bhabyā nāma, bahi nikkhantakālato paṭṭhāya bhūtā nāma. Saṃsedajā paṭhamacittakkhaṇe bhabyā, dutiyato paṭṭhāya bhūtā. Opaṭṭikā paṭhamairiyāpathe bhabyā, dutiyato paṭṭhāya bhūtāti veditabbā. Te sabbepi mayhaṃ puttāti saññāya “ahaṃ pitā bhūtabhabyāna”nti maññati.

Idāni kāraṇato sādhetukāmo – “mayā ime sattā nimmitā”ti paṭiññaṃ katvā “taṃ kissa hetū”tiādīmāha. **Itthattanti** itthabhāvaṃ, brahmabhāvanti attho. **Iminā mayanti** attano kammavasena cutāpi upapannāpi ca kevalaṃ maññanāmatteneva “iminā mayaṃ nimmitā”ti maññamānā vaṅkacchidde vaṅkaṇṇī viya onamitvā tasseva pādamaḷaṃ gacchantīti.

**43. Vaṇṇavantataro** cāti vaṇṇavantataro, abhirūpo pāsādikoti attho. **Mahesakkhataroti** issariyaparivārasena mahāyasataro.

**44. T̥hānaṃ kho panetanti** kāraṇaṃ kho panetaṃ. So tato cavivā aññatra na gacchati, idheva āgacchati, taṃ sandhāyetaṃ vuttaṃ. **Agārasmāti** gehā. **Anagāriyanti** pabbajjaṃ. Pabbajjā hi yasmā agārassa hi taṃ kasigorakkhādikammaṃ tattha natthi, tasmā anagāriyanti vuccati. **Pabbajjati** upagacchati. **Tato paraṃ nānussaratīti** tato pubbenivāsā paraṃ na sarati, sarituṃ asakkonto tattha t̥hatvā diṭṭhiṃ gaṇhāti.

**Niccotiādīsu** tassa upapattim̐ apassanto **niccoti** vadati, maraṇaṃ apassanto **dhuvoti**, sadābhāvato **sassatoti**, jarāvasenāpi vipariṇāmassa abhāvato avipariṇāmadhammoti. Sesamettha paṭhamavāre uttānamevāti.

**45-46.** Dutiyaavāre khiḍḍāya padussanti vinassantīti **khiḍḍāpadosikā**, padūsikātipi pāḷim̐ likhanti, sā aṭṭhakathāyaṃ natthi. **Ativelanti** atikālaṃ, aticiranti attho. **Hassakhiḍḍāratidhammasamāpannāti** hassarati dhammañceva khiḍḍāratidhammañca samāpannā anuyuttā, keḷihassasukhañceva kāyikavācasikakīḷāsukhañca anuyuttā, vuttapakāraratidhammasamaṅgino hutvā viharantīti attho.

**Sati sammussatīti** khādanīyabhojanīyesu sati sammussati. Te kira puññavisesādhigatena mahantena attano sirivibhavena nakkhattaṃ kīḷantā tāya sampattimahantatāya – “āhāraṃ paribhuñjimha, na paribhuñjimhā”tipi na jānanti. Atha ekāhārātikamanato paṭṭhāya nirantaraṃ khādantāpi pivantāpi cavantiyeva, na tiṭṭhanti. Kasmā? Kammajatejassa balavatāya, karajakāyassa mandatāya, manussānañhi kammajatejo mando, karajakāyo balavā. Tesam̐ tejassa mandatāya karajakāyassa balavatāya sattāhampi atikkamitvā uṇhodakaacchayāguādīhi sakkā vatthum̐ upatthambhetum̐. Devānaṃ pana tejo balavā hoti, karajaṃ mandaṃ. Te ekaṃ āhāraṃ atikkamitvāva saṇṭhātum̐ na sakkonti. Yathā nāma gimhānaṃ majjhanhike tattapāsāṇe t̥hapitaṃ padumaṃ vā uppalaṃ vā sāyanhasamaye ghaṭasatenāpi siñciyamānaṃ pākatikaṃ na hoti, vinassatiyeva. Evameva pacchā nirantaraṃ khādantāpi pivantāpi cavantiyeva, na tiṭṭhanti. Tenāha “**satiyā sammosā te devā tamhā kāyā cavanti**”ti. Katame pana te devāti? Ime devāti aṭṭhakathāyaṃ vicāraṇā natthi, “devānaṃ kammajatejo balavā hoti, karajaṃ manda”nti avisesena vuttattā pana ye keci kabaḷikārāhārūpajivino devā evaṃ karonti, teyeva cavantīti veditabbā. Keci panāhu – “nimmānaratiparanimmitavasavattino te devā”ti. Khiḍḍāpadussanamatteneva hete khiḍḍāpadosikāti vuttā. Sesamettha purimanayeneva veditabbam̐.

**47-48.** Tatiyaavāre manena padussanti vinassantīti **manopadosikā**, ete cātumahārājikā. Tesu kira eko devaputto – nakkhattaṃ kīḷissāmīti saporivāro rathena vīthim̐ paṭipajjati, athañño nikkhamanto taṃ purato gacchantaṃ disvā – ‘bho ayaṃ kapaṇo’, adiṭṭhapubbaṃ viya etaṃ disvā – “pītiyā uddhumāto viya bhijjamāno viya ca gacchati”ti kujjhati. Purato gacchantopi nivattitvā taṃ kuddhaṃ disvā – kuddhā nāma

suviditā hontīti kuddhabhāvamassa ñatvā – “tvaṃ kuddho, mayhaṃ kiṃ karissasi, ayaṃ sampatti mayā dānasīlādīnaṃ vasena laddhā, na tuyhaṃ vasenā”ti paṭikujjhāti. Ekasmīñhi kuddhe itaro akuddho rakkhati, ubhosu pana kuddhesu ekassa kodho itarassa paccayo hoti. Tassapi kodho itarassa paccayo hotīti ubho kandantānaṃyeva orodhānaṃ cavanti. Ayamettha dhammatā. Sesam vuttanayeneva veditabbaṃ.

**49-52.** Takkīvāde ayaṃ cakkhādīnaṃ bhedaṃ passati, cittaṃ pana yasmā purimaṃ purimaṃ pacchimassa pacchimassa paccayaṃ datvāva nirujjhāti, tasmā cakkhādīnaṃ bhedato balavatarampi cittassa bhedaṃ na passati. So taṃ apassanto yathā nāma sakuṇo ekaṃ rukkhaṃ jahitvā aññasmiṃ nilīyati, evameva imasmiṃ attabhāve bhinne cittaṃ aññatra gacchatīti gahetvā evamāha. Sesamettha vuttanayeneva veditabbaṃ.

### Antānantavādavaṇṇanā

**53. Antānantikāti** antānantavādā, antaṃ vā anantaṃ vā antānantaṃ vā nevantānānantaṃ vā ārabha pavattavādāti attho.

**54-60. Antasaññī lokasmiṃ viharatīti** paṭibhāganimittaṃ cakkavāḷapariyantaṃ avaḍḍhetvā taṃ – “loko”ti gahetvā antasaññī lokasmiṃ viharati, cakkavāḷapariyantaṃ katvā vaḍḍhitakasiṇo pana anantasaññī hoti, uddhamadho avaḍḍhetvā pana tiriyaṃ vaḍḍhetvā uddhamadho antasaññī, tiriyaṃ anantasaññī. Takkīvādo vuttanayeneva veditabbo. Ime cattāropi attanā diṭṭhapubbānusāreṇeva diṭṭhiyā gahitattā pubbantakappikesu pavīṭṭhā.

### Amarāvikkhepavādavaṇṇanā

**61.** Na maratīti **amarā**. Kā sā? Evantipi me notiādīnā nayena pariyanarahitā diṭṭhigatikassa diṭṭhi ceva vācā ca. Vividho khepoti **vikkhepo**, amarāya diṭṭhiyā vācāya ca vikkhepoti **amarāvikkhepo**, so etesaṃ atthīti **amarāvikkhepikā**, aparo nayo – amarā nāma ekā macchajāti, sā ummujjananimujjanādivasena udake sandhāvamānā gahetuṃ na sakkāti, evameva ayampi vādo itocito ca sandhāvati, gāhaṃ na upagacchatīti **amarāvikkhepoti** vuccati. So etesaṃ atthīti **amarāvikkhepikā**.

**62.** “**Idaṃ kusala**”nti yathābhūtaṃ nappajānātīti dasa kusalakammapathe yathābhūtaṃ nappajānātīti attho. Akusalepi dasa akusalakammapatthāva adhippetā. **So mamassa vighātoti** “musā mayā bhaṇita”nti vippaṭisāruppattiyā mama vighāto assa, dukkhaṃ bhavyeyyāti attho. **So mamassa antarāyoti** so mama saggassa ceva maggassa ca antarāyo assa. **Musāvādabhayā musāvādaparijegucchāti** musāvāde ottappena ceva hiriyā ca. **Vācāvikkhepaṃ āpajjati**ti vācāya vikkhepaṃ āpajjati. Kīdisaṃ? Amarāvikkhepaṃ, apariyantavikkhepanti attho.

**Evantipi me notiādīsu** evantipi me noti aniyamitavikkhepo. **Tathātīpi me noti** “sassato attā ca loko cā”ti vuttaṃ sassatavādaṃ paṭikkhipati. **Aññathātīpi me noti** sassatato aññathā vuttaṃ ekaccasassataṃ paṭikkhipati. **Notipi me noti** – “na hoti tathāgato paraṃ maraṇā”ti vuttaṃ ucchedaṃ paṭikkhipati. **No notipi me noti** “neva hoti na na hotī”ti vuttaṃ takkīvādaṃ paṭikkhipati. Sayaṃ pana “idaṃ kusala”nti vā “akusala”nti vā puṭṭho na kiñci byākaroti. “Idaṃ kusala”nti puṭṭho “evantipi me no”ti vadati. Tato “kiṃ akusala”nti vutte “tathātīpi me no”ti vadati. “Kiṃ ubhayato aññathā”ti vutte “aññathātīpi me no”ti vadati. Tato “tividhenāpi na hoti, kiṃ te laddhī”ti vutte “notipi me no”ti vadati. Tato “kiṃ no noti te laddhī”ti vutte “no notipi me no”ti evaṃ vikkhepameva āpajjati, ekasmimpi pakkhe na tiṭṭhati.

**63. Chando vā rāgo vāti** ajānantopi sahasā kusalameva “kusala”nti vatvā akusalameva “akusala”nti vatvā mayā asukassa nāma evaṃ byākataṃ, kiṃ taṃ subyākatanti aññe paṇḍite pucchitvā tehi – “subyākataṃ, bhadrakusala, kusalameva tayā kusalaṃ, akusalameva akusalanti byākata”nti vutte natthi mayā sadiso paṇḍitoti evaṃ me tattha chando vā rāgo vā assāti attho. Ettha ca chando dubbalarāgo, rāgo balavarāgo. **Doso vā paṭigho vāti** kusalaṃ pana “akusala”nti, akusalaṃ vā “kusala”nti vatvā aññe paṇḍite pucchitvā tehi – “dubyākataṃ tayā”ti vutte ettakampi nāma na jānāmīti tattha me assa doso vā paṭigho vāti attho. Idhāpi doso dubbalakodho, paṭigho balavakodho.

**Taṃ mamassa upādānaṃ, so mamassa vighātoti** taṃ chandarāgadvayaṃ mama upādānaṃ assa, dosapaṭighadvayaṃ vighāto. Ubhayampi vā dalhaggahaṇavasena upādānaṃ, vihananavasena vighāto. Rāgo hi amuñcikutāmatāya ārammaṇaṃ gaṇhāti jalūkā viya. Doso vināsetukāmatāya āsīviso viya. Ubhopi cete santāpakaṭṭhena vihananti yevāti “upādāna”nti ca “vighāto”ti ca vuttā. Sesam paṭhamavārasadisameva.

**64. Paṇḍitāti** paṇḍiccena samannāgatā. **Nipuṇāti** saṅhasukhumabuddhino sukhumatthantaraṃ paṭivijjhanasamatthā. **Kataparappavādāti** viññātaparappavādā ceva parehi saddhiṃ katavādaparicayā ca. **Vālavedhirūpāti** vālavedhidhanuggahasadisā. **Te bhindantā maññeti** vālavedhi viya vālaṃ sukhumānīpi paresam diṭṭhigatāni attano paññāgatena bhindantā viya carantīti attho. **Te maṃ tatthāti** te samaṇabrāhmaṇaṃ maṃ tesu kusalākusalesu. **Samanuyuñjeyyunti** “kiṃ kusalaṃ, kiṃ akusalanti attano laddhiṃ vadā”ti laddhiṃ puccheyyūṃ. **Samanugāheyyunti** “idaṃ nāmā”ti vutte “kena kāraṇena etamatthaṃ gāheyyu”nti kāraṇaṃ puccheyyūṃ. **Samanubhāseyyunti** “iminā nāma kāraṇenā”ti vutte kāraṇe dosaṃ dassetvā “na tvaṃ idaṃ jānāsi, idaṃ pana gaṇha, idaṃ vassajjehī”ti evaṃ samanuyuñjeyyūṃ. **Na sampāyeyyanti** na sampādeyyaṃ, sampādetvā kathetuṃ na sakkuṇeyyanti attho. **So mamassa vighātoti** yaṃ taṃ punappunaṃ vatvāpi asampāyanaṃ nāma, so mama vighāto assa, oṭṭhatālujjivhāgalasosanadukkameva assāti attho. Sesametthāpi paṭhamavārasadisameva.

**65-66. Mandoti** mandapañño apaññassevetam nāmaṃ. **Momūhoti** atisammūlho. **Hoti tathāgatotiādīsu** satto “tathāgato”ti adhippeto. Sesamettha uttānameva. Imepi cattāro pubbe pavattadhammānusārenea diṭṭhiyā gahitattā pubbantakappikesu pavitṭhā.

### Adhiccasmuppannavādavaṇṇanā

**67.** “Adhiccasmuppanno attā ca loko cā”ti dassanaṃ adhiccasmuppannaṃ. Taṃ etesaṃ atthīti **adhiccasmuppannikā. Adhiccasmuppannanti** akāraṇasasmuppannaṃ.

**68-73. Asaññasattāti** desanāsīsametaṃ, acittuppādā rūpamattakaattabhāvāti attho. Tesam evaṃ uppatti veditabbā – ekacco hi tiṭṭhāyatane pabbajitvā vāyokasiṇe parikkammaṃ katvā catutthajjhānaṃ nibbattetvā jhānā vuṭṭhāya – “citte dosaṃ passati, citte sati hatthacchedādidukkhañceva sabbabhayāni ca honti, alaṃ iminā cittena, acittakabhāvova santo”ti, evaṃ citte dosaṃ passitvā aparihīnajjhāno kālaṃ katvā asaññasattesu nibbattati, cittamassa cuticittanīrodhena idheva nivattati, rūpakkhandhamattameva tattha pātubhavati. Te tattha yathā nāma jiyāvegakkhitto saro yattako jiyāvego, tattakameva ākāse gacchati. Evameva jhānavegakkhittā upapajjitvā yattako jhānavego, tattakameva kālaṃ tiṭṭhanti, jhānavege pana parihīne tattha rūpakkhandho antaradhāyati, idha pana paṭisandhisaññā uppajjati. Yasmā pana tāya idha uppannasaññāya tesam tattha cuti paññāyati, tasmā “saññīuppādā ca pana te devā tamhā kāyā cavantī”ti vuttaṃ. **Santatāyāti** santabhāvāya. Sesamettha uttānameva. Takkīvadopi vuttanayeneva veditabboti.

### Aparantakappikavaṇṇanā

**74.** Evaṃ aṭṭhārasa pubbantakappike dassetvā idāni catucattārīsaṃ aparantakappike dassetuṃ – “santi, bhikkhave”tiādīmāha. Tattha anāgatakoṭṭhāsasaṅkhātāṃ aparantaṃ kappetvā gaṇhantīti **aparantakappikā**, aparantakappo vā etesaṃ atthīti **aparantakappikā**. Evaṃ sesampi pubbe vuttappakāranayeneva veditabbaṃ.

### Saññīvādavaṇṇanā

**75. Uddhamāghātanikāti** āghātanaṃ vuccati maraṇaṃ, uddhamāghātanā attānaṃ vadantīti **uddhamāghātanikā**. Saññīti pavatto vādo, saññīvādo, so etesaṃ atthīti **saññīvādā**.

**76-77. Rūpī attātiādīsu** kasiṇarūpaṃ “attā”ti tattha pavattasaññāñcassa “saññā”ti gahetvā vā ājīvakādayo viya takkamatteneva vā “rūpī attā hoti, arogo paraṃ maraṇā saññī”ti naṃ paññapenti. Tattha **arogoti** nicco. Arūpasamāpattinimittaṃ pana “attā”ti samāpattisaññāñcassa “saññā”ti gahetvā vā niṅaṇṭhādayo viya takkamatteneva vā “arūpī attā hoti, arogo paraṃ maraṇā saññī”ti naṃ paññapenti. Tatiyā pana missakagāhasena pavattā diṭṭhi. Catutthā takkagāheneva. Dutiyacatukkaṃ antānantikavāde

vuttanayeneva veditabbaṃ. Tatiyacatukke samāpannakavasena ekattasaññī, asamāpannakavasena nānattasaññī, parittakasiṇavasena parittasaññī, vipulakasiṇavasena appamāṇasaññīti veditabbā. Catutthacatukke pana dibbena cakkhunā tikacatukkajjhānabhūmiyaṃ nibbattamānaṃ disvā “ekantasukhī”ti gaṇhāti. Niraye nibbattamānaṃ disvā “ekantadukkhī”ti. Manussesu nibbattamānaṃ disvā “sukhadukkhī”ti. Vehapphaladevesu nibbattamānaṃ disvā “adukkhamasukhī”ti gaṇhāti. Visesto hi pubbenivāsānussatiññāḷābhino pubbantakappikā honti, dibbacakkhukā aparantakappikāti.

### Asaññīvādavaṇṇanā

**78-83.** Asaññīvādo saññīvāde ādimhi vuttānaṃ dvinnaṃ catukkānaṃ vasena veditabbo. Tathā nevasaññīnāsaññīvādo. Kevalañhi tatha “saññī attā”ti gaṇhantānaṃ tā diṭṭhiyo, idha “asaññī”ti ca “nevasaññīnāsaññī”ti ca. Tatha na ekantena kāraṇaṃ pariyesitabbaṃ. Diṭṭhigatikassa hi gāho ummattakapacchisadisoti vuttametaṃ.

### Ucchedavādavaṇṇanā

**84.** Ucchedavāde **satoti** vijjamānassa. **Ucchedanti** upacchedaṃ. **Vināsanti** adassanaṃ. **Vibhavanti** bhāvavigamaṃ. Sabbānetāni aññamaññāvevacanāneva. Tatha dve janā ucchedadiṭṭhiṃ gaṇhanti, lābhī ca alābhī ca. Lābhī arahato dibbena cakkhunā cutiṃ disvā upapattiṃ apassanto, yo vā cutimattameva daṭṭhuṃ sakkoti, na upapātaṃ; so ucchedadiṭṭhiṃ gaṇhāti. Alābhī ca “ko paralokaṃ na jānāti”ti kāmāsukhagiddhatāya vā. “Yathā rukkhato paṇṇāni patitāni na puna viruhanti, evameva sattā”tiādīnā takkena vā ucchedaṃ gaṇhāti. Idha pana taṇhādiṭṭhīnaṃ vasena tathā ca aññathā ca vikappetvāva imā satta diṭṭhiyo uppannāti veditabbā.

**85.** Tatha **rūpīti** rūpavā. **Cātumahābhūtikoti** cātumahābhūtamayo. Mātāpitūnaṃ etanti mātāpettikamaṃ. Kiṃ taṃ? Sukkasoṇitaṃ. Mātāpettike sambhūto jātoti **mātāpettikasambhavo**. Iti rūpakāyasīsena manussattabhāvaṃ “attā”ti vadati. **Ittheketi** itthaṃ eke evameketi attho.

**86.** Dutiyo taṃ paṭikkhipitvā dibbattabhāvaṃ vadati. **Dibboti** devaloke sambhūto. **Kāmāvacaroti** cha kāmāvacaradevaparīyāpanno. Kabaḷīkāraṃ āhāraṃ bhakkhatīti kabaḷīkārahārabhakkho.

**87.** **Manomayoti** jhānāmanena nibbato. **Sabbaṅgapaccaṅgīti** sabbaṅgapaccaṅgayutto. **Ahīndriyoti** paripuṇṇindriyo. Yāni brahmaloke atthi, tesam vasena itaresaṅca saṅghānavasenetam vuttaṃ.

**88-92.** **Sabbaso rūpasaññānaṃ samatikkamāti**ādīnaṃ attho visuddhimagge vutto. **Ākāsānañcāyatanūpagoti**ādīsū pana ākāsānañcāyatanabhavaṃ upagatoti, evamattho veditabbo. Sesamettha uttānamevāti.

### Diṭṭhadhammanibbānavādavaṇṇanā

**93.** Diṭṭhadhammanibbānavāde **diṭṭhadhammoti** paccakkhadhammo vuccati, tatha tatha paṭiladdhattabhāvassetam adhivacanaṃ. Diṭṭhadhamme nibbānaṃ diṭṭhadhammanibbānaṃ, imasmiṃyeva attabhāve dukkhavūpasamananti attho. Taṃ vadantīti **diṭṭhadhammanibbānavādā**. Paramadiṭṭhadhammanibbānanti paramaṃ diṭṭhadhammanibbānaṃ uttamanti attho.

**94.** **Pañcahi kāmagaṇehīti** manāpiyarūpādīhi pañcahi kāmakoṭṭhāsehi bandhanehi vā. **Samappitoti** suṭṭhu appito allīno hutvā. **Samaṅgībhūtoti** samannāgato. **Paricāretīti** tesu kāmagaṇesu yathāsukhaṃ indriyāni cāreti sañcāreti itocito ca upaneti. Atha vā laḷati ramati kīḷati. Ettha ca duvidhā kāmagaṇā – mānusakā ceva dibbā ca. Mānusakā mandhātukāmagaṇasadisā daṭṭhabbā, dibbā paranimmitavasavattidevarājassa kāmagaṇasadisāti. Evarūpe kāme upagātānañhi te diṭṭhadhammanibbānasampattiṃ paññapenti.

**95.** Dutiyaṃ hutvā abhāvaṭṭhena **aniccā** paṭipīḷanaṭṭhena **dukkhā**, pakatijhanaṭṭhena

**vipariṇāmadhammā**ti veditabbā. **Tesaṃ vipariṇāmaññathābhāvā**ti tesaṃ kāmānaṃ vipariṇāmasaṅkhātā aññathābhāvā, yampi me ahosi, tampi me natthīti vuttanayena **uppajjanti sokaparidevadukkhadomanassupāyāsā**. Tattha antonijjhāyanalakkhaṇo soko, tannissitalāppanalakkhaṇo paridevo, kāyappaṭipīṭhanalakkhaṇaṃ dukkhaṃ, manovighātalakkhaṇaṃ domanassaṃ, visādalakkhaṇo upāyāso, vivicceva kāmehītiādīnamattho visuddhimagge vutto.

**96. Vitakkanti** abhiniropanavasena pavatto vitakko. **Vicāritanti** anumajjanavasena pavatto vicāro. **Etenetanti** etena vitakkitenā ca vicāritena ca etaṃ paṭhamajjhānaṃ oḷārikaṃ sakaṇḍakaṃ viya khāyati.

**97-98. Pīṭigatanti** pīṭiyeva. **Cetaso uppilāvitattanti** cittassa uppilabhāvakaraṇaṃ. **Cetaso ābhogoti** jhānā vuṭṭhāya tasmīṃ sukhe punappunaṃ cittassa ābhogo manasikāro samannāhāroti. Sesamettha diṭṭhadhammanibbānavāde uttānameva.

Ettāvataṃ sabbāpi dvāsaṭṭhidiṭṭhiyo kathitā honti. Yāsaṃ satteva ucchedadiṭṭhiyo, sesā sassatadiṭṭhiyo.

**100-104.** Idāni – “imehi kho te, bhikkhave”ti iminā vārena sabbepi te aparantakappike ekajjhaṃ niyyātetvā sabbaññutaññānaṃ vissajjeti. Puna – “imehi, kho te bhikkhave”tiādinaṃ vārena sabbepi te pubbantāparantakappike ekajjhaṃ niyyātetvā tadeva ñānaṃ vissajjeti. Iti “katame ca te, bhikkhave, dhammā”tiādimhi pucchamānopi sabbaññutaññānameva pucchitvā vissajjamānopi sattānaṃ ajjhāsayaṃ tulāya tulayanto viya sinerupādato vālukāṃ uddharanto viya dvāsaṭṭhi diṭṭhigatāni uddharitvā sabbaññutaññānameva vissajjeti. Evamayaṃ yathānusandhivasena desanā āgatā.

Tayo hi suttassa anusandhī – pucchānusandhi, ajjhāsayaṇusandhi, yathānusandhīti. Tattha “evaṃ vutte aññataro bhikkhu bhagavantaṃ etadavoca – kiṃ nu kho, bhante, orimaṃ tīraṃ, kiṃ pārimaṃ tīraṃ, ko majjhe saṃsīdo, ko thale ussādo, ko manussaggāho, ko amanussaggāho, ko āvaṭṭaggāho, ko antopūtibhāvo”ti (saṃ. ni. 4.241) evaṃ pucchantānaṃ bhagavatā vissajjitasuttavasena pucchānusandhi veditabbo.

Atha kho aññatarassa bhikkhuno evaṃ cetaso parivitakko udapādi – “iti kira bho rūpaṃ anattā..., vedanā..., saññā..., saṅkhārā ..., viññānaṃ anattā, anattakatāni kira kammāni kamattānaṃ phusissanti”ti. Atha kho bhagavā tassa bhikkhuno cetasā ceto parivitakkamaññāya bhikkhū āmantesi – “ṭhānaṃ kho panetaṃ, bhikkhave, vijjati, yaṃ idhekacco moghapuriso avidvā avijjāgato taṇhādhipateyyena cetasā satthusāsaṇaṃ atidhāvitabbaṃ maññeyya – “iti kira bho rūpaṃ anattā...pe... phusissanti”ti. Taṃ kiṃ maññatha, bhikkhave, rūpaṃ niccaṃ vā aniccaṃ vā”ti (ma. ni. 3.10). Evaṃ paresaṃ ajjhāsayaṃ viditvā bhagavatā vuttasuttavasena ajjhāsayaṇusandhi veditabbo.

Yena pana dhammena ādimhi desanā utṭhitā, tassa dhammassa anurūpadhammavasena vā paṭipakkhavasena vā yesu suttasu upari desanā āgacchati, tesaṃ vasena yathānusandhi veditabbo. Seyyathidaṃ, ākaṅkheyyasutte heṭṭhā sīlena desanā utṭhitā, upari cha abhiññā āgatā. Vatthasutte heṭṭhā kilesena desanā utṭhitā, upari brahmavihārā āgatā. Kosambakasutte heṭṭhā bhaṇḍanena utṭhitā, upari sāraṇiyadhammā āgatā. Kakacūpame heṭṭhā akkhantiyā utṭhitā, upari kakacūpamā āgatā. Imasmimpi brahmajāle heṭṭhā diṭṭhivasena desanā utṭhitā, upari suññatāpakāsaṇaṃ āgataṃ. Tena vuttaṃ – “evamayaṃ yathānusandhivasena desanā āgatā”ti.

### Paritassitavipphanditavāraṇṇanā

**105-117.** Idāni mariyādavibhāgadassanattaṃ – “tatra bhikkhave”tiādikā desanā āraddhā. **Tadapi tesaṃ bhavataṃ samaṇabrāhmaṇānaṃ ajānataṃ apassataṃ vedayitaṃ taṇhāgatānaṃ paritassitavipphanditamevā**ti yena diṭṭhiassādena diṭṭhisukhena diṭṭhivedayitena te somanassajātā sassataṃ attānañca lokañca paññapenti catūhi vatthūhi, tadapi tesaṃ bhavantānaṃ samaṇabrāhmaṇānaṃ yathābhūtaṃ dhammānaṃ sabhāvaṃ ajānantānaṃ apassantānaṃ vedayitaṃ taṇhāgatānaṃ kevalaṃ taṇhāgatānaṃyeva taṃ vedayitaṃ, tañca kho panetaṃ paritassitavipphanditameva. Diṭṭhisāṅkhātena ceva taṇhāsāṅkhātena ca paritassitena vipphanditameva calitameva kampitameva thusarāsimhi nikhātakhāṇusadisāṃ, na sotāpannessa

dassanamiva niccalanti dasseti. Esa nayo ekaccasassatavādādīsupi.

### Phassapaccayavāraṇṇanā

**118-130.** Puna – “tatra, bhikkhave, ye te samaṇabrāhmaṇā sassatavādā”tiādi paramparapaccayadassanattama āradhama. Tattha **tadapi phassapaccayāti** yena diṭṭhiassādena diṭṭhisukhena diṭṭhivedayitena te somanassajātā sassatama attānaṅca lokaṅca paññapenti catūhi vatthūhi, tadapi taṇhādiṭṭhipariphanditama vedayitama phassapaccayāti dasseti. Esa nayo sabbattha.

**131-143.** Idāni tassa paccayassa diṭṭhivedayite balavabhāvadassanattama puna – “tatra, bhikkhave, ye te samaṇabrāhmaṇā sassatavādā”tiādimāha. Tattha **te vata aññatra phassāti** te vata samaṇabrāhmaṇā taṇhā vedayitama vinā phassena paṭisaṃvedissantīti kāraṇametaṇa natthīti. Yathā hi patato gehassa upatthambhanattāya thūṇā nāma balavapaccayo hoti, na taṇhā thūṇāya anupatthambhitama thātuma sakkoti, evameva phassopi vedanāya balavapaccayo, taṇhā idama diṭṭhivedayitama natthīti dasseti. Esa nayo sabbattha.

### Diṭṭhigatikādhiṭṭhānavatṭakathāvaṇṇanā

**144.** Idāni tatra bhikkhave, ye te samaṇabrāhmaṇā sassatavādā sassatama attānaṅca lokaṅca paññapenti catūhi vatthūhi, yepi te samaṇabrāhmaṇā ekaccasassatikātiādinā nayena sabbadiṭṭhivedayitāni sampiṇḍeti. Kasmā? Upari phasse pakkhipanattāya. Kathama? Sabbe te chahi phassāyatanehi phussa phussa paṭisaṃvedentīti. Tattha cha phassāyatanaṅca nāma – cakkhuphassāyatanaṃ, sotaphassāyatanaṃ, ghāṇaphassāyatanaṃ, jivhāphassāyatanaṃ, kāyaphassāyatanaṃ, manophassāyatanaṃ imāni cha. Sañjāti-samosaraṇa-kāraṇa-paṇṇattimattatthesu hi ayaṃ āyatanasaddo pavattati. Tattha – “kambojo assānaṃ āyatanama, gunnaṃ dakkhiṇāpatho”ti sañjātiyama pavattati, sañjātiṭṭhāneti attho. “Manorame āyatane, sevanti nama vihaṅgamā”ti (a. ni. 5.38) samosaraṇe. “Sati satiāyatane”ti (a. ni. 3.102) kāraṇe. “Araññāyatane paṇṇakuṭṭisu sammantī”ti (saṃ. ni. 1.255) paṇṇattimatte. Svāyamidha sañjātiādiatthattayepi yujjati. Cakkhādīsū hi phassapañcamakā dhammā sañjāyanti samosaranti, tāni ca tesama kāraṇanti āyatanāni. Idha pana “cakkhuṅca paṭicca rūpe ca uppajjati cakkhuvīññānaṃ, tiṇṇama saṅgati phasso”ti (saṃ. ni. 2.43) iminā nayena phassasīseneva desanaṃ āropetvā phassaṃ ādiṃ katvā paccayaparamparaṃ dassetuṃ phassāyatanaḍḍini vuttāni.

**Phussa phussa paṭisaṃvedentīti** phusitvā phusitvā paṭisaṃvedenti. Ettha ca kiñcāpi āyatanānaṃ phusanakiccaṃ viya vuttaṃ, tathāpi na tesama phusanakiccatā veditabbā. Na hi āyatanāni phusanti, phasso va taṇhā ārammaṇaṃ phusati, āyatanāni pana phasse upanikkhipitvā dassitāni; tasmā sabbe te cha phassāyatanasambhavana phassena rūpādini ārammaṇāni phusitvā taṇhā diṭṭhivedanaṃ paṭisaṃvedayantīti evamettha attho veditabbo.

**Tesama vedanāpaccayā taṇhātiādiṅsu vedanāti** cha phassāyatanasambhavā vedanā. Sā rūpataṇhādibhedāya taṇhāya upanissayakoṭiyā paccayo hoti. Tena vuttaṃ – “tesama vedanāpaccayā taṇhā”ti. Sā pana catubbidhassa upādānassa upanissayakoṭiyā ceva sahaajātakoṭiyā ca paccayo hoti. Tathā upādānaṃ bhavassa. Bhavo jātiyā upanissayakoṭiyā paccayo hoti.

**Jātiṅti** panettha savikārā pañcakkhandhā daṭṭhabbā, jāti jarāmaṇassa ceva sokādinaṅca upanissayakoṭiyā paccayo hoti. Ayamettha saṅkhepo, vitthārato pana paṭiccasamuppādakathā visuddhimagge vuttā. Idha panassa payo janamattameva veditabbama. Bhagavā hi vatṭakathama kathento – “purimā, bhikkhave, koṭi na paññāyati avijjāya, ‘ito pubbe avijjā nāhosi, atha pacchā samabhavī’ti evañcetama, bhikkhave, vuccati, atha ca pana paññāyati ‘idappaccayā avijjā’”ti (a. ni. 10.61) evama avijjāsīsena vā, purimā, bhikkhave, koṭi na paññāyati bhavataṇhāya...pe... “idappaccayā bhavataṇhā”ti (a. ni. 10.62) evama taṇhāsīsena vā, purimā, bhikkhave, koṭi na paññāyati bhavadiṭṭhiyā...pe... “idappaccayā bhavadiṭṭhi”ti evama diṭṭhisīsena vā kathesi”. Idha pana diṭṭhisīsena kathento vedanārāgena uppajjamānā diṭṭhiyo kathetvā vedanāmūlakama paṭiccasamuppādaṃ kathesi. Tena idama dasseti – “evamete diṭṭhigatikā, idama dassanaṃ gahetvā tīsu bhavesu catūsū yonīsū pañcasu gatīsū sattasu viññāṇatṭhitīsū navasu sattāvāsesu ito ettha etto

idhāti sandhāvantaṃ saṃsaraṇā yante yuttagoṇo viya, thambhe upanibaddhakukkuro viya, vātena vippannaṭṭhanāvā viya ca vaṭṭadukkameva anuparivattanti, vaṭṭadukkato sīsaṃ ukkhipituṃ na sakkonti”ti.

### Vivaṭṭakathādivaṇṇanā

**145.** Evaṃ diṭṭhigatikādhiṭṭhānaṃ vaṭṭaṃ kathetvā idāni yuttayogabhikkhuadhiṭṭhānaṃ katvā vivaṭṭaṃ dassento – “yato kho, bhikkhave, bhikkhū”tiādimāha. Tattha **yatoti** yadā. **Channaṃ phassāyatanānanti** yehi chahi phassāyatanehi phusitvā paṭisaṃvedayamānānaṃ diṭṭhigatikānaṃ vaṭṭaṃ vattati, tesamyeva channaṃ phassāyatanānaṃ. **Samudaya**ntiādisu avijjāsamudayā cakkhusamudayotiādinā vedanākammaṭṭhāne vuttanayena phassāyatanānaṃ samudayaḍayo veditabbā. Yathā pana tattha “phassasamudayā phassanirodhā”ti vuttaṃ, evamidha, taṃ cakkhādisu – “āhārasamudayā āhāranirodhā”ti veditabbā. Manāyatane “nāmarūpasamudayā nāmarūpanirodhā”ti.

**Uttaritaraṃ pajānātī**ti diṭṭhigatiko diṭṭhimeva jānāti. Ayaṃ pana diṭṭhiṅca diṭṭhito ca uttaritaraṃ sīlasamādhipaṇṇāvimumuttinti yāva arahattā jānāti. Ko evaṃ jānātī? Khīṇāsavo jānāti, anāgāmī, sakadāgāmī, sotāpanno, bahussuto, ganthadharo bhikkhu jānāti, āradhāvipassako jānāti. Desanā pana arahattanikūṭeneva niṭṭhāpitāti.

**146.** Evaṃ vivaṭṭaṃ kathetvā idāni “desanājālavimutto diṭṭhigatiko nāma natthī”ti dassanattaṃ puna – “ye hi keci, bhikkhave”ti ārabhi. Tattha **antojālīkatāti** imassa mayhaṃ desanājālassa antoyeva katā. **Ettha sitā** vāti etasmiṃ mama desanājāle sitā nissitā avasitāva. **Ummujjamaṇā ummujjantī**ti kiṃ vuttaṃ hoti? Te adho osīdantāpi uddhaṃ uggacchantāpi mama desanājāle sitāva hutvā osīdanti ca uggacchanti ca. **Ettha pariyaṇṇāntī** ettha mayhaṃ desanājāle pariyaṇṇā, etena ābaddhā antojālīkatā ca hutvā ummujjamaṇā ummujjanti, na hettha asaṅgahito diṭṭhigatiko nāma atthīti.

**Sukhumacchikenā**ti saṅhaacchikena sukhumacchiddenāti attho. Kevaṭṭo viya hi bhagavā, jālaṃ viya desanā, parittaudakaṃ viya dasasahassilokadhātu, oḷārikā paṇā viya dvāsaṭṭhidiṭṭhigatikā. Tassa tīre ṭhatvā olokentassa oḷārikānaṃ paṇānaṃ antojālīkatabhāvadassanaṃ viya bhagavato sabbadiṭṭhigatānaṃ desanājālassa antokatabhāvadassananti evamettha opammaṃsaṃsandanaṃ veditabbāṃ.

**147.** Evaṃ imāhi dvāsaṭṭhiyā diṭṭhīhi sabbadiṭṭhīnaṃ saṅgahitattā sabbesaṃ diṭṭhigatikānaṃ etasmiṃ desanājāle pariyaṇṇabhāvaṃ dassetvā idāni attano katthaci aperiyaṇṇabhāvaṃ dassento – “ucchinnabhavanettiko, bhikkhave, tathāgatassa kāyo”tiādimāha. Tattha nayanti etāyāti netti. **Nayanāntī** gīvāya bandhitvā ākaḍḍhanti, rajjuyā etaṃ nāmaṃ. Idha pana nettisadisatāya bhavataṅhā nettīti adhippetā. Sā hi mahājanaṃ gīvāya bandhitvā taṃ taṃ bhavaṃ neti upanetīti bhavanetti. Arahattamaggasatthena ucchinnā bhavanetti assāti **ucchinnabhavanettiko**.

**Kāyassa bheda uddhanti** kāyassa bhedato uddhaṃ. **Jīvitapariyādānā**ti jīvitassa sabbaso pariyaḍinnattā parikkhīṇattā, puna appaṭisaṇḍhikabhāvāti attho. **Na taṃ dakkhantī**ti taṃ tathāgataṃ. Devā vā manussā vā na dakkhissanti, apaṇṇattikabhāvaṃ gamissatīti attho.

**Seyyathāpi, bhikkhavi**ti, upamāyaṃ pana idaṃ saṃsandanaṃ. Ambarukkho viya hi tathāgatassa kāyo, rukkhe jātamahāvaṇṭo viya taṃ nissāya pubbe pavattataṅhā. Tasmīṃ vaṇṭe upanibaddhā pañcapakkadvādasapakkaatṭhārasapakkarimāṇā ambapiṇḍī viya taṅhāya sati taṅhūpanibandhanā hutvā āyatīṃ nibbattanakā pañcakkhandhā dvādasāyatanāni aṭṭhārasa dhātuyo. Yathā pana tasmīṃ vaṇṭe chinne sabbāni tāni ambāni tadanvayāni honti, taṃyeva vaṇṭaṃ anugātāni, vaṇṭacchedā chinnāni yevāti attho; evameva ye bhavanettivaṇṭassa anupacchinnattā āyatīṃ uppajjeyyūṃ pañcakkhandhā dvādasāyatanāni aṭṭhārasadhātuyo, sabbe te dhammā tadanvayā honti bhavanettīṃ anugatā, tāya chinnāya chinnā yevāti attho.

Yathā pana tasmīṃpi rukkhe maṇḍūkakaṇṭakavisasamphassaṃ āgamma anupubbena sussitvā mate – “imasmiṃ ṭhāne evarūpo nāma rukkho ahoṣī”ti vohāramattameva hoti, na taṃ rukkhaṃ koci passati, evaṃ ariyamaggasamphassaṃ āgamma taṅhāsinehassa pariyaḍinnattā anupubbena sussitvā viya bhinne imasmiṃ kāye, kāyassa bheda uddhaṃ jīvitapariyādānā na taṃ dakkhanti, tathāgatampi devamanussā na dakkhissanti,



evarūpassa nāma kira satthuno idam sāsānanti vohāramattameva bhavissatīti anupādisesanibbānadhātuṃ pāpetvā desanaṃ niṭṭhapesi.

**148. Evaṃ vutte āyasmā ānandoti** evaṃ bhagavatā imasmiṃ sutte vutte thero ādito paṭṭhāya sabbaṃ suttaṃ samannāharitvā evaṃ buddhabalaṃ dīpetvā kathitasuttassa na bhagavatā nāmaṃ gahitaṃ, handassa nāmaṃ gaṇhāpessāmīti cintetvā bhagavantaṃ etadavoca.

**Tasmātiha tvantiādīsu** ayamattahayojanā – ānanda, yasmā imasmiṃ dhammapariyāye idhatthopi paratthopi vibhatto, tasmātiha tvaṃ imaṃ dhammapariyāyaṃ “atthajāla”ntipi naṃ dhārehi; yasmā panettha bahū tantidhammā kathitā, tasmā “dhammajāla”ntipi naṃ dhārehi; yasmā ca ettha seṭṭhatṭhena brahmaṃ sabbaññutaññānaṃ vibhattaṃ, tasmā “brahmajāla”ntipi naṃ dhārehi; yasmā ettha dvāsaṭṭhiditṭhiyo vibhattā, tasmā “ditṭhijāla”ntipi naṃ dhārehi; yasmā pana imaṃ dhammapariyāyaṃ sutvā devaputtamāraṃpi khandhamāraṃpi maccumāraṃpi kilesamāraṃpi sakkā madditūṃ, tasmā “anuttaro saṅgāmaṃvijayotipi naṃ dhārehī”ti.

**Idamavoca bhagavāti** idam nidānāvasānato pabhuti yāva “anuttaro saṅgāmaṃvijayotipi naṃ dhārehī”ti sakalaṃ suttantaṃ bhagavā paresaṃ paññāya alabbhaneyyapatiṭṭhaṃ paramagambhīraṃ sabbaññutaññānaṃ pakāsento sūriyo viya andhakāraṃ ditṭhigatamahandhakāraṃ vidhamanto avoca.

**149. Attamanā te bhikkhūti** te bhikkhū attamanā sakamanā, buddhagatāya pītiyā udaggacittā hutvāti vuttaṃ hoti. **Bhagavato bhāsītanti** evaṃ vicitrāyadesanāvīlāsayuttaṃ idam suttaṃ karavīkarutamañjunā kaṇṇasukhena paṇḍitajanahadayānaṃ amatābhisekasadisena brahmāssarena bhāsāmānassa bhagavato vacanaṃ. **Abhinanduntī** anumodīṃsu ceva sampaṭicchīṃsu ca. Ayañhi **abhinandasaddo** – “abhinandati abhivadatī”tiādīsu (saṃ. ni. 3.5) taṇhāyampi āgato. “Annamevābhinandanti, ubhaye devamānusa”tiādīsu (saṃ. ni. 1.43) upagamanepi.

“Cīrapavāsīṃ purisaṃ, dūrato sotthimāgataṃ;  
Ñātimitā suhajjā ca, abhinandanti āgata”nti. (dha. pa. 219);

Ādīsu sampaṭicchānepi. “Abhinanditvā anumoditvā”tiādīsu (ma. ni. 1.205) anumodānepi. Svāyamidha anumodanasampaṭicchānesu yujjati. Tena vuttaṃ – “abhinanduntī anumodīṃsu ceva sampaṭicchīṃsu cā”ti.

Subhāsitaṃ sulapitaṃ, “sādhu sādhu”ti tādīno;  
Anumodamānā sīrasā, sampaṭicchīṃsu bhikkhavoti.

**Imasmiñca pana veyyākaraṇasminti** imasmiṃ niggāthakasutte. Niggāthakattā hi idam veyyākaraṇanti vuttaṃ.

**Dasasahassī lokadhātūti** dasasahassacakkavāḷaparimāṇā lokadhātu. **Akampitthāti** na suttapariyosāneyeva akampitthāti veditabbā. Bhaññamāneti hi vuttaṃ. Tasmā dvāsaṭṭhiyā ditṭhigatesu viniveṭhetvā desiyamānesu tassa tassa ditṭhigatassa pariyoṣāne pariyoṣāneti dvāsaṭṭhiyā ṭhānesu akampitthāti veditabbā.

Tattha aṭṭhahi kāraṇehi pathavīkampo veditabbo – dhātukkabhena, iddhimato ānubhāvena, bodhisattassa gabbhokkantiyā, mātukucchito nikkhamānena, sambodhippattiyā, dhammacakkappavattānena, āyusaṅkhārossajjanena, parinibbānenāti. Tesam vinicchayaṃ – “aṭṭha kho ime, ānanda, hetū aṭṭha paccayā mahato bhūmicālāssa pātubhāvāyā”ti evaṃ mahāparinibbāne āgatāya tantiyā vaṇṇanākāle vakkhāma. Ayaṃ pana mahāpathavī aparesupī aṭṭhasu ṭhānesu akampittha – mahābhinnikkhamāne, bodhimaṇḍūpasaṅkamaṇe, paṃsukūlaggaṇe, paṃsukūladhovane, kāḷakārāmasutte, gotamakāsutte, vessantarajātāke, imasmiṃ brahmajāletī. Tattha mahābhinnikkhamānabodhimaṇḍūpasaṅkamaṇesu vīriyabalena akampittha. Paṃsukūlaggaṇe dvisahassadīparivāre cattāro mahādīpe pahāya pabbajitvā susānaṃ gantvā paṃsukūlaṃ gaṇhantena dukkaraṃ bhagavatā katanti acchariyavegābhīhatā akampittha. Paṃsukūladhovanavessantarajātākesu akālakampanena akampittha. Kāḷakārāmagotamakāsuttesu – “ahaṃ

sakkhī bhagavā’’ti sakkhibhāvena akampittha. Imasmiṃ pana brahmajāle dvāsaṭṭhiyā diṭṭhigatesu vijaṭetvā niggumbaṃ katvā desiyamānesu sādhuḥkāradānavasena akampitthāti veditabbā.

Na kevalaṅca etesu ṭhānesuyeva pathavī akampittha, atha kho tīsu saṅghesupi mahāmahindattherassa imaṃ dīpaṃ āgantvā jotivane nisīditvā dhammaṃ desitadivasepi akampittha. Kalyāṇiyavihāre ca piṇḍapātiyattherassa cetiyaṅgaṇaṃ sammajjitvā tattheva nisīditvā buddhārammaṇaṃ pītiṃ gahetvā imaṃ suttantaṃ āradhassa suttapariyosāne udakapariyantaṃ katvā akampittha. Lohapāsādassa pācīnaambalaṭṭhikaṭṭhānaṃ nāma ahosi. Tattha nisīditvā dīghabhāṇakattherā brahmajālasuttaṃ ārabhiṃsu, tesam sajjhāyapariyosānepi udakapariyantameva katvā pathavī akampitthāti.

Evam yassānubhāvena, akampittha anekaso;  
Medanī suttasetṭhassa, desitassa sayambhunā.

Brahmajālassa tassīdha, dhammaṃ atthaṅca paṇḍitā;  
Sakkaccaṃ uggahetvāna, paṭipajjantu yonisoti.

Iti sumaṅgalavilāsiniyā dīghanikāyaṭṭhakathāyaṃ

Brahmajālasuttavaṇṇanā niṭṭhitā.

## 2. Sāmaññaphalasuttavaṇṇanā

### Rājāmaccaḥkathāvaṇṇanā

**150. Evam me sutam...pe... rājagaheti** sāmaññaphalasuttaṃ. Tatrāyaṃ apubbapadavaṇṇanā – **rājagaheti** evaṃnāmake nagare. Tañhi mandhātumahāgovindādīhi pariggahitattā rājagahanti vuccati. Aññepi ettha pakāre vaṇṇayanti, kiṃ tehi? Nāmamattametam tassa nagarassa. Tam panetaṃ buddhakāle ca cakkavattikāle ca nagaram hoti, sesakāle suññaṃ hoti yakkhapariggahitaṃ, tesam vasanavanaṃ hutvā tiṭṭhati. **Viharatīti** avisesena iriyāpathadibbrahmaariyavihāresu aññataravihārasamaṅgiparidīpanametam. Idha pana ṭhānagamananisajjasayanappabhedesu iriyāpathesu aññatarairiyāpathasamāyogaparidīpanaṃ. Tena ṭhitopi gacchantopi nisinnopi sayānopi bhagavā viharati ceva veditabbo. So hi ekaṃ iriyāpathabādhanam aññena iriyāpathena vicchinditvā aparipataṃ attabhāvaṃ haratī pavatteti, tasmā viharatīti vuccati.

**Jīvakassa komārabhaccassa ambavaneti** idamassa yaṃ gocaraḡāmaṃ upanissāya viharati, tassa samīpanivāsanaṭṭhānaparidīpanaṃ. Tasmā – rājagahe viharati jīvakassa komārabhaccassa ambavaneti rājagahasamīpe jīvakassa komārabhaccassa ambavane viharatīti evamettha attho veditabbo. Samīpatthe hetam bhumavacanaṃ. Tattha jīvatīti **jīvako**, kumārena bhatoti **komārabhacco**. Yathāha – ‘‘kiṃ bhaṇe, etaṃ kākehi samparikiṇṇanti? Dārako devāti. Jīvati bhaṇeti? Jīvati, devāti. Tena hi, bhaṇe tam dārakaṃ amhākaṃ antepuraṃ netvā dhātīnaṃ detha posetunti. Tassa jīvatīti jīvakoti nāmaṃ akaṃsu. Kumārena posāpitoti komārabhaccoti nāmaṃ akaṃsū’’ti (mahāva. 328) ayaṃ panettha saṅkhepo. Vitthārena pana jīvakavatthukhandhake āgatameva. Vinicchayaḡakathāpissa samantapāsādikāya vinayaṭṭhakathāyaṃ vuttā.

Ayaṃ pana jīvako ekasmiṃ samaye bhagavato dosābhisannaṃ kāyaṃ virecetvā siveyyakaṃ dussayugaṃ datvā vatthānumodanāpariyosāne sotāpattiphale patiṭṭhāya cintesi – ‘‘mayā divasassa dvattikkhattuṃ buddhupaṭṭhānaṃ gantabbaṃ, idaṅca veḷuvanaṃ atidūre, mayhaṃ pana ambavanaṃ uyyānaṃ āsannataraṃ, yaṃnūnāhaṃ ettha bhagavato vihāraṃ kāreyya’’nti. So tasmīṃ ambavane rattiṭṭhānadivāṭṭhānaleṅakuṭīmaṇḍapādīni sampādetvā bhagavato anucchavikaṃ gandhakuṭīṃ kārāpetvā ambavanaṃ aṭṭhārasahatthubbedhena tambapaṭṭavaṇṇena pākārena parikkhipāpetvā buddhappamukhaṃ bhikkhusaṅghaṃ sacīvarabhattena santappetvā dakkhiṇodakaṃ pātetvā vihāraṃ niyyātesi. Tam sandhāya vuttaṃ – ‘‘jīvakassa komārabhaccassa ambavane’’ti.

**Aḍḍhatelasehi bhikkhusatehīti aḍḍhasatena ūnehi terasahi bhikkhusatehi. Rājātiādīsu rājati attano issariyasampattiyā catūhi saṅgahavattūhi mahājanaṃ rañjeti vaḍḍhetīti rājā. Magadhānaṃ issaroti māgadhō. Ajātoyeva rañño sattu bhavissatīti nemittakehi niddiṭṭhoti ajātasattu.**

Tasmim kira kucchigate deviyā evarūpo dohaḷo uppajji – “aho vatāhaṃ rañño dakkhiṇabāhulohitaṃ piveyya”nti, sā “bhāriye ṭhāne dohaḷo uppanno, na sakkā kassaci ārocetu”nti taṃ kathetuṃ asakkontī kiśā dubbaṇṇā ahoṣi. Taṃ rājā pucchi – “bhadde, tuyhaṃ attabhāvo na pakativaṇṇo, kiṃ kāraṇa”nti? “Mā puccha, mahārājāti”. “Bhadde, tvaṃ attano ajjhāsayāṃ mayhaṃ akathentī kassa kathessasi”ti tathā tathā nibandhitvā kathāpesi. Sutvā ca – “bāle, kiṃ ettha tuyhaṃ bhāriyasañña ahoṣi”ti vejjaṃ pakkosāpetvā suvaṇṇasatthakena bāhuṃ phālāpetvā suvaṇṇasarakena lohitaṃ gahetvā udakena sambhinditvā pāyesi. Nemittakā taṃ sutvā – “esa gabbho rañño sattu bhavissati, iminā rājā haññissati”ti byākariṃsu. Devī sutvā – “mayhaṃ kira kucchito nikkhanto rājānaṃ māressati”ti gabbhaṃ pātetukāmā uyyānaṃ gantvā kucchiṃ maddāpesi, gabbho na patati. Sā punappunaṃ gantvā tatheva kāresi. Rājā kimatthaṃ ayaṃ abhiṇhaṃ uyyānaṃ gacchatīti parivīmaṃsanto taṃ kāraṇaṃ sutvā – “bhadde, tava kucchiyaṃ puttoti vā dhītati vā na paññāyati, attano nibbattadāraṃ evamakāsīti mahā aguṇarāsipi no jambudīpatale āvibhavissati, mā tvaṃ evaṃ karohī”ti nivāretvā ārakkhaṃ adāsi. Sā gabbhavuṭṭhānakāle “māressamī”ti cintesi. Tadāpi ārakkhamanussā dāraṃ apanayīṃsu. Athāparena samayena vuḍḍhippattaṃ kumāraṃ deviyā dassesuṃ. Sā taṃ disvāva puttasiṇhaṃ uppādesi, tena naṃ māretuṃ nāsakkhi. Rājāpi anukkamena puttassa oparajjamadāsi.

Athekasmim samaye devadatto rahogato cintesi – “sāriputtassa parisā mahāmoggallānassa parisā mahākassapassa parisāti, evamime viṣuṃ viṣuṃ dhurā, ahampi ekaṃ dhuraṃ nīharāmī”ti. So “na sakkā vinā lābhena parisāṃ uppādetuṃ, handāhaṃ lābhaṃ nibbattemī”ti cintetvā khandhake āgatanayena ajātasattuṃ kumāraṃ iddhipāṭihāriyena pasādetvā sāyaṃ pātaṃ pañcahi rathasatehi upaṭṭhānaṃ āgacchantāṃ ativissatthaṃ ñatvā ekadivasaṃ upasaṅkamitvā etadavoca – “pubbe kho, kumāra, manussā dīghāyukā, etarahi appāyukā, tena hi tvaṃ kumāra, pitaraṃ hantvā rājā hohi, ahaṃ bhagavantaṃ hantvā buddho bhavissāmī”ti kumāraṃ pituvadhe uyyojeti.

So – “ayyo devadatto mahānubhāvo, etassa aviditaṃ nāma natthī”ti ūruyā potthaniyaṃ bandhitvā divā divassa bhīto ubbiggo ussāṅkī utraṣṭo antepuraṃ pavisitvā vuttappakāraṃ vippakāraṃ akāsi. Atha naṃ amaccā gahetvā anuyuñjītvā – “kumāro ca hantabbo, devadatto ca, sabbe ca bhikkhū hantabbā”ti sammantayitvā rañño aṇavasena karissāmāti rañño ārocesuṃ.

Rājā ye amaccā māretukāmā ahesuṃ, tesāṃ ṭhānantarāni acchinditvā, ye na māretukāmā, te uccesu ṭhānesu ṭhapetvā kumāraṃ pucchi – “kissa pana tvaṃ, kumāra, maṃ māretukāmosī”ti? “Rajjenamhi, deva, atthiko”ti. Rājā tassa rajjaṃ adāsi.

So mayhaṃ manoratho nipphanoti devadattassa ārocesi. Tato naṃ so āha – “tvaṃ siṅgālaṃ antokatvā bheripariyonaddhapuriso viya sukiccakārimhīti maññasi, katipāheneva te pitā tayā kataṃ avamānaṃ cintetvā sayameva rājā bhavissatī”ti. Atha, bhante, kiṃ karomīti? Mūlaghaccaṃ ghātehīti. Nanu, bhante, mayhaṃ pitā na satthavajjhōti? Āhārupacchedena naṃ mārehīti. So pitaraṃ tāpanagehe pakkhipāpesi, tāpanagehaṃ nāma kammakaraṇatthāya kataṃ dhūmagharaṃ. “Mama mātaraṃ ṭhapetvā aññassa daṭṭhuṃ mā dethā”ti āha. Devī suvaṇṇasarake bhattaṃ pakkhipitvā ucchaṅgenādāya pavisati. Rājā taṃ bhuñjītvā yāpeti. So – “mayhaṃ pitā kathaṃ yāpeti”ti pucchitvā taṃ pavattim sutvā – “mayhaṃ mātu ucchaṅgaṃ katvā pavisituṃ mā dethā”ti āha. Tato paṭṭhāya devī molīyaṃ pakkhipitvā pavisati. Tampi sutvā “molim bandhitvā pavisituṃ mā dethā”ti. Tato suvaṇṇapādukāsu bhattaṃ ṭhapetvā pidahitvā pādūkā āruya pavisati. Rājā tena yāpeti. Puna “kathaṃ yāpeti”ti pucchitvā tamatthaṃ sutvā “pādūkā āruya pavisitumpi mā dethā”ti āha. Tato paṭṭhāya devī gandhodakena nhāyitvā sarīraṃ catumadhurena makkhetvā pārupitvā pavisati. Rājā tassā sarīraṃ lehitvā yāpeti. Puna pucchitvā taṃ pavattim sutvā “ito paṭṭhāya mayhaṃ mātu pavesanaṃ nivārethā”ti āha. Devī dvāramūle ṭhatvā “sāmi, bimbisāra, etaṃ daharakāle māretuṃ na adāsi, attano sattuṃ attanāva posesi, idaṃ pana dāni te pacchimadassanaṃ, nāhaṃ ito paṭṭhāya tumhe passituṃ labhāmi, sace mayhaṃ doso atthi, khamatha devā”ti roditvā kanditvā nivatti.

Tato paṭṭhāya rañño āhāro natthi. Rājā maggaphalasukhena caṅkamena yāpeti. Ativiya assa attabhāvo virocāti. So – “kathaṃ, me bhaṇe, pitā yāpeti”ti pucchitvā “caṅkamena, deva, yāpeti; ativiya cassa attabhāvo virocāti”ti sutvā ‘caṅkamaṃ dānissa hāressāmī’ti cintetvā – “mayhaṃ pitu pāde khurena phāletvā loṇatelena makkhetvā khadiraṅgārehi vītaccitehi pacathā”ti nhāpīte pesesi. Rājā te disvā – “nūna mayhaṃ putto kenaci saññatto bhavissati, ime mama massukaraṇatthāyāgatā”ti cintesi. Te gantvā vanditvā aṭṭhaṃsu. ‘Kasmā āgatathā’ti ca puṭṭhā taṃ sāsanaṃ ārocesuṃ. “Tumhākaṃ rañño manaṃ karoṭhā”ti ca vuttā ‘nisīda, devā’ti vatvā ca rājānaṃ vanditvā – “deva, mayaṃ rañño āṇaṃ karoma, mā amhākaṃ kujjhittha, nayidaṃ tumhādisānaṃ dhammarājūnaṃ anucchavika”nti vatvā vāmahatthena gopphake gahetvā dakkhiṇahatthena khuraṃ gahetvā pādatalāni phāletvā loṇatelena makkhetvā khadiraṅgārehi vītaccitehi paciṃsu. Rājā kira pubbe cetiyaṅgaṇe saupāhano agamāsi, nisajjanatthāya paññattakataṣārakaṇca adhotēhi pādehi akkami, tassāyaṃ nissandoti vadanti. Rañño balavavedanā uppānā. So – “aho buddho, aho dhammo, aho saṅgho”ti anussarantoyeva cetiyaṅgaṇe khittamālā viya milāyitvā cātumahārājikadevaloke vessavaṇassa paricārako janavasabho nāma yakkho hutvā nibbatti.

Taṃ divasameva ajātasattussa putto jāto, puttassa jātabhāvaṇca pitumatabhāvaṇca nivedetuṃ dve lekḥā ekakkhaṇeyeva āgatā. Amaccā – “paṭṭhamaṃ puttassa jātabhāvaṃ ārocessāmā”ti taṃ lekhaṃ rañño hatthe ṭhapesuṃ. Rañño taṅkhaṇeyeva puttasiṇeho uppajjitvā sakalasarīraṃ khobhetvā aṭṭhimiṇjaṃ āhacca aṭṭhāsi. Tasmīṃ khaṇe pituguṇamaññāsi – “mayi jātepi mayhaṃ pitu evameva siṇeho uppanno”ti. So – “gacchatha, bhaṇe, mayhaṃ pitaraṃ vissajjethā”ti āha. “Kiṃ vissajjāpetha, devā”ti itaraṃ lekhaṃ hatthe ṭhapaṃsu.

So taṃ pavattiṃ sutvā rodamāno mātusamīpaṃ gantvā – “ahosi nu, kho, amma, mayhaṃ pitu mayi jāte siṇeho”ti? Sā āha – “bālaputta, kiṃ vadesi, tava daharakāle aṅguliyaṃ pīlakā uṭṭhahi. Atha taṃ rodamānaṃ saññāpetuṃ asakkontā taṃ gahetvā vinicchayaṭṭhāne nisinnassa tava pitu santikaṃ agamaṃsu. Pitā te aṅguliṃ mukhe ṭhapesi. Pīlakā mukheyeva bhijji. Atha kho pitā tava siṇehena taṃ lohitamissakaṃ pubbaṃ aṇiṭṭhubhitvāva ajjhohari. Evarūpo te pitu siṇeho”ti. So roditvā paridevitvā pitu sarīrakiccaṃ akāsi.

Devadattopi ajātasattuṃ upasaṅkamitvā – “purise, mahārāja, āṇāpehi, ye samaṇaṃ gotamaṃ jīvitā voropessanti”ti vatvā tena dinne purise pesetvā sayāṃ gijjhakūṭaṃ āruya yantena silaṃ pavijjhivā nālāgiriṇatthiṃ muñcāpetvāpi kenaci upāyena bhagavantaṃ māretuṃ asakkonto parihīnalābhasakkāro pañca vatthūni yācitvā tāni alabhamāno tehi janaṃ saññāpessāmīti saṅghabhedāṃ katvā sārīputtamoggallānesu parisāṃ ādāya pakkantesu uṇhalohitaṃ mukhena chaḍḍetvā navamāse gilānamañce nipajjitvā vipṭiṣārājāto – “kuhiṃ etarahi sathā vasati”ti pucchitvā “jetavane”ti vutte mañcakena maṃ āharitvā sathāraṃ dassethāti vatvā āhariyamāno bhagavato dassanārahassa kammaṃ akatattā jetavane pokkharāṇīsamīpeyeva dvedhā bhinnaṃ pathaviṃ pavisitvā mahāniraye patiṭṭhitoti. Ayamettha saṅkhepo. Vitthārakathānayo khandhake āgato. Āgatattā pana sabbāṃ na vuttanti. Evaṃ ajātoyeva rañño sattu bhavissatīti nemittakehi niddiṭṭhoti ajātasattu.

**Vedehiputtoti** ayaṃ kosalarañño dhītāya putto, na videharañño. Vedehīti pana paṇḍitādhivacanametāṃ. Yathāha – “vedehikā gahapatānī (ma. ni. 1.226), ayyo ānando vedehamunī”ti (saṃ. ni. 2.154). Tatrāyaṃ vacanatto – vidanti etenāti vedo, ñāṇassetāṃ adhivacanaṃ. Vedena īhati ghaṭati vāyamatīti vedehī. Vedehiyā putto vedehiputto.

**Tadahūti** tasmīṃ ahu, tasmīṃ divaseti attho. Upavasanti etthāti uposatho, upavasantiṭi sīlena vā anasanena vā upetā hutvā vasantiṭi attho. Ayaṃ panettha atthuddhāro – “āyāmāvuso, kappina, uposathaṃ gamissāmā”tiādīsu pātīmokkhuddeso uposatho. “Evaṃ aṭṭhaṅgasamānāgato kho, visākke, uposatho upavuttho”tiādīsu (a. ni. 8.43) sīlaṃ. “Suddhassa ve sadā phaggu, suddhassuposatho sadā”tiādīsu (ma. ni. 1.79) upavāso. “Uposatho nāma nāgarājā”tiādīsu (dī. ni. 2.246) paññatti. “Na, bhikkhave, tadahuposathe sabhikkhukā āvāsā”tiādīsu (mahāva. 181) upavasitabbadivaso. Idhāpi soyeva adhippeto. So panesa aṭṭhamī cātuddasī pannarasībhedenā tividho. Tasmā sesadvayanivāraṇatthaṃ pannaraseti vuttaṃ. Teneva vuttaṃ – “upavasanti etthāti uposatho”ti.

**Komudiyāti** kumudavatiyā. Tadā kira kumudāni supupphitāni honti, tāni ettha santīti komudī. **Cātumāsiniyāti** cātumāsiyā, sā hi catunnaṃ māsānaṃ pariyoṣānabhūtāti cātumāsī. Idha pana cātumāsiniṭi

vuccati. Māsapuṇṇatāya utupuṇṇatāya saṃvaccharapuṇṇatāya puṇṇā sampuṇṇāti puṇṇā. Mā iti cando vuccati, so ettha puṇṇoti puṇṇamā. Evaṃ puṇṇāya puṇṇamāyāti imasmim padadvaye ca attho veditabbo.

**Rājāmacaparivutoti** evarūpāya rajataghaṭaviniggaṭāhi khīradhārāhi dhoviyamānadisābhāgāya viya, rajatavimānaviccutehi muttāvāḷisumanakusumadāmasetaḍḍakūlakumudavisarehi samparikiṇṇāya viya ca, caturupakkilesavimuttapuṇṇacandappabhāsamudayobhāsītāya rattiyā rājāmaccehi parivutoti attho.

**Uparipāsādavaragatoti** pāsādavarassa uparigato. Mahārahe samussitasetacchatte kañcanāsane nisinnō hoti. Kasmā nisinnō? Niddāvinodanattamaṃ. Ayañhi rājā pitari upakkantadivasato paṭṭhāya – “niddamaṃ okkamissāmī”ti nimilitamattesuyeva akkhīsu sattisataabbhāhato viya kandamānoyeva pabujjhi. Kimetanti ca vutte, na kiñcīti vadati. Tenassa amanāpā niddā, iti niddāvinodanattamaṃ nisinnō. Api ca tasmim divase nakkhattamaṃ saṅghuṭṭamaṃ hoti. Sabbamaṃ nagaramaṃ sittasammaṭṭamaṃ vippakiṇṇavālukamaṃ pañcavaṇṇakusumalājapuṇṇaghaṭapaṭimaṇḍitagharadvāraṃ samussitadhajapaṭākavicitrasamujjalitadīpamālālaṅkatasabbadisābhāgamaṃ vīthisabhāgena racchāsabhāgena nakkhattakīḷamaṃ anubhavamānena mahājanena samākiṇṇamaṃ hoti. Iti nakkhattadivasatāyapi nisinnōti vadanti. Evaṃ pana vatvāpi – “rājakulassa nāma sadāpi nakkhattameva, niddāvinodanattamaṃyeva panesa nisinnō”ti sannīṭṭhānaṃ kataṃ.

**Udānaṃ udānesīti** udāhāraṃ udāhari, yathā hi yaṃ telamaṃ mānaṃ gahetumaṃ na sakkoti, vissanditvā gacchati, taṃ avasekoti vuccati. Yañca jalamaṃ taḷākaṃ gahetumaṃ na sakkoti, ajjhottharitvā gacchati, taṃ oghoti vuccati; evameva yaṃ pītivacanaṃ hadayaṃ gahetumaṃ na sakkoti, adhikaṃ hutvā anto asaṅṭhahitvā bahinikkhamati, taṃ udānanti vuccati. Evarūpaṃ pītimayaṃ vacanaṃ nicchāresīti attho.

**Dosināti** dosāpagatā, abbhā, mahikā, dhūmo, rajo, rāhūti imehi pañcahi upakkilesehi virahitāti vuttamaṃ hoti. Tasmā **ramaṇīyāti**dīni pañca thomanavacanāni. Sā hi mahājanassa manaṃ ramayatīti **ramaṇīyā**. Vuttadosavimuttāya candappabhāya obhāsītattā ativiya surūpāti **abhirūpā**. Dassitumaṃ yuttāti **dassanīyā**. Cittamaṃ pasādetīti **pāsādikā**. Divasamāsādīnaṃ lakkhaṇamaṃ bhavitumaṃ yuttāti **lakkhaṇā**.

**Kaṃ nu khvajjāti** kaṃ nu kho ajja. **Samaṇamaṃ vā brāhmaṇamaṃ vāti** samitapāpatāya samaṇamaṃ. Bāhitapāpatāya brāhmaṇamaṃ. **Yaṃ no payirupāsatoti** vacanabyattayo esa, yaṃ ambhākaṃ pañhapucchanavasena payirupāsantānaṃ madhuraṃ dhammaṃ sutvā cittaṃ pasīdeyyāti attho. Iti rājā iminā sabbenapi vacanena obhāsanimittakammaṃ akāsi. Kassa akāsīti? Jīvakassa. Kimattamaṃ? Bhagavato dassanattamaṃ. Kiṃ bhagavantaṃ sayamaṃ dassanāya upagantumaṃ na sakkotīti? Āma, na sakkoti. Kasmā? Mahāparādhatāya.

Tena hi bhagavato upaṭṭhāko ariyasāvako attano pitā mārito, devadatto ca tameva nissāya bhagavato bahuṃ anattamakāsi, iti mahāparādho esa, tāya mahāparādhatāya sayamaṃ gantumaṃ na sakkoti. Jīvako pana bhagavato upaṭṭhāko, tassa piṭṭhichāyāya bhagavantaṃ passissāmīti obhāsanimittakammaṃ akāsi. Kiṃ jīvako pana – “mayamaṃ idamaṃ obhāsanimittakamma”nti jānātīti? Āma jānāti. Atha kasmā tuṅhī ahoṣīti? Vikkhepapacchedanattamaṃ.

Tassañhi parisati channaṃ satthārānaṃ upaṭṭhākā bahū sannipatitā, te asikkhitānaṃ payirupāsānena sayampi asikkhitāva. Te mayi bhagavato guṇakathaṃ āraddhe antarantarā uṭṭhāyuttāya attano satthārānaṃ guṇamaṃ kathessanti, evamaṃ me satthu guṇakathā pariyosānaṃ na gamissati. Rājā pana imesaṃ kulūpake upasaṅkamitvā gahitāsāratāya tesamaṃ guṇakathāya anattamano hutvā maṃ paṭipucchissati, athāhaṃ nibbikkhepaṃ satthu guṇamaṃ kathetvā rājānaṃ satthu santikaṃ gahetvā gamissāmīti jānantova vikkhepapacchedanattamaṃ tuṅhī ahoṣīti.

Tepi amaccā evamaṃ cintesumaṃ – “ajja rājā pañcahi padehi rattim thometi, addhā kiñci samaṇamaṃ vā brāhmaṇamaṃ vā upasaṅkamitvā pañhaṃ pucchitvā dhammaṃ sotukāmo, yassa cesa dhammaṃ sutvā pasīdissati, tassa ca mahantaṃ sakkāraṃ karissati, yassa pana kulūpako samaṇo rājakulūpako hoti, bhaddamaṃ tassā”ti.

**151-152.** Te evamaṃ cintetvā – “ahamaṃ attano kulūpakasamaṇassa vaṇṇamaṃ vatvā rājānaṃ gahetvā

gamissāmi, ahaṃ gamissāmī”ti attano attano kulūpakānaṃ vaṇṇaṃ kathetuṃ āradhā. Tenāha – “**evaṃ vutte aññataro rājāmacco**”tiādi. Tatha **pūraṇoti** tassa satthupaṭiññassa nāmaṃ. **Kassapoti** gottaṃ. So kira aññatarassa kulassa ekūnadāsasataṃ pūrayamāno jāto, tenassa pūraṇoti nāmaṃ akaṃsu. Maṅgaladāsattā cassa “dukkaṭa”nti vattā natthi, akataṃ vā na katanti. So “kimahaṃ ettha vasāmi”ti palāyi. Athassa corā vatthāni acchindimṃsu, so paṇṇena vā tiṇena vā paṭicchādetumpi ajānanto jātarūpeneva ekaṃ gāmaṃ pāvīsi. Manussā taṃ disvā “ayaṃ samaṇo arahā appiccho, natthi iminā sadiso”ti pūvabhattādīni gahetvā upasaṅkamanti. So – “mayhaṃ sātakaṃ anivatthabhāvena idaṃ uppanna”nti tato paṭṭhāya sātakaṃ labhitvāpi na nivāsesi, tadeva pabbajjaṃ aggahesi, tassa santike aññepi aññepīti pañcasatamanussā pabbajimṃsu. Taṃ sandhāyāha – “pūraṇo kassapo”ti.

Pabbajitasamūhasaṅkhāto saṅgho assa atthīti **saṅghī**. Sveva gaṇo assa atthīti **gaṇī**. Ācārasikkhāpanavasena tassa gaṇassa ācariyoti **gaṇācariyo**. **Ñāto** paññāto pākaṭo. “Appiccho santuṭṭho. Appicchatāya vatthampi na nivāsetī”ti evaṃ samuggato yaso assa atthīti **yasassī**. **Titthakaroti** laddhikaro. **Sādhusammato**ti ayaṃ sādhu, sundaro, sappurisoti evaṃ sammato. **Bahujanassāti** assutavato andhabālaputhujjanassa. Pabbajitato paṭṭhāya atikkantā bahū rattiyo jānātīti **rattaññū**. Ciraṃ pabbajitassa assāti **cirapabbajito**, acirapabbajitassa hi kathā okappaṇīyā na hoti, tenāha “cirapabbajito”ti. **Addhagatoti** addhānaṃ gato, dve tayo rājaparivaṭṭe atītoti adhippāyo. **Vayoanuppattoti** pacchimavayaṃ anuppatto. Idaṃ ubhayampi – “daharassa kathā okappaṇīyā na hotī”ti etaṃ sandhāya vuttaṃ.

**Tuṅhī ahoṣīti** suvaṇṇavaṇṇaṃ madhurarasaṃ ambapakkaṃ khāditukāmo puriso āharitvā hatthe ṭhapitaṃ kājarapakkaṃ disvā viya jhānābhīññādiguṇayuttaṃ tilakkhaṇabbhāhataṃ madhuraṃ dhammakathaṃ sotukāmo pubbe pūraṇassa dassanenāpi anattamano idāni guṇakathāya suṭṭhutam anattamano hutvā tuṅhī ahoṣi. Anattamano samānopi pana “sacāhaṃ etaṃ tajjetvā gīvāyaṃ gahetvā nīharāpessāmi, ‘yo yo kathesi, taṃ taṃ rājā evaṃ karotī’ti bhīto aññopi koci kiñci na kathessatī”ti amanāpampi taṃ kathaṃ adhvāsetvā tuṅhī eva ahoṣi. Athañño – “ahaṃ attano kulūpakassa vaṇṇaṃ kathessāmī”ti cintetvā vattum ārabhi. Tena vuttaṃ – aññataropi khotiādi. Taṃ sabbaṃ vuttanayeneva vedītabbaṃ.

Ettha pana **makkhalīti** tassa nāmaṃ. Gosālāya jātattā **gosāloti** dutiyaṃ nāmaṃ. Taṃ kira sakaddamāya bhūmiyā telaghaṭaṃ gahetvā gacchantam – “tāta, mā khalī”ti sāmiko āha. So pamādena khalitvā patitvā sāmikassa bhayena palāyitum āradhho. Sāmiko upadhāvitvā dussakaṇṇe aggahesi. So sātakaṃ chaḍḍetvā acelako hutvā palāyi. Sesam pūraṇasadisameva.

**153. Ajitoti** tassa nāmaṃ. Kesakambalaṃ dhāretīti **kesakambalo**. Iti nāmadvayaṃ saṃsanditvā ajito kesakambaloti vuccati. Tatha **kesakambalo nāma** manussakesehi katakambalo. Tato paṭikiṭṭharam vatthaṃ nāma natthi. Yathāha – “seyyathāpi, bhikkhave, yāni kānici tantāvutānaṃ vatthānaṃ, kesakambalo tesam paṭikiṭṭho akkhāyati. Kesakambalo, bhikkhave, sīte sīto, uṇhe uṇho, dubbaṇṇo duggandho dukkhasamphasso”ti (a. ni. 3.138).

**154. Pakudhoti** tassa nāmaṃ. **Kaccāyanoti** gottaṃ. Iti nāmagottaṃ saṃsanditvā pakudho kaccāyanoti vuccati. Sītudakapaṭikkhattako esa, vaccaṃ katvāpi udakakiccaṃ na karoti, uṇhodakaṃ vā kañjiyaṃ vā labhitvā karoti, nadiṃ vā maggodakaṃ vā atikkamma – “sīlam me bhinna”nti vālikathūpaṃ katvā sīlam adhiṭṭhāya gacchati. Evarūpo nissirīkaladdhiko esa.

**155. Sañcayoti** tassa nāmaṃ. Belaṭṭhassa puttoti **belaṭṭhaputto**.

**156. Amhākaṃ gaṇṭhanakilesa palibandhanakilesa natthi, kilesagaṇṭtharahitā mayanti evaṃvādītāya laddhanāmasena nigaṇṭho.** Nāṭassa putto **nāṭaputto**.

### Komārabhaccajivakathāvaṇṇanā

**157. Atha kho rājāti** rājā kira tesam vacanaṃ sutvā cintesi – “ahaṃ yassa yassa vacanaṃ na sotukāmo, so so eva kathesi. Yassa panamhi vacanaṃ sotukāmo, esa nāgavasam pivitvā ṭhito supaṇṇo viya

tuṇhībhūto, anatto vata me’’ti. Athassa etadahosi – ‘‘jīvako upasantassa buddhassa bhagavato upaṭṭhāko, sayampi upasanto, tasmā vattasampanno bhikkhu viya tuṇhībhūtova nisinnō, na esa mayi akathente kathessati, hatthimhi kho pana maddante hatthisseva pādo gahetabbo’’ti tena saddhiṃ sayam mantetumāraddho. Tena vuttaṃ – ‘‘atha kho rājā’’ti. Tattha **kiṃ tuṇhī**ti kena kāraṇena tuṇhī. Imesaṃ amaccānaṃ attano attano kulūpakasamaṇassa vaṇṇaṃ kathentānaṃ mukhaṃ nappahoti. Kiṃ yathā etesaṃ, evaṃ tava kulūpakasamaṇo natthi, kiṃ tvaṃ daliddo, na te mama pitarā issariyaṃ dīnaṃ, udāhu assaddhoti pucchati.

Tato jīvakassa etadahosi – ‘‘ayaṃ rājā maṃ kulūpakasamaṇassa guṇaṃ kathāpeti, na dāni me tuṇhībhāvassa kālo, yathā kho panime rājānaṃ vanditvā nisinnāva attano kulūpakasamaṇānaṃ guṇaṃ kathayimṃsu, na mayhaṃ evaṃ satthuguṇe kathetum yutta’’nti uṭṭhāyāsanā bhagavato vihārābhimukho pañcapaṭiṭṭhitena vanditvā dasanakhasamodhānasamujjalaṃ añjaliṃ sirasi paggahetvā – ‘‘mahārāja, mā maṃ evaṃ cintayittha, ‘ayaṃ yaṃ vā taṃ vā samaṇaṃ upasaṅkamaṭi’’ti, mama satthuno hi mātukucchiokkamane, mātukucchito nikkhamane, mahābhinnikkhamane, sambodhiyaṃ, dhammacakkappavattane ca, dasasahassilokadhātu kampittha, evaṃ yamakapāṭihāriyaṃ akāsi, evaṃ devorohaṇaṃ, ahaṃ satthuno guṇe kathayissāmi, ekaggacitto suṇa, mahārājā’’ti vatvā – ‘‘ayaṃ deva, bhagavā arahaṃ sammāsambuddho’’tiādimāha. Tattha **taṃ kho pana bhagavantanti** itthambhūtākhyānatthe upayogavacanaṃ, tassa kho pana bhagavatoti attho. **Kalyāṇoti** kalyāṇaguṇasamannāgato, seṭṭhoti vuttaṃ hoti. **Kittisaddoti** kittiyeva. Thutighoso vā. **Abbhuggatoti** sadevakaṃ lokaṃ ajjhottharivā uggato. Kinti? ‘‘Itipi so bhagavā arahaṃ sammāsambuddho...pe... bhagavā’’ti.

Tatrāyaṃ padasambandho – so bhagavā itipi arahaṃ itipi sammāsambuddho...pe... itipi bhagavāti. Iminā ca iminā ca kāraṇenāti vuttaṃ hoti. Tattha ārakattā arīnaṃ, arānañca hatattā, paccayādīnaṃ arahattā, pāpakaraṇe rahābhāvāti, imehi tāva kāraṇehi so bhagavā arahanti vedittabbotiādinā nayena mātikaṃ nikkhipitvā sabbāneva cetāni padāni visuddhimagge buddhānussatiniddese vitthāritānīti tato nesaṃ vitthāro gahetabbo.

Jīvako pana ekamekassa padassa atthaṃ niṭṭhāpetvā – ‘‘evaṃ, mahārāja, arahaṃ mayhaṃ satthā, evaṃ sammāsambuddho...pe... evaṃ bhagavā’’ti vatvā – ‘‘taṃ, devo, bhagavantaṃ payirupāsatu, appeva nāma devassa taṃ bhagavantaṃ payirupāsato cittaṃ pasīdeyyā’’ti āha. Ettha ca **taṃ devo payirupāsatūti** vadanto ‘‘mahārāja, tumhādisānañhi satenapi sahassenapi satahassenapi puṭṭhassa mayhaṃ satthuno sabbesaṃ cittaṃ gahetvā kathetum thāmo ca balañca atthi, vissattho upasaṅkamtivā puccheyyāsi mahārājā’’ti āha.

Raṇṇopi bhagavato guṇakathaṃ suṇantassa sakalasarīraṃ pañcavaṇṇāya pīṭiyā nirantaraṃ phuṭaṃ ahoṣi. So taṅkhaṇaṇīeva gantukāmo hutvā – ‘‘imāya kho pana velāya mayhaṃ dasabalassa santikaṃ gacchato na añño koci khippaṃ yānāni yojetum sakkhissati aññatra jīvakā’’ti cintetvā – ‘‘tena hi, samma jīvaka, hatthiyānāni kappāpehi’’ti āha.

**158.** Tattha **tena hīti** uyyojanathe nipāto. Gaccha, samma jīvakāti vuttaṃ hoti. **Hatthiyānānīti** anekesu assarathādīsu yānesu vijjamānesupi hatthiyānaṃ uttamaṃ; uttamassa santikaṃ uttamayāneneva gantabbanti ca, assayānarathayānāni sasaddāni, dūratova tesam saddo suyyati, hatthiyānassa padānupadaṃ gacchantāpi saddaṃ na suṇanti. Nibbutassa pana kho bhagavato santike nibbuteheva yānehi gantabbanti ca cintayitvā hatthiyānānīti āha.

**Pañcamattāni hatthinikāsatānīti** pañca kareṇusatāni. **Kappāpetvāti** ārohaṇasajjāni kāretvā. **Ārohaṇīyanti** ārohaṇayoggaṃ, opaguyhanti attho. Kiṃ panesa raṇṇā vuttaṃ akāsi avuttanti? Avuttaṃ. Kasmā? Paṇḍitatāya. Evaṃ kirassa ahoṣi – rājā imāya velāya gacchāmīti vadati, rājāno ca nāma bahupaccatthikā. Sace antarāmagge koci antarāyo hoti, mampi garahissanti – ‘‘jīvako rājā me kathaṃ gaṇhātīti akālepi rājānaṃ gahetvā nikkhamaṭi’’ti. Bhagavantampi garahissanti ‘‘samaṇo gotamo, ‘mayhaṃ kathā vattatīti kālaṃ asallakkhetvāva dhammaṃ kathetī’’ti. Tasmā yathā neva mayhaṃ, na bhagavato, garahā uppajjati; raṇṇo ca rakkhā susaṃvihitā hoti, tathā karissāmī’’ti.

Tato itthiyo nissāya purisānaṃ bhayaṃ nāma natthi, ‘sukhaṃ itthiparivuto gamissāmī’’ti pañca

hatthinikāsatāni kappāpetvā pañca itthisatāni purisavesaṃ gāhāpetvā – “asitomarahatthā rājānaṃ parivāreyyāthā”ti vatvā puna cintesi – “imassa rañño imasmiṃ attabhāve maggaphalānaṃ upanissayo natthi, buddhā ca nāma upanissayaṃ disvāva dhammaṃ kathenti. Handāhaṃ, mahājanaṃ sannipātāpemi, evañhi sati satthā kassacideva upanissayena dhammaṃ desessati, sā mahājanassa upakārāya bhavissati”ti. So tattha tattha sāsanaṃ pesesi, bheriṃ carāpesi – “ajja rājā bhagavato santikaṃ gacchati, sabbe attano vibhavānurūpena rañño ārakkhaṃ gaṇhantū”ti.

Tato mahājano cintesi – “rājā kira satthudassanattaṃ gacchati, kīdisī vata bho dhammadesanā bhavissati, kiṃ no nakkhattakīlāya, tattheva gamissāmā”ti. Sabbe gandhamālādīni gahetvā rañño āgamaṇaṃ ākaṅkhamānā magge aṭṭhaṃsu. Jīvakopi rañño paṭivedesi – “kappitāni kho te, deva, hatthiyānāni, yassa dāni kālaṃ maññasi”ti. Tattha **yassa dāni kālaṃ maññasi**ti upacāravacanametam. Idaṃ vuttaṃ hoti – “yaṃ tayā ānattaṃ, taṃ mayā kataṃ, idāni tvaṃ yassa gamanassa vā agamanassa vā kālaṃ maññasi, tadeva attano ruciyā karohī”ti.

**159. Paccekā itthiyoti** pāṭiyekkā itthiyo, ekekissā hatthinīyā ekekaṃ itthinti vuttaṃ hoti. **Ukkāsu dhāriyamānāsūti** daṇḍadīpikāsu dhāriyamānāsu. **Mahacca rājānubhāvenāti** mahatā rājānubhāvena. Mahaccātipi pāli, mahatīyāti attho, līngavipariyāyo esa. **Rājānubhāvo** vuccati rājiddhi. Kā panassa rājiddhi? Tiyojanasatānaṃ dvinnaṃ mahāraṭṭhānaṃ issariyasirī. Tassa hi asukadivasaṃ rājā tathāgataṃ upasaṅkamissatīti paṭhamataraṃ saṃvidahane asatīpi taṅkhaṇaṇṇeva pañca itthisatāni purisavesaṃ gahetvā paṭimukkaveṭhanāni aṃse āsattakhaggāni maṇidaṇḍatomare gahetvā nikkhamiṃsu. Yaṃ sandhāya vuttaṃ – “paccekā itthiyo āropetvā”ti.

Aparāpi soḷasasahassakhattiyānātakitthiyo rājānaṃ parivāresuṃ. Tāsaṃ pariyante khujjavāmanakakirātādayo. Tāsaṃ pariyante antepurapālakā vissāsikapurisā. Tesāṃ pariyante vicitravesavilāsino saṭṭhisahassamattā mahāmattā. Tesāṃ pariyante vividhālaṅkārapaṭimaṇḍitā nānappakāraāvudhahatthā vijjādharataruṇā viya navutisahassamattā raṭṭhiyaputtā. Tesāṃ pariyante satagghanikāni nivāsetvā pañcasatagghanikāni ekaṃsaṃ katvā sunhātā suvilittā kañcanamālādīnānābharaṇasobhitā dasasahassamattā brāhmaṇā dakkhiṇahatthaṃ ussāpetvā jayasaddaṃ ghosantā gacchanti. Tesāṃ pariyante pañcaṅgikāni tūriyāni. Tesāṃ pariyante dhanupantiparikkhepo. Tassa pariyante hatthighaṭā. Hatthīnaṃ pariyante gīvāya gīvaṃ paharamānā assapanti. Assapariyante aññamaññaṃ saṅghaṭṭanarathā. Rathapariyante bāhāya bāhaṃ paharayamānā yodhā. Tesāṃ pariyante attano attano anurūpāya ābharaṇasampattiyā virocāmānā aṭṭhārasa seniyo. Iti yathā pariyante ṭhatvā khitto saro rājānaṃ na pāpuṇāti, evaṃ jīvako komārabhacco rañño pariṣaṃ saṃvidahitvā attanā rañño avidūreneva gacchati – “sace koci upaddavo hoti, paṭhamatara rañño jīvitadānaṃ dassāmī”ti. Ukkānaṃ pana ettakāni satāni vā sahasāni vāti paricchedo natthīti evarūpiṃ rājiddhiṃ sandhāya vuttaṃ – “mahaccarājānubhāvena yena jīvākassa komārabhaccassa ambavanaṃ, tena pāyāsī”ti.

**Ahudeva bhayanti** ettha cittutrāsabhayaṃ, ñāṇabhayaṃ, ārammaṇabhayaṃ, ottappabhayanti catubbidhaṃ bhayaṃ, tattha “jātiṃ paṭicca bhayaṃ bhayānaka”ntiādīnā nayena vuttaṃ cittutrāsabhayaṃ nāma. “Tepi tathāgatassa dhammadesanaṃ sutvā yebhuyyena bhayaṃ saṃvegaṃ santāsaṃ āpajjanti”ti (saṃ. ni. 3.78) evamāgataṃ ñāṇabhayaṃ nāma. “Etaṃ nūna taṃ bhayabheravaṃ āgacchati”ti (ma. ni. 1.49) ettha vuttaṃ ārammaṇabhayaṃ nāma.

“Bhīruṃ pasamsanti, na hi tattha sūraṃ;  
Bhayā hi santo, na karonti pāpa”nti . (saṃ. ni. 1.33);

Idaṃ ottappabhayaṃ nāma. Tesu idha cittutrāsabhayaṃ, ahu ahoṣīti attho. **Chambhitattanti** chambhitassa bhāvo. Sakalasarīracalananti attho. **Lomahaṃsoti** lomahaṃsanaṃ, uddhaṃ ṭhitalomatāti attho. So panāyaṃ lomahaṃso dhammassavanādīsu pītiuppattikāle pītiyāpi hoti. Bhīrukaṇḍatikānaṃ sampahārapisācādidassanesu bhayenāpi. Idha bhayalomahaṃsoti veditabbo.

Kasmā panesa bhītoti? Andhakārenāti eke vadanti. Rājagahe kira dvattiṃsa mahādvarāni, catusaṭṭhi khuddakadvārāni. Jīvākassa ambavanaṃ pākārassa ca gijjhakūṭassa ca antarā hoti. So pācīnadvārena



nikkhamitvā pabbatacchāyāya pāvīsi, tattha pabbatakūṭena cando chādito, pabbatacchāyāya ca rukkhacchāyāya ca andhakāraṃ ahoṣīti, tampi akāraṇaṃ. Tadā hi ukkānaṃ sataśassānampi paricchedo natthi.

Ayaṃ pana appasaddataṃ nissāya jīvake āsaṅkāya bhīto. Jīvako kirassa uparipāsādeyeva ārocesi – “mahārāja appasaddakāmo bhagavā, appasaddeneva upasaṅkamitabbo”ti. Tasmā rājā tūriyasaddaṃ nivāresi. Tūriyāni kevalaṃ gahitamattāneva honti, vācāpi uccaṃ anicchārayamānā accharāsaññāya gacchanti. Ambavanepi kassaci khipitasaddopi na suyyati. Rājāno ca nāma saddābhiratā honti. So taṃ appasaddataṃ nissāya ukkaṅṭhito jīvakepi āsaṅkaṃ uppādesi. “Ayaṃ jīvako mayhaṃ ambavane aḍḍhateḷasāni bhikkhusatāni”ti āha. Ettha ca khipitasaddamattampi na suyyati, abhūtaṃ maññe, esa vañcetaṃ maṃ nagarato nīharitvā purato balakāyaṃ upaṭṭhapetvā maṃ gaṇhitvā attanā chattaṃ ussāpetukāmo. Ayañhi pañcannaṃ hatthīnaṃ balaṃ dhāreti. Mama ca avidūreṇeva gacchati, santike ca me āvudhahattho ekapurisopi natthi. Aho vata me anatto”ti. Evaṃ bhāyitvā ca pana abhīto viya sandhāretumpi nāsakkihi. Attano bhītabhāvaṃ tassa āvi akāsi. Tena vuttaṃ. “Atha kho rājā...pe... na nigghoso”ti. Tattha **sammāti** vayasābhilāpo esa, kacci maṃ vayasāti vuttaṃ hoti. **Na palambhesīti** yaṃ natthi taṃ atthīti vatvā kacci maṃ na vippalambhayasi. **Nigghosoti** kathāsallāpanigghoso.

**Mā bhāyi, mahārājāti** jīvako – “ayaṃ rājā maṃ na jānāti ‘nāyaṃ paraṃ jīvitā voropetī’ti; sace kho pana naṃ na assāsessāmi, vinasseyyā”ti cintayitvā daḷhaṃ katvā samassāsento “mā bhāyi mahārājā”ti vatvā “**na taṃ devā**”tiādimāha. **Abhikkamāti** abhimukho kama gaccha, pavisāti attho. Sakkiṃ vutte pana daḷhaṃ na hotīti taramāno dvikkhattuṃ āha. **Ete maṇḍalamāle dīpā jhāyantīti** mahārāja, corabalaṃ nāma na dīpe jāletvā tiṭṭhati, ete ca maṇḍalamāle dīpā jalanti. Etāya dīpasāññāya yāhi mahārājāti vadati.

### Sāmaññaphalapucchāvāṇṇanā

**160. Nāgassa bhūmīti** yattha sakkā hatthiṃ abhirūḷhena gantuṃ, ayaṃ nāgassa bhūmi nāma. **Nāgā paccorohitvāti** vihārassa bahidvāraḷḷhake hatthito orohitvā. Bhūmiyaṃ patiṭṭhitasamakālemeva pana bhagavato tejo rañño sarīraṃ phari. Athassa tāvadeva sakalasarīrato sedā muccimsu, sātākā piḷetvā apanetabbā viya ahesuṃ. Attano aparādhaṃ saritvā mahābhayaṃ uppajji. So ujukaṃ bhagavato santikaṃ gantuṃ asakkonto jīvakaṃ hatthe gahetvā āramacārikaṃ caramāno viya “idaṃ te samma jīvaka suṭṭhu kāritaṃ idaṃ suṭṭhu kārita”nti vihārassa vaṇṇaṃ bhaṇamāno anukkamena yena maṇḍalamālassa dvāraṃ tenupasaṅkami, sampattoti attho.

**Kahaṃ pana sammāti** kasmā pucchīti. Eke tāva “ajānanto”ti vadanti. Iminā kira daharakāle pitarā saddhiṃ āgamma bhagavā diṭṭhapubbo, pacchā pana pāpamittasaṃsaggena pitughātaṃ katvā abhimāre pesetvā dhanapālaṃ muñcāpetvā mahāparādho hutvā bhagavato sammukhībhāvaṃ na upagatapubboti asaṅjānanto pucchati. Taṃ akāraṇaṃ, bhagavā hi ākiṇṇavaralakkhaṇo anubyañjanapaṭimaṇḍito chabbaññāhi rasmīhi sakalaṃ āramaṃ obhāsetvā tārāgaṇaparivuto viya puṇṇacando bhikkhugaṇaparivuto maṇḍalamālamajjhe nisinno, taṃ ko na jāneyya. Ayaṃ pana attano issariyalīlāya pucchati. Pakati hesā rājakulānaṃ, yaṃ jānantāpi ajānantā viya pucchanti. Jīvako pana taṃ sutvā – ‘ayaṃ rājā pathaviyaṃ thatvā kuhiṃ pathavīti, nabhaṃ ulloketvā kuhiṃ candimasūriyāti, sinerumūle thatvā kuhiṃ sinerūti vadamāno viya dasabalassa purato thatvā kuhiṃ bhagavā’ti pucchati. “Handassa bhagavantaṃ dassessāmi”ti cintetvā yena bhagavā tenañjaliṃ paṇāmetvā “eso mahārājā”tiādimāha. **Purakkhatoti** parivāretvā nisinnassa purato nisinno.

**161. Yena bhagavā tenupasaṅkamīti** yattha bhagavā tattha gato, bhagavato santikaṃ upagatoti attho. **Ekamantaṃ aṭṭhāsīti** bhagavantaṃ vā bhikkhusaṃghaṃ vā asaṅghaṭṭayamāno attano thātuṃ anucchavike ekasmiṃ padese bhagavantaṃ abhivādetvā ekova aṭṭhāsī. **Tuṇhībhūtaṃ tuṇhībhūtanti** yato yato anuviloketi, tato tato tuṇhībhūtamevāti attho. Tattha hi ekabhikkhussapi hatthakukkuccaṃ vā pādakukkuccaṃ vā khipitasaddo vā natthi, sabbālankārapaṭimaṇḍitaṃ nāṭakaparivāraṃ bhagavato abhimukhe thitaṃ rājānaṃ vā rājaparisaṃ vā ekabhikkhupi na olokesi. Sabbe bhagavantaṃyeva olokayamānā nisīdīsu.

Rājā tesam upasame pasīditvā vīgatapaṅkatāya vip̄pasannarahadamiva upasantindriyaṃ bhikkhusaṅghaṃ punappunaṃ anuviloketvā udānaṃ udānesi. Tattha **iminā**ti yena kāyikena ca vācasikena ca mānasikena ca sīlūpasamena bhikkhusaṅgho upasanto, iminā upasamenāti dīpeti. Tattha “aho vata me putto pabbajitvā ime bhikkhū viya upasanto bhavēyyā”ti nayidaṃ sandhāya esa evamāha. Ayaṃ pana bhikkhusaṅghaṃ disvā pasanno puttaṃ anussari. Dullabhañhi laddhā acchariyaṃ vā disvā piyānaṃ ñātimittādīnaṃ anussaraṇaṃ nāma lokassa pakatiyeva. Iti bhikkhusaṅghaṃ disvā puttaṃ anussaramāno esa evamāha.

Api ca putte āsānkāya tassa upasamaṃ icchamāno pesa evamāha. Evaṃ kirassa aho, putto me pucchissati – “mayhaṃ pitā daharo. Ayyako me kuhi”nti. So “pitarā te ghātito”ti sutvā “ahampi pitaraṃ ghātetvā rajjaṃ kāressāmī”ti maññissati. Iti putte āsānkāya tassa upasamaṃ icchamāno pesa evamāha. Kiñcāpi hi esa evamāha. Atha kho naṃ putto ghātessatiyeva. Tasmīñhi vaṃse pituvadho pañcaparivaṭṭe gato. Ajātasattu bimbisāraṃ ghātesī, udayo ajātasattuṃ. Tassa putto mahāmuṇḍiko nāma udayaṃ. Tassa putto anuruddho nāma mahāmuṇḍikaṃ. Tassa putto nāgadāso nāma anuruddhaṃ. Nāgadāsaṃ pana – “vaṃsacchedakarājāno ime, kiṃ imehī”ti raṭṭhavāsino kupitā ghātesuṃ.

**Agamā kho tvanti** kasmā evamāha? Bhagavā kira rañño vacībhede akateyeva cintesi – “ayaṃ rājā āgantvā tuṅhī niravo ṭhito, kiṃ nu kho cintesī”ti. Athassa cittaṃ ñatvā – “ayaṃ mayā saddhiṃ sallapitūṃ asakkonto bhikkhusaṅghaṃ anuviloketvā puttaṃ anussari, na kho pañāyaṃ mayi anālapante kiñci kathetuṃ sakkhissati, karomi tena saddhiṃ kathāsallāpa”nti. Tasmā rañño vacanānantaraṃ “**agamā kho tvam, mahārāja, yathāpema**”nti āha. Tassattho – mahārāja, yathā nāma unname vuṭṭhaṃ udakaṃ yena ninnaṃ tena gacchati, evameva tvam bhikkhusaṅghaṃ anuviloketvā yena pemaṃ tena gatoti.

Atha rañño etadahosi – “aho acchariyā buddhaguṇā, mayā sadiso bhagavato aparādhakārako nāma natthi, mayā hissa aggupaṭṭhāko ghātito, devadattassa ca kathaṃ gahetvā abhimārā pesitā, nāḷāgiri mutto, maṃ nissāya devadattena silā paviddhā, evaṃ mahāparādhaṃ nāma maṃ ālapato dasabalassa mukhaṃ nappahoti; aho bhagavā pañcahākārehi tādilakkhaṇe suppatiṭṭhito. Evarūpaṃ nāma satthāraṃ pahāya bahiddhā na pariyessāmā”ti so somanassajāto bhagavantaṃ ālapanto “piyo me, bhante”tiādimāha.

**162. Bhikkhusaṅghassa añjaliṃ paṇāmetvā**ti evaṃ kirassa aho bhagavantaṃ vanditvā itocito ca gantvā bhikkhusaṅghaṃ vandantena ca bhagavā piṭṭhito kātabbo hoti, garukāropi cesa na hoti. Rājānaṃ vanditvā uparājānaṃ vandantenapi hi rañño agāravo kato hoti. Tasmā bhagavantaṃ vanditvā ṭhitaṭṭhāneyeva bhikkhusaṅghassa añjaliṃ paṇāmetvā ekamantaṃ nisīdi. **Kañcideva desanti** kañci okāsaṃ.

Athassa bhagavā pañhapucchane ussāhaṃ janento āha – “**puccha, mahārāja, yadākaṅkhasī**”ti. Tassattho – “puccha yadi ākaṅkhasi, na me pañhavissajjane bhāro atthi”. Atha vā “puccha, yaṃ ākaṅkhasi, sabbaṃ te vissajjessāmī”ti sabbaññupavāraṇaṃ pavāresi, asādhāraṇaṃ paccekabuddhaaggasāvaka mahāsāvakehi. Te hi yadākaṅkhasīti na vadanti, sutvā vedissāmāti vadanti. Buddhā pana – “puccha, āvuso, yadākaṅkhasī”ti (saṃ. ni. 1.237), vā “puccha, mahārāja, yadākaṅkhasī”ti vā,

“Puccha, vāsava, maṃ pañhaṃ, yaṃ kiñci manasicchasi;  
Tassa tasseva pañhassa, ahaṃ antaṃ karomi te”ti. (dī. ni. 2.356) vā;

Tena hi tvam, bhikkhu, sake āsane nisīditvā puccha, yadākaṅkhasīti vā,

“Bāvarissa ca tuyhaṃ vā, sabbesaṃ sabbasaṃsayam;  
Katāvakāsā pucchavho, yaṃ kiñci manasicchathā”ti. (su. ni. 1036) vā;

“Puccha maṃ, sabhiya, pañhaṃ, yaṃ kiñci manasicchasi;  
Tassa tasseva pañhassa, ahaṃ antaṃ karomi te”ti. (su. ni. 517) vā;

Tesaṃ tesaṃ yakkhanarindadevasamaṇabrāhmaṇaparibbājānaṃ sabbaññupavāraṇaṃ pavārenti.

Anacchariyañcetaṃ, yaṃ bhagavā buddhabhūmiṃ patvā etaṃ pavāraṇaṃ pavāreyya. Yo bodhisattabhūmiyaṃ padesaññe ʘhito –

‘‘Koṇḍañña, pañhāni viyākarohi;  
Yācanti taṃ isayo sādthurūpā.  
Koṇḍañña, eso manujesu dhammo;  
Yaṃ vuddhamāgacchati esa bhāro’’ti. (jā. 2.17.60);

Evamaṃ sakkādīnaṃ atthāya isīhi yācito –

‘‘Katāvakāsā pucchantu bhonto,  
Yaṃ kiñci pañhaṃ manasābhipatthitaṃ;  
Ahañhi taṃ taṃ vo viyākarissaṃ,  
Ñatvā sayamaṃ lokamimaṃ parañcā’’ti. (jā. 2.17.61);

Evamaṃ sarabhaṅgakāle. Sambhavajātake ca sakalajambudīpaṃ tikkhattumaṃ vicarivā pañhānaṃ antakaraṃ adisvā suciratenā brāhmaṇena, pañhaṃ puṭṭhumaṃ okāse kārite jātiyā sattavassiko rathikāya paṃsumaṃ kīlanto pallaṅkamābhujitvā antaravīthiyaṃ nisinnova –

‘‘Taggha te ahamakkhissaṃ, yathāpi kusalo tathā;  
Rājā ca kho taṃ jānāti, yadi kāhati vā na vā’’ti. (jā. 1.16.172);

Sabbaññupavāraṇaṃ pavāresi.

**163.** Evamaṃ bhagavatā sabbaññupavāraṇāya pavāritāya attamanaṃ rājā pañhaṃ pucchanto – ‘‘yathā nu kho imāni, bhante’’tiādimāha. Tattha sippameva sippāyatanaṃ. **Puthusippāyatanānī** bahūni sippāni. **Seyyathidanti** katame pana te. **Hatthārohāti**tiādihi ye taṃ taṃ sippaṃ nissāya jīvanti, te dasseti. Ayañhi assādhippāyo – ‘‘yathā imesaṃ sippūpajīvīnaṃ taṃ taṃ sippaṃ nissāya sandiṭṭhikaṃ sippaphalaṃ paññāyati. Sakkā nu kho evamaṃ sandiṭṭhikaṃ sāmāññaphalaṃ paññāpetu’’nti. Tasmā sippāyatanāni āharitvā sippūpajīvīno dasseti.

Tattha **hatthārohāti** sabbepi hatthācariyahatthivejjahatthimeṇḍādayo dasseti. **Assārohāti** sabbepi assācariyaassavejjaassameṇḍādayo. **Rathikāti** sabbepi rathācariyarathayodharatharakkhādayo. **Dhanuggahāti** dhanuācariyā issāsā. **Celakāti** ye yuddhe jayadhajamaṃ gahetvā purato gacchanti. **Calakāti** idha rañño ṭhānaṃ hotu, idha asukamahāmatassāti evamaṃ senābyūhakārakā. **Piṇḍadāyakāti** sāhasikamahāyodhā. Te kira parasenaṃ pavisitvā parasīsaṃ piṇḍamiva chetvā chetvā dayanti, uppatitvā uppatitvā niggacchantīti attho. Ye vā saṅgāmamajjhe yodhānaṃ bhattapātiṃ gahetvā parivisanti, tesampetaṃ nāmaṃ. **Uggā rājaputtāti** uggatuggatā saṅgāmāvacaṛā rājaputtā. **Pakkhandinoti** ye ‘‘kassa sīsaṃ vā āvudhaṃ vā āharāmā’’ti ‘‘vatvā asukassā’’ti vuttā saṅgāmaṃ pakkhanditvā tadeva āharanti, ime pakkhandantīti pakkhandino. **Mahānāgāti** mahānāgā viya mahānāgā, hatthiādisupi abhimukhaṃ āgacchantesu anivattitayodhānametaṃ adhivacanaṃ. **Sūrāti** ekantasūrā, ye sajalikāpi sacammikāpi samuddamaṃ taritumaṃ sakkonti. **Cammayodhinoti** ye cammakañcukamaṃ vā pavisitvā saraparittānacammaṃ vā gahetvā yujjhanti. **Dāsikaputtāti** balavasinehā gharadāsayodhā. **Ālārikāti** pūvikā. **Kappakāti** nhāpikā. **Nhāpakāti** ye nhāpentī. **Sūdāti** bhattakārakā. Mālākārādayo pakaṭāyeva. **Gaṇakāti** acchiddakapāṭhakā. **Muddikāti** hatthamuddāya gaṇanaṃ nissāya jīvīno. **Yāni vā panaññānīpīti** ayakāradantakāracittakārādīni. **Evamaṅgātānīti** evamaṃ pavattāni. **Te diṭṭheva dhammeti** te hatthārohādayo tāni puthusippāyatanāni dassetvā rājakulato mahāsampattiṃ labhamānā sandiṭṭhikameva sippaphalaṃ upajīvanti. **Sukhentīti** sukhitamaṃ karonti. **Pīṇentīti** pīṇitamaṃ thāmabalūpetamaṃ karonti. **Uddhaggikādīsu** upari phalanibbattanato uddhamaṃ aggamaṃ atthīti **uddhaggikā**. Saggamaṃ arahatīti **sovaggikā**. Sukho vipāko assāti **sukhavipākā**. Suṭṭhu agge rūpasaddagandharasaphoṭṭhabbaāyuvanaṃsukhayasaādhipeyyasañkhāte dasa dhamme samvatteti nibbattetīti **saggasamvattanikā**. Taṃ evarūpaṃ dakkhiṇamaṃ dānaṃ patiṭṭhapentīti attho. **Sāmāññaphalanti** ettha paramatthato maggo sāmāññaṃ. Ariyaphalaṃ sāmāññaphalaṃ. Yathāha – ‘‘katamañca, bhikkhave, sāmāññaṃ? Ayameva ariyo aṭṭhaṅgiko maggo. Seyyathidaṃ, sammādiṭṭhi...pe... sammāsamaḍhi. Idamaṃ

vuccati, bhikkhave, sāmaññaṃ. Katamāni ca, bhikkhave, sāmaññaphalāni? Sotāpattiphalaṃ...pe... arahattaphala’nti (saṃ. ni. 5.35). Taṃ esa rājā na jānāti. Upari āgataṃ pana dāsakassakopamaṃ sandhāya pucchati.

Atha bhagavā pañhaṃ avissajjetvāva cintesi – ‘‘ime bahū aññatitthiyasāvakā rājāmaccā idhāgatā, te kaṇhapakkhañca sukkapakkhañca dīpetvā kathīyamāne amhākaṃ rājā mahantena ussāhena idhāgato, tassāgatakālato paṭṭhāya samaṇo gotamo samaṇakolāhalaṃ samaṇabhaṇḍanameva kathetīti ujjhāyissanti, na sakkaccaṃ dhammaṃ sossanti, rañña pana kathīyamāne ujjhāyituṃ na sakkhissanti, rājānameva anuvattissanti. Issarānuvattako hi loko. ‘Handāhaṃ rañño bhāraṃ karomī’ti rañño bhāraṃ karonto ‘‘**abhijānāsi no tva**’’ntiādīmāha.

**164.** Tattha **abhijānāsi no tvanti** abhijānāsi nu tvaṃ. Ayañca no-saddo parato pucchitāti padena yojetabbo. Idañhi vuttaṃ hoti – ‘‘mahārāja, tvaṃ imaṃ pañhaṃ aññe samaṇabrāhmaṇe pucchitā nu, abhijānāsi ca naṃ puṭṭhabhāvaṃ, na te sammuṭṭha’’nti. **Sace te agarūti** sace tuyhaṃ yathā te byākarimṃsu, tathā idha bhāsituṃ bhāriyaṃ na hoti, yadi na koci aphāsukabhāvo atthi, bhāsassūti attho. **Na kho me bhanteti** kiṃ sandhāyāha? Paṇḍitapatirūpakānañhi santike kathetuṃ dukkhaṃ hoti, te pade pade akkhare akkhare dosameva vadanti. Ekantapaṇḍitā pana kathaṃ sutvā sukathitaṃ pasamsanti, dukkathitesu pāḷipadaatthabyañjanesu yaṃ yaṃ virujjhati, taṃ taṃ ujukaṃ katvā denti. Bhagavatā ca sadiso ekantapaṇḍito nāma natthi. Tenāha – ‘‘na kho me, bhante, garu; yathassa bhagavā nisinno bhagavantarūpo vā’’ti.

### Pūraṇakassapavādaṇṇanā

**165.** Ekamidāhanti ekaṃ idha ahaṃ. **Sammodanīyaṃ kathaṃ sāraṇīyaṃ vītisāretvāti** sammodajanakaṃ saritabbayuttakaṃ kathaṃ pariyoṣāpetvā.

**166.** ‘‘**Karoto kho, mahārāja, kārayato**’’tiādīsu **karototi** sahatthā karontassa. **Kārayatoti** āṇattiyā kārentassa. **Chindatoti** paresaṃ hatthādīni chindantassa. **Pacatototi** pare daṇḍena piḷentassa. **Socayatoti** parassa bhaṇḍaharaṇādīhi socayato. **Socāpayatoti** sokaṃ sayāṃ karontassapi parehi kārapentassapi. **Kilamatoti** āhārupacchedabandhanāgārapavesanādīhi sayāṃ kilamantassapi parehi kilamāpentassapi. **Phandato phandāpayatoti** paraṃ phandantaṃ phandanakāle sayampi phandato parampi phandāpayato. **Pāṇamatipātāpayatoti** pāṇaṃ hanantassapi hanāpentassapi. Evaṃ sabbattha karaṇakāraṇavaseneva attho veditabbo.

**Sandhinti** gharasandhiṃ. **Nillopanti** mahāvilopaṃ. **Ekāgārikanti** ekameva gharaṃ parivāretvā viluppanaṃ. **Paripantheti** āgatāgatānaṃ acchindanattaṃ magge tiṭṭhato. **Karoto na kariyati pāpanti** yaṃ kiñci pāpaṃ karomīti saññāya karotopi pāpaṃ na kariyati, natthi pāpaṃ. Sattā pana pāpaṃ karomāti evaṃsaññīno hontīti dīpeti. **Khurapariyantēnāti** khuraneminā, khuradhārasadisapariyantena vā. **Ekaṃ maṃsakhālanti** ekaṃ maṃsarāsiṃ. **Puñjanti** tasseva vevacanaṃ. **Tatonidānanti** ekamaṃsakhālakaraṇanidānaṃ.

**Dakkhiṇanti** dakkhiṇatīre manussā kakkhaḷā dāruṇā, te sandhāya ‘‘hananto’’tiādīmāha. Uttaratīre sattā saddhā honti pasannā buddhamāmakā dhammamāmakā saṅghamāmakā, te sandhāya dadantotiādīmāha. Tattha **yajantoti** mahāyāgaṃ karonto. **Damenāti** indriyadarena uposathakammena vā. **Samyamēnāti** sīlasaṃyamena. **Saccavajjēnāti** saccavacanena. **Āgamoti** āgamaṃ, pavattīti attho. Sabbathāpi pāpapuññānaṃ kiriyaeva paṭikkhipati.

Ambaṃ puṭṭho labujaṃ byākaroti nāma, yo kīdiso ambo kīdisāni vā ambassa khandhapaṇṇapupphaphalānīti vutte ediso labujo edisāni vā labujassa khandhapaṇṇapupphaphalānīti byākaroti. **Vijiteti** āṇāpavattidese. **Apasādetabbanti** viheṭhetabbaṃ. **Anabhinanditvāti** ‘‘sādhu sādhu’’ti evaṃ pasamsaṃ akatvā. **Appaṭikkositvāti** bāladubbhāsitaṃ tayā bhāsītanti evaṃ appaṭibāhitvā. **Anuggaṇhantoti** sārato aggaṇhanto. **Anikkujjantoti** sāravaseneva idaṃ nissaraṇaṃ, ayaṃ paramatthoti hadaye aṭṭhapento. Byañjanaṃ pana tena ugghahitañceva nikkujjitañca.

## Makkhaligosālavadavaṇṇanā

**167-169.** Makkhalivāde paccayoti hetuvevacanameva, ubhayanāpi vijjamānameva kāyaduccaritādīnaṃ saṃkilesapaccayaṃ, kāyasucaritādīnaṃca visuddhipaccayaṃ paṭikkhipati. **Attakāreti** attakāro. Yena attanā katakammena ime sattā devattampi mārattampi brahmattampi sāvakabodhimpī paccekabodhimpī sabbaññutampi pāpuṇanti, tampi paṭikkhipati. Dutiyapadena yaṃ parakāraṃ parassa ovādānūsāsanīṃ nissāya ṭhapetvā mahāsattaṃ avaseso jano manussasobhagyaṃ ādiṃ katvā yāva arahattaṃ pāpuṇāti, taṃ parakāraṃ paṭikkhipati. Evamayaṃ bālo jinacakke pahāraṃ deti nāma. **Natthi purisakāreti** yena purisakārena sattā vuttappakārā sampattiyo pāpuṇanti, tampi paṭikkhipati. **Natthi balanti** yamhi attano bale patiṭṭhitā sattā vīriyaṃ katvā tā sampattiyo pāpuṇanti, taṃ balaṃ paṭikkhipati. **Natthi vīriyanti**ādīni sabbāni purisakārevevacanāneva. “Idaṃ no vīriyena idaṃ purisathāmena, idaṃ purisaparakkamena pavatta”nti evaṃ pavattavacanapaṭikkhepakaraṇavasena panetāni visuṃ ādiyanti.

**Sabbe sattāti** oṭṭhagoṇagadrabhādayo anavasese pariggaṇhāti. **Sabbe pāṇāti** ekindriyo pāṇo, dvindriyo pāṇotiādivasena vadati. **Sabbe bhūtāti** aṇḍakosavatthikosesu bhūte sandhāya vadati. **Sabbe jīvāti** sāliyavagodhumādayo sandhāya vadati. Tesu hi so virūhanabhāvena jīvasaññī. **Avasā abalā avīriyāti** tesu attano vaso vā balaṃ vā vīriyaṃ vā natthi. **Niyatisaṅgati bhāvaparīṇatāti** ettha **niyatīti** niyatā. **Saṅgatīti** channaṃ abhijātīnaṃ tattha tattha gamanaṃ. **Bhāvoti** sabhāvoyeva. Evaṃ niyatīyā ca saṅgatīyā ca bhāvena ca parīṇatā nānappakāraṃ pattā. Yena hi yathā bhavitabbaṃ, so tatheva bhavati. Yena na bhavitabbaṃ, so na bhavati dasseti. **Chasvevābhijātīsūti** chasu eva abhijātīsu ṭhatvā sukhaṃca dukkhaṃca paṭisaṃvedenti. Aññā sukhadukkhabhūmi natthīti dasseti.

**Yonipamukhasatasahassānīti** pamukhayonīnaṃ uttamayonīnaṃ cuddasasatasahassāni aññāni ca saṭṭhisatāni aññāni ca chasatāni. **Pañca ca kammuno satānīti** pañcakammasatāni ca. Kevalaṃ takkamattakena niratthakaṃ diṭṭhiṃ dīpeti. Pañca ca kammāni tīṇi ca kammānītiādisupi eseva nayo. Keci panāhu – “pañca ca kammānīti pañcindriyavasena bhaṇati. Tīṇīti kāyakammādivasena”ti. **Kamme ca upaḍḍhakamme cāti** ettha panassa kāyakammaṃca vacīkammaṃca kammanti laddhi, manokammaṃ upaḍḍhakammanti. **Dvaṭṭhipaṭipadāti** dvāsaṭṭhi paṭipadāti vadati. **Dvaṭṭhantarakappāti** ekasmiṃ kappe catusaṭṭhi antarakappā nāma hontī. Ayaṃ pana aññe dve ajānanto evamāha.

**Chalābhijātīyoti** kaṇhābhijātī, nīlābhijātī, lohītābhijātī, haliddābhijātī, sukkābhijātī, paramasukkābhijātīti imā cha abhijātīyo vadati. Tattha orabbhikā, sākuṇikā, māgavikā, sūkarikā, luddā, macchaghātakā corā, coraghātakā, bandhanāgarīkā, ye vā panaññepi keci kurūrakammantā, ayaṃ kaṇhābhijātīti (a. ni. 6.57) vadati. Bhikkhū nīlābhijātīti vadati, te kira catūsu paccayesu kaṇṭake pakkhipitvā khādanti. “Bhikkhū kaṇṭakavuttikā”ti (a. ni. 6.57) ayañhissa pāṇiyeva. Atha vā kaṇṭakavuttikā eva nāma eke pabbajitāti vadati. Lohītābhijātī nāma nigaṇṭhā ekasātakāti vadati. Ime kira purimehi dvīhi paṇḍaratarā. Gihi odātavasanā acelakasāvakā haliddābhijātīti vadati. Evaṃ attano paccayadāyake nigaṇṭhehipi jeṭṭhakatare karoti. Ājīvakā ājīvakiniyo sukkābhijātīti vadati. Te kira purimehi catūhi paṇḍaratarā. Nando, vaccho, kiso, saṅkiccho, makkhaligosālo, paramasukkābhijātīti (a. ni. 6.57) vadati. Te kira sabbehi paṇḍaratarā.

**Aṭṭha purisabhūmiyoti** mandabhūmi, khiḍḍābhūmi, padavīmaṃsabhūmi, ujugatabhūmi, sekkhabhūmi, samaṇabhūmi, jinabhūmi, pannabhūmīti imā aṭṭha purisabhūmiyoti vadati. Tattha jātadivasato paṭṭhāya sattadivase sambādhaṭṭhānato nikkhantattā sattā mandā hontī momūhā, ayaṃ mandabhūmīti vadati. Ye pana duggatito āgatā hontī, te abhiṇhaṃ rodanti ceva viravanti ca, sugatito āgatā taṃ anussarivā hasanti, ayaṃ khiḍḍābhūmi nāma. Mātāpitūnaṃ hatthaṃ vā pādaṃ vā mañcaṃ vā piṭṭhaṃ vā gahetvā bhūmiyaṃ padanikkhipanaṃ padavīmaṃsabhūmi nāma. Padasā gantuṃ samatthakāle ujugatabhūmi nāma. Sippāni sikkhitakāle sekkhabhūmi nāma. Gharā nikkhamma pabbajitakāle samaṇabhūmi nāma. Ācariyaṃ sevivā jānanakāle jinabhūmi nāma. Bhikkhu ca pannako jino na kiñci āhāti evaṃ alābhiṃ samaṇaṃ pannabhūmīti vadati.

**Ekūnapaññāsa ājīvakasateti** ekūnapaññāsaājīvakavuttisatāni. **Paribbājakasateti** paribbājakapabbajjāsātāni. **Nāgāvāsasateti** nāgamaṇḍalāsātāni. **Vīse indriyasateti** vīsatindriyasātāni. **Timse nirayasateti** timsa nirayasātāni. **Rajodhātuyoti** rajaokiraṇaṭṭhānāni, hatthapiṭṭhipādapiṭṭhādīni sandhāya

vadati. **Satta saññīgabbhāti** oṭṭhagoṇagadrabhaajapasumigamahimse sandhāya vadati. **Satta asaññīgabbhāti** sālivīhiyavagodhūmakāṅguvarakakudrūsake sandhāya vadati. **Nigaṇṭhīgabbhāti** gaṇṭhimhi jātagabbhā, ucchuveḷunaḷādayo sandhāya vadati. **Satta devāti** bahū devā. So pana sattāti vadati. Manussāpi anantā, so sattāti vadati. **Satta pisācāti** pisācā mahantamahantā sattāti vadati. **Sarāti** mahāsarā, kaṇṇamuṇḍarathakāraanotattasṭhappapātachaddantamandākinīkuṇāladahe gahetvā vadati.

**Pavuṭāti** gaṇṭhikā. **Papātāti** mahāpapātā. **Papātasatānīti** khuddakapapātasatāni. **Supināti** mahāsupinā. **Supinasatānīti** khuddakasupinasatāni. **Mahākappinoti** mahākappānaṃ. Tattha ekamhā mahāsarā vassasate vassasate kusaggena ekaṃ udakabinduṃ nīharitvā sattakkhattuṃ tamhi sare nirudake kate eko mahākappoti vadati. Evarūpānaṃ mahākappānaṃ caturāsītisatasahassāni khepetvā bāle ca paṇḍite ca dukkhassantaṃ karontīti ayamassa laddhi. Paṇḍitopi kira antarā visujjhituṃ na sakkoti. Bālopi tato uddhaṃ na gacchati.

**Silenāti** acelakasīlena vā aññena vā yena kenaci. **Vatenāti** tādiseneva vatena. **Tapenāti** tapokammena. Aparipakkaṃ paripāceti nāma, yo “ahaṃ paṇḍito”ti antarā visujjhati. Paripakkaṃ phussa phussa byantiṃ karoti nāma yo “ahaṃ bālo”ti vuttaparimāṇaṃ kālaṃ atikkamitvā yāti. **Hevaṃ natthīti** evaṃ natthi. Tañhi ubhayampi na sakkā kātunti dīpeti. **Doṇamiteti** doṇena mitaṃ viya. **Sukhadukkheti** sukhadukkhamaṃ. **Pariyantakateti** vuttaparimāṇena kālena katapariyante. **Natthi hāyanavaḍḍhaneti** natthi hāyanavaḍḍhanāni. Na saṃsāro paṇḍitassa hāyati, na bālassa vaḍḍhatīti attho. **Ukkaṃsāvakaṃseti** ukkaṃsāvakaṃsā. Hāyanavaḍḍhanānametaṃ adhivacanaṃ.

Idāni tamatthaṃ upamāya sādiento “seyyathāpi nāmā”tiādimāha. Tattha **suttaguḷeti** veṭhetvā katasuttaguḷe. **Nibbeṭhiyamānameva paletīti** pabbate vā rukkhagge vā ṭhatvā khittaṃ suttappamāṇena nibbeṭhiyamānameva gacchati, sutte khīṇe tattheva tiṭṭhati, na gacchati. Evameva vuttakālato uddhaṃ na gacchatīti dasseti.

### Ajitakesakambalavādavaṇṇanā

**170-172.** Ajitavāde **natthi dinnanti** dinnaphalābhāvaṃ sandhāya vadati. Yiṭṭhaṃ vuccati mahāyāgo. **Hutanti** paheṇakasakkāro adhippeto. Tampi ubhayaṃ phalābhāvameva sandhāya paṭikkhipati. **Sukatadukkaṭṭānanti** sukatadukkaṭṭānaṃ, kusalākusalānanti attho. **Phalaṃ vipākoti** yaṃ phalanti vā vipākoti vā vuccati, taṃ natthīti vadati. **Natthi ayaṃ lokoti** paraloke ṭhitassa ayaṃ loko natthi, **natthi paro lokoti** idha loka ṭhitassāpi paro loko natthi, sabbe tattha tattheva ucchijjanīti dasseti. **Natthi mātā natthi pitāti** tesu sammāpaṭipattimicchāpaṭipattīnaṃ phalābhāvavasena vadati. **Natthi sattā opapātikāti** cavitvā upapajjanakā sattā nāma natthīti vadati.

**Cātumahābhūtikoti** cātumahābhūtamayo. **Pathavī pathavikāyanti** ajjhattikapathavīdhātu bhāhirapathavīdhātuṃ. **Anupetīti** anuyāyati. **Anupagacchatīti** tasseva vevacanaṃ. Anugacchatītipi attho. Ubhayenāpi upeti, upagacchatīti dasseti. Āpādisupi eseva nayo. **Indriyānīti** manacchatṭhāni indriyāni ākāsaṃ pakkhandanti. **Āsandipaṅcamāti** nipannamañcena pañcamā, mañco ceva cattāro mañcapāde gahetvā ṭhitā cattāro purisā cāti attho. **Yāvāḷahanāti** yāva susānā. **Padānīti** ‘ayaṃ evaṃ sīlavā ahoṣi, evaṃ dussīlo’tiādinā nayena pavattāni guṇāguṇapadāni, sarīrameva vā ettha padānīti adhippetamaṃ. **Kāpotakānīti** kapotavaṇṇāni, pārāvatapakkhavaṇṇānīti attho. **Bhassantāti** bhasmantā, ayameva vā pāḷi. **Āhutiyoṭi** yaṃ paheṇakasakkārādibhedaṃ dinnadānaṃ, sabbaṃ taṃ chārikāvasānameva hoti, na tato paraṃ phaladāyakaṃ hutvā gacchatīti attho. **Dattupaññattanti** dattūhi bālamanussehi paññattaṃ. Idaṃ vuttaṃ hoti – ‘bālehi abuddhīhi paññattamidaṃ dānaṃ, na paṇḍitehi. Bālā denti, paṇḍitā gaṇhantī’ti dasseti.

Tattha pūraṇo “karoto na karīyati pāpa”nti vadanto kammaṃ paṭibāhati. Ajito “kāyassa bheda ucchijjati”ti vadanto vipākaṃ paṭibāhati. Makkhali “natthi hetū”ti vadanto ubhayaṃ paṭibāhati. Tattha kammaṃ paṭibāhantenāpi vipāko paṭibāhito hoti, vipākaṃ paṭibāhantenāpi kammaṃ paṭibāhitaṃ hoti. Iti sabbepe atthato ubhayappaṭibāhakā ahetukavādā ceva akiriyavādā ca natthikavādā ca honti.

Ye vā pana tesamaṃ laddhiṃ gahetvā rattiṭṭhāne divāṭṭhāne nisinnā sajjhāyanti vīmaṃsanti, tesamaṃ “karoto na karīyati pāpaṃ, natthi hetu, natthi paccayo, mato ucchijjati”ti tasmīṃ ārammaṇe micchāsati santiṭṭhati,

cittaṃ ekaggaṃ hoti, javanāni javanti, paṭhamajavane satekicchā honti, tathā dutiyādīsu, sattame buddhānampi atekicchā anivattino aritṭhakaṇṭakasadisā. Tattha koci ekaṃ dassanaṃ okkamati, koci dve, koci tīpi, ekasmiṃ okkantepi, dvīsu tīsu okkantesupi, niyatamicchādītṭhikova hoti; patto saggamaggāvaraṇaṇceva mokkhamaggāvaraṇaṇca, abhabbo tassattabhāvassa anantaraṃ saggampi gantaṃ, pageva mokkhaṃ. Vaṭṭakhāṇu nāmesa satto pathavigopako, yebhuyyena evarūpassa bhavato vuṭṭhānaṃ natthi.

“Tasmā akalyāṇajanaṃ, āsīvisamivoragaṃ;  
Ārakā parivajjeyya, bhūtikāmo vicakkhaṇo”ti.

### Pakudhakaccāyanavādavaṇṇanā

173-175. Pakudhavāde **akāṭā**ti akatā. **Akaṭavidhā**ti akatavidhānā. **Evaṃ karohī**ti kenaci kārāpitāpi na hontīti attho. **Animmitā**ti iddhiyāpi na nimmitā. **Animmātā**ti animmāpitā, keci animmāpetabbāti padaṃ vadanti, taṃ neva pālīyaṃ, na aṭṭhakathāyaṃ dissati. Vañjhādipadattayaṃ vuttatthameva. **Na iñjantī**ti esikatthambho viya ṭhitattā na calanti. **Na vipariṇamantī**ti pakatiṃ na jahanti. **Na aññamaññaṃ byābādhentī**ti na aññamaññaṃ upahananti. **Nālanti** na samatthā. **Pathavikāyotiādīsu** pathaviyeva pathavikāyo, pathavisamūho vā. **Tatthā**ti tesu jīvasattamesu kāyesu. **Sattannaṃ tveva kāyānanti** yathā muggarāsīādīsu pahataṃ satthaṃ muggādīnaṃ antarena pavisati, evaṃ sattannaṃ kāyānaṃ antarena chiddena vivarena satthaṃ pavisati. Tattha ahaṃ imaṃ jīvitaṃ voropemīti kevalaṃ saññāmatameva hotīti dasseti.

### Nigaṇṭhanāṭaputtavādavaṇṇanā

176-178. Nāṭaputtavāde **cātuyāmasaṃvarasaṃvutoti** catukoṭṭhāsena saṃvarena saṃvuto. **Sabbavārivārīto cāti**ti vāritasabbaudako paṭikkhittasabbasītodakoti attho. So kira sītodake sattasaññī hoti, tasmā na taṃ vālañjeti. **Sabbavāriyuttoti**ti sabbena pāpavāraṇena yutto. **Sabbavāridhutoti**ti sabbena pāpavāraṇena dhutaṭṭapāpo. **Sabbavāriphuṭoti**ti sabbena pāpavāraṇena phuṭṭho. **Gatattoti**ti koṭṭipattacitto. **Yatattoti**ti saṃyatacitto. **Ṭhitattoti**ti suppatiṭṭhitacitto. Etassa vāde kiñci sāsānānulomampi atthi, asuddhaladdhitāya pana sabbā diṭṭhiyeva jātā.

### Sañcayabelatṭhaputtavādavaṇṇanā

179-181. Sañcayavādo amarāvikkhepe vuttanayo eva.

### Paṭhamasandiṭṭhikasāmaññaphalavaṇṇanā

182. **Sohaṃ, bhanteti** so ahaṃ bhante, vālukaṃ piḷetvā telaṃ alabhamāno viya titthiyavādesu sāraṃ alabhanto bhagavantaṃ pucchāmīti attho.

183. **Yathā te khameyyāti** yathā te ruceyya. **Dāsoti** antojātadhanakkītakaramarānītasāmaṇḍāsabyopagatānaṃ aññataro. **Kammakāroti** analaso kammakaraṇasīloyeva. Dūrato disvā paṭhamameva uṭṭhahatīti **pubbuṭṭhāyī**. Evaṃ uṭṭhito sāmīno āsanaṃ paññāpetvā pādadhovanādikattabbakiccaṃ katvā pacchā nipatati nisīdatīti **pacchānipātī**. Sāmīkamhi vā sayanato avuṭṭhite pubbeyeva vuṭṭhātīti **pubbuṭṭhāyī**. Paccūsakālato paṭṭhāya yāva sāmīno rattim niddokkamaṇaṃ, tāva sabbakiccāni katvā pacchā nipatati, seyyaṃ kappetīti **pacchānipātī**. Kiṃ karomi, kiṃ karomīti evaṃ kiṃkārameva paṭisuṇanto vicaratīti **kiṃ kārapaṭissāvī**. Manāpameva kiriyāṃ karotīti **manāpacārī**. Piyameva vadatīti **piyavādī**. Sāmīno tuṭṭhapahaṭṭhaṃ mukhaṃ ullokayamāno vicaratīti **mukhullokako**.

**Devo maññeti** devo viya. **So vatassāhaṃ puññāni kareyyanti** so vata ahaṃ evarūpo assaṃ, yadi puññāni kareyyanti attho. “So vatassa’ssa”ntipi paṭho, ayamevattho. **Yaṃnūnāhanti** sace dānaṃ dassāmi, yaṃ rājā ekadivasāṃ deti, tato satabhāgampi yāvajīvaṃ na sakkhissāmi dātuntīti pabbajjāyaṃ ussāhaṃ katvā

evaṃ cintanabhāvaṃ dasseti.

**Kāyena saṃvutoti** kāyena pihito hutvā akusalassa pavesanadvāraṃ thaketvāti attho. Eseva nayo sesapadadvayepi. **Ghāsacchādanaparamatāyāti** ghāsacchādanena paramatāya uttamatāya, etadatthampi anesanaṃ pahāya aggasallekhena santuṭṭhoti attho. **Abhirato paviveketi** “kāyaviveko ca vivekaṭṭhakāyānaṃ, cittaviveko ca nekkhammābhiratānaṃ, paramavodānappattānaṃ upadhiviveko ca nirupadhīnaṃ puggalānaṃ visaṅkhāragatānaṃ”nti evaṃ vutte tividhepi viveke rato; gaṇasaṅgaṇikaṃ pahāya kāyena eko viharati, cittakilesasaṅgaṇikaṃ pahāya aṭṭhasamāpattivāsena eko viharati, phalasaṃpattiṃ vā nirodhasamāpattiṃ vā pavisitvā nibbānaṃ patvā viharatīti attho. **Yaggheti** codanatthe nipāto.

**184. Āsanenapi nimanteyyāmāti** nisinnāsanaṃ papphoṭevā idha nisīdathāti vadeyyāma. **Abhinimanteyyāmapi** nanti abhiharitvāpi naṃ nimanteyyāma. Tattha duvidho abhihāro – vācāya ceva kāyena ca. Tumhākaṃ icchiticchitakkhaṇe amhākaṃ cīvarādīhi vadeyyātha yenatthoti vadanto hi vācāya abhiharitvā nimanteti nāma. Cīvarādivekallaṃ sallakkhetvā idaṃ gaṇhāthāti tāni dento pana kāyena abhiharitvā nimanteti nāma. Tadubhayampi sandhāya abhinimanteyyāmapi nanti āha. Ettha ca **gilānapaccayabhesajjaparikkhāro**ti yaṃ kiñci gilānassa sappāyaṃ osadhaṃ. Vacanattho pana visuddhimagge vutto. **Rakkhāvaraṇaguttinti** rakkhāsaṅkhātānceva āvaraṇasaṅkhātāñca guttiṃ. Sā panesā na āvudhahatthe purise ṭhapentena dhammikā nāma saṃvidahitā hoti. Yathā pana avelāya kaṭṭhahārikapaṇṇahārikādayo vihāraṃ na pavisanti, migaluddakādayo vihārasīmāya mige vā macche vā na gaṇhanti, evaṃ saṃvidahantena dhammikā nāma rakkhā saṃvihitā hoti, taṃ sandhāyāha – “dhammika”nti.

**185. Yadi evaṃ santeti** yadi tava dāso tuyhaṃ santikā abhivādanādīni labheyya. Evaṃ sante. **Addhāti** ekaṃsavacanametam. **Paṭhamanti** bhaṇanto aññassāpi atthitaṃ dīpeti. Teneva ca rājā **sakkā pana, bhante, aññampīti**ādīmāha.

#### Dutiyasandiṭṭhikasāmaññaphalavaṇṇanā

**186-188.** Kasatīti **kassako**. Gehassa pati, ekagehamatte jeṭṭhakoti **gahapatiko**. Balisaṅkhātaṃ karaṃ karotīti **karakārako**. Dhaññarāsīṃ dhanarāsīñca vaḍḍhetīti **rāsivaḍḍhako**.

**Appaṃ vāti** parittakaṃ vā antamaso taṇḍulanālimattakampi. **Bhogakkhandhanti** bhogarāsīṃ. **Mahantaṃ vāti** vipulaṃ vā. Yathā hi mahantaṃ pahāya pabbajitūṃ dukkaraṃ, evaṃ appampīti dassanatthaṃ ubhayamāha. Dāsavāre pana yasmā dāso attanopi anissaro, pageva bhogaṇaṃ. Yañhi tassa dhanam, taṃ sāmikānaññeva hoti, tasmā bhogaggahaṇaṃ na kataṃ. Ñātiyeva ñātiparivaṭṭo.

#### Paṇītatarasāmaññaphalavaṇṇanā

**189. Sakkā pana, bhante, aññampi diṭṭheva dhammeti** idha evamevāti na vuttaṃ. Taṃ kasmāti ce, evamevāti hi vuccamāne pahoti bhagavā sakalampi rattindivaṃ tato vā bhīyopi evarūpāhi upamāhi sāmāññaphalaṃ dīpetuṃ. Tattha kiñcāpi etassa bhagavato vacanasavane pariyantaṃ nāma natthi, tathāpi attho tādisoyeva bhavissatīti cintevā upari visesaṃ pucchanto evamevāti avatvā – “abhikkantatarāñca paṇītatarāñcā”ti āha. Tattha **abhikkantataranti** abhimanāpataraṃ atiseṭṭhataranti attho. **Paṇītataranti** uttamataram. **Tena hīti** uyyojanatthe nipāto. Savane uyyojento hi naṃ evamāha. **Suṇohīti** abhikkantatarāñca paṇītatarāñca sāmāññaphalaṃ suṇāti.

**Sādhukaṃ manasikarohīti** ettha pana sādhukaṃ sādhūti ekatthametam. Ayañhi sādhu-saddo āyācanasampaṭicchanaṃ sampahaṃsanāsundara dāḥīkammādīsū dissati. “Sādhu me, bhante, bhagavā saṅkhittena dhammaṃ desetū”tiādīsū (saṃ. ni. 4.95) hi āyācane dissati. “Sādhu, bhanteti kho so bhikkhu bhagavato bhāsitaṃ abhinanditvā anumoditvā”tiādīsū (ma. ni. 3.86) sampāṭicchane. “Sādhu sādhu, sārīputtā”tiādīsū (dī. ni. 3.349) sampahaṃsane.

“Sādhu dhammaruci rājā, sādhu paññānavā naro;  
Sādhu mittānamaddubbho, pāpassākaraṇaṃ sukha”nti. (jā. 2.17.101);



Ādīsu sundare. “Tena hi, brāhmaṇa, suṇohi sādhukaṃ manasi karohī” tiādīsu (a. ni. 5.192) sādhuкасaddoyeva dalhīkamme, āṇattiyantipi vuccati. Idhāpi assa ettheva dalhīkamme ca āṇattiyañca veditabbo. Sundarepi vaṭṭati. Dalhīkammattena hi dalhamimaṃ dhammaṃ suṇāhi, suggahitaṃ gaṇhanto. Āṇattiatthena mama āṇattiyā suṇāhi, sundaratthena sundaramimaṃ bhaddakaṃ dhammaṃ suṇāhīti evaṃ dīpitaṃ hoti.

**Manasi karohīti** āvajja, samannāharāti attho, avikkhittacitto hutvā nisāmehi, citte karohīti adhippāyo. Api cettha suṇohīti sotindriyavikkhepanivāraṇametam. Sādhukaṃ manasi karohīti manasikāre dalhīkammaniyojanena manindriyavikkhepanivāraṇam. Purimañcettha byañjanavipallāsaggāhavāraṇam, pacchimaṃ atthavipallāsaggāhavāraṇam. Purimena ca dhammassavane niyojete, pacchimena sutānaṃ dhammānaṃ dhāraṇūpaparikkhādīsu. Purimena ca sabyañjano ayaṃ dhammo, tasmā savanīyoti dīpeti. Pacchimena sattho, tasmā sādhukaṃ manasi kātabboti. SādhuKapadaṃ vā ubhayapadehi yojetvā yasmā ayaṃ dhammo dhammagambhīro ceva desanāgambhīro ca, tasmā suṇāhi sādhuKaṃ, yasmā atthagambhīro ca paṭivedhagambhīro ca, tasmā sādhuKaṃ manasi karohīti evaṃ yojanā veditabbā. **Bhāsissāmīti** sakkā mahārājāti evaṃ paṭiññātaṃ samaññaphaladesanaṃ vitthārato bhāsissāmi. “Desessāmī” ti hi sañkhittadīpanaṃ hoti. Bhāsissāmīti vitthāradīpanaṃ. Tenāha vaṅgīsatthero –

“Sankhittenapi deseti, vitthārenapi bhāsati;  
Sālikāyiva nigghoso, paṭibhānaṃ udīrayī” ti. (saṃ. ni. 1.214);

Evaṃ vutte ussāhajāto hutvā – “**evaṃ, bhante**” ti kho rājā māgadho ajātasattu vedehiputto **bhagavato paccassosi** bhagavato vacanaṃ sampaṭicchī, paṭiggahesīti vuttaṃ hoti.

**190.** Athassa bhagavā etadavoca, etaṃ avoca, idāni vattabbaṃ “idha mahārājā” tiādīṃ sakalaṃ suttaṃ avocāti attho. Tattha **idhāti** desāpadese nipāto, svāyaṃ katthaci lokaṃ upādāya vuccati. Yathāha – “idha tathāgato loka upajjati” ti. Katthaci sāsaṇaṃ yathāha – “idheva, bhikkhave, paṭhama samaṇo, idha dutiyo samaṇo” ti (a. ni. 4.241). Katthaci okāsaṃ. Yathāha –

“Idheva tiṭṭhamānassa, devabhūtassa me sato;  
Punarāyu ca me laddho, evaṃ jānāhi mārisā” ti. (dī. ni. 2.369);

Katthaci padapūraṇamattameva. Yathāha “idhāhaṃ, bhikkhave, bhuttāvī assaṃ pavārito” ti (ma. ni. 1.30). Idha pana lokaṃ upādāya vuttoti veditabbo. **Mahārājāti** yathā paṭiññātaṃ desanaṃ desetum puna mahārājāti ālapati. Idaṃ vuttaṃ hoti – “mahārāja imasmiṃ loka tathāgato upajjati arahaṃ...pe... buddho bhagavā” ti. Tattha tathāgatasaddo brahmajāle vutto. Arahantiādayo visuddhimagge vitthāritā. **Loke upajjati** ti ettha pana **lokoti** – okāsaloko sattaloko sañkhāralokoti tividho. Idha pana sattaloko adhippeto. Sattaloke upajjamānopi ca tathāgato na devaloke, na brahmaloke, manussalokeva upajjati. Manussalokepi na aññasmiṃ cakkavāle, imasmiṃyeva cakkavāle. Tatrāpi na sabbatṭhānesu, “puratthimāya disāya gajaṅgalaṃ nāma nigamo tassāparena mahāsālo, tato parā paccantimā janapadā orato majjhe, puratthimadakkhiṇāya disāya salaḷavatī nāma nadī. Tato parā paccantimā janapadā, orato majjhe, dakkhiṇāya disāya setakaṇṇikaṃ nāma nigamo, tato parā paccantimā janapadā, orato majjhe, pacchimāya disāya thūṇaṃ nāma brāhmaṇagāmo, tato parā paccantimā janapadā, orato majjhe, uttarāya disāya usiraddhajo nāma pabbato, tato parā paccantimā janapadā orato majjhe” ti evaṃ paricchinne āyāmato tiyojanasate, vitthārato aḍḍhateyyayojanasate, parikkhepato navayojanasate majjhimapadese upajjati. Na kevalaṇca tathāgato, paccekabuddhā, aggasāvakā, asītimahātherā, buddhamātā, buddhapitā, cakkavattī rājā aññe ca sārappattā brāhmaṇagahapatikā ethevupajjanti.

Tattha tathāgato sujātāya dinnamadhupāyāsabhojanato yāva arahattamaggo, tāva upajjati nāma, arahattaphale uppanno nāma. Mahābhiniikkhāmanato vā yāva arahattamaggo. Tusitabhavanato vā yāva arahattamaggo. Dīpankarapādāmūlato vā yāva arahattamaggo, tāva upajjati nāma, arahattaphale uppanno nāma. Idha sabbapaṭhamaṃ uppannabhāvaṃ sandhāya upajjati vuttaṃ. Tathāgato loka uppanno hotīti ayañhettha attho.

**So imaṃ lokanti** so bhagavā imaṃ lokaṃ. Idāni vattabbaṃ nidasseti. **Sadevakanti** saha devehi sadevakaṃ. Evaṃ saha mārena **samāraḥkaṃ**, saha brahmunā **sabrahmakaṃ**, saha samaṇabrāhmaṇehi **sassamaṇabrāhmaṇiṃ**. Pajātattā pajā, taṃ pajāṃ. Saha devamanussehi **sadevamanussaṃ**. Tattha sadevakavacanena pañca kāmāvacaradevaggahaṇaṃ vedītabbaṃ. Samāraḥka – vacanena chaṭṭhakāmāvacaradevaggahaṇaṃ. Sabrahmakavacanena brahmakāyikādirahmaggaṇaṃ. Sassamaṇabrāhmaṇīvacanena sāsanaṃ paccatthikapaccāmittasamaṇabrāhmaṇaggahaṇaṃ, samītapāpabāhitapāpasamaṇabrāhmaṇaggahaṇaṃ. Pajāvacanena sattalokaggahaṇaṃ. Sadevamanussavacanena sammutidevaavasesamanussaggahaṇaṃ. Evamettha tīhi padehi okāsalokena saddhiṃ sattaloko. Dvīhi pajāvasena sattalokova gahitoti vedītabbo.

Aparo nayo, sadevakaggahaṇena arūpāvacaradevaloko gahito. Samāraggahaṇena cha kāmāvacaradevaloko. Sabrahmakaggahaṇena rūpī brahmaloko. Sassamaṇabrāhmaṇādiggahaṇena catuparisavasena sammutidevehi vā saha manussaloko, avasesasabbasattaloko vā.

Api cettha sadevakavacanena ukkaṭṭhaparicchedato sabbassa lokassa sacchikatabhāvamāha. Tato yesaṃ ahosi – “māro mahānubhāvo cha kāmāvacarissaro vasavattī, kiṃ sopi etena sacchikato”ti, tesāṃ vimatiṃ vidhamanto **“samāraḥka”**nti āha. Yesaṃ pana ahosi – “brahmā mahānubhāvo ekaṅguliya ekasmiṃ cakkavālasahasā ālokaṃ pharati, dvīhi ...pe... dasahi aṅgulīhi dasasu cakkavālasahasā ālokaṃ pharati. Anuttaraṇca jhānasamāpattisukhaṃ paṭisaṃvedeti, kiṃ sopi sacchikato”ti, tesāṃ vimatiṃ vidhamanto **sabrahmakanti** āha. Tato ye cintesaṃ – “puthū samaṇabrāhmaṇā sāsanaṃ paccatthikā, kiṃ tepi sacchikatā”ti, tesāṃ vimatiṃ vidhamanto **sassamaṇabrāhmaṇiṃ pajanti** āha. Evaṃ ukkaṭṭhukkaṭṭhānaṃ sacchikatabhāvaṃ pakāsetvā atha sammutideve avasesamanusse ca upādāya ukkaṭṭhaparicchedavasena sesasattalokassa sacchikatabhāvaṃ pakāseto **sadevamanussanti** āha. Ayamettha bhāvānukkamo.

Porāṇā panāhu **sadevakanti** devehi saddhiṃ avasesalokaṃ. **Samārakanti** mārena saddhiṃ avasesalokaṃ. **Sabrahmakanti** brahmehi saddhiṃ avasesalokaṃ. Evaṃ sabbepi tibhavūpage satte tīhākārehi tīsu padesu pakkhipivā puna dvīhi padehi pariyādiyanto **sassamaṇabrāhmaṇiṃ pajāṃ sadevamanussanti** āha. Evaṃ pañcahihi padehi tena tenākārena tedhātukameva pariyādinanti.

**Sayaṃ abhiññā sacchikatvā pavedetī** ettha pana **sayanti** sāmaṃ aparaneyyo hutvā. **Abhiññāti** abhiññāya, adhikena ñāṇena ñatvāti attho. **Sacchikatvāti** paccakkhaṃ katvā, etena anumānādipaṭikkhepo kato hoti. **Pavedetīti** bodheti viññāpeti pakāseti.

**So dhammaṃ deseti ādikalyāṇaṃ...pe... pariyosānakalyāṇanti** so bhagavā sattesu kāruṇītaṃ paṭicca hitvāpi anuttaraṃ vivekasukhaṃ dhammaṃ deseti. Tañca kho appaṃ vā bahuṃ vā desento ādikalyāṇādippakārameva deseti. Ādimhihi, kalyāṇaṃ bhaddakaṃ anavajjameva katvā deseti, majjhepi, pariyosānēpi, kalyāṇaṃ bhaddakaṃ anavajjameva katvā desetīti vuttaṃ hoti. Tattha atthi desanāya ādimajjhapariyosānaṃ, atthi sāsanaṃ. Desanāya tāva catuppadikāyapi gāthāya paṭhamapādo ādi nāma, tato dve majjhaṃ nāma, ante eko pariyosānaṃ nāma. Ekānusandhikassa suttassa nidānaṃ ādi, idamavocāti pariyosānaṃ, ubhinnamantarā majjhaṃ. Anekānusandhikassa suttassa paṭhamānusandhi ādi, ante anusandhi pariyosānaṃ, majjhe eko vā dve vā bahū vā majjhameva.

Sāsanaṃ pana sīlasamādhivipassanā ādi nāma. Vuttampi cetāṃ – “ko cādi kusalānaṃ dhammānaṃ? Sīlaṇca suvisuddhaṃ dīṭṭhi ca ujukā”ti (saṃ. ni. 5.369). “Atthi, bhikkhave, majjhimā paṭipadā tathāgatena abhisambuddhā”ti evaṃ vutto pana ariyamaggo majjhaṃ nāma. Phalañceva nibbānaṇca pariyosānaṃ nāma. “Etadatthamidaṃ, brāhmaṇa, brahmacariyaṃ, etaṃ sāraṃ, etaṃ pariyosāna”nti (ma. ni. 1.324) hi ettha phalaṃ pariyosānanti vuttaṃ. “Nibbānogadhaṃ hi, āvuso visākha, brahmacariyaṃ vussati, nibbānaparāyanaṃ nibbānapariyosāna”nti (ma. ni. 1.466) ettha nibbānaṃ pariyosānanti vuttaṃ. Idha desanāya ādimajjhapariyosānaṃ adhippetāṃ. Bhagavā hi dhammaṃ desento ādimhi sīlaṃ dassetvā majjhe maggaṃ pariyosāne nibbānaṃ dasseti. Tena vuttaṃ – “so dhammaṃ deseti ādikalyāṇaṃ majjhekalyāṇaṃ pariyosānakalyāṇa”nti. Tasmā aññopi dhammakathiko dhammaṃ kathento –

“Ādimhi sīlaṃ dasseyya, majjhe maggaṃ vibhāvaye;

Pariyosānamhi nibbānaṃ, esā kathikasaṅṅhitī’ ti.

**Sāttham sabyañjananti** yassa hi yāgubhattaitthipurisādivaṇṇanānissitā desanā hoti, na so sāttham deseti. Bhagavā pana tathārūpaṃ desanaṃ pahāya catusatipaṭṭhānādinissitaṃ desanaṃ deseti. Tasmā sāttham desetīti vuccati. Yassa pana desanā ekabyañjanādiyuttā vā sabbaniroṭṭhabyañjanā vā sabbavissatṭhasabbaniggaḥitabyañjanā vā, tassa damiḷakirātasavarādīmīlakkhūnaṃ bhāsā viya byañjanapāripūriyā abhāvato abyañjanā nāma desanā hoti. Bhagavā pana –

“Sithilaṃ dhanitañca dīgharassaṃ, garukaṃ lahukañca niggaḥitaṃ;  
Sambandhavavattitaṃ vimuttaṃ, dasadhā byañjanabuddhiyā pabhedo’ ti.

Evaṃ vuttaṃ dasavidhaṃ byañjanaṃ amakkhetvā paripuṇṇabyañjanaṃ eva katvā dhammaṃ deseti, tasmā sabyañjanaṃ dhammaṃ desetīti vuccati. **Kevalaparipuṇṇanti** ettha **kevalanti** sakalādhivacanaṃ. **Paripuṇṇanti** anūnādhikavacanaṃ. Idaṃ vuttaṃ hoti sakalaparipuṇṇameva deseti, ekadesanāpi aparipuṇṇā natthīti. Upanetabbaapanetabbassa abhāvato kevalaparipuṇṇanti veditabbaṃ. **Parisuddhanti** nirupakkilesaṃ. Yo hi imaṃ dhammadešanaṃ nissāya lābhaṃ vā sakkāraṃ vā labhissāmīti deseti, tassa aparisuddhā desanā hoti. Bhagavā pana lokāmisānirapekkho hitapharaṇena mettābhāvanāya muduhadayo ullumpanasabhāvasaṅṅhitena cittena deseti. Tasmā parisuddhaṃ dhammaṃ desetīti vuccati.

**Brahmacariyaṃ pakāsetīti** ettha panāyaṃ brahmacariya-saddo dāne veyyāvacce pañcasikkhāpadasīle appamaññāsu methunaviratiyaṃ sadārasantose vīriye uposathaṅgesu ariyamagge sāsāneti imesvatthesu dissati.

“Kiṃ te vataṃ kiṃ pana brahmacariyaṃ,  
Kissa suciṇṇassa ayaṃ vipāko;  
Iddhī jutī balavīriyūpapatti,  
Idaṅca te nāga, mahāvīmānaṃ.

Ahañca bhariyā ca manussaloke,  
Saddhā ubho dānapatī ahumhā;  
Opānabhūtaṃ me gharaṃ tadāsi,  
Santappitā samaṇabrāhmaṇā ca.

Taṃ me vataṃ taṃ pana brahmacariyaṃ,  
Tassa suciṇṇassa ayaṃ vipāko;  
Iddhī jutī balavīriyūpapatti,  
Idaṅca me dhīra mahāvīmāna’ nti. (jā. 2.17.1595);

Imasmiñhi puṇṇakajātake dānaṃ brahmacariyanti vuttaṃ.

“Kena pāṇi kāmadaḍḍo, kena pāṇi madhussavo;  
Kena te brahmacariyena, puññaṃ pāṇimhi ijjhati.

Tena pāṇi kāmadaḍḍo, tena pāṇi madhussavo;  
Tena me brahmacariyena, puññaṃ pāṇimhi ijjhatī’ ti. (pe. va. 275,277);

Imasmiṃ aṅkurapetavattumhi veyyāvaccamaṃ brahmacariyanti vuttaṃ. “Evaṃ, kho taṃ bhikkhave, tittiriyaṃ nāma brahmacariyaṃ ahoṣī’ ti (cūḷava. 311) imasmiṃ tittirajātake pañcasikkhāpadasīlaṃ brahmacariyanti vuttaṃ. “Taṃ kho pana me, pañcasikha, brahmacariyaṃ neva nibbidāya na virāgāya na nirodhāya...pe... yāvadeva brahmalokūpapattiyā’ ti (dī. ni. 2.329) imasmiṃ mahāgovindasutte catasso appamaññāyo brahmacariyanti vuttā. “Pare abrahmacārī bhavissanti, mayamettha brahmacārī bhavissāmā’ ti (ma. ni. 1.83) imasmiṃ sallekhasutte methunavirati brahmacariyanti vuttā.

“Mayañca bhariyā nātikkamāma,  
Amhe ca bhariyā nātikkamanti;  
Aññatra tāhi brahmacariyaṃ carāma,  
Tasmā hi amhaṃ daharā na mīyare”ti. (jā. 1.4.97);

Mahādhammapālaajātake sadārasantoso brahmacariyanti vutto. “Abhijānāmi kho panāhaṃ, sārīputta, caturaṅgasamannāgataṃ brahmacariyaṃ caritā, tapassī sudaṃ homī”ti (ma. ni. 1.155) lomahaṃsanasantu vīriyaṃ brahmacariyanti vuttaṃ.

“Hīnena brahmacariyena, khattiye upapajjati;  
Majjhimena ca devattaṃ, uttamera visujjhati”ti. (jā. 1.8.75);

Evaṃ nimijātake attadamanavasena kato aṭṭhaṅgiko uposatho brahmacariyanti vutto. “Idaṃ kho pana me, pañcasikha, brahmacariyaṃ ekantanibbidāya virāgāya nirodhāya...pe... ayameva ariyo aṭṭhaṅgiko maggo”ti (dī. ni. 2.329) mahāgovindasuttasmiṃyeva ariyamaggo brahmacariyanti vutto. “Tayidaṃ brahmacariyaṃ iddhañceva phītañca vitthārikaṃ bāhujaññaṃ puthubhūtaṃ yāva devamanussehi suppakāsita”nti (dī. ni. 3.174) pāsādikasantu sikkhattayasaṅgahitaṃ sakalasāsaṇaṃ brahmacariyanti vuttaṃ. Imasmimpi ṭhāne idameva brahmacariyanti adhippettaṃ. Tasmā brahmacariyaṃ pakāsetīti so dhammaṃ deseti ādikalyāṇaṃ...pe... parisuddhaṃ. Evaṃ desento ca sikkhattayasaṅgahitaṃ sakalasāsaṇaṃ brahmacariyaṃ pakāsetīti evamettha attho daṭṭhabbo. **Brahmacariyanti** seṭṭhaṭṭhena brahmabhūtaṃ cariyaṃ. Brahmabhūtaṇaṃ vā buddhādīnaṃ cariyanti vuttaṃ hoti.

**191. Taṃ dhammanti** taṃ vuttappakārasampadaṃ dhammaṃ. **Suṇāti gahapati vāti** kasmā paṭhamam gahapatiṃ niddisati? Nihatamānattā, ussannattā ca. Yebhuyyena hi khattiyakulato pabbajitā jātiṃ nissāya mānaṃ karonti. Brāhmaṇakulā pabbajitā mante nissāya mānaṃ karonti. Hīnajaccakulā pabbajitā attano attano vijātītāya patitṭhātuṃ na sakkonti. Gahapatidārakā pana kacchehi sedaṃ muñcanti piṭṭhiyā loṇaṃ pupphamānāya bhūmiṃ kasitvā tādisassa mānassa abhāvato nihatamānadappā honti. Te pabbajitvā mānaṃ vā dappaṃ vā akatvā yathābalaṃ sakalabuddhavacanaṃ uggahetvā vipassanāya kammaṃ karontā sakkonti arahatte patitṭhātuṃ. Itarehi ca kulehi nikkhamitvā pabbajitā nāma na bahukā, gahapatikāva bahukā. Iti nihatamānattā ussannattā ca paṭhamam gahapatiṃ niddisatīti.

**Aññatarasmiṃ vāti** itaresaṃ vā kulānaṃ aññatarasmiṃ. **Paccājātoti** patijāto. **Tathāgate saddhaṃ paṭilabhatīti** parisuddhaṃ dhammaṃ sutvā dhammassāmimhi tathāgate – “sammāsambuddho vata so bhagavā”ti saddhaṃ paṭilabhati. **Iti paṭisañcikkhatīti** evaṃ paccavekkhati. **Sambādho gharāvāsoti** sacepi saṭṭhihatthe ghare yojanasatantarepi vā dve jāyampatikā vasanti, tathāpi nesaṃ sakiñcanasapalibodhaṭṭhena gharāvāso sambādhoyeva. **Rajopathoti** rāgarajādīnaṃ **uṭṭhānaṭṭhānanti** mahāaṭṭhakathāyaṃ vuttaṃ. Āgamanapathotipi vadanti. Alagganaṭṭhena abbhokāso viyāti **abbhokāso**. Pabbajito hi kūtāgāraranapāsādadevavimānādīsu pihitadvāravātapānesu paṭicchannesu vasantopi neva laggati, na sajjati, na bajjhati. Tena vuttaṃ – “abbhokāso pabbajjā”ti. Api ca sambādho gharāvāso kusalakiriyāya okāsābhāvato. Rajopatho asaṃvutasānkāraṭṭhānaṃ viya rajānaṃ kilesarajānaṃ sannipātaṭṭhānato. Abbhokāso pabbajjā kusalakiriyāya yathāsukhaṃ okāsasabbhāvato.

**Nayidaṃ sukaraṃ...pe... pabbajeyyanti** etthāyaṃ saṅkhepakathā, yadetaṃ sikkhattayabrahmacariyaṃ ekampi divasaṃ akhaṇḍam katvā carimakacittaṃ pāpetabbatāya ekantaparipuṇṇaṃ, caritabbaṃ ekadivasampi ca kilesamalena amalīnaṃ katvā carimakacittaṃ pāpetabbatāya ekantaparīsuddhaṃ. **Saṅkhalikhanti** likhitasānkhasadisam dhotasānkhasappaṭibhāgaṃ caritabbaṃ. Idaṃ na sukaraṃ agāraṃ ajjhāvasatā agāramajjhe vasantena ekantaparipuṇṇaṃ...pe... caritum, yaṃnūnāhaṃ kese ca massuñca ohāretvā kasāyarasapītātāya kāsāyāni brahmacariyaṃ carantānaṃ anucchavikāni vatthāni acchādetvā paridahitvā agārasmā nikkhamitvā anagāriyaṃ pabbajeyyanti. Ettha ca yasmā agārassa hitaṃ kasivāñijjādikammaṃ agāriyanti vuccati, tañca pabbajjāya natthi, tasmā pabbajjā anagāriyanti ñātābā, taṃ anagāriyaṃ. **Pabbajeyyanti** paṭipajjeyyaṃ.

**192-193. Appam vāti** sahasato heṭṭhā bhogakkhandho appo nāma hoti, sahasato paṭṭhāya mahā.

Ābandhanaṭṭhena ñātiyeva ñātiparivaṭṭo. Sopi vīsatiyā heṭṭhā appo nāma hoti, vīsatiyā paṭṭhāya mahā. **Pātimokkhasaṃvarasaṃvutoti** pātimokkhasaṃvarena samannāgato. **Ācāragocarasaṃpannoti** ācārena ceva gocarena ca saṃpanno. **Aṇumattesūti** appamattakesu. **Vajjesūti** akusaladhammesu. **Bhayadassāvīti** bhayadassī. **Samādāyāti** sammā ādiyitvā. **Sikkhati sikkhāpadesūti** sikkhāpadesu taṃ taṃ sikkhāpadaṃ samādiyitvā sikkhati. Ayamettha saṅkhepo, vitthāro pana visuddhimagge vutto.

**Kāyakammavacīkammaena samannāgato kusalena parisuddhājīvoti** ettha ācāragocaraggahaṇeṇeva ca kusale kāyakammavacīkamme gahitepi yasmā idaṃ ājīvapārisuddhisīlaṃ nāma na ākāse vā rukkhaggādīsū vā uppajjati, kāyavacīdvāresuyeva pana uppajjati; tasmā tassa uppattidvāradassanatthaṃ kāyakammavacīkammaena samannāgato kusalenāti vuttaṃ. Yasmā pana tena samannāgato, tasmā parisuddhājīvo. Samaṇamuṇḍikaputtasuttantavasena (ma. ni. 2.260) vā evaṃ vuttaṃ. Tattha hi “katame ca, thapati, kusalā sīlā? Kusalaṃ kāyakammaṃ, kusalaṃ vacīkammaṃ, parisuddhaṃ ājīvampi kho ahaṃ thapati sīlasmīṃ vadāmī”ti vuttaṃ. Yasmā pana tena samannāgato, tasmā parisuddhājīvoti veditabbo.

**Sīlasaṃpannoti** brahmajāle vuttana tividhena sīlena samannāgato hoti. **Indriyesu guttadvāroti** manacchaṭṭhesu indriyesu pihitadvāro hoti. **Satisampajaññena samannāgatoti** abhikkante paṭikkantetiādīsū sattasu ṭhānesu satiyā ceva sampajaññena ca samannāgato hoti. **Santuṭṭhoti** catūsū paccayesu tividhena santosena santuṭṭho hoti.

### Cūlasīlavaṇṇanā

**194-211.** Evaṃ mātikaṃ nikkhipitvā anupubbena bhājento “**kathañca, mahārāja, bhikkhu sīlasaṃpanno hoti**”tiādīmāha. Tattha **idampissa hoti sīlasminti** idampi assa bhikkhuno pāṇātipātā veramaṇi sīlasmīṃ ekaṃ sīlaṃ hotīti attho. Paccattavacanatthe vā etaṃ bhummaṃ. Mahāaṭṭhakathāyañhi idampi tassa samaṇassa sīlanti ayameva attho vutto. Sesam brahmajāle vuttanayeneva veditabbaṃ. **Idamassa hoti sīlasminti** idaṃ assa sīlaṃ hotīti attho.

**212.** Na kutoci bhayaṃ samanupassati, yadidaṃ sīlasaṃvaratoti yāni asaṃvaramūlakāni bhayāni uppajjanti, tesu yaṃ idaṃ bhayaṃ sīlasaṃvarato bhaveyya, taṃ kutoci ekasaṃvaratopi na samanupassati. Kasmā? Saṃvarato asaṃvaramūlakassa bhayassa abhāvā. **Muddhābhisittoti** yathāvidhānavihitena khattiyābhisekena muddhani avasitto. **Yadidaṃ paccatthikatoti** yaṃ kutoci ekapaccatthikatopi bhayaṃ bhaveyya, taṃ na samanupassati. Kasmā? Yasmā nihatapaccāmitto. **Ajjhattanti** niyakajjhattaṃ, attano santāneti attho. **Anavajjasukhanti** anavajjaṃ aninditaṃ kusalaṃ sīlapadaṭṭhānehi avippaṭṭisārapāmojjapītipassaddhidhammehi pariggahitaṃ kāyikacetāsikasukhaṃ paṭisaṃvedeti. **Evaṃ kho, mahārāja, bhikkhu sīlasaṃpanno hotīti** evaṃ nirantaraṃ vitthāretvā dassitena tividhena sīlena samannāgato bhikkhu sīlasaṃpanno nāma hotīti sīlakathaṃ niṭṭhāpesi.

### Indriyasaṃvarakathā

**213.** Indriyesu guttadvārabhājanīye **cakkhunā rūpanti** ayaṃ cakkhusaddo katthaci buddhacakkhumhi vattati, yathāha – “buddhacakkhunā lokaṃ volokesī”ti (mahāva. 9). Katthaci sabbaññutaññāsaṅkhāte samantacakkhumhi, yathāha – “tathūpamaṃ dhammamayaṃ, sumedha, pāsādamāruyha samantacakkhū”ti (mahāva. 8). Katthaci dhammacakkhumhi “virajaṃ vītamalaṃ dhammacakkhuṃ udapādī”ti (mahāva. 16) hi ettha ariyamaggattayapaññā. “Cakkhuṃ udapādī ñāṇaṃ udapādī”ti (mahāva. 15) ettha pubbenivāsādiññāṃ paññācakkhūti vuccati. “Dibbena cakkhunā”ti (ma. ni. 1.284) āgataṭṭhānesu dibbacakkhumhi vattati. “Cakkhuñca paṭicca rūpe cā”ti ettha pasādacakkhumhi vattati. Idha pañāyaṃ pasādacakkhuvohārena cakkhuvīññāṇe vattati, tasmā cakkhuvīññāṇena rūpaṃ disvāti ayametthattho. Sesapadesu yaṃ vattabbaṃ siyā, taṃ sabbaṃ visuddhimagge vuttaṃ. **Abyāsekasukhanti** kilesabyāsekavirahitattā abyāsekaṃ asammissaṃ parisuddhaṃ adhicittasukhaṃ paṭisaṃvedetīti.

### Satisampajaññakathā

**214.** Satisampajaññabhājanīyamhi **abhikkante paṭikkanteti** ettha tāva abhikkantaṃ vuccati gamaṇaṃ,

paṭikkantaṃ nivattanaṃ, tadubhayampi catūsu iriyāpathesu labbhati. Gamane tāva purato kāyaṃ abhiharanto abhikkamati nāma. Paṭinivattanto paṭikkamati nāma. Thānepi thitakova kāyaṃ purato onāmento abhikkamati nāma, pacchato apanāmento paṭikkamati nāma. Nisajjāya nisinnakova āsanassa purimaāṅgābhimukho saṃsaranto abhikkamati nāma, pacchimaāṅgapadesaṃ paccāsaṃsaranto paṭikkamati nāma. Nipajjanepi eseva nayo.

**Sampajānakārī hotīti** sampajāññena sabbakiccakārī. Sampajāññameva vā kārī. So hi abhikkantādīsu sampajāññaṃ karoteva. Na katthaci sampajāññavirahito hoti. Tattha sātthakasampajāññaṃ, sappāyasampajāññaṃ, gocarasampajāññaṃ asammohasampajāññanti catubbidhaṃ sampajāññaṃ. Tattha abhikkamanacitte uppanne cittavaseneva agantvā – “kinnu me ettha gatena attho atthi natthī” ti atthānatthaṃ pariggahetvā atthapariggaṇhanaṃ sātthakasampajāññaṃ. Tattha ca atthoti cetiyadassanabodhisāṅghatheraasubhadassanādivasena dhammato vuḍḍhi. Cetiyaṃ vā bodhiṃ vā disvāpi hi buddhārammaṇaṃ, saṅghadassanena saṅghārammaṇaṃ, pītiṃ uppādetvā tadeva khayavayato sammasanto arahattaṃ pāpuṇāti. There disvā tesāṃ ovāde patiṭṭhāya, asubhaṃ disvā tattha paṭhamajjhānaṃ uppādetvā tadeva khayavayato sammasanto arahattaṃ pāpuṇāti. Tasmā etesaṃ dassanaṃ sātthakanti vuttaṃ. Keci pana āmisatopi vuḍḍhi atthoyeva, taṃ nissāya brahmacariyānuggahāya paṭipannattāti vadanti.

Tasmiṃ pana gamane sappāyāsappāyaṃ pariggahetvā sappāyapariggaṇhanaṃ sappāyasampajāññaṃ. Seyyathidaṃ – cetiyadassanaṃ tāva sātthakaṃ, sace pana cetiyassa mahāpūjāya dasadvādasayojanantare parisā sannipatanti, attano vibhavānurūpā itthiyopi purisāpi alaṅkatapaṭiyattā cittaṃkammaṃrūpakāni viya sañcaranti. Tatra cassa itṭhe ārammaṇe lobho hoti, anitṭhe paṭigho, asamapekkhane moho uppajjati, kāyasamsaggāpattim vā āpajjati. Jīvitabrahmacariyānaṃ vā antarāyo hoti, evaṃ taṃ thānaṃ asappāyaṃ hoti. Vuttappakāraantarāyābhāve sappāyaṃ. Bodhidassanepi eseva nayo. Saṅghadassanampi sātthaṃ. Sace pana antogāme mahāmaṇḍapaṃ kāretvā sabbarattim dhammassavanaṃ karontesu manussesu vuttappakāreneva janasannipāto ceva antarāyo ca hoti, evaṃ taṃ thānaṃ asappāyaṃ hoti. Antarāyābhāve sappāyaṃ. Mahāparisaparivārānaṃ therānaṃ dassanepi eseva nayo.

Asubhadassanampi sātthaṃ, tadatthadīpanatthañca idaṃ vatthu – eko kira daharabhikkhu sāmaṇeraṃ gahetvā dantakaṭṭhatthāya gato. Sāmaṇero maggā okkamitvā purato gacchanto asubhaṃ disvā paṭhamajjhānaṃ nibbattetvā tadeva pādakaṃ katvā saṅkhāre sammasanto tīṇi phalāni sacchikatvā uparimaggatthāya kammaṭṭhānaṃ pariggahetvā atṭhāsi. Daharo taṃ apassanto sāmaṇerāti pakkosi. So ‘mayā pabbajitadivasato paṭṭhāya bhikkhunā saddhiṃ dve kathā nāma na kathitapubbā. Aññasmimpi divase upari viresaṃ nibbattessāmi’ ti cintetvā kiṃ, bhanteti paṭivacanamadāsi. ‘Ehī’ ti ca vutte ekavacaneneva āgantvā, ‘bhante, iminā tāva maggeneva gantvā mayā thitokāse muhuttaṃ puratthābhimukho thātvā olokethā’ ti āha. So tathā katvā tena pattavisesameva pāpuṇi. Evaṃ ekaṃ asubhaṃ dvinnaṃ janānaṃ atthāya jātaṃ. Evaṃ sātthampi panetaṃ purisassa mātugāmāsubhaṃ asappāyaṃ, mātugāmāssa ca purisāsubhaṃ asappāyaṃ, sabhāgameva sappāyanti evaṃ sappāyapariggaṇhanaṃ sappāyasampajāññaṃ nāma.

Evaṃ pariggahitasātthakasappāyassa pana atṭhatimsāya kammaṭṭhānesu attano cittaruciyaṃ kammaṭṭhānasāṅkhātaṃ gocaraṃ uggahetvā bhikkhācāragocare taṃ gahetvāva gamaṇaṃ gocarasampajāññaṃ nāma. Tassāvibhāvanatthaṃ idaṃ catukkaṃ veditabbaṃ –

Idhekacco bhikkhu harati, na paccāharati; ekacco paccāharati, na harati; ekacco pana neva harati, na paccāharati; ekacco harati ca, paccāharati cāti. Tattha yo bhikkhu divasaṃ caṅkamaṇa nisajjāya ca āvaraṇīyehi dhammehi cittaṃ parisodhetvā tathā rattiyā paṭhamayāme, majjhimayāme seyyaṃ kappetvā pacchimayāme pi nisajjacaṅkamehi vītināmetvā pageva cetiyaṅgaṇabodhiyaṅgaṇavattaṃ katvā bodhirukkhe udakaṃ āsiñcivā, pāṇīyaṃ paribhojanīyaṃ paccupaṭṭhapetvā ācariyupajjhāyavattādīni sabbāni khandhakavattāni samādāya vattati. So sarīraparikammaṃ katvā senāsaṇaṃ pavisitvā dve tayo pallanke usumaṃ gāhāpento kammaṭṭhānaṃ anuyuñjivā bhikkhācāraṇāyaṃ utṭhahitvā kammaṭṭhānasīseva pattacīvaramādāya senāsanato nikkhamitvā kammaṭṭhānaṃ manasikarontova cetiyaṅgaṇaṃ gantvā, sace buddhānussatikammaṭṭhānaṃ hoti, taṃ avissajjetvā cetiyaṅgaṇaṃ pavisati. Aññaṃ ce kammaṭṭhānaṃ hoti, sopānamūle thātvā hatthena gahitabhaṇḍaṃ viya taṃ thāpetvā buddhārammaṇaṃ pītiṃ gahetvā cetiyaṅgaṇaṃ āruya, mahantaṃ cetiyaṃ ce, tikkhattuṃ padakkhiṇaṃ katvā catūsu thānesu vanditabbaṃ.

Khuddakaṃ cetiyaṃ ce, tatheva padakkhiṇaṃ katvā aṭṭhasu ṭhānesu vanditabbaṃ. Cetiyaṃ vanditvā bodhiyaṅgaṇaṃ pattenāpi buddhassa bhagavato sammukhā viya nīpaccākāraṃ dassetvā bodhi vanditabbā. So evaṃ cetiyañca bodhiñca vanditvā paṭisāmitaṭṭhānaṃ gantvā paṭisāmitabhaṇḍakaṃ hatthena gaṇhanto viya nikkhattakammaṭṭhānaṃ gahetvā gāmasamīpe kammaṭṭhānasīseneva cīvaraṃ pārupitvā gāmaṃ piṇḍāya pavisati. Atha naṃ manussā disvā ayyo no āgatoti paccuggantvā pattaṃ gahetvā āsanasālāya vā gehe vā nisīdāpetvā yāguṃ datvā yāva bhattaṃ na niṭṭhāti, tāva pāde dhovitvā telena makkhetvā purato te nisīditvā pañhaṃ vā pucchanti, dhammaṃ vā sotukāmā hontī. Sacepi na kathāpentī, janasaṅgahatthaṃ dhammakathā nāma kātabbā yevāti aṭṭhakathācariyā vadanti. Dhammakathā hi kammaṭṭhānavinimuttā nāma natthī, tasmā kammaṭṭhānasīseneva dhammakathaṃ kathetvā kammaṭṭhānasīseneva āhāraṃ paribhuñjitvā anumodanaṃ katvā nivattiyamānehipi manussehi anugatova gāmato nikkhamitvā tattha te nivattetvā maggaṃ paṭipajjati.

Atha naṃ puretaraṃ nikkhamitvā bahigāme katabhattakiccā sāmaṇeradahaṃbhikkhū disvā paccuggantvā pattaṃcīvaramassa gaṇhanti. Porāṇakabhikkhū kira amhākaṃ upajjhāyo ācariyoti na mukhaṃ oloketvā vattaṃ karonti, sampattaparicchedeneva karonti. Te taṃ pucchanti – “bhante, ete manussā tumhākaṃ kiṃ hontī, mātīpakkhato sambandhā pitīpakkhato”’ti? Kiṃ disvā pucchathāti? Tumhesu etesaṃ pemaṃ bahumānanti. Āvuso, yaṃ mātīpitūhipi dukkaraṃ, taṃ ete amhākaṃ karonti, pattaṃcīvarampi no etesaṃ santakameva, etesaṃ ānubhāvena neva bhaye bhayaṃ, na chātake chātaṃ jānāma. Īdisā nāma amhākaṃ upakārino natthīti tesam guṇe kathento gacchati. Ayaṃ vuccati **harati na paccāharatīti**.

Yassa pana pageva vuttappakāraṃ vattapaṭipattiṃ karontassa kammajatejodhātu pajjalati, anupādinnakaṃ muñcitvā upādinnakaṃ gaṇhāti, sarīrato sedā muñcanti, kammaṭṭhānaṃ vīthiṃ nārohati, so pageva pattaṃcīvaramādāya vegasā cetiyaṃ vanditvā gorūpānaṃ nikkhamanavelāyameva gāmaṃ yāgubhikkhāya pavisitvā yāguṃ labhitvā āsanasālaṃ gantvā pivati, athassa dvattikkhattuṃ ajjhoharaṇamatteneva kammajatejodhātu upādinnakaṃ muñcitvā anupādinnakaṃ gaṇhāti, ghaṭasatena nhāto viya tejodhātu pariḷāhanibbānaṃ patvā kammaṭṭhānasīsenā yāguṃ paribhuñjitvā pattañca mukhañca dhovitvā antarābhatte kammaṭṭhānaṃ manasikatvā avasesaṭṭhāne piṇḍāya caritvā kammaṭṭhānasīsenā āhārañca paribhuñjitvā tato paṭṭhāya poṅkhānupōṅkhaṃ upaṭṭhahamānaṃ kammaṭṭhānaṃ gahetvā āgacchati, ayaṃ vuccati **paccāharati na haratīti**. Edisā ca bhikkhū yāguṃ pivitvā vipassanaṃ ārabhitvā buddhasāsane arahattappattā nāma gaṇanapathaṃ vītivattā. Sīhaḷadīpeyeva tesu tesu gāmesu āsanasālāyaṃ vā na taṃ āsanamatthi, yattha yāguṃ pivitvā arahattappattā bhikkhū natthīti.

Yo pana pamādavihārī hoti, nikkhattadhuro sabbavattāni bhinditvā pañcavidhacetokhīlavinibandhacitto viharanto – “kammaṭṭhānaṃ nāma atthī”’ti saññampi akatvā gāmaṃ piṇḍāya pavisitvā ananulomikena gihisaṃsaggena saṃsaṭṭho caritvā ca bhuñjitvā ca tuccho nikkhamati, ayaṃ vuccati **neva harati na paccāharatīti**.

Yo panāyaṃ – “harati ca paccāharati cā”’ti vutto, so gatapaccāgatavattavaseneva veditabbo. Attakāmā hi kulaputtā sāsane pabbajitvā dasapi vīsampi tiṃsampi cattālīsampi paññāsampi satampi ekato vasantā katikavattaṃ katvā viharanti, “āvuso, tumhe na iṇaṭṭā, na bhayaṭṭā, na jīvikāpakatā pabbajitā, dukkhā muccitukāmā panettha pabbajitā, tasmā gamane uppannakilesaṃ gamaneyeva niggaṇhatha, tathā ṭhāne, nisajjāya, sayane uppannakilesaṃ sayaneva niggaṇhathā”’ti.

Te evaṃ katikavattaṃ katvā bhikkhācāraṃ gacchantā aḍḍhausabhausabhaaḍḍhagāvutagāvutantaresu pāsānā hontī, tāya saññāya kammaṭṭhānaṃ manasikarontāva gacchantī. Sace kassaci gamane kilesa uppajjati, tattheva naṃ niggaṇhāti. Tathā asakkonto tiṭṭhanti, athassa pacchato āgacchantopi tiṭṭhanti. So “ayaṃ bhikkhu tuyhaṃ uppannavitakkaṃ jānāti, ananucchavikaṃ te eta”’nti attānaṃ paṭicodetvā vipassanaṃ vaḍḍhetvā tattheva ariyabhūmiṃ okkamati; tathā asakkonto nisīdati. Athassa pacchato āgacchantopi nisīdatīti soyeva nayo. Ariyabhūmiṃ okkamitūṃ asakkontopi taṃ kilesaṃ vikkhambhetvā kammaṭṭhānaṃ manasikarontova gacchati, na kammaṭṭhānavippayuttena cītena pādaṃ uddharati, uddharati ce, paṭinivattitvā purimapedesaṃyeva eti. Ālindakavāsī **mahāphussadevatthero** viya.

So kira ekūnavāsativassāni gatapaccāgatavattaṃ pūrento eva vihāsi, manussāpi addasaṃsu antarāmagge kasantā ca vapantā ca maddantā ca kammāni ca karontā theram tathāgacchantam disvā – “ayaṃ thero

punappunam nivattivā gacchati, kinnu kho maggamūḷho, udāhu kiñci pamuṭṭho’’ti samullapanti. So taṃ anādiyitvā kammaṭṭhānayuttacitteneva samaṇadhammaṃ karonto vīsativassabbhantare arahattaṃ pāpuṇi, arahattappattadivase cassa caṅkamaṇakoṭiyam adhivatthā devatā aṅgulīhi dīpaṃ ujjāletvā aṭṭhāsi. Cattāropi mahārājāno sakko ca devānamindo brahmā ca sahampati upaṭṭhānaṃ agamaṃsu. Tañca obhāsaṃ disvā vanavāsī mahātissatthero taṃ dutiyadivase pucchi – “rattibhāge āyasmato santike obhāso ahoṣi, kiṃ so obhāso’’ti? Thero vikkhepaṃ karonto obhāso nāma dīpobhāsoṃ hoti, maṇiobhāsoṃ evamādimāha. Tato ‘paṭicchādetha tumhe’’ti nibaddho ‘āmā’’ti paṭijānitvā ārocesi. Kāḷavallimaṇḍapavāsī **mahānāgatthero** viya ca.

Sopi kira gatapaccāgatavattaṃ pūrento – paṭhamaṃ tāva bhagavato mahāpadhānaṃ pūjessāmīti sattavassāni ṭhānacaṅkamaṃ eva adhiṭṭhāsi. Puna soḷasavassāni gatapaccāgatavattaṃ pūretvā arahattaṃ pāpuṇi. So kammaṭṭhānayutteneva cittena pādaṃ uddharanto, viyuttena uddhaṭe paṭinivattento gāmasamīpaṃ gantvā “gāvī nu pabbajito nū’’ti āsaṅkaniyapadesa ṭhatvā cīvaraṃ pārupitvā kacchakantarato udakena pattaṃ dhovitvā udakagaṇḍūsaṃ karoti. Kiṃ kāraṇā? Mā me bhikkhaṃ dātuṃ vā vandituṃ vā āgate manusse ‘dīghāyukā hothā’’ti vacanamattenāpi kammaṭṭhānavikkhepo ahoṣīti. “Ajja, bhante, katimī’’ti divasaṃ vā bhikkhugaṇaṇaṃ vā pañhaṃ vā pucchito pana udakaṃ gilitvā ārocesi. Sace divasādīni pucchakā na hontī, nikkhamaṇavelāya gāmadvāre niṭṭhubhitvā ya yāti.

Kalambatitthavihāre vassūpagatā **paññāsabhikkhū** viya ca. Te kira āsaḷhipuṇṇamāyaṃ katikavattaṃ akaṃsu – “arahattaṃ appatvā aññaṃaññaṃ nālapissāmā’’ti, gāmañca piṇḍāya pavisaṇtā udakagaṇḍūsaṃ katvā pavisiṃsu. Divasādīsu pucchitesu vuttanayeneva paṭipajjiṃsu. Tattha manussā niṭṭhubhanaṃ disvā jāniṃsu – “ajjeko āgato, ajja dve’’ti. Evañca cintesuṃ – “kinnu kho ete amhehiyeva saddhiṃ na sallapanti, udāhu aññaṃaññaṃpi. Sace aññaṃaññaṃpi na sallapanti, addhā vivādaṃ bhavissanti. Etha ne aññaṃaññaṃ khamāpessāmā’’ti, sabbe vihāraṃ gantvā paññāsāya bhikkhūsu dvepi bhikkhū ekokāse nāddasaṃsu. Tato yo tesu cakkhumā puriso, so āha – “na bho kalahakāraṇaṃ vasanokāso īdiso hoti, susammaṭṭhaṃ cetiyaṅgaṇabodhiyaṅgaṇaṃ, sunikkhittā sammajjaniyo, sūpaṭṭhapitaṃ pānīyaṃ paribhojanīya’’nti, te tatova nivattā. Tepi bhikkhū anto temāseyeva arahattaṃ patvā mahāpavāraṇāya visuddhipavāraṇaṃ pavāresuṃ.

Evaṃ kāḷavallimaṇḍapavāsī mahānāgatthero viya, kalambatitthavihāre vassūpagatabhikkhū viya ca kammaṭṭhānayutteneva cittena pādaṃ uddharanto gāmasamīpaṃ gantvā udakagaṇḍūsaṃ katvā vīthiyo sallakkhetvā, yatha surāsoṇḍadhuttādayo kalahakāraṇā caṇḍahatthiassādayo vā natthi, taṃ vīthiṃ paṭipajjati. Tattha ca piṇḍāya caramāno na turitaturito viya javena gacchati. Na hi javena piṇḍapātiyadhutaṅgaṃ nāma kiñci atthi. Visamabhūmibhāgappattaṃ pana udakasakaṭaṃ viya niccalo hutvā gacchati. Anugharaṃ pavitṭho ca dātukāmaṃ vā adātukāmaṃ vā sallakkhetvā tadanurūpaṃ kālaṃ āgamento bhikkhaṃ paṭilabhitvā ādāya antogāme vā bahigāme vā vihārameva vā āgantvā yathā phāsuke patirūpe okāse nisīditvā kammaṭṭhānaṃ manasikaronto āhāre paṭikūlasaññaṃ upaṭṭhapetvā akkhabbhañjana – vaṇalepanaputtamaṃsūpamavasena paccavekkhanto aṭṭhaṅgasamannāgataṃ āhāraṃ āhāreti, neva davāya na madāya na maṇḍanāya na vibhūsanāya...pe... bhuttāvī ca udakakiccaṃ katvā muhuttaṃ bhattakilamathaṃ paṭippassambhetvā yathā purebhattaṃ, evaṃ pacchābhattaṃ purimayāmaṃ pacchimayāmañca kammaṭṭhānameva manasi karoti, ayaṃ vuccati **harati ca paccāharati cāti**.

Idaṃ pana haraṇapaccāharaṇasaṅkhātaṃ gatapaccāgatavattaṃ pūrento yadi upanissayasampanno hoti, paṭhamavaye eva arahattaṃ pāpuṇāti. No ce paṭhamavaye pāpuṇāti, atha majjhimavaye; no ce majjhimavaye pāpuṇāti, atha maraṇasamaye; no ce maraṇasamaye pāpuṇāti, atha devaputto hutvā; no ce devaputto hutvā pāpuṇāti, anuppanne buddhe nibbato paccekabodhiṃ sacchikaroti. No ce paccekabodhiṃ sacchikaroti, atha buddhānaṃ sammukhībhāve khippābhīṇo hoti; seyyathāpi thero bāhiyo dārucīriyo mahāpañño vā, seyyathāpi thero sārīputto mahiddhiko vā, seyyathāpi thero mahāmoggallāno dhutavādo vā, seyyathāpi thero mahākassapo dibbacakkhuko vā, seyyathāpi thero anuruddho vinayadharo vā, seyyathāpi thero upālī dhammakathiko vā, seyyathāpi thero puṇṇo mantāṇiṇiputto āraññiko vā, seyyathāpi thero revato bahussuto vā, seyyathāpi thero ānando bhikkhākāmo vā, seyyathāpi thero rāhulo buddhaputtoti. Iti imasmiṃ catukke yvāyaṃ harati ca paccāharati ca, tassa gocarasaṃpajaññaṃ sikhāpattaṃ hoti.



Abhikkamādīsu pana asammuyhanaṃ **asammohasampajaññaṃ**, taṃ evaṃ veditabbaṃ – idha bhikkhu abhikkamanto vā paṭikkamanto vā yathā andhabālaputhujjanā abhikkamādīsu – “attā abhikkamati, attanā abhikkamo nibbattito”ti vā, “ahaṃ abhikkamāmi, mayā abhikkamo nibbattito”ti vā sammuyhanti, tathā asammuyhanto “abhikkamāmi”ti citte uppajjamāne teneva cittena saddhiṃ cittasamuṭṭhānā vāyodhātu viññattim janayamānā uppajjati. Iti cittakiriyavāyodhātuvipphāravasena ayaṃ kāyasammato aṭṭhisāṅghāto abhikkamati. Tassevaṃ abhikkamato ekekapāduddharaṇe pathavīdhātu āpodhātūti dve dhātuyo omattā honti mandā, itarā dve adhimattā honti balavatiyo; tathā atiharaṇavītiaraṇesu. Vossajjane tejodhātu vāyodhātūti dve dhātuyo omattā honti mandā, itarā dve adhimattā balavatiyo, tathā sannikkhepanasannirujjhanesu. Tattha uddharaṇe pavattā rūpārūpadhammā atiharaṇaṃ na pāpuṇanti, tathā atiharaṇe pavattā vītiaraṇaṃ, vītiaraṇe pavattā vossajjanaṃ, vossajjane pavattā sannikkhepanaṃ, sannikkhepane pavattā sannirujjanaṃ na pāpuṇanti. Tattha tattheva pabbaṃ pabbaṃ sandhi sandhi odhi odhi hutvā tattakapāle pakkhittatilāni viya paṭapaṭāyantā bhijjanti. Tattha ko eko abhikkamati, kassa vā ekassa abhikkamanaṃ? Paramatthato hi dhātūnaṃyeva gamanaṃ, dhātūnaṃ ṭhānaṃ, dhātūnaṃ nisajjanaṃ, dhātūnaṃ sayanaṃ. Tasmim tasmim koṭṭhāse saddhiṃ rūpena.

Aññaṃ uppajjate cittaṃ, aññaṃ cittaṃ nirujjhati;  
Avīcimanusambandho, nadīsotova vattatīti.

Evaṃ abhikkamādīsu asammuyhanaṃ asammohasampajaññaṃ nāmāti.

Niṭṭhito abhikkante paṭikkante sampajānakārī hotīti padassa attho.

**Ālokite vilokite**ti ettha pana **ālokitaṃ** nāma purato pekkhaṇaṃ. **Vilokitaṃ** nāma anudisāpekkhaṇaṃ. Aññānīpi heṭṭhā upari pacchato pekkhaṇavasena olokitaullokitāpalokitāni nāma honti, tāni idha na gahitāni. Sārūppavasena pana imāneva dve gahitāni, iminā vā mukhena sabbānīpi tāni gahitānevāti.

Tattha “ālokessāmī”ti citte uppanne cittavaseneva anoloketvā atthapariggaṇhanaṃ sātthakasampajaññaṃ, taṃ āyasmantaṃ nandaṃ kāyasakkhiṃ katvā veditabbaṃ. Vuttañhettaṃ bhagavatā – “sace, bhikkhave, nandassa puratthimā disā āloketabbā hoti, sabbaṃ cetasā samannāharitvā nando puratthimaṃ disaṃ āloketi – ‘evaṃ me puratthimaṃ disaṃ ālokeyato na abhijjhādomanassā pāpakā akusalā dhammā anvāssavissantī’ti. Itiha tattha sampajāno hoti (a. ni. 8.9). Sace, bhikkhave, nandassa pacchimā disā...pe... uttarā disā...pe... dakkhiṇā disā...pe... uddhaṃ...pe... adho...pe... anudisā anuviloketabbā hoti, sabbaṃ cetasā samannāharitvā nando anudisaṃ anuviloketi – ‘evaṃ me anudisaṃ anuvilokayato na abhijjhādomanassā pāpakā akusalā dhammā anvāssavissantī’ti. Itiha tattha sampajāno hoti’”ti.

Api ca idhāpi pubbe vuttacetiyaḍḍassanādivaseneva sātthakatā ca sappāyatā ca veditabbā, kammaṭṭhānassa pana avijhanaṃyeva gocarasampajaññaṃ. Tasmā ettha khandhadhātuāyatanakammaṭṭhānikēhi attano kammaṭṭhānavaseneva, kaṣiṇādikammaṭṭhānikēhi vā pana kammaṭṭhānasīseva ālokanaṃ vilokanaṃ kātabbaṃ. Abbhantare attā nāma āloketā vā viloketā vā natthi, ‘ālokessāmī’ti pana citte uppajjamāne teneva cittena saddhiṃ cittasamuṭṭhānā vāyodhātu viññattim janayamānā uppajjati. Iti cittakiriyavāyodhātuvipphāravasena heṭṭhimaṃ akkhidalaṃ adho sīdati, uparimaṃ uddhaṃ laṅgheti. Koci yantakena vivaranto nāma natthi. Tato cakkhuvīññāṇaṃ dassanakiccaṃ sādhettaṃ uppajjatīti evaṃ pajānaṃ panettha asammohasampajaññaṃ nāma. Api ca mūlapariññā āgantukatāva kālīkabhāvavasena pettha asammohasampajaññaṃ veditabbaṃ. Mūlapariññāvasena tāva –

Bhavaṅgāvajjanañceva, dassanaṃ sampaṭicchanāṃ;  
Santīraṇaṃ voṭṭhabbanāṃ, javanaṃ bhavati sattaṃ.

Tattha bhavaṅgaṃ upapattibhavaṃ āṅgakkiccaṃ sādhayamānaṃ pavattati, taṃ āvaṭṭetvā kiriyamanodhātu āvajjanakiccaṃ sādhayamānā, taṃnirodhā cakkhuvīññāṇaṃ dassanakiccaṃ sādhayamānaṃ, taṃnirodhā vipākamanodhātu sampaṭicchanakiccaṃ sādhayamānā, taṃnirodhā vipākamanovīññādhātu santīraṇakiccaṃ sādhayamānā, taṃnirodhā kiriyamanovīññādhātu voṭṭhabbanakiccaṃ sādhayamānā, taṃnirodhā sattakkhattuṃ javanaṃ javati. Tattha paṭhamajavanepi –

“ayaṃ itthī, ayaṃ puriso”ti rajjanadussanamuyhanavasena ālokitavilokitaṃ nāma na hoti. Dutiyajavanepi...pe... sattamajavanepi. Etesu pana yuddhamaṇḍale yodhesu viya heṭṭhupariyavasena bhijjivā patitesu – “ayaṃ itthī, ayaṃ puriso”ti rajjanādivasena ālokitavilokitaṃ hoti. Evaṃ tāvettha mūlapariññāvasena asammosampajaññaṃ veditaḅbaṃ.

Cakkhudvāre pana rūpe āpāthamāgate bhavaṅgacalanato uddhaṃ sakakiccanipphādanavasena āvajjanādīsū uppajjivā niruddhesu avasāne javanaṃ uppajjati, taṃ pubbe uppannānaṃ āvajjanādīnaṃ gehabhūte cakkhudvāre āgantukapuriso viya hoti. Tassa yathā paragehe kiñci yācituṃ pavittḥassa āgantukapurisassa gehassāmikesu tuṅhīmāsinesu āṅakaraṇaṃ na yuttaṃ, evaṃ āvajjanādīnaṃ gehabhūte cakkhudvāre āvajjanādīsū arajjantesu adussantesu amuyhantesu ca rajjanadussanamuyhanaṃ ayuttanti evaṃ āgantukabhāvavasena asammosampajaññaṃ veditaḅbaṃ.

Yāni panetāni cakkhudvāre voṭṭhabbanapariyosānāni cittāni uppajjanti, tāni saddhiṃ sampayuttadhammehi tattha tattheva bhijjanti, aññaṃaññaṃ na passantīti, ittarāni tāvakālikāni honti. Tattha yathā ekasmiṃ ghare sabbesu mānusakesu matesu avasesassa ekassa taṅkhaṇaññeva maraṇadhammassa na yuttā naccagītādīsū abhirati nāma. Evameva ekadvāre sasampayuttesu āvajjanādīsū tattha tattheva matesu avasesassa taṅkhaṇeyeva maraṇadhammassa javanassāpi rajjanadussanamuyhanavasena abhirati nāma na yuttāti. Evaṃ tāvakālikabhāvavasena asammosampajaññaṃ veditaḅbaṃ.

Api ca khandhāyatanadhātupaccayapaccavekkhaṇavasena petaṃ veditaḅbaṃ. Ettha hi cakkhu ceva rūpā ca rūpakkhandho, dassanaṃ viññāṅakkhandho, taṃsampayuttā vedanā vedanākkhandho, saññā saññākkhandho, phassādikā saṅkhārakkhandho. Evametesam pañcannaṃ khandhānaṃ samavāye ālokanavilokanaṃ paññāyati. Tattha ko eko āloketi, ko viloketi?

Tathā cakkhu cakkhāyatanam, rūpaṃ rūpāyatanam, dassanaṃ manāyatanam, vedanādayo sampayuttadhammā dhammāyatanam. Evametesam catunnaṃ āyatanānaṃ samavāye ālokanavilokanaṃ paññāyati. Tattha ko eko āloketi, ko viloketi?

Tathā cakkhu cakkhudhātu, rūpaṃ rūpadhātu, dassanaṃ cakkhuvīññāṇadhātu, taṃsampayuttā vedanādayo dhammā dhammadhātu. Evametesam catunnaṃ dhātūnaṃ samavāye ālokanavilokanaṃ paññāyati. Tattha ko eko āloketi, ko viloketi?

Tathā cakkhu nissayapaccayo, rūpā ārammaṇapaccayo, āvajjanaṃ anantarasamanantarūpanissayanatthivigatapaccayo, āloko upanissayapaccayo, vedanādayo sahaṅgāpaccayo. Evametesam paccayānaṃ samavāye ālokanavilokanaṃ paññāyati. Tattha ko eko āloketi, ko viloketi? Evametta khandhāyatanadhātupaccayapaccavekkhaṇavasenapi asammosampajaññaṃ veditaḅbaṃ.

**Samiñjite pasāriteti** pabbānaṃ samiñjanapasāraṇe. Tattha cittavaseneva samiñjanapasāraṇaṃ akatvā hatthapādānaṃ samiñjanapasāraṇapaccayā atthānatthaṃ pariggaṇhitvā atthapariggaṇhanaṃ sātthakasampajaññaṃ. Tattha hatthapāde aticiraṃ samiñjetvā vā pasāretvā vā thitassa khaṇe khaṇe vedanā uppajjati, cittaṃ ekaggaṃ na labhati, kammaṭṭhānaṃ paripatati, visesaṃ nādhigacchati. Kāle samiñjentassa kāle pasārentassa pana tā vedanā nuppajjanti, cittaṃ ekaggaṃ hoti, kammaṭṭhānaṃ phātiṃ gacchati, visesamadhigacchatīti, evaṃ atthānatthapariggaṇhanaṃ veditaḅbaṃ.

Atthe pana satipi sappāyāsappāyaṃ pariggaṇhitvā sappāyapariggaṇhanaṃ sappāyasampajaññaṃ. Tatrāyaṃ nayo –

Mahācetiyaṅgaṇe kira daharabhikkhū sajjhāyaṃ gaṇhanti, tesam piṭṭhipassesu daharabhikkhuniyo dhammaṃ suṇanti. Tatreko daharo hatthaṃ pasārento kāyasaṃsaggaṃ patvā teneva kāraṇena gihī jāto. Aparo bhikkhu pādaṃ pasārento aggimhi pasāresi, atṭhimāhacca pādo jhāyī. Aparo vammike pasāresi, so āsivisena ḍaṭṭho. Aparo cīvarakuṭidaṇḍake pasāresi, taṃ maṇisappo ḍaṃsi. Tasmā evarūpe asappāye apasāretvā sappāye pasārettaḅbaṃ. Idametta sappāyasampajaññaṃ.

Gocarasampajaññaṃ pana mahātheravattunā dīpetabbaṃ – **mahāthero** kira divāṭhāne nisinno antevāsikehi saddhiṃ kathayamāno sahasā hatthaṃ samiñjetvā puna yathāṭhāne ṭhapetvā saṅikaṃ samiñjesi. Taṃ antevāsikā pucchimsu – “kasmā, bhante, sahasā hatthaṃ samiñjitvā puna yathāṭhāne ṭhapetvā saṅikaṃ samiñjiyitthā”ti? Yato paṭṭhāyāhaṃ, āvuso, kammaṭṭhānaṃ manasikātuṃ āraddho, na me kammaṭṭhānaṃ muñcitvā hattho samiñjitapubbo, idāni pana me tumhehi saddhiṃ kathayamānena kammaṭṭhānaṃ muñcitvā samiñjito. Tasmā puna yathāṭhāne ṭhapetvā samiñjesinti. Sādhu, bhante, bhikkhunā nāma evarūpena bhavitabbanti. Evametthāpi kammaṭṭhānāvijahanameva gocarasampajaññaṃ veditabbaṃ.

Abbhantare attā nāma koci samiñjento vā pasārento vā natthi, vuttappakāracittakiriyavāyodhātuvipphārena pana suttākaḍḍhanavasena dāruyantassa hatthapādalanānaṃ viya samiñjanapasāraṇaṃ hotīti evaṃ parijānanaṃ panettha asammohasampajaññaṃ veditabbaṃ.

**Saṅghātipattacīvaradhāraṇeti** ettha saṅghāticīvarānaṃ nivāsanapārūpanavasena pattassa bhikkhapaṭiḅgahaṇādivasena paribhogo dhāraṇaṃ nāma. Tattha saṅghāticīvaradhāraṇe tāva nivāsetvā vā pārūpitvā vā piṇḍāya carato āmisalābho sītassa paṭiḅhātāyātiādinā nayena bhagavatā vuttappakāroyeva ca attho attho nāma. Tassa vasena sātthakasampajaññaṃ veditabbaṃ.

Uṇhapakatikassa pana dubbalassa ca cīvaraṃ sukhumaṃ sappāyaṃ, sītālukassa ghaṇaṃ duppaṭṭaṃ. Viparītaṃ asappāyaṃ. Yassa kassaci jiṇṇaṃ asappāyameva, aggaḷādīdānena hissa taṃ palibodhakaṃ hoti. Tathā paṭṭuṇṇadukūlādibhedaṃ lobhaniyacīvaraṃ. Tādisaṅhi araṅṅe ekakassa nivāsanarāyakaṃ jīvitantarāyakaṃcāpi hoti. Nippariyāyena pana yaṃ nimittakammādimicchājīvavasena uppannaṃ, yañcassa sevamānassa akusalā dhammā abhivaḍḍhanti, kusalā dhammā parihāyanti, taṃ asappāyaṃ. Viparītaṃ sappāyaṃ. Tassa vasenettha sappāyasampajaññaṃ. Kammaṭṭhānāvijahanavaseneva gocarasampajaññaṃ veditabbaṃ.

Abbhantare attā nāma koci cīvaraṃ pārūpento natthi, vuttappakārena cittakiriyavāyodhātuvipphāreneva pana cīvarapārūpanaṃ hoti. Tattha cīvarampi acetanaṃ, kāyopi acetano. Cīvaraṃ na jānāti – “mayā kāyo pārūpito”ti. Kāyopi na jānāti – “ahaṃ cīvarena pārūpito”ti. Dhātuyova dhātusamūhaṃ paṭicchādentī paṭapilotikāyapotthakarūpaṭicchādane viya. Tasmā neva sundaraṃ cīvaraṃ labhitvā somanassaṃ kātabbaṃ, na asundaraṃ labhitvā domanassaṃ.

Nāgavammikacetiyarukkhādīsu hi keci mālāgandhadhūmavattadhādhī sakkāraṃ karonti, keci gūthamuttakaddamaḍḍasatthappahārādīhi asakkāraṃ. Na tehi nāgavammikarukkhādayo somanassaṃ vā domanassaṃ vā karonti. Evameva neva sundaraṃ cīvaraṃ labhitvā somanassaṃ kātabbaṃ, na asundaraṃ labhitvā domanassaṃ, evaṃ pavattapaṭisankhānavasenettha asammohasampajaññaṃ veditabbaṃ.

Pattadhāraṇepi pattaṃ sahasāva aggahetvā imaṃ gahetvā piṇḍāya caramāno bhikkhaṃ labhissāmīti, evaṃ pattaḅgahaṇapaccayā paṭilabhitabbaṃ atthavasena sātthakasampajaññaṃ veditabbaṃ.

Kisadubbalasarīrassa pana garupatto asappāyo, yassa kassaci catupañcagaṇṭhikāhato dubbisodhanīyo asappāyova. Duddhotapattopi na vaṭṭati, taṃ dhovantasseva cassa palibodho hoti. Maṇivaṇṇapatto pana lobhaniyo, cīvare vuttanayeneva asappāyo, nimittakammādivasena laddho pana yañcassa sevamānassa akusalā dhammā abhivaḍḍhanti, kusalā dhammā parihāyanti, ayaṃ ekantaasappāyova. Viparīto sappāyo. Tassa vasenettha sappāyasampajaññaṃ. Kammaṭṭhānāvijahanavaseneva ca gocarasampajaññaṃ veditabbaṃ.

Abbhantare attā nāma koci pattaṃ gaṇhanto natthi, vuttappakārena cittakiriyavāyodhātuvipphāravaseneva pattaḅgahaṇaṃ nāma hoti. Tattha pattopi acetano, hatthāpi acetanā. Pattaṃ na jānāti – “ahaṃ hatthehi gahito”ti. Hatthāpi na jānanti – “amhehi pattaṃ gahito”ti. Dhātuyova dhātusamūhaṃ gaṇhanti, saṅḍāsena aggivaṇṇapattaḅgahaṇe viyāti. Evam pavattapaṭisankhānavasenettha asammohasampajaññaṃ veditabbaṃ.

Api ca yathā chinnaḅhatthapāde vaṇamukhehi paggharitaḅpubbalohitakimikule nīlamakkhikasamparikiṇṇe anāthasālāyaṃ nipanne anāthamanusse disvā, ye dayālukā purisā, te tesam

vaṇamattacoḷakāni ceva kapālādīhi ca bhesajjāni upanāmenti. Tattha coḷakānipi kesañci saṅhāni, kesañci thūlāni pāpuṇanti. Bhesajjakapālakānipi kesañci susaṅṭhānāni, kesañci dussaṅṭhānāni pāpuṇanti, na te tattha sumanā vā dummanā vā honti. Vaṇapaṭicchādanamatteneva hi coḷakena, bhesajjapaṭiggahaṇamatteneva ca kapālakena tesam attho. Evameva yo bhikkhu vaṇacoḷakaṃ viya cīvaraṃ, bhesajjakapālakaṃ viya ca pattam, kapāle bhesajjamiva ca patte laddham bhikkham sallakkheti, ayam saṅghāṭipattacīvaradhāraṇe asammohasampajaññaena uttamasampajāññaṃ veditabbo.

Asitādīsu **asiteti** piṇḍapātabhojane. **Pītetī** yāguādīpāne. **Khāyītetī** piṭṭhakhajjādikhādane. **Sāyītetī** madhuphāṇitādisāyane. Tattha neva davāyātiadinā nayena vutto aṭṭhavidhopi attho attho nāma. Tasseva vasena sātthakasampajaññaṃ veditabbaṃ.

Lūkhapaṇītattitmadhurarasādīsu pana yena bhojanena yassa phāsu na hoti, taṃ tassa asappāyaṃ. Yaṃ pana nimittakammādivasena paṭiladdham, yañcassa bhuñjato akusalā dhammā abhivaḍḍhanti, kusalā dhammā parihāyanti, taṃ ekantaasappāyameva, viparītaṃ sappāyaṃ. Tassa vasenettha sappāyasampajaññaṃ. Kammatṭhānāvijahanavaseneva ca gocarasampajaññaṃ veditabbaṃ.

Abbhantare attā nāma koci bhuñjako natthi, vuttappakāracittakiriyavāyodhātuvipphāreṇeva pattappaṭiggahaṇaṃ nāma hoti. Cittakiriyavāyodhātuvipphāreṇeva hatthassa patte oṭāraṇaṃ nāma hoti. Cittakiriyavāyodhātuvipphāreṇeva ālopakaraṇaṃ ālopaudhāraṇaṃ mukhavivaraṇaṇca hoti, na koci kuñcīkāya yantakena vā hanukaṭṭhīni vivarati. Cittakiriyavāyodhātuvipphāreṇeva ālopassa mukhe ṭhapanam, uparidantānaṃ musalakiccasādhanam, heṭṭhimadantānaṃ udukkhalakiccasādhanam, jivhāya hatthakiccasādhanaṇca hoti. Iti tattha aggajivhāya tanukakheḷo mūlajivhāya bahalakhēḷo makkheti. Taṃ heṭṭhādantaudukkhale jivhāhatthaparivattakaṃ khēḷodakena temitaṃ uparidantamusalasañcuṇṇitaṃ koci kaṭacchunā vā dabbīyā vā antopavesento nāma natthi, vāyodhātuyāva pavisati. Paviṭṭham paviṭṭham koci palālasanthāraṃ katvā dhārento nāma natthi, vāyodhātuvaseṇeva tiṭṭhati. Ṭhitaṃ ṭhitaṃ koci uddhanaṃ katvā aggim jāletvā pacanto nāma natthi, tejodhātuyāva paccati. Pakkaṃ pakkaṃ koci daṇḍakena vā yaṭṭhiyā vā bahi nīhāraḷo nāma natthi, vāyodhātuyeva nīharati. Iti vāyodhātu paṭiharati ca, vītiharati ca, dhāreti ca, parivatteti ca, sañcuṇṇeti ca, visoseti ca, nīharati ca. Pathavīdhātu dhāreti ca, parivatteti ca, sañcuṇṇeti ca, visoseti ca. Āpodhātu sineheti ca, allattaṇca anupāleti. Tejodhātu antopaviṭṭham paripāceti. Ākāsadhātu añjaso hoti. Viññāṇadhātu tattha tattha sammāpayogamanvāya ābhujatīti. Evaṃ pavattapaṭisañkhānavasenettha asammohasampajaññaṃ veditabbaṃ.

Api ca gamanato pariyesanato paribhogato āsayato nidhānato aparipakkato paripakkato phalato nissandato sammakkhanatoti, evaṃ dasavidhapaṭīkūlabhāvapaccavekkhaṇato pettha asammohasampajaññaṃ veditabbaṃ. Vitthārakathā panettha visuddhimagge āhārapaṭīkūlasaṇṇānidhesato gahetabbā.

**Uccārapassāvakammeti** uccārassa ca passāvassa ca karaṇe. Tattha pattakāle uccārapassāvaṃ akarontassa sakalasarīrato sedā muccanti, akkhīni bhamanti, cittaṃ na ekaggaṃ hoti, aññe ca rogā uppajjanti. Karontassa pana sabbaṃ taṃ na hotīti ayamettha attho. Tassa vasena sātthakasampajaññaṃ veditabbaṃ.

Aṭṭhāne uccārapassāvaṃ karontassa pana āpatti hoti, ayaso vaḍḍhati, jīvitantarāyo hoti, patirūpe ṭhāne karontassa sabbaṃ taṃ na hotīti idamettha sappāyaṃ tassa vasena sappāyasampajaññaṃ. Kammatṭhānāvijahanavaseneva ca gocarasampajaññaṃ veditabbaṃ.

Abbhantare attā nāma uccārapassāvakammaṃ karonto natthi, cittakiriyavāyodhātuvipphāreṇeva pana uccārapassāvakammaṃ hoti. Yathā vā pana pakke gaṇḍe gaṇḍabhedena pubbalohitaṃ akāmatāya nikkhamati. Yathā ca atibharitā udakabhājanā udakaṃ akāmatāya nikkhamati. Evaṃ pakkāsayamuttavattāhīsu sannicitā uccārapassāvā vāyuvegasamuppīlitā akāmatāyapi nikkhamanti. So panāyaṃ evaṃ nikkhamanto uccārapassāvo neva tassa bhikkhuno attano hoti, na parassa, kevalaṃ sarīranissandova hoti. Yathā kim? Yathā udakatumato purāṇudakaṃ chaḍḍentassa neva taṃ attano hoti, na paresaṃ; kevalaṃ paṭijagganamattameva hoti; evaṃ pavattapaṭisañkhānavasenettha asammohasampajaññaṃ veditabbaṃ.

Gatādīsu **gateti** gamane. **Ṭhiteti** ṭhāne. **Nisinneti** nisajjāya. **Sutteti** sayane. **Jāgariteti** jāgaraṇe.

**Bhāsiteti** kathane. **Tuṅhībhāveti** akathane. “Gacchanto vā gacchāmīti pajānāti, ṭhito vā ṭhitomhīti pajānāti, nisinno vā nisinnomhīti pajānāti, sayāno vā sayānomhīti pajānāti”ti imasmiñhi sutte addhānairiyāpathā kathitā. “Abhikkante paṭikkante ālokite vilokite samiñjite pasārite”ti imasmiṃ majjhimā. “Gate ṭhite nisinne sutte jāgarite”ti idha pana khuddakacuṇṇiyairiyāpathā kathitā. Tasmā tesupi vuttanayeneva sampajānakāritā veditabbā.

**Tipiṭakamahāsivatthero** panāha – yo ciraṃ gantvā vā caṅkamitvā vā aparabhāge ṭhito iti paṭisañcikkhati – “caṅkamanakāle pavattā rūpārūpadhammā ettheva niruddhā”ti. Ayaṃ gate sampajānakārī nāma.

Yo sajjhāyaṃ vā karonto, pañhaṃ vā vissajjento, kammaṭṭhānaṃ vā manasikaronto ciraṃ ṭhatvā aparabhāge nisinno iti paṭisañcikkhati – “ṭhitakāle pavattā rūpārūpadhammā ettheva niruddhā”ti. Ayaṃ ṭhite sampajānakārī nāma.

Yo sajjhāyādikaraṇavaseneva ciraṃ nisīditvā aparabhāge uṭṭhāya iti paṭisañcikkhati – “nisinnakāle pavattā rūpārūpadhammā ettheva niruddhā”ti. Ayaṃ nisinne sampajānakārī nāma.

Yo pana nipannako sajjhāyaṃ vā karonto kammaṭṭhānaṃ vā manasikaronto niddaṃ okkamitvā aparabhāge uṭṭhāya iti paṭisañcikkhati – “sayanakāle pavattā rūpārūpadhammā ettheva niruddhā”ti. Ayaṃ sutte jāgarite ca sampajānakārī nāma. Kiriyaṃ mayacittānañhi appavattanaṃ soppaṃ nāma, pavattanaṃ jāgaritaṃ nāma.

Yo pana bhāsamāno – “ayaṃ saddo nāma oṭṭhe ca paṭicca, dante ca jivhañca tāluñca paṭicca, cittassa ca tadanurūpaṃ payogaṃ paṭicca jāyatī”ti sato sampajānova bhāsati. Ciraṃ vā pana kālaṃ sajjhāyaṃ vā katvā, dhammaṃ vā kathetvā, kammaṭṭhānaṃ vā pavattetvā, pañhaṃ vā vissajjetvā, aparabhāge tuṅhībhūto iti paṭisañcikkhati – “bhāsitaṅkāle uppannā rūpārūpadhammā ettheva niruddhā”ti. Ayaṃ bhāsate sampajānakārī nāma.

Yo tuṅhībhūto ciraṃ dhammaṃ vā kammaṭṭhānaṃ vā manasikatvā aparabhāge iti paṭisañcikkhati – “tuṅhībhūtakāle pavattā rūpārūpadhammā ettheva niruddhā”ti. Upādārūpappavattiyāñhi sati bhāsati nāma, asati tuṅhī bhavati nāmāti. Ayaṃ tuṅhībhāve sampajānakārī nāmāti.

Tayidaṃ mahāsivattherena vuttaṃ asammohadhuraṃ mahāsatiṭṭhānasutte adhippetāṃ. Imasmiṃ pana sāmāññaphale sabbampi catubbidhaṃ sampajāññaṃ labbhati. Tasmā vuttanayeneva cettha catunnaṃ sampajāññaṃ vasena sampajānakāritā veditabbā. Sampajānakārīti ca sabbapadesu satisampayuttasseva sampajāññaṃ vasena attho veditabbo. Satisampajāññaṃ samannāgatoti etassa hi padassa ayaṃ vitthāro. Vibhaṅgappakaraṇe pana – “sato sampajāno abhikkamati, sato sampajāno paṭikkamati”ti evaṃ etāni padāni vibhattāneva. **Evaṃ, kho mahārājāti** evaṃ satisampayuttassa sampajāññaṃ vasena abhikkamādīni pavattento satisampajāññaṃ samannāgato nāma hotīti attho.

### Santosakathā

**215. Idha, mahārāja, bhikkhu santuṭṭho hotīti** ettha **santuṭṭhoti** itarītarapaccayasantoseṇa samannāgato. So panesa **santoso dvādasavidho** hoti, seyyathidaṃ – cīvare yathālābhasantoso, yathābalasantoso, yathāsārūppasantosoti tividho. Evaṃ piṇḍapātādīsu. Tassāyaṃ pabhedavaṇṇanā –

Idha bhikkhu cīvaraṃ labhati, sundaraṃ vā asundaraṃ vā. So teneva yāpeti, aññaṃ na pattheti, labhantopi na gaṇhati. Ayamassa cīvare yathālābhasantoso. Atha pana pakatidubbalo vā hoti, ābādhajarābhībhūto vā, garucīvaraṃ pārupanto kilamati. So sabhāgena bhikkhunā saddhiṃ taṃ parivattetvā lahukena yāpentopi santuṭṭhova hoti. Ayamassa cīvare yathābalasantoso. Aparo pañītapaccayalābhī hoti. So pattacīvarādīnaṃ aññataraṃ mahagghapattacīvaraṃ bahūni vā pana pattacīvarāni labhitvā idaṃ therānaṃ cirapabbajitānaṃ, idaṃ bahussutānaṃ anurūpaṃ, idaṃ gilānānaṃ, idaṃ appalābhīnaṃ hotūti datvā tesam purāṇacīvaraṃ vā gahetvā saṅkārakūṭādito vā nantakāni uccinitvā tehi saṅghāṭiṃ katvā dhārentopi

santuṭṭhova hoti. Ayamassa cīvare yathāsāruppasantoso.

Idha pana bhikkhu piṇḍapātaṃ labhati lūkhaṃ vā paṇītaṃ vā, so teneva yāpeti, aññaṃ na pattheti, labhantopi na gaṇhati. Ayamassa piṇḍapāte yathālābhasantoso. Yo pana attano pakativiruddhaṃ vā byādhiviruddhaṃ vā piṇḍapātaṃ labhati, yenassa paribhuttena aphāsu hoti. So sabhāgassa bhikkhuno taṃ datvā tassa hatthato sappāyabhojanaṃ bhuñjītvā samaṇadhammaṃ karontopi santuṭṭhova hoti. Ayamassa piṇḍapāte yathābalasantoso. Aparo bahuṃ paṇītaṃ piṇḍapātaṃ labhati. So taṃ cīvaram viya theracirapabbajitabahussutaappalābhīgīlānānaṃ datvā tesam vā sesakaṃ piṇḍāya vā caritvā missakāhāraṃ bhuñjantopi santuṭṭhova hoti. Ayamassa piṇḍapāte yathāsāruppasantoso.

Idha pana bhikkhu senāsaṃ labhati, manāpaṃ vā amanāpaṃ vā, so tena neva somanassaṃ, na domanassaṃ uppādeti; antamaso tiṇasanthārakenapi yathāladdheneva tussati. Ayamassa senāsane yathālābhasantoso. Yo pana attano pakativiruddhaṃ vā byādhiviruddhaṃ vā senāsaṃ labhati, yatthassa vasato aphāsu hoti, so taṃ sabhāgassa bhikkhuno datvā tassa santake sappāyasenāsane vasantopi santuṭṭhova hoti. Ayamassa senāsane yathābalasantoso.

Aparo mahāpuñño leṇamaṇḍapakūṭāgārādīni bahūni paṇītasenāsanāni labhati. So tāni cīvaram viya theracirapabbajitabahussutaappalābhīgīlānānaṃ datvā yattha katthaci vasantopi santuṭṭhova hoti. Ayamassa senāsane yathāsāruppasantoso. Yopi – “uttamasenāsaṃ nāma pamādaṭṭhānaṃ, tattha nisinnassa thinamiddhaṃ okkamati, niddābhībūtassa puna paṭibujjhato kāmavitakkā pātubhavanti” ti paṭisañcikkhitvā tādisaṃ senāsaṃ pattampi na sampācchati. So taṃ paṭikkhipitvā abbhokāsarukkhamūlādīsu vasantopi santuṭṭhova hoti. Ayampissa senāsane yathāsāruppasantoso.

Idha pana bhikkhu bhesajjaṃ labhati, lūkhaṃ vā paṇītaṃ vā, so yaṃ labhati, teneva tussati, aññaṃ na pattheti, labhantopi na gaṇhati. Ayamassa gilānapaccaye yathālābhasantoso. Yo pana telena atthiko phāṇitaṃ labhati. So taṃ sabhāgassa bhikkhuno datvā tassa hatthato telaṃ gahetvā aññaḍeva vā pariyesitvā bhesajjaṃ karontopi santuṭṭhova hoti. Ayamassa gilānapaccaye yathābalasantoso.

Aparo mahāpuñño bahuṃ telamadhuphāṇitādīpaṇītabhesajjaṃ labhati. So taṃ cīvaram viya theracirapabbajitabahussutaappalābhīgīlānānaṃ datvā tesam ābhatena yena kenaci yāpentopi santuṭṭhova hoti. Yo pana ekasmiṃ bhājane muttahaṇṇakāṃ ṭhapetvā ekasmiṃ catumadhuraṃ – “gaṇhāhi, bhante, yadicchasi” ti vuccamāno sacassa tesu aññatarenapi rogo vūpasammāti, atha muttahaṇṇakāṃ nāma buddhādīhi vaṇṇitanti catumadhuraṃ paṭikkhipitvā muttahaṇṇakeneva bhesajjaṃ karonto paramasantuṭṭhova hoti. Ayamassa gilānapaccaye yathāsāruppasantoso.

Iminā pana dvādasavidhena itarītarapaccayasantosenā samannāgatassa bhikkhuno aṭṭha parikkhārā vaṭṭanti. Tīni cīvarāni, patto, dantakaṭṭhacchedanavāsi, ekā sūci, kāyabandhanaṃ parissāvananti. Vuttampi cetam –

“Ticīvaraṇca patto ca, vāsi sūci ca bandhanaṃ;  
Parissāvanena aṭṭhete, yuttayogassa bhikkhuno” ti.

Te sabbe kāyaparihārikāpi honti kucchiparihārikāpi. Kathaṃ? Ticīvaram tāva nivāsetvā ca pārupitvā ca vicaraṇakāle kāyaṃ pariharati, poseṭṭi kāyaparihārikaṃ hoti. Cīvarakaṇṇena udakaṃ parissāvetvā pivanakāle khādītābaphalāphalagahaṇakāle ca kucchiṃ pariharati; poseṭṭi kucchiparihārikaṃ hoti.

Pattopi tena udakaṃ uddharitvā nhānakāle kuṭiparibhaṇḍakaraṇakāle ca kāyaparihāriko hoti. Āhāraṃ gahetvā bhuñjanakāle kucchiparihāriko.

Vāsiṃ tāva dantakaṭṭhacchedanakāle mañcapīṭhānaṃ aṅgapādacīvarakuṭidaṇḍakasajjanakāle ca kāyaparihārikā hoti. Ucchuchedanāṇikerādītācchanakāle kucchiparihārikā.

Sūciṃ cīvarasibbanakāle kāyaparihārikā hoti. Pūvaṃ vā phalaṃ vā vijjhītvā khādanakāle

kucchiparihārikā.

Kāyabandhanaṃ bandhitvā vicaraṇakāle kāyaparihārikaṃ. Ucchuādīni bandhitvā gahaṇakāle kucchiparihārikaṃ.

Parissāvanaṃ tena udakaṃ parissāvetvā nhānakāle, senāsanaparibhaṇḍakaraṇakāle ca kāyaparihārikaṃ. Pānīyaṃ parissāvanakāle, teneva tilaṇḍulaputhukādīni gahetvā khādanakāle ca kucchiparihāriyaṃ. Ayaṃ tāva aṭṭhparikkhārikassa parikkhāramattā. Navaparikkhārikassa pana seyyaṃ pavisantassa tatraṭṭhakaṃ paccattharaṇaṃ vā kuñcikā vā vaṭṭati. Dasaparikkhārikassa nisīdanaṃ vā cammakhaṇḍaṃ vā vaṭṭati. Ekādasaparikkhārikassa pana kattarayatṭhi vā telanālikā vā vaṭṭati. Dvādasaparikkhārikassa chattaṃ vā upāhanaṃ vā vaṭṭati. Etesu ca aṭṭhparikkhārikova santuṭṭho, itare asantuṭṭhā mahicchā mahābhārāti na vattabbā. Etepi hi appicchāva santuṭṭhāva subharāva sallahukavuttinova. Bhagavā pana na yimaṃ suttaṃ tesam vasena kathesi, aṭṭhparikkhārikassa vasena kathesi. So hi khuddakavāsiṇca sūciṇca parissāvane pakkhipitvā pattassa anto ṭhapetvā pattaṃ aṃsakūṭe laggetvā ticīvaraṃ kāyapaṭibaddhaṃ katvā yenicchakaṃ sukhaṃ pakkamati. Paṭinivattetvā gahetabbaṃ nāmassa na hoti. Iti imassa bhikkhuno sallahukavuttitaṃ dassento bhagavā – “santuṭṭho hoti kāyaparihārikena cīvarena” tiādīmāha. Tattha **kāyaparihārikenāti** kāyapariharaṇamattakena. **Kucchiparihārikenāti** kucchipariharaṇamattakena. **Samādāyeva pakkamatīti** aṭṭhparikkhāramattakaṃ sabbaṃ gahetvāva kāyapaṭibaddhaṃ katvāva gacchati. “Mama vihāro pariveṇaṃ upaṭṭhako” ti āsaṅgo vā bandho vā na hoti. So jiyā mutto saro viya, yūthā apakkanto madahatthī viya ca icchiticchitaṃ senāsaṇaṃ vanasaṇḍaṃ rukkhamūlaṃ vanapabbhāraṃ paribhuñjanto ekova tiṭṭhati, ekova nisīdati. Sabbiriyāpathesu ekova adutiyo.

“Cātuddiso appaṭigho ca hoti,  
Santussamāno itarītarena;  
Parissayānaṃ sahitā achambhī,  
Eko care khaggavisāṇakappo” ti. (su. ni. 42);

Evaṃ vaṇṇitaṃ khaggavisāṇakappataṃ āpajjati.

Idāni tamatthaṃ upamāya sādheṇto – “seyyathāpī” tiādīmāha. Tattha **pakkhī sakuṇoti** pakkhayutto sakuṇo. **Deṭīti** uppatati. Ayaṃ panettha saṅkhepattho – sakuṇā nāma “asukasmiṃ padese rukkho paripakkaphalo” ti ñatvā nānādisāhi āgantvā nakhapattatuṇḍādīhi tassa phalāni vijjhantā vidhunantā khādanti. ‘Idaṃ ajjatanāya, idaṃ svātanāya bhavissatī’ ti tesam na hoti. Phale pana khīṇe neva rukkhasa ārakkhaṃ ṭhapenti, na tattha pattaṃ vā nakhaṃ vā tuṇḍaṃ vā ṭhapenti. Atha kho tasmiṃ rukkhe anapekkho hutvā, yo yaṃ disābhāgaṃ icchati, so tena sapattabhārova uppatitvā gacchati. Evameva ayaṃ bhikkhu nissaṅgo nirapekkho yena kāmaṃ pakkamati. Tena vuttaṃ “samādāyeva pakkamatī” ti.

### Nivaraṇappahānakathā

**216. So iminā cātiādīnā kiṃ dasseti?** Araññavāsassa paccayasampattiṃ dasseti. Yassa hi ime cattāro paccayā natthi, tassa araññavāso na ijjhati. Tiracchānagatehi vā vanacarakehi vā saddhiṃ vattabbaṃ āpajjati. Araññe adhivatthā devatā – “kiṃ evarūpassa pāpabhikkhuno araññavāsenā” ti bheravasaddaṃ sāventi, hatthehi sīsaṃ paharivā palāyanākāraṃ karonti. “Asuko bhikkhu araññaṃ pavisitvā idaṇcīdaṇca pāpakammaṃ akāsī” ti ayaso pattharati. Yassa panete cattāro paccayā atthi, tassa araññavāso ijjhati. So hi attano sīlaṃ paccavekkhanto kiñci kālakaṃ vā tilakaṃ vā apassanto pītiṃ uppādetvā taṃ khayavayato sammasanto ariyabhūmiṃ okkamati. Araññe adhivatthā devatā attamanā vaṇṇaṃ bhaṇanti. Itissa udae pakkhittatelabindu viya yaso vitthāriko hoti.

Tattha **vivittanti** suññaṃ, appasaddaṃ, appanigghosanti attho. Etadeva hi sandhāya vibhaṅge – “vivittanti santike cepi senāsaṇaṃ hoti, taṇca anākiṇṇaṃ gahaṭṭhehi pabbajitehi. Tena taṃ vivitta” nti vuttaṃ. Seti ceva āsati ca etthāti senāsaṇaṃ mañcapīṭhādīnametaṃ adhivacanaṃ. Tenāha – “senāsananti mañcopi senāsaṇaṃ, pīṭhampi, bhisipi, bimbohanampi, vihāropi, aḍḍhayogopi, pāsādopi, hammiyampi, guhāpi, aṭṭopi, mālopi leṇampi, veḷugumbopi, rukkhamūlampi, maṇḍapopi, senāsaṇaṃ, yattha vā pana

bhikkhū paṭikkamanti, sabbametaṃ senāsana’’nti (vibha. 527).

Api ca – “vihāro aḍḍhayogo pāsādo hammiyaṃ guhā’’ti idaṃ vihārasenāsanaṃ nāma. “Mañco pīṭhaṃ bhisī bimbohāna’’nti idaṃ mañcapīṭhasenāsanaṃ nāma. “Cimilikā cammakhaṇḍo tiṇasanthāro paṇṇasanthāro’’ti idaṃ santhatasenāsanaṃ nāma. “Yattha vā pana bhikkhū paṭikkamanti’’ti idaṃ okāsasenāsanaṃ nāmāti. Evaṃ catubbidhaṃ senāsanaṃ hoti, taṃ sabbam senāsanaḡgahaṇena saṅgahitameva.

Idha panassa sakuṇasadisassa cātuddisassa bhikkhuno anucchavikasenāsanaṃ dassento araṅṅaṃ rukkhamūlantiādīmāha. Tattha **araṅṅanti** nikkhamitvā bahi indakhīlā sabbametaṃ araṅṅanti. Idaṃ bhikkhunīnaṃ vasena āgataṃ. “Āraṅṅakaṃ nāma senāsanaṃ pañcadhanusatikaṃ pacchima’’nti (pārā. 654) idaṃ pana imassa bhikkhuno anurūpaṃ. Tassa lakkhaṇaṃ visuddhimagge dhutaṅganiddese vuttaṃ. **Rukkhamūlanti** yaṃ kiñci sandacchāyaṃ vivittarukkhamūlaṃ. **Pabbatanti** selaṃ. Tattha hi udakasoṇḍisu udakakiccaṃ katvā sītāya rukkhaḡchhāyāya nisinnassa nānādisāsu khāyamānāsu sītena vātena bījyamānassa cittaṃ ekaggaṃ hoti. **Kandaranti** kaṃ vuccati udakaṃ, tena dāritaṃ, udakena bhinnaṃ pabbatapadesaṃ. Yaṃ nadītumbantipi, nadīkuñjantipi vadanti. Tattha hi rajatapaṭṭasadisā vālikā hoti, matthake maṇivitaṇaṃ viya vanagahaṇaṃ, maṇikhandhasadisāṃ udakaṃ sandati. Evarūpaṃ kandaraṃ oruyha pānīyaṃ pivitvā gattāni sītāni katvā vālikaṃ ussāpetvā paṃsukūlacīvaraṃ paññāpetvā nisinnassa samaṇadhammaṃ karoto cittaṃ ekaggaṃ hoti. **Giriguhanti** dvinnaṃ pabbatānaṃ antare, ekasmiṃyeva vā umaggasadisāṃ mahāvivaraṃ susānalakkhaṇaṃ visuddhimagge vuttaṃ. **Vanapatthanti** gāmantāṃ atikkamitvā manussānaṃ anupacāraṭṭhānaṃ, yattha na kasanti na vapanti, tenevāha – “vanapatthanti dūrānametaṃ senāsanaṃ adhivacana’’ntiādi. **Abbhokāsanti** acchannaṃ. Ākaṅkhamāno panettha cīvarakuṭiṃ katvā vasati. **Palālapuñjanti** palālarāsi. Mahāpalālapuñjato hi palālaṃ nikkāḍḍhitvā pabbhāraleṇasadise ālaye karonti, gacchagumbhādīnampi upari palālaṃ pakkhipitvā heṭṭhā nisinnā samaṇadhammaṃ karonti. Taṃ sandhāyetaṃ vuttaṃ.

**Pacchābhattanti** bhattassa pacchato. **Piṇḍapātaṃ paṭikkantoti** piṇḍapātapariyesanato paṭikkanto. **Pallaṅkanti** samantato ūrubaddhāsanaṃ. **Ābhujitvāti** bandhitvā. **Ujuma kāyaṃ paṇidhāyāti** uparimaṃ sarīraṃ ujuma ṭhapetvā aṭṭhārasa piṭṭhikaṇṭakāṭṭhike koṭiyā koṭiṃ paṭipādetvā. Evaṅhi nisinnassa cammamaṃsaṇhārūni na paṇamanti. Athassa yā tesāṃ paṇamanapaccayā khaṇe khaṇe vedanā uppajjeyyuma, tā nuppajjanti. Tāsu anuppajjamānāsu cittaṃ ekaggaṃ hoti, kammaṭṭhānaṃ na paripatati, vuḍḍhiṃ phātiṃ vepullaṃ upagacchati. **Parimukhaṃ satima upaṭṭhapetvāti** kammaṭṭhānābhimukhaṃ satima ṭhapayitvā. Mukhasamīpe vā katvāti attho. Teneva vibhaṅge vuttaṃ – “ayaṃ sati upaṭṭhitā hoti sūpaṭṭhitā nāsikagge vā mukhanimitte vā, tena vuccati parimukhaṃ satima upaṭṭhapetvā’’ti (vibha. 537). Athavā **parīti** pariggahaṭṭho. **Mukhanti** niyyānaṭṭho. **Satīti** upaṭṭhānaṭṭho. Tena vuccati – “parimukhaṃ sati’’nti. Evaṃ paṭisambhidāyaṃ vuttanāyanaṃ attho daṭṭhabbo. Tatrāyaṃ saṅkhepo – “pariggahitaniyyānasatima katvā’’ti.

**217. Abhijjhaṃ loketi** ettha lujjanapalujjanaṭṭhena pañcupādānakkhandhā loko, tasmā pañcasu upādānakkhandhesu rāgaṃ pahāya kāmacchandaṃ vikkhambhetvāti ayametthatto. **Vigatābhijjhenāti** vikkhambhanavasena pahīnattā vigatābhijjhena, na cakkhuvīññāṇasadisenaṭṭi attho. **Abhijjhāya cittaṃ parisodhetīti** abhijjhāto cittaṃ parimoceti. Yathā taṃ sā muñcati ceva, muñcitvā ca na puna gaṇhāti, evaṃ karotīti attho. **Byāpādapadosaṃ pahāyāti**ādisupi eseva nayo. Byāpajjati iminā cittaṃ pūtikummāsādayo viya purimapakatiṃ vijahatīti byāpādo. Vikārāpattiyā padussati, paraṃ vā padūseti vināsetīti padoso. Ubhayametaṃ kodhassevādhivacanaṃ. Thinaṃ cittagelaṅṅaṃ. Middhaṃ cetasikagelaṅṅaṃ, thinaṅca middhaṅca thinaṃmiddhaṃ. **Ālokasaṅṅīti** rattimpī divādiṭṭhālokasaṅṅājanasamatthāya vigatanīvaraṇāya parisuddhāya saṅṅāya samannāgato. **Sato sampajānoti** satiyā ca ṅāṇena ca samannāgato. Idaṃ ubhayaṃ ālokasaṅṅāya upakāraṭṭā vuttaṃ. Uddhaccaṅca kukkucchaṅca uddhaccakukkucchaṃ. **Tiṇṇavicikicchoti** vicikicchaṃ taritvā atikkamitvā ṭhito. “Kathamidaṃ kathamida’’nti evaṃ nappavattaṭṭi akathaṃkathī. **Kusalesu dhammesūti** anavajjesu dhammesu. “Ime nu kho kusalā kathamime kusalā’’ti evaṃ na vicikicchati. Na kaṅkhatīti attho. Ayamettha saṅkhepo. Imesu pana nīvaraṇesu vacanattalakkhaṇādibhedato yaṃ vattabbaṃ siyā, taṃ sabbam visuddhimagge vuttaṃ.

**218.** Yā paṇāyaṃ **seyyathāpi mahārājāti** upamā vuttā. Tattha **iṇaṃ ādāyāti** vaḍḍhiyā dhanam gahetvā.



**Byantiṃ kareyyāti** vīgatantaṃ kareyya, yathā tesam kākāṇikamattopi pariyaṇto nāma nāvasissati, evaṃ kareyya; sabbaso paṇiniyyāteyyāti attho. **Tato nidānanti** āṇaṇyanidānaṃ. So hi “āṇaṇomhī”ti āvajjanto balavapāmojjaṃ labhati, somanassaṃ adhigacchati, tena vuttaṃ – “**labhetha pāmojjaṃ, adhigaccheyya somanassa**”nti.

219. Visabhāgavedanuppattiyā kakaceneva catuiriyaṃpathaṃ chindanto ābādhatīti ābādho, svāssa atthīti **ābādhiko**. Taṃ samuṭṭhānena dukkhena **dukkhito**. **Adhimattagilānoti** bālḥagilāno. **Nacchādeyyāti** adhimattabyādhiparetatāya na ruceyya. **Balamattāti** balameva, balañcassa kāye na bhavyeyyāti attho. **Tatonidānanti** ārogyanidānaṃ. Tassa hi – “arogomhī”ti āvajjayato tadubhayaṃ hoti. Tena vuttaṃ – “**labhetha pāmojjaṃ, adhigaccheyya somanassa**”nti.

220. **Na cassa kiñci bhogānaṃ vayoti** kākāṇikamattampi bhogānaṃ vayo na bhavyeyya. **Tatonidānanti** bandhanāmokkhanidānaṃ. Sesam vuttanayeneva sabbapadesu yojetabbaṃ.

221-222. **Anattādhīnoti** na attani adhīno, attano ruciyā kiñci kātuṃ na labhati. **Parādhīnoti** paresu adhīno parasseva ruciyā vattati. **Na yena kāmaṃ gamoti** yena disābhāgenassa gantukāmatā hoti, icchā uppajjati gamanāya, tena gantuṃ na labhati. **Dāsabyāti** dāsabhāvā. **Bhujissoti** attano santako. **Tatonidānanti** bhujissanidānaṃ. **Kantāraddhānamagganti** kantāraṃ addhānamaggaṃ, nirudakaṃ dīghamagganti attho. **Tatonidānanti** khemantabhūminidānaṃ.

223. **Ime pañca nīvaraṇe appahīneti** ettha bhagavā appahīnakāmacchandanaṃ nīvaraṇaṃ iṇasadisaṃ, sesāni rogādisadisāni katvā dasseti. Tatrāyaṃ sadisatā. Yo hi paresam iṇaṃ gahetvā vināseti, so tehi iṇaṃ dehīti vuccamānopi pharusam vuccamānopi bajjhamānopi vadhīyamānopi kiñci paṭibāhituṃ na sakkoti, sabbaṃ titikkhati. Titikkhākāraṇaṃ hissa taṃ iṇaṃ hoti. Evameva yo yamhi kāmacchandena rajjati, taṇhāsahagatena taṃ vatthuṃ gaṇhati, so tena pharusam vuccamānopi bajjhamānopi vadhīyamānopi sabbaṃ titikkhati, titikkhākāraṇaṃ hissa so kāmacchando hoti, gharasāmikehi vadhīyamānaṃ itthīnaṃ viyāti, evaṃ iṇaṃ viya kāmacchando daṭṭhabbo.

Yathā pana pittarogāturo madhusakkarādīsopi dīnesu pittarogāturatāya tesam rasaṃ na vindati, “tittakaṃ tittaka”nti uggiratiyeva. Evameva byāpannacitto hitakāmehi ācariyupajjhāyehi appamattakampi ovadiyamāno ovādaṃ na gaṇhati. “Ati viya me tumhe upaddavethā”tiādīni vatvā vibbhamati. Pittarogāturatāya so puriso madhusakkarādīnaṃ viya kodhāturatāya jhānasukhādibhedaṃ sāsanasamaṃ na vindatīti. Evaṃ rogo viya byāpādo daṭṭhabbo.

Yathā pana nakkhattadivase bandhanāgāre baddho puriso nakkhattassa neva ādiṃ na majjhaṃ na pariyoṣānaṃ passati. So dutiyadivase mutto aho hiyyo nakkhattaṃ manāpaṃ, aho naccaṃ, aho gītantiādīni sutvāpi paṭivacanaṃ na deti. Kiṃ kāraṇā? Nakkhattassa ananubhūtattā. Evameva thinamidhābhībhūto bhikkhu vicittanayepi dhammassavane pavattamāne neva tassa ādiṃ na majjhaṃ na pariyoṣānaṃ jānāti. Sopi utṭhite dhammassavane aho dhammassavanaṃ, aho kāraṇaṃ, aho upamāti dhammassavanassa vaṇṇaṃ bhaṇamānaṃ sutvāpi paṭivacanaṃ na deti. Kiṃ kāraṇā? Thinamidhavasena dhammakathāya ananubhūtattā. Evaṃ bandhanāgāraṃ viya **thinamidhamaṃ** daṭṭhabbaṃ.

Yathā pana nakkhattaṃ kīlāntopi dāso – “idaṃ nāma accāyikaṃ karaṇīyaṃ atthi, sīghaṃ tattha gacchāhi. No ce gacchasi, hatthapādaṃ vā te chindāmi kaṇṇanāsaṃ vā”ti vutto sīghaṃ gacchatiyeva. Nakkhattassa ādimajjhāpariyoṣānaṃ anubhavituṃ na labhati, kasmā? Parādhīnatāya, evameva vinaye apakataññunā vivekatthāya araññaṃ pavīṭṭhenāpi kismiñcīdeva antamaso kappiyamaṃsepi akappiyamaṃsasaññāya uppannāya vivekaṃ pahāya silavisodhanatthaṃ vinayadharassa santikaṃ gantabbaṃ hoti, vivekasukhaṃ anubhavituṃ na labhati, kasmā? Uddhaccakukkuccābhībhūtātāyāti. Evaṃ dāsabyaṃ viya **uddhaccakukkuccamaṃ** daṭṭhabbaṃ.

Yathā pana kantāraddhānamaggappaṭiṇaṃ puriso corehi manussānaṃ viluttokāsaṃ pahatokāsañca disvā daṇḍakasaddenapi sakuṇasaddenapi “corā āgatā”ti ussāṅkitaparisaṅkitova hoti, gacchatipi tiṭṭhatipi nivattatipi, gatattānato agatattānameva bahutaraṃ hoti. So kicchena kasirena khemantabhūmiṃ pāpuṇāti

vā na vā pāpuṇāti. Evameva yassa aṭṭhasu ṭhānesu vicikicchā uppunnā hoti, so – “buddho nu kho, no nu kho buddho” tiādīnā nayena vicikicchanto adhimuccitvā saddhāya gaṇhituṃ na sakkoti. Asakkonto maggaṃ vā phalaṃ vā na pāpuṇātīti. Yathā kantāraddhānamagge – “corā atthi natthī” ti punappunam āsappanaparisappanam apariyogāhanam chambhitattam cittassa uppādentō khemantapattiyā antarāyam karoti, evam vicikicchāpi – “buddho nu kho, na buddho” tiādīnā nayena punappunam āsappanaparisappanam apariyogāhanam chambhitattam cittassa uppādayamānā ariyabhūmippattiyā antarāyam karotīti kantāraddhānamaggo viya **vicikicchā** daṭṭhabbā.

**224.** Idāni – “**seyyathāpi, mahārāja, āṇanya**” nti ettha bhagavā pahīnakāmacchandanivaraṇam āṇanyasadisaṃ, sesāni ārogyādisadisāni katvā dasseti. Tatrāyam sadisatā, yathā hi puriso iṇam ādāya kammante payojetvā samiddhataṃ patto – “idaṃ iṇam nāma palibodhamūla” nti cintetvā savaḍḍhikaṃ iṇam niyyātetvā paṇṇam phālāpeyya. Athassa tato paṭṭhāya neva koci dūtam peseti, na paṇṇam. So iṇasāmiḷe disvāpi sace icchati, āsanā uṭṭhahati, no ce na uṭṭhahati, kasmā? Tehi saddhiṃ nillepatāya alaggatāya. Evameva bhikkhu – “ayaṃ **kāmacchando** nāma palibodhamūla” nti cintetvā cha dhamme bhāvetvā kāmacchandanivaraṇam pajahati. Te pana cha dhamme mahāsatiṭṭhāne vaṇṇayissāma. Tassevam pahīnakāmacchandassa yathā iṇamuttassa purisassa iṇasāmiḷe disvā neva bhayaṃ na chambhitattam hoti. Evameva paravatthumhi neva saṅgo na baddho hoti. Dibbānīpi rūpāni passato kilesa na samudācarati. Tasmā bhagavā āṇanyamiva kāmacchandappahānam āha.

Yathā pana so pittarogāturo puriso bhesajjakiriyāya taṃ rogaṃ vūpasametvā tato paṭṭhāya madhusakkarādīnam rasaṃ vindati. Evameva bhikkhu “ayaṃ **byāpādo** nāma mahā anattakaro” ti cha dhamme bhāvetvā byāpādanīvaraṇam pajahati. Sabbanīvaraṇesu cha dhamme mahāsatiṭṭhāneyeva vaṇṇayissāma. Na kevalaṅca teyeva, yepi thinamiddhādīnam pahānāya bhāvetabbā, tepi sabbe tattheva vaṇṇayissāma. So evam pahīnabyāpādo yathā pittarogavimutto puriso madhusakkarādīnam rasaṃ sampiyāyamāno paṭisevati, evameva ācārapaṇṇattīādīni sikkhāpadāni sirasā sampaṭicchitvā sampiyāyamāno sikkhati. Tasmā bhagavā ārogyamiva byāpādappahānam āha.

Yathā so nakkhattadivase bandhanāgāram pavesito puriso aparasmim nakkhattadivase – “pubbepi ahaṃ pamādadosena baddho, tena nakkhattam nānubhaviṃ. Idāni appamatto bhavissāmi” ti yathāssa paccatthikā okāsam na labhanti, evam appamatto hutvā nakkhattam anubhavitvā – ‘aho nakkhattam, aho nakkhatta’ nti udānam udānesi, evameva bhikkhu – “idaṃ **thinamiddham** nāma mahāanattakara” nti cha dhamme bhāvetvā thinamiddhanīvaraṇam pajahati, so evam pahīnathinamiddho yathā bandhanā mutto puriso sattāhampi nakkhattassa ādimajjhapariyosānam anubhavati, evameva dhammanakkhattassa ādimajjhapariyosānam anubhavanto saha paṭisambhidāhi arahattam pāpuṇāti. Tasmā bhagavā bandhanā mokkhamiva thinamiddhappahānam āha.

Yathā pana dāso kiñcīdeva mittam upanissāya sāmikānam dhanam datvā attānam bhujissam katvā tato paṭṭhāya yaṃ icchati, taṃ karoti. Evameva bhikkhu – “idaṃ **uddhaccakukkuccaṃ** nāma mahā anattakara” nti cha dhamme bhāvetvā uddhaccakukkuccaṃ pajahati. So evam pahīnauddhaccakukkucco yathā bhujisso puriso yaṃ icchati, taṃ karoti, na taṃ koci balakkārena tato nivatteti, evameva yathā sukham nekkhammapaṭipadam paṭipajjati, na taṃ uddhaccakukkuccaṃ balakkārena tato nivatteti. Tasmā bhagavā bhujissam viya uddhaccakukkuccappahānam āha.

Yathā balavā puriso hatthasāram gahetvā sajjāvudho saporivāro kantāram paṭipajjeyya, taṃ corā dūratova disvā palāyeyyūṃ. So sotthinā taṃ kantāram nittharivā khemantaṃ patto haṭṭhatuṭṭho assa. Evameva bhikkhu “ayaṃ **vicikicchā** nāma mahā anattakārikā” ti cha dhamme bhāvetvā vicikiccham pajahati. So evam pahīnavicikiccho yathā balavā puriso sajjāvudho saporivāro nibbhayo core tiṇam viya agaṇetvā sotthinā nikkhamitvā khemantabhūmim pāpuṇāti, evameva bhikkhu ducaritakantāram nittharivā paramam khemantabhūmim amataṃ mahānibbānam pāpuṇāti. Tasmā bhagavā khemantabhūmim viya vicikicchāpahānam āha.

**225. Pāmojjaṃ jāyatīti tuṭṭhākāro jāyati. Pamuditassa pīti jāyatīti tuṭṭhassa sakalasarīram khobhayamānā pīti jāyati. Pītimanassa kāyo passambhatīti pītisampayuttacittassa puggalassa nāmakāyo**

passambhati, vigatadaratho hoti. **Sukhaṃ vedetīti** kāyikampi cetasikampi sukhaṃ vedayati. **Cittaṃ samādhiyati** iminā nekkhammasukhena sukhitassa upacāravasenapi appanāvasenapi cittaṃ samādhiyati.

### Paṭhamajjhānakathā

**226. So vivicceva kāmehi...pe... paṭhamaṃ jhānaṃ upasampajja viharatīti**ādi pana upacārasamādhinā samāhite citte uparivisesadassanattaṃ appanāsamādhinā samāhite citte tassa samādhino pabhedadassanattaṃ vuttanti veditabbaṃ. **Imameva kāyanti** imaṃ karajakāyaṃ. **Abhisandeti**ti temeti sneheti, sabbattha pavattapītisukhaṃ karoti. **Parisandeti**ti samantato sandeti. **Paripūreti**ti vāyunā bhastaṃ viya pūreti. **Parippharati**ti samantato phusati. **Sabbāvato kāyassati** assa bhikkhuno sabbakoṭṭhāsavato kāyassa kiñci upādinnaasantatipavattiṭṭhāne chavimaṃsalohitānugataṃ aṇumattampi ṭhānaṃ paṭhamajjhānasukhena aphutaṃ nāma na hoti.

**227. Dakkhoti** cheko paṭibalo nhānīyacuṇṇāni kātuñceva payojetuñca sannetuñca. **Kaṃsathāleti** yena kenaci lohena katabhājane. Mattikabhājanaṃ pana thiraṃ na hoti. Sannentassa bhijjati. Tasmā taṃ na dasseti. **Paripphosakaṃ paripphosakanti** siñcitvā siñcitvā. **Sanneyyāti** vāmahatthena kaṃsathālaṃ gahetvā dakkhiṇahatthena pamāṇayuttaṃ udakaṃ siñcitvā siñcitvā parimaddanto piṇḍaṃ kareyya. **Snehānugatāti** udakasinehena anugata. **Snehaparetāti** udakasinehena pariggahitā. **Santarabāhirāti** saddhiṃ antopadesena ceva bahipadesena ca sabbatthakameva udakasinehena phuṭāti attho. **Na ca paggharaṇīti** na ca bindu bindu udakaṃ paggharati, sakkā hoti hatthenapi dvīhipi tīhipi aṅgulīhi gahetuṃ ovaṭṭikāyapi kātunti attho.

### Dutiyajjhānakathā

**228-229.** Dutiyajjhānasukhūpamāyaṃ **ubbhidodakoti** ubbhinnaudako, na heṭṭhā ubbhijjivā uggacchanakaudako. Antoyeva pana ubbhijjanakaudakoti attho. **Āyamukhanti** āgamanamaggo. **Devoti** meggho. **Kālena kālanti** kāle kāle, anvaddhamāsaṃ vā anudasāhaṃ vāti attho. **Dhāranti** vuṭṭhiṃ. **Na anuppaveccheyyāti** na ca paveseyya, na vasseyyāti attho. **Sītā vāridhārā ubbhijjivāti** sītaṃ dhāraṃ uggantvā rahadaṃ pūrayamānaṃ ubbhijjivā. Heṭṭhā uggacchanaudakañhi uggantvā uggantvā bhijjantaṃ udakaṃ khobheti, catūhi disāhi pavisanaudakaṃ purāṇapaṇṇatīnakatṭhadaṇḍakādīhi udakaṃ khobheti, vuṭṭhiudakaṃ dhārānipātapubbuḷakehi udakaṃ khobheti. Sannisinnameva pana hutvā iddhinimmitamiva uppajjamānaṃ udakaṃ imaṃ padesaṃ pharati, imaṃ padesaṃ na pharatīti natthi, tena aphuṭokāso nāma na hotīti. Tattha rahado viya karajakāyo. Udakaṃ viya dutiyajjhānasukhaṃ. Sesam purimanayeneva veditabbaṃ.

### Tatijajjhānakathā

**230-231.** Tatijajjhānasukhūpamāyaṃ uppalāni ettha santīti uppalinī. Sesapadadvayepi eseva nayo. Ettha ca setarattanīlesu yaṃ kiñci uppalaṃ uppalameva. Ūnakasatapattaṃ puṇḍarīkaṃ, satapattaṃ padumaṃ. Pattaniyamaṃ vā vināpi setaṃ padumaṃ, rattaṃ puṇḍarīkanti ayamettha vinicchayo. **Udakānuggatānīti** udakato na uggatāni. **Anto nimuggaposīnīti** udakatalassa anto nimuggāniyeva hutvā posīni, vadḍhīnīti attho. Sesam purimanayeneva veditabbaṃ.

### Catutthajjhānakathā

**232-233.** Catutthajjhānasukhūpamāyaṃ **parisuddhena cetasā pariyodātenāti** ettha nirupakkilesaṭṭhena parisuddhaṃ, pabhassaraṭṭhena pariyodātanti veditabbaṃ. **Odātena vatthenāti** idaṃ utupharaṇattaṃ vuttaṃ. Kiliṭṭhavatthena hi utupharaṇaṃ na hoti, tañkhaṇadhotaparissuddhena utupharaṇaṃ balavaṃ hoti. Imissāya hi upamāya vatthaṃ viya karajakāyo, utupharaṇaṃ viya catutthajjhānasukhaṃ. Tasmā yathā sunhātassa purisassa parisuddhaṃ vatthaṃ sasīsaṃ pārupitvā nisinnassa sarīrato utu sabbameva vatthaṃ pharati. Na koci vatthassa aphuṭokāso hoti. Evaṃ catutthajjhānasukhena bhikkhuno karajakāyassa na koci okāso aphuṭo hotīti. Evamettha attho daṭṭhabbo. Imesaṃ pana catunnaṃ jhānaṃ anupadavaṇṇanā ca bhāvanānayo ca visuddhimagge vuttoti idha na vitthārito.

Ettāvata cesa rūpajjhānalābhīyeva, na arūpajjhānalābhīti na vedītabbo. Na hi aṭṭhasu samāpattīsu cuddasahākārehi ciṇṇavasībhāvaṃ vinā upari abhiññādhigamo hoti. Pāḷiyaṃ pana rūpajjhānāniyeva āgatāni. Arūpajjhānāni āharitvā kathetabbāni.

### Vipassanāñānakathā

**234. So evaṃ samāhite citte...pe... āneñjappatteti** so cuddasahākārehi aṭṭhasu samāpattīsu ciṇṇavasībhāvo bhikkhūti dasseti. Sesamettha visuddhimagge vuttanayena vedītabbaṃ. **Ñānadassanāya cittam abhinīharatīti** ettha **ñānadassananti** maggañāṇampi, vuccati phalañāṇampi, sabbaññūtaññāṇampi, paccavekkhaṇañāṇampi, vipassanāñāṇampi. “Kiṃ nu kho, āvuso, ñānadassanavisuddhatthaṃ bhagavati brahmacariyaṃ vussatī”ti (mahāni. 1.257) ettha hi maggañāṇaṃ ñānadassananti vuttaṃ. “Ayamañño uttarimanussadhammo alamariyañānadassanaviseso adhigato phāsuvihāro”ti (ma. ni. 1.328) ettha phalañāṇaṃ. “Bhagavatopi kho ñānadassanaṃ udapādi sattāhakālaṅkato āḷāro kālāmo”ti (mahāva. 10) ettha sabbaññūtaññāṇaṃ. “Ñāṇaṅca pana me dassanaṃ udapādi akuppā me vimutti, ayamantimā jāti”ti (mahāva. 16) ettha paccavekkhaṇañāṇaṃ idha pana ñānadassanāya cittanti idaṃ vipassanāñāṇaṃ ñānadassananti vuttanti.

**Abhinīharatīti** vipassanāñāṇassa nibbattanatthāya tanninnaṃ tapponaṃ tappabbhāraṃ karoti. **Rūpīti** ādīnamattho vuttoyeva. **Odanakummāsūpacayoti** odanena ceva kummāsena ca upacito vaḍḍhito. **Aniccucchādanaparimaddanabhedanavidhamaṃsanadhammoti** hutvā abhāvaṭṭhena aniccadhammo. Duggandhavighātathāya tanuvilepanena ucchādanadhammo. Aṅgapaccaṅgābādhavinodanathāya khuddakasambāhanena parimaddanadhammo. Daharakāle vā ūrūsu sayāpetvā gabbhāvāsena dussaṅghitānaṃ tesam tesam aṅgānaṃ saṅghānasampādanatthaṃ añchanapīḷanādīvasena parimaddanadhammo. Evaṃ pariharitopi bhedanavidhamaṃsanadhammo bhijjati ceva vikirati ca, evaṃ sabhāvoti attho. Tattha **rūpī cātumahābhūtikoti**ādīsu chahi padehi samudayo kathito. Aniccapadena saddhiṃ pacchimehi dvīhi atthaṅgamo. **Ettha sitaṃ ettha paṭibaddhanti** ettha cātumahābhūtike kāye nissitaṅca paṭibaddhaṅca.

**235. Subhoti** sundaro. **Jātimāti** parisuddhākarasamuṭṭhito. **Suparikammakatoti** suṭṭhu kataparikkamma apanītapāsāṇasakkharo. **Acchoti** tanucchavi. **Vipasananti** suṭṭhu pasanno. **Sabbākārasampannoti** dhovanavedhanādīhi sabbehi ākārehi sampanno. **Nilanti**ādīhi vaṇṇasampattiṃ dasseti. Tādīsañhi āvutaṃ pākāṭaṃ hoti. **Evameva khoti** ettha evaṃ upamāsaṃsandanaṃ vedītabbaṃ. Maṇi viya hi karajakāyo. Āvutasuttaṃ viya vipassanāñāṇaṃ. Cakkhumā puriso viya vipassanāñābhī bhikkhu, hatthe karitvā paccavekkhato ayaṃ kho maṇīti maṇino āvibhūtakālo viya vipassanāñāṇaṃ, abhinīharitvā nisinnassa bhikkhuno cātumahābhūtikakāyassa āvibhūtakālo, tatrīdaṃ suttaṃ āvutanti suttasāvibhūtakālo viya vipassanāñāṇaṃ, abhinīharitvā nisinnassa bhikkhuno tadārammaṇānaṃ phassapañcamakānaṃ vā sabbacittacetāsikānaṃ vā vipassanāñāṇasseva vā āvibhūtakāloti.

Idaṅca vipassanāñāṇaṃ maggañāṇānantaraṃ. Evaṃ santepi yasmā abhiññāvāre āraddhe etassa antarāvāro natthi tasmā idheva dassitaṃ. Yasmā ca aniccādivasena akatasammasanassa dībbāya sotadhātuyā bheravaṃ saddaṃ suṇato, pubbenivāsānussatiyā bherave khandhe anussarato, dībbena cakkhunā bheravampi rūpaṃ passato bhayasantāso uppajjati, na aniccādivasena katasammasanassa tasmā abhiññāṃ pattassa bhayavinodanahetusampādanatthampi idaṃ idheva dassitaṃ. Api ca yasmā vipassanāsukhaṃ nāmetam maggaphalasukhasampādakaṃ pāṭiyekkaṃ sandiṭṭhikaṃ sāmāññaphalaṃ tasmāpi āditova idaṃ idha dassitanti vedītabbaṃ.

### Manomayiddhiñānakathā

**236-237. Manomayanti** manena nibbattitaṃ. **Sabbaṅgapaccaṅginti** sabbehi aṅgehi ca paccāṅgehi ca samannāgataṃ. **Ahīndriyanti** saṅghānavasena avikalindriyaṃ. Iddhimatā nimmitarūpañhi sace iddhiṃ odāto tampi odātaṃ. Sace aviddhakaṅṇo tampi aviddhakaṅṇanti evaṃ sabbākārehi tena sadisameva hoti. **Muñjamhā isikanti**ādī upamāttayampi hi sadisabhāvadassanathameva vuttaṃ. Muñjasadisā eva hi tassa anto isikā hoti. Kosisadisoyeva asi, vaṭṭāya kosiyā vaṭṭam asimeva pakkhipanti, patthaṭāya patthaṭam. **Karaṇḍāti** idampi ahikañcukassa nāmaṃ, na vilīvakaraṇḍakassa. Ahikañcuko hi ahinā sadisova hoti. Tattha

kiñcāpi “puriso ahiṃ karaṇḍā uddhareyyā”ti hatthena uddharamāno viya dassito, atha kho cittenevassa uddharaṇaṃ veditabbaṃ. Ayañhi ahi nāma saḷāṭṭiyāṃ ṭhito, kaṭṭhantaraṃ vā rukkhantaraṃ vā nissāya, tacato sarīraṃ nikkadḍhanappayogasāṅkhātena thāmena, sarīraṃ khādayamānaṃ viya purāṇatacaṃ jigucchantoti imehi catūhi kāraṇehi sayameva kañcukaṃ pajahati, na sakkā tato aññena uddharitūṃ, tasmā cittaṃ uddharaṇaṃ sandhāya idaṃ vuttanti veditabbaṃ. Iti muñjādisadisāṃ imassa bhikkhuno sarīraṃ, ṭsikādisadisāṃ nimmitarūpanti. Idamettha opammasaṃsandanaṃ. Nimmānavidhānaṃ panettha parato ca iddhividhādīpañcaabhiññākathā sabbākārena visuddhimagge vitthāritāti tattha vuttanayeneva veditabbā. Upamāmatameva hi idha adhikaṃ.

### Iddhividhaññādikathā

**238-239.** Tattha chekakumbhakārādayo viya iddhividhaññāḷābhī bhikkhu daṭṭhabbo. Suparikammakatamattikādayo viya iddhividhaññāṇaṃ daṭṭhabbaṃ. Icchicchitabhājanavikatīādikaraṇaṃ viya tassa bhikkhuno vikubbaṃ daṭṭhabbaṃ.

**240-241.** Dibbasotadhātuupamāyaṃ yasmā kantāraddhānamaggo sāsāṅko hoti sappaṭibhayo. Tattha ussāṅkitaparisaṅkītena ‘ayaṃ bherisaddo’, ‘ayaṃ mudiṅgasaddo’ti na sakkā vavatthapetuṃ, tasmā kantāraggahaṇaṃ akatvā khemamaggaṃ dassento **addhānamaggappaṭipannoti** āha. Appaṭibhayañhi khemamaggaṃ sīse sāṭakaṃ katvā saṅikaṃ paṭipanno vuttappakāre sadde sukhaṃ vavatthapeti. Tassa savanena tesāṃ tesāṃ saddānaṃ āvibhūtakālo viya yogino dūrasantikabhedānaṃ dibbānañceva mānussakānañca saddānaṃ āvibhūtakālo veditabbo.

**242-243.** Cetopariyaññūpamāyaṃ **daharoti** taruṇo. **Yuvāti** yobbannena samannāgato. **Maṇḍanakajātikoti** yuvāpi samāno na ālasiyo na kiliṭṭhavatthasarīro, atha kho maṇḍanapakatiko, divasassa dve tayo vāre nhāyitvā suddhavatthaparidahanaalāṅkarakaraṇasīloti attho. **Sakaṇikanti** kāḷatīlakavaṅgamukhadūsiṭṭhāḷāḍīnaṃ aññatarena sadosaṃ. Tattha yathā tassa mukhanimittaṃ paccavekkhato mukhe doso pākaṭo hoti, evaṃ cetopariyaññāya cittaṃ abhinīharitvā nisinnassa bhikkhuno paresaṃ soḷasavidhaṃ cittaṃ pākaṭaṃ hotīti veditabbaṃ.

**244-245.** Pubbenivāsaññūpamāyaṃ taṃ divasaṃ katakiriyā pākaṭā hotīti taṃ divasaṃ gatagāmattayameva gahitaṃ. Tattha gāmattayagatapuriso viya pubbenivāsaññāḷābhī daṭṭhabbo, tayo gāmā viya tayo bhavā daṭṭhabbā, tassa purisassa tīsu gāmesu taṃ divasaṃ katakiriyāya āvibhāvo viya pubbenivāsāya cittaṃ abhinīharitvā nisinnassa bhikkhuno tīsu bhavesu katakiriyāya pākaṭabhāvo daṭṭhabbo.

**246-247.** Dibbacakkhūpamāyaṃ **vīthiṃ sañcaranteti** aparāparaṃ sañcarante. Vīthiṃ carantetipi pāṭho. Ayamevattho. Tattha nagaramajjhe siṅghāṭakamhi pāsādo viya imassa bhikkhuno karajakāyo daṭṭhabbo, pāsāde ṭhito cakkhumā puriso viya ayameva dibbacakkhuṃ patvā ṭhito bhikkhu, gehaṃ pavisaṅtā viya paṭisaṅdhivasena mātukucchiyaṃ pavisaṅtā, gehā nikkhamantā viya mātukucchito nikkhamantā, rathikāya vīthiṃ sañcarantā viya aparāparaṃ sañcaraṇakasattā, purato abbhokāsaṭṭhāne majjhe siṅghāṭake nisinnā viya tīsu bhavesu tattha tattha nibbattasattā, pāsādatale ṭhitapurisassa tesāṃ manussānaṃ āvibhūtakālo viya dibbacakkhuññāya cittaṃ abhinīharitvā nisinnassa bhikkhuno tīsu bhavesu nibbattasattānaṃ āvibhūtakālo daṭṭhabbo. Idañca desanāsukhatthameva vuttaṃ. Āruppe pana dibbacakkhussa gocaro natthīti.

### Āsavakkhayaññākathā

**248.** So evaṃ samāhite citteti idha vipassanāpādakaṃ catutthajjhānacittaṃ veditabbaṃ. **Āsavānaṃ khayaññāyāti** āsavānaṃ khayaññānibbattanatthāya. Ettha ca **āsavānaṃ khayō** nāma maggopi phalampi nibbānaṃ bhaṅgopi vuccati. “Khaye ñāṇaṃ, anuppāde ñāṇa”nti ettha hi maggo āsavānaṃ khayoti vutto. “Āsavānaṃ khayā samaṇo hotī”ti (ma. ni. 1.438) ettha phalaṃ.

“Paravajjānupassissa, niccaṃ ujjhānasaññino;  
Āsavā tassa vaḍḍhanti, ārā so āsavakkhaya”ti. (dha. pa. 253);

Ettha nibbānaṃ. “Āsavānaṃ khayō vayo bhedo aniccatā antaradhāna”nti ettha bhaṅgo. Idha pana nibbānaṃ adhippettaṃ. Arahattamaggopi vaṭṭatiyeva.

**Cittaṃ abhinīharatīti** vipassanā cittaṃ tanninnaṃ tapponaṃ tappabbhāraṃ karoti. **So idaṃ dukkhantiādīsu** “ettakaṃ dukkhaṃ, na ito bhiyyo”ti sabbampi dukkhasaccaṃ sarasalakkaṇapaṭivedhena yathābhūtaṃ pajānātīti attho. Tassa ca dukkhassa nibbattikaṃ taṇhaṃ “ayaṃ dukkhasamudayo”ti. Tadubhayampi yaṃ thānaṃ patvā nirujjhati, taṃ tesāṃ appavattiṃ nibbānaṃ “ayaṃ dukkhanirodho”ti; tassa ca sampāpakaṃ ariyamaggaṃ “ayaṃ dukkhanirodhagāminī paṭipadā”ti sarasalakkaṇapaṭivedhena yathābhūtaṃ pajānātīti attho.

Evaṃ sarūpato saccāni dassetvā puna kilesavasena pariyāyato dassento “**ime āsavā**”tiādīmāha. **Tassa evaṃ jānato evaṃ passatoti** tassa bhikkhuno evaṃ jānantassa evaṃ passantassa, saha vipassanāya koṭippattaṃ maggaṃ kathesi. **Kāmāsavāti** kāmāsavato. **Vimuccatīti** iminā maggakkhaṇaṃ dasseti. **Vimuttasminti** iminā phalakkhaṇaṃ. **Vimuttamiti nāṇaṃ hotīti** iminā paccavekkhaṇañāṇaṃ. **Khīṇā jātīti**ādīhi tassa bhūmiṃ. Tena hi nāṇena khīṇāsavo paccavekkhanto khīṇā jātītiādīni pajānāti.

Katamā panassa jāti khīṇā? Kathaṅca naṃ pajānātīti? Na tāvassa atītā jāti khīṇā, pubbeva khīṇattā. Na anāgatā, anāgate vāyāmābhāvato. Na paccuppannā, vijjamānattā. Yā pana maggassa abhāvitattā uppajjeyya ekacatupaṅcavokārabhavesu ekacatupaṅcakkhandhappabhedā jāti, sā maggassa bhāvitattā āyatim anuppādadhammataṃ āpajjanena khīṇā. Taṃ so maggabhāvanāya pahīnakilese paccavekkhitvā “kilesābhāve vijjamānampi kammaṃ āyatim appaṭisandhikaṃva hotī”ti jānanto pajānāti.

**Vusitanti** vutthaṃ parivutthaṃ. **Brahmacariyanti** maggabrahmacariyaṃ. Puthujjanakalyāṇakena hi saddhiṃ satta sekkhā brahmacariyavāsaṃ vasanti nāma, khīṇāsavo vutthavāso, tasmā so attano brahmacariyavāsaṃ paccavekkhanto vusitaṃ brahmacariyanti pajānāti. **Kataṃ karaṇīyanti** catūsu saccesu catūhi maggehi pariññāpahānasacchikiriyābhāvanāvasena soḷasavidhaṃ kiccaṃ niṭṭhāpitaṃ. Tena tena maggena pahātabbakesā pahīnā, dukkhamūlaṃ samucchinnanti attho. Puthujjanakalyāṇakādayo hi taṃ kiccaṃ karonti, khīṇāsavo katakaraṇīyo. Tasmā so attano karaṇīyaṃ paccavekkhanto kataṃ karaṇīyanti pajānāti. **Nāparaṃ itthattāyāti** idāni puna itthabhāvāya evaṃ soḷasakiccabhāvāya kilesakkhayabhāvāya vā kattabbaṃ maggabhāvanākiccaṃ me natthīti pajānāti. Atha vā **itthattāyāti** itthabhāvato imasmā evaṃ pakārā. Idāni vattamānakhandhasantānā aparāṃ khandhasantānaṃ mayhaṃ natthi. Ime pana paṅcakkhandhā pariññātā tiṭṭhanti chinnamūlakā rukkḥā viya, te carimakacittanirodhena anupādāno viya jātavedo nibbāyissanti apaṇṇattikabhāvaṅca gamissantīti pajānāti.

**249. Pabbatasaṅkhepeti** pabbatamatthake. **Anāviloti** nikkaddamo. Sippiyo ca sambukā ca **sippisambukaṃ**. Sakkharā ca kathalāni ca **sakkharakathalaṃ**. Macchānaṃ gumbā ghaṭāti **macchagumbaṃ**. **Tiṭṭhantampi carantampīti** ettha sakkharakathalaṃ tiṭṭhatiyeva, itarāni carantipi tiṭṭhantipi. Yathā pana antarantarā thitāsupi nisinnāsupi vijjamānāsupi “etā gāvo carantī”ti carantiyo upādāya itarāpi carantīti vuccanti. Evaṃ tiṭṭhantameva sakkharakathalaṃ upādāya itarampi dvayaṃ tiṭṭhantanti vuttaṃ. Itaraṅca dvayaṃ carantaṃ upādāya sakkharakathalampi carantanti vuttaṃ. Tattha cakkhumato purisassa tīre thatvā passato sippikasambukādīnaṃ vibhūtakālo viya āsavānaṃ khayāya cittaṃ abhinīharitvā nisinnassa bhikkhuno catunnaṃ saccānaṃ vibhūtakālo datṭhabboti.

Ettāvataṃ vipassanāñāṇaṃ, manomayañāṇaṃ, iddhividhañāṇaṃ, dibbasotañāṇaṃ, cetopariyañāṇaṃ, pubbenivāsañāṇaṃ, dibbacakkhuvāsena nipphannaṃ anāgataṃsañāṇayathākammūpagañāṇadvayaṃ, dibbacakkuñāṇaṃ, āsavakkhayañāṇanti dasa ñāṇāni niddiṭṭhāni hontī. Tesāṃ ārammaṇavibhāgo jānitabbo – tattha vipassanāñāṇaṃ parittamahaggataatītānāgatapaccuppannaajjhatabhāvasena sattavidhārammaṇaṃ. Manomayañāṇaṃ nimmitabbarūpāyatanaṃmattameva ārammaṇaṃ karotīti parittapaccuppannabāhiddhārammaṇaṃ. Āsavakkhayañāṇaṃ appamāṇabāhiddhānavattabbārammaṇaṃ. Avasesānaṃ ārammaṇabhedo visuddhimagge vutto. **Uttaritarāṃ vā paṇītataraṃ vāti** yena kenaci pariyāyena ito seṭṭhataraṃ sāmāññaphalaṃ nāma natthīti bhagavā arahattanikūṭena desanaṃ niṭṭhāpesi.

### Ajātasattuupāsakattapaṭivedanākathā

**250.** Rājā tattha tattha sādhu kāraṃ pavattento ādimajjhapariyosānaṃ sakkaccaṃ sutvā “ciraṃ vatamhi ime pañhe puthū samaṇabrāhmaṇe pucchanto, thuse koṭṭento viya kiñci sāraṃ nālatthaṃ, aho vata bhagavato guṇasampadā, yo me dīpasahassaṃ jālento viya mahantaṃ ālokaṃ katvā ime pañhe vissajjesi. Suciraṃ vatamhi dasabalassa guṇānubhāvaṃ ajānanto vañcito”ti cintevā buddhaguṇānussaraṇasambhūtāya pañcaviḍhāya pītiyā phuṭasarīro attano pasādaṃ āvikaronto upāsakattaṃ paṭivedesi. Taṃ dassetuṃ “evaṃ vutte rājā”tiādi āradhāṃ.

Tattha **abhikkantaṃ, bhanteti** ayaṃ abhikkantasaddo khayasundarābhirūpaabbhanumodanesu dissati. “Abhikkantā bhante, ratti, nikkhanto paṭhamo yāmo, ciranisinno bhikkhusaṅgho”tiādīsu (a. ni. 8.20) hi khaye dissati. “Ayaṃ me puggalo khamati, imesaṃ catunnaṃ puggalānaṃ abhikkantataro ca paṇītataro cā”tiādīsu (a. ni. 4.100) sundare.

“Ko me vandati pādāni, iddhiyā yasaṃ jālaṃ;  
Abhikkantena vaṇṇena, sabbā obhāsayaṃ disā”ti. (vi. va. 857);

Ādīsu abhirūpe. “Abhikkantaṃ bho, gotamā”tiādīsu (pārā. 15) abbhanumodane. Idhāpi abbhanumodaneyeva. Yasmā ca abbhanumodane, tasmā ‘sādhu sādhu bhante’ti vuttaṃ hotīti veditabbo.

Bhaye kodhe pasaṃsāyaṃ, turite kotūhalacchare;  
Hāse soke pasāde ca, kare āmeḍitaṃ budhoti.

Iminā ca lakkhaṇena idha pasādavasena, pasaṃsāvasena cāyaṃ dvikkhattuṃ vuttoti veditabbo. Athavā **abhikkantanti** abhikantaṃ atiiṭṭhaṃ atimanāpaṃ atisundaranti vuttaṃ hoti.

Ettha ekena abhikkantasaddena desanaṃ thometi, ekena attano pasādaṃ. Ayañhettha adhippāyo, abhikkantaṃ bhante, yadidaṃ bhagavato dhammadesanā, ‘abhikkantaṃ’ yadidaṃ bhagavato dhammadesanaṃ āgamma mama pasādoti. Bhagavatoyeva vā vacanaṃ dve dve atthe sandhāya thometi. Bhagavato vacanaṃ abhikkantaṃ dosanāsanato, abhikkantaṃ guṇādhigamanato. Tathā saddhājananato, paññājananato, sātthato, sabyañjanato, uttānapadato, gambhīratthato, kaṇṇasukhato, hadayaṅgamato, anattukkaṃsanato, aparavambhanato, karuṇāsīlatato, paññāvadātato, āpātharamaṇīyato, vimaddakkhamato, suyyamānasukhato, vīmaṃsiyamānahitatoti evamādīhi yojetabbaṃ.

Tato parampi catūhi upamāhi desanaṃyeva thometi. Tattha **nikkujjiti** antī adhomukhaṭṭhapitaṃ heṭṭhāmukhajātaṃ vā. **Ukkujjeyyāti** upari mukhaṃ kareyya. **Paṭicchannanti** tiṇapaṇṇādicchāditaṃ. **Vivareyyāti** ugghāṭeyya. **Mūlhasa vāti** disāmūlhasa. **Maggam ācikkheyyāti** hatthe gahetvā “esa maggo”ti vadeyya, **andhakāreti** kālapakkhacātuddasī aḍḍharattaghanavanasanāḍameghapaṭalehi caturaṅge tame. Ayaṃ tāva anuttānapadattho. Ayaṃ pana sādhippāyayojanā. Yathā koci nikkujjitaṃ ukkujjeyya, evaṃ saddhammavimukhaṃ asaddhamme patitaṃ maṃ asaddhammā vuṭṭhāpentana. Yathā paṭicchannaṃ vivareyya, evaṃ kassapassa bhagavato sāsananataradhānā pabhuti micchādīṭṭhigahanapaṭicchannaṃ sāsanaṃ vivarantena, yathā mūlhasa maggaṃ ācikkheyya, evaṃ kummaggamicchāmaggaṃ paṭipannaṃ me saggamokkhamaggaṃ āvikarontena, yathā andhakāre telapajjotaṃ dhāreyya, evaṃ mohandhakāranimuggassa me buddhādiratanarūpāni apassato tappaṭicchādakamohandhakāraviddhaṃsakadesanāpajjotadhārakena mayhaṃ bhagavatā etehi pariyāyehi pakāsītattā anekapariyāyena dhammo pakāsītoti.

Evaṃ desanaṃ thometvā imāya desanāya ratanattaye pasannacitto pasannākāraṃ karonto **esāhanti**ādimāha. Tattha **esāhanti** eso ahaṃ. **Bhagavantaṃ saraṇaṃ gacchāmīti** bhagavā me saraṇaṃ, parāyanaṃ, aghassa tātā, hitassa ca vidhātāti. Iminā adhippāyena bhagavantaṃ gacchāmi bhajāmi sevāmi payirupāsāmi, evaṃ vā jānāmi bujjhāmīti. Yesañhi dhātūnaṃ gatiattho, buddhipi tesam attho. Tasmā gacchāmīti imassa jānāmi bujjhāmīti ayampi attho vutto. **Dhammañca bhikkhusaṅghañcāti** ettha pana adhigatamagge sacchikatanirodhe yathānusiṭṭhaṃ paṭipajjamāne catūsu apāyesu apatamāne dhāretīti dhammo, so atthato ariyamaggo ceva nibbānañca. Vuttañcetam – “yāvata, bhikkhave, dhammā saṅkhatā, ariyo aṭṭhaṅgiko maggo tesam aggamakkhāyati”ti (a. ni. 4.34) vitthāro. Na kevalaṅgiko ariyamaggo ceva

nibbānañca. Api ca kho ariyaphalehi saddhiṃ pariyattidhammopi. Vuttañhetam̐ chattamāṇavakavimāne

‘‘Rāgavirāgamanejamasokaṃ, dhammamasāṅkhatamappaṭikūlaṃ;  
Madhuramimaṃ paguṇaṃ suvibhattaṃ, dhammamimaṃ saraṇatthamupehī’’ti. (vi. va. 887);

Ettha hi **rāgavirāgoti** maggo kathito. **Anejamasokanti** phalaṃ. **Dhammamasāṅkhatanti** nibbānaṃ. **Appaṭikūlaṃ madhuramimaṃ paguṇaṃ suvibhattanti** piṭakattayena vibhattā dhammakkhandaṃ. Diṭṭhisīlasaṃghātena saṃhatoti saṅgho, so atthato aṭṭha ariyapuggalasamūho. Vuttañhetam̐ tasmīññeva vimāne –

‘‘Yattha ca dinnamahapphalamāhu, catūsu sucīsu purīsayugesu;  
Aṭṭha ca puggaladhammasā te, saṅghamimaṃ saraṇatthamupehī’’ti. (vi. va. 888);

Bhikkhūnaṃ saṅgho bhikkhusaṅgho. Ettāvataṃ rājā tīṇi saraṇagamanāni paṭivedesi.

### Saraṇagamanakathā

Idāni tesu saraṇagamanesu kosallattham̐ saraṇaṃ, saraṇagamaṇaṃ, yo ca saraṇaṃ gacchati, saraṇagamaṇappabhedo, saraṇagamaṇaphalaṃ, saṅkilesa, bhedoti, ayaṃ vidhi veditabbo. Seyyathidaṃ – saraṇatthato tāva hiṃsatīti saraṇaṃ. Saraṇagatānaṃ teneva saraṇagamaṇena bhayaṃ santāsaṃ dukkhaṃ duggatiparikilesaṃ hanati vināsetīti attho, ratanattayasasetvaṃ adhivacanaṃ.

Atha vā hite pavattanena ahitā ca nivattanena sattānaṃ bhayaṃ hiṃsati buddho. Bhavakantārā uttāraṇena assāsādānena ca dhammo; appakānaṃpi kāraṇaṃ vipulaphalapaṭilābhakaraṇena saṅgho. Tasmā imināpi pariyāyena ratanattayaṃ saraṇaṃ. Tappasādataggarutāhi vihatakiṇeso tapparāyaṇatākārappavatto cittuppādo saraṇagamaṇaṃ. Taṃ samaṅgīsatto saraṇaṃ gacchati. Vuttappakārena cittuppādena etāni me tīṇi ratanāni saraṇaṃ, etāni parāyaṇanti evaṃ upetīti attho. Evaṃ tāva saraṇaṃ, saraṇagamaṇaṃ, yo ca saraṇaṃ gacchati, idaṃ tayaṃ veditabbaṃ.

Saraṇagamaṇappabhede pana duvidhaṃ saraṇagamaṇaṃ – lokuttaraṃ lokiyañca. Tattha lokuttaraṃ diṭṭhasaccānaṃ maggakkhaṇe saraṇagamaṇupakkilesasamucchedena ārammaṇato nibbānārammaṇaṃ hutvā kiccato sakalepi ratanattaye ijjhati. Lokiyaṃ puthujjanānaṃ saraṇagamaṇupakkilesavikkhambhanaṇa ārammaṇato buddhādiguṇārammaṇaṃ hutvā ijjhati. Taṃ atthato buddhādīsu vatthūsu saddhāpaṭilābho saddhāmūlikā ca sammādiṭṭhi dasasu puññakiriyavatthūsu diṭṭhijukammanti vuccati. Tayidaṃ catudhā vattati – attasanniyyātanena, tapparāyaṇatāya, sissabhāvūpagamaṇena, paṇipātenāti.

Tattha **attasanniyyātanam̐** nāma – ‘‘ajjādiṃ katvā ahaṃ attānaṃ buddhassa niyyātemi, dhammassa, saṅghassa’’ti evaṃ buddhādīnaṃ attapariccajanaṃ. **Tapparāyaṇatā** nāma – ‘‘ajjādiṃ katvā ‘ahaṃ buddhaparāyaṇo, dhammaparāyaṇo, saṅghaparāyaṇo’’ti. Maṃ dhārethā’’ti evaṃ tapparāyaṇabhāvo. **Sissabhāvūpagamaṇam̐** nāma – ‘‘ajjādiṃ katvā – ‘ahaṃ buddhassa antevāsiko, dhammassa, saṅghassa antevāsiko’’ti maṃ dhārethā’’ti evaṃ sissabhāvūpagamo. **Paṇipāto** nāma – ‘‘ajjādiṃ katvā ahaṃ abhivādanapaccuṭṭhānañjalikammaśāmicammaṃ buddhādīnaṃyeva tiṇṇaṃ vatthūnaṃ karomī’’ti maṃ dhārethā’’ti evaṃ buddhādīsu paramanipaccākāro. Imesañhi catunnaṃ ākāraṇaṃ aññatarampi karontena gahitaṃyeva hoti saraṇaṃ.

Api ca bhagavato attānaṃ pariccajāmi, dhammassa, saṅghassa, attānaṃ pariccajāmi, jīvitam̐ pariccajāmi, pariccattoyeva me attā, pariccattaṃyeva jīvitam̐, jīvitapariyantikaṃ buddhaṃ saraṇaṃ gacchāmi, buddho me saraṇaṃ leṇaṃ tāṇanti; evampi attasanniyyātanam̐ veditabbaṃ. ‘‘Sattārañca vatāhaṃ passeyyaṃ, bhagavantameva passeyyaṃ, sugatañca vatāhaṃ passeyyaṃ, bhagavantameva passeyyaṃ, sammāsambuddhañca vatāhaṃ passeyyaṃ, bhagavantameva passeyya’’nti (saṃ. ni. 2.154). Evampi mahākassapassa saraṇagamaṇaṃ viya sissabhāvūpagamaṇaṃ veditabbaṃ.



“So ahaṃ vicarissāmi, gāmā gāmaṃ purā puram;  
Namassamāno sambuddham, dhammassa ca sudhammata”nti. (su. ni. 194);

Evampi ālavakādīnaṃ saraṇagamaṇaṃ viya tapparāyaṇatā veditabbā. Atha kho brahmāyu brāhmaṇo utṭhāyāsanaṃ ekaṃsaṃ uttarāsaṅgaṃ karitvā bhagavato pādesu sirasā nipatitvā bhagavato pādāni mukhena ca paricumbatī, pañīhi ca parisambāhati, nāmañca sāveti – “brahmāyu ahaṃ, bho gotama brāhmaṇo, brahmāyu ahaṃ, bho gotama brāhmaṇo”ti (ma. ni. 2.394) evampi paṇipāto daṭṭhabbo.

So panesa ñātibhayācariyadakkhiṇeyyavasena catubbidho hoti. Tattha dakkhiṇeyyapaṇipātena saraṇagamaṇaṃ hoti, na itarehi. Setṭhavaseneva hi saraṇaṃ gaṇhāti, setṭhavasena ca bhijjati. Tasmā yo sākiyo vā koliyo vā – “buddho amhākaṃ ñātako”ti vandati, aggahitameva hoti saraṇaṃ. Yo vā – “samaṇo gotamo rājapūjito mahānubhāvo avandīyamāno anattampi kareyyā”ti bhayena vandati, aggahitameva hoti saraṇaṃ. Yo vā bodhisattakāle bhagavato santike kiñci uggahitaṃ saramāno buddhakāle vā –

“Catudhā vibhaje bhoge, paṇḍito gharamāvasaṃ;  
Ekena bhogaṃ bhuñjeyya, dvīhi kammaṃ payojaye;  
Catutthañca nidhāpeyya, āpadāsu bhavissatī”ti. (dī. ni. 3.265);

Evarūpaṃ anusāsaniṃ uggahetvā – “ācariyo me”ti vandati, aggahitameva hoti saraṇaṃ. Yo pana – “ayaṃ loke aggadakkhiṇeyyo”ti vandati, teneva gahitaṃ hoti saraṇaṃ.

Evaṃ gahitasaraṇassa ca upāsakassa vā upāsikāya vā aññatitthiyesu pabbajitampi ñātiṃ – “ñātako me aya”nti vandato saraṇagamaṇaṃ na bhijjati, pageva apabbajitaṃ. Tathā rājānaṃ bhayavasena vandato. So hi raṭṭhapūjitatā avandīyamāno anattampi kareyyāti. Tathā yaṃ kiñci sippaṃ sikkhāpakaṃ titthiyampi – “ācariyo me aya”nti vandatopi na bhijjati, evaṃ saraṇagamaṇappabhedo veditabbo.

Ettha ca lokuttarassa saraṇagamaṇassa cattāri sāmāññaphalāni vipākaphalaṃ, sabbadukkhakkhayo ānisaṃsaphalaṃ. Vuttañhetam –

“Yo ca buddhañca dhammañca, saṅghañca saraṇaṃ gato;  
Cattāri ariyasaccāni, sammappaññāya passati.

Dukkaṃ dukkhasamuppādaṃ, dukkhassa ca atikkamaṃ;  
Ariyaṃ aṭṭhaṅgikaṃ maggaṃ, dukkhūpasamaḡamaṇaṃ.

Etaṃ kho saraṇaṃ khemaṃ, etaṃ saraṇamuttamaṃ;  
Etaṃ saraṇamāḡamma, sabbadukkhā pamuccatī”ti. (dha. pa. 192);

Api ca niccādito anupagamaṇādivasena petassa ānisaṃsaphalaṃ veditabbaṃ. Vuttañhetam – “aṭṭhānametaṃ anavakāso, yaṃ diṭṭhisampanno puggalo kañci saṅkhāraṃ niccato upagaccheyya...pe... kañci saṅkhāraṃ sukhatō...pe... kañci dhammaṃ attato upagaccheyya...pe... mātaraṃ jīvitā voropeyya...pe... pitaraṃ...pe... arahantaṃ...pe... paduṭṭhacitto tathāgatassa lohitaṃ uppādeyya...pe... saṅghaṃ bhindeyya...pe... aññaṃ sathhāraṃ uddiseyya, netam ṭhānaṃ vijjatī”ti (a. ni. 1.290). Lokiyassa pana saraṇagamaṇassa bhavasampadāpi bhogasampadāpi phalameva. Vuttañhetam –

“Ye keci buddhaṃ saraṇaṃ gaṭṭhase, na te gamissanti apāyabhūmiṃ;  
Pahāya mānusaṃ dehaṃ, devakāyaṃ paripūressanti”ti. (saṃ. ni. 1.37);

Aparampi vuttaṃ – “atha kho sakko devānamindo asītiyā devatāsahashehi saddhiṃ yenāyasmā mahāmogallāno tenupasaṅkami...pe... ekamantaṃ ṭhitaṃ kho sakkaṃ devānamindaṃ āyasmā mahāmogallāno etadavoca – “sādhu kho, devānaminda, buddhaṃ saraṇagamaṇaṃ hoti. Buddhaṃ saraṇagamaṇahetu kho, devānaminda, evamidhekacce sattā kāyassa bhedaṃ paraṃ maraṇā sugatiṃ saggam lokam upapajjanti...pe... te aññe deve dasahi ṭhānehi adhigaṇhanti – dibbena āyunā, dibbena vaṇṇena,

dibbena sukkena, dibbena yasena, dibbena ādhipateyyena, dibbehi rūpehi saddehi gandhehi rasehi phoṭṭhabbehī’ ti (saṃ. ni. 4.341). Esa nayo dhamme ca saṅghe ca. Api ca velāmasuttādīnaṃ vasenāpi saraṇagamanassa phalaviseso veditabbo. Evaṃ saraṇagamanassa phalaṃ veditabbaṃ.

Tattha ca lokiyasaraṇagamaṇaṃ tīsu vatthūsu aññāsaṃsayamicchāññādīhi saṃkilissati, na mahājutikaṃ hoti, na mahāvīpphāraṃ. Lokuttarassa natthi saṃkilesa. Lokiyassa ca saraṇagamanassa duvidho bhedo – sāvajjo ca anavajjo ca. Tattha sāvajjo aññasatthārādīsu attasanniyātanādīhi hoti, so ca anīṭṭhaphalo hoti. Anavajjo kālakiriyāya hoti, so avipākattā aphalo. Lokuttarassa pana nevatti bhedo. Bhavantarepi hi ariyasāvako aññaṃ satthāraṃ na uddisatīti. Evaṃ saraṇagamanassa saṃkilesa ca bhedo ca veditabboti.

**Upāsakaṃ maṃ bhante bhagavā dhāretūti** maṃ bhagavā “upāsako aya”nti evaṃ dhāretu, jānātūti attho. Upāsakavidhikosallatthaṃ panettha – ko upāsako? Kasmā upāsakoti vuccati? Kimassa sīlaṃ? Ko ājīvo? Kā vipattī? Kā sampattīti? Idaṃ pakiṇṇakaṃ veditabbaṃ.

Tattha **ko upāsakoti** yo koci saraṇagato gahaṭṭho. Vuttañhettaṃ – “yato kho, mahānāma, buddhaṃ saraṇaṃ gato hoti, dhammaṃ saraṇaṃ gato hoti, saṅghaṃ saraṇaṃ gato hoti. Ettāvata kho, mahānāma, upāsako hoti” ti (saṃ. ni. 5.1033).

**Kasmā upāsakoti** ratanattayaṃ upāsanaṃ. So hi buddhaṃ upāsati upāsako, tathā dhammaṃ saṃghaṃ.

**Kimassa sīlanti** pañca veramaṇiyo. Yathāha – “yato kho, mahānāma, upāsako pañātipātā paṭivirato hoti, adinnādānā... kāmesumicchācārā... musāvādā... surāmerayamajjapamādatṭhānā paṭivirato hoti, ettāvata kho, mahānāma, upāsako sīlavā hoti” ti (saṃ. ni. 5.1033).

**Ko ājīvoti** pañca micchāvaṇijjā pahāya dhammena samena jīvitakappaṇaṃ. Vuttañhettaṃ – “pañcimā, bhikkhave, vaṇijjā upāsakena akaraṇīyā. Katamā pañca? Satthavaṇijjā, sattavaṇijjā, maṃsavaṇijjā, majjavaṇijjā, visavaṇijjā. Imā kho, bhikkhave, pañca vaṇijjā upāsakena akaraṇīyā” ti (a. ni. 5.177).

**Kā vipattīti** yā tasseva sīlassa ca ājīvassa ca vipattī, ayamassa vipattī. Api ca yāya esa caṇḍālo ceva hoti, malañca patikuṭṭho ca, sāpissa vipattīti veditabbā. Te ca atthato assaddhiyādayo pañca dhammā honti. Yathāha – “pañcahi, bhikkhave, dhammehi samannāgato upāsako upāsakacaṇḍālo ca hoti, upāsakamalañca, upāsakapatikuṭṭho ca. Katamehi pañcahi? Assaddho hoti, dussīlo hoti, kotūhalamaṅgaliko hoti, maṅgalaṃ paccehi, no kammaṃ, ito ca bahiddhā dakkhiṇeyyaṃ pariyesati, tattha ca pubbakāraṃ karotī” ti (a. ni. 5.175).

**Kā sampattīti** yā cassa sīlasampadā ceva ājīvasampadā ca, sā sampattī; ye cassa ratanabhāvādīkarā saddhādayo pañca dhammā. Yathāha – “pañcahi, bhikkhave, dhammehi samannāgato upāsako upāsakaratañca hoti, upāsakapadumañca, upāsakapuṇḍarīkañca. Katamehi pañcahi? Saddho hoti, sīlavā hoti, na kotūhalamaṅgaliko hoti, kammaṃ paccehi, no maṅgalaṃ, na ito bahiddhā dakkhiṇeyyaṃ gavesati, idha ca pubbakāraṃ karotī” ti (a. ni. 5.175).

**Ajjataggeti** etthāyaṃ aggasaddo ādikoṭikoṭṭhāsasetṭhesu dissati. “Ajjatagge, samma dovārika, āvarāmi dvāraṃ nigaṇṭhānaṃ nigaṇṭhīna”ntiādīsu (ma. ni. 2.70) hi ādimhi dissati. “Teneva aṅgulaggena taṃ aṅgulaggaṃ parāmaṣeyya. Uccaggaṃ veḷagga”ntiādīsu (kathā. 281) koṭiyaṃ. “Ambilaggaṃ vā madhuraggaṃ vā tittakaggaṃ vā vihāraggena vā pariveṇaggena vā bhājetu”ntiādīsu (cūlava. 317) koṭṭhāse. “Yāvata, bhikkhave, sattā apadā vā...pe... tathāgato tesam aggamakkhāyati”ntiādīsu (a. ni. 4.34) setṭhe. Idha pañāyaṃ ādimhi datṭhabbo. Tasmā ajjataggeti ajjataṃ ādim katvāti evametthatto veditabbo. **Ajjatanti** ajjabhāvaṃ. Ajjadaggeti vā pāṭho, dakāro padasandhikaro. Ajja agganti attho.

**Pāṇupetanti** pāṇehi upetaṃ. Yāva me jīvitaṃ pavattati, tāva upetaṃ anaññasatthukaṃ tīhi saraṇagamehi saraṇaṃ gataṃ upāsakaṃ kappiyakāraṃ maṃ bhagavā dhāretu jānātu. Ahañhi saccepi me tikhiṇena asinā sīsaṃ chindeyya, neva buddhaṃ “na buddho” ti vā, dhammaṃ “na dhammo” ti vā, saṅghaṃ

“na saṅgho”’ti vā vadeyyanti.

Evaṃ attasanniyyātanena saraṇaṃ gantvā attanā kataṃ aparādhaṃ pakāseto accayo maṃ, bhantetiādīmāha. Tattha **accayoti** aparādho. **Maṃ accagamāti** maṃ atikkamma abhibhavitvā pavatto. **Dhammikaṃ dhammarājānanti** ettha dhammaṃ caratīti dhammiko. Dhammeneva rājā jāto, na pitughātanādinā adhammenāti dhammarājā. **Jīvītā voropesinti** jīvītā viyojesiṃ. **Paṭiggaṇhātūti** khamatu. **Āyatim saṃvarāyāti** anāgate saṃvaratthāya. Puna evarūpassa aparādhassa dosassa khalitassa akaraṇatthāya.

**251. Tagghāti** ekaṃse nipāto. **Yathā dhammaṃ paṭikarosi**ti yathā dhammo ṭhito tatheva karosi, khamāpesīti vuttaṃ hoti. **Taṃ te mayaṃ paṭiggaṇhāmāti** taṃ tava aparādhaṃ mayaṃ khamāma. **Vuḍḍhihesā, mahārāja ariyassa vinayeti** esā, mahārāja, ariyassa vinaye buddhassa bhagavato sāsane vuḍḍhi nāma. Katamā? Yāyaṃ accayaṃ accayato disvā yathādhammaṃ paṭikarivā āyatim saṃvarāpajjanā, desanaṃ pana puggalādhiṭṭhānaṃ karonto – “yo accayaṃ accayato disvā yathādhammaṃ paṭikaroti, āyatim saṃvaram āpajjati”’ti āha.

**252. Evaṃ vutteti** evaṃ bhagavatā vutte. **Handa ca dāni mayaṃ bhanteti** ettha handāti vacasāyatthe nipāto. So hi gamanavacasāyaṃ katvā evamāha. **Bahukiccāti** balavakiccā. **Bahukaraṇīyāti** tasseva vevacanaṃ. **Yassadāni tvanti** yassa idāni tvaṃ mahārāja gamanassa kālaṃ maññasi jānāsi, tassa kālaṃ tvameva jānāsīti vuttaṃ hoti. **Padakkhiṇaṃ katvā pakkāmīti** tikkhattuṃ padakkhiṇaṃ katvā dasanakhasamodhānasamujjalaṃ añjaliṃ sirasi patiṭṭhapetvā yāva dassanavisayaṃ bhagavato abhimukhova paṭikkamitvā dassanavijhanaṭṭhānabhūmiyaṃ pañcapatiṭṭhitena vanditvā pakkāmi.

**253. Khatāyaṃ, bhikkhave, rājāti** khato ayaṃ, bhikkhave, rājā. **Upahatāyanti** upahato ayaṃ. Idam vuttaṃ hoti – ayaṃ, bhikkhave, rājā khato upahato bhinnapatiṭṭho jāto, tathānena attanāva attā khato, yathā attano patiṭṭhā na jātāti. **Virajanti** rāgarajādivirahitaṃ. Rāgamalādīnaṃyeva vigatattā **vītamalaṃ. Dhammacakkhanti** dhammesu vā cakkhuṃ, dhammamayaṃ vā cakkhuṃ, aññesu ṭhānesu tiṇṇaṃ maggānametaṃ adhivacanaṃ. Idha pana sotāpattimaggasseva. Idam vuttaṃ hoti – sace iminā pitā ghātito nābhavissa, idāni idhevāsane nisinno sotāpattimaggam patto abhavissa, pāpamittasamaggena panassa antarāyo jāto. Evaṃ santepi yasmā ayaṃ tathāgataṃ upasaṅkamitvā ratanattayaṃ saraṇaṃ gato, tasmā mama sāsana mahantatāya yathā nāma koci purisassa vadhaṃ katvā pupphamuṭṭhimattena daṇḍena mucceyya, evameva lohakumbhiyaṃ nibbattitvā tiṃsavassasahassāni adho patanto heṭṭhimatalaṃ patvā tiṃsavassasahassāni uddhaṃ gacchanto punapi uparimatalaṃ pāpuṇitvā mucchissatīti idampi kira bhagavatā vuttameva, pāḷiyaṃ pana na ārūḷhaṃ.

Idam pana suttaṃ sutvā raññā koci ānisaṃso laddhoti? Mahāānisaṃso laddho. Ayañhi pitu māritakā lato paṭṭhāya neva rattim na divā niddaṃ labhati, satthāraṃ pana upasaṅkamitvā imāya madhurāya ojavantiyā dhammadesanāya sutakā lato paṭṭhāya niddaṃ labhi. Tiṇṇaṃ ratanānaṃ mahāsakkāraṃ akāsi. Pothujjanikāya saddhāya samannāgato nāma iminā raññā sadiso nāhosi. Anāgate pana **vijitāvī nāma paccekabuddho** hutvā parinibbāyissatīti. Idamavoca bhagavā. Attamanā te bhikkhū bhagavato bhāsitaṃ abhinandunti.

Iti sumaṅgalavilāsiniyā dīghanikāyatṭhakathāyaṃ

Sāmaññaphalasuttavaṇṇanā niṭṭhitā.

### 3. Ambaṭṭhasuttavaṇṇanā

#### Addhānagamanavaṇṇanā

**254.** Evaṃ me suttaṃ...pe... kosalesūti ambaṭṭhasuttaṃ. Tatrāyaṃ apubbapadavaṇṇanā. **Kosalesūti** kosalā nāma jānapadino rājakumārā. Tesam nivāso ekopi janapado rūḷhīsaddena kosalāti vuccati, tasmim kosalesu janapade. Porāṇā panāhu – yasmā pubbe mahāpanādaṃ rājakumāraṃ nānānātakādīni disvā sitamattampi akarontaṃ sutvā rājā āha – “yo mama puttaṃ hasāpeti, sabbālaṅkārena naṃ alaṅkaromī”’ti.

Tato naṅgalānīpi chaḍḍetvā mahājanakāye sannipatite manussā sātirekāni sattavassāni nānākīlāyo dassetvāpi taṃ hasāpetuṃ nāsakkhiṃsu, tato sakko devarājā nātakam pesesi, so dibbanātakam dassetvā hasāpesi. Atha te manussā attano attano vasanokāsābhimukhā pakkamiṃsu. Te paṭipathe mittasuhajjādayo disvā paṭisanthāraṃ karontā – “kacci bho kusalam, kacci bho kusala”nti āhaṃsu. Tasmā taṃ “kusala”nti vacanaṃ upādāya so padeso kosalāti vuccatīti.

**Cārikam caramānoti** addhānagamaṃ gacchanto. Cārikā ca nāmesā bhagavato duvidhā hoti – turitacārikā ca, aturitacārikā ca. Tattha dūrepi bodhaneyyapuggalaṃ disvā tassa bodhanatthāya sahasā gamaṃ **turitacārikā** nāma, sā mahākassapassa paccuggamanādīsu daṭṭhabbā. Bhagavā hi mahākassapattheraṃ paccuggacchanto muhuttana tigāvutaṃ maggaṃ agamāsi. Ālavakassatthāya tiṃsayojanaṃ, tathā aṅgulimālassa. Pakkusātissa pana pañcacattālīsajojanaṃ. Mahākappinassa vīsajojanasatam. Dhaniyassatthāya sattajojanasatāni agamāsi. Dhammasenāpatino saddhivihārikassa vanavāsītissasāmaṇerassa tigāvutādhikaṃ vīsajojanasatam.

Ekadivasaṃ kira thero – “tissasāmaṇerassa santikaṃ, bhante, gacchāmi”ti āha. Bhagavā – “ahampi gamissāmi”ti vatvā āyasmantaṃ ānandaṃ āmantesi – “ānanda, vīsatisahassānaṃ chaḷabhiññānaṃ ārocehi, bhagavā kira vanavāsissa tissasāmaṇerassa santikaṃ gamissatī”ti. Tato dutiyadivase vīsatisahassakhīṇāsavaparivāro ākāse uppativā vīsatiyojanasatamatthake tassa gocaragāmadvāre otarivā cīvaraṃ pārupi. Taṃ kammantaṃ gacchamānā manussā disvā – “satthā no āgato, mā kammantaṃ agamitthā”ti vatvā āsanāni paññapetvā yāguṃ datvā pātarāsabhataṃ karontā – “kuhiṃ, bhante, bhagavā gacchatī”ti daharabhikkhū pucchiṃsu. Upāsakā na bhagavā aññattha gacchati, idheva tissasāmaṇerassa dassanatthāyāgatoti. Te – “amhākaṃ kulūpakassa kira therassa dassanatthāya satthā āgato, no vata no thero oramattako”ti somanassajātā ahesuṃ.

Atha kho bhagavato bhattakiccapariyosāne sāmaṇero gāme piṇḍāya caritvā – “upāsakā, mahābhikkhusaṅgho”ti pucchi. Athassa te “satthā, bhante, āgato”ti ārocesuṃ. So bhagavantaṃ upasaṅkamitvā piṇḍapātena āpucchi. Satthā tassa pattaṃ hatthena gahetvā – “alam, tissa, niṭṭhitaṃ bhattakicca”nti āha. Tato upajjhāyaṃ āpucchitvā attano pattāsane nisīditvā bhattakiccamakāsi. Athassa bhattakiccapariyosāne satthā maṅgalaṃ vatvā nikkhamitvā gāmadvāre ṭhatvā – “kataro te, tissa, vasanaṭṭhānaṃ gatamaggo”ti āha. Ayaṃ bhagavāti. Maggaṃ desayamāno purato yāhi tissāti. Bhagavā kira sadevakassa lokassa maggadesakopi samāno sakale tigāvute magge ‘sāmaṇeraṃ daṭṭhuṃ lacchāmi’ti taṃ maggadesakaṃ akāsi.

So attano vasanaṭṭhānaṃ gantvā bhagavato vattamakāsi. Atha naṃ bhagavā – “kataro te, tissa, caṅkamo”ti pucchitvā tattha gantvā sāmaṇerassa nisīdanapāsāne nisīditvā – “tissa, imasmiṃ ṭhāne sukhaṃ vasī”ti pucchi. So āha – “āma, bhante, imasmiṃ ṭhāne vasantassa sīhabyagghahatthimigamorādīnaṃ saddaṃ suṇato araññasāññā uppajjati, tāya sukhaṃ vasāmi”ti. Atha naṃ bhagavā – “tissa, bhikkhusaṅghaṃ sannipātehi, buddhadāyajjaṃ te dassāmi”ti vatvā sannipatite bhikkhusaṅghe upasampādetvā attano vasanaṭṭhānameva agamāsīti. Ayaṃ **turitacārikā** nāma. Yaṃ pana gāmanigamaṃ paṭipāṭiyā devasikaṃ yojanaḍḍivoyojanasena piṇḍapātacariyādīhi lokaṃ anuggaṇhantaṃ gamaṃ, ayaṃ **aturitacārikā** nāma.

Imaṃ pana cārikaṃ caranto bhagavā mahāmaṇḍalaṃ, majjhimaṇḍalaṃ, antomaṇḍalanti imesaṃ tiṇṇaṃ maṇḍalānaṃ aññatarasmiṃ carati. Tattha mahāmaṇḍalaṃ navayojanasatikaṃ, majjhimaṇḍalaṃ chayojanasatikaṃ, antomaṇḍalaṃ tiyojanasatikaṃ. Yadā mahāmaṇḍale cārikaṃ caritukāmo hoti, mahāpavāraṇāya pavāretvā pāṭipadadivase mahābhikkhusaṅghaparivāro nikkhamati. Samantā yojanasatam ekakolāhalaṃ hoti. Purimaṃ purimaṃ āgatā nimantetuṃ labhanti. Itaresu dvīsu maṇḍalesu sakkāro mahāmaṇḍale osarati. Tattha bhagavā tesu tesu gāmanigamesu ekāhaṃ dvīhaṃ vasanto mahājanaṃ āmisappaṭiggahena anuggaṇhanto dhammadānena cassa vivaṭṭasannissitaṃ kusalam vaḍḍhento navahi māsehi cārikaṃ pariyosāpeti. Sace pana antovasse bhikkhūnaṃ samathavipassanā taruṇā honti, mahāpavāraṇāya apavāretvā pavāraṇāsāṅghaṃ datvā kattikapuṇṇamāyaṃ pavāretvā migasirassa paṭhamapaṭipadadivase mahābhikkhusaṅghaparivāro nikkhamitvā majjhimaṇḍale osarati. Aññenapi kāraṇena majjhimaṇḍale cārikaṃ caritukāmo catumāsam vasitvāva nikkhamati. Vuttanayeneva itaresu dvīsu maṇḍalesu sakkāro majjhimaṇḍale osarati. Bhagavā purimanayeneva lokaṃ anuggaṇhanto aṭṭhahi

māsehi cārikaṃ pariyosāpeti. Sace pana catumāsam vutthavassassāpi bhagavato veneyyasattā aparipakkindriyā honti, tesam indriyaparipākaṃ āgamayamāno aparampi ekamāsam vā dviticutumāsam vā tattheva vasitvā mahābhikkhusaṅghaparivāro nikkhamati. Vuttanayeneva itaresu dvīsu maṇḍalesu sakkāro antomaṇḍale osarati. Bhagavā purimanayeneva lokam anuggaṇhanto sattahi vā chahi vā pañcahi vā catūhi vā māsehi cārikaṃ pariyosāpeti. Iti imesu tīsu maṇḍalesu yattha kattācī cārikaṃ caranto na cīvarādihetu carati. Atha kho ye duggatabalajīṇṇabyādhitā, te kadā tathāgataṃ āgantvā passisanti. Mayi pana cārikaṃ carante mahājano tathāgataṃ dassanaṃ labhissati. Tattha keci cittāni pasādessanti, keci māladīhi pūjessanti, keci kaṭacchubbhikkham dassanti, keci micchādassanaṃ pahāya sammādiṭṭhikā bhavissanti. Taṃ nesam bhavissati dīgharattaṃ hitāya sukhāyāti. Evaṃ lokānukampakāya cārikaṃ carati.

Api ca catūhi kāraṇehi buddhā bhagavanto cārikaṃ caranti, jaṅghavīhāravasena sarīraphāsukatthāya, atthupattikālābhikaṅkhanatthāya, bhikkhūnaṃ sikkhāpadapaññāpanatthāya, tattha tattha paripākatindriye bodhaneyyasatte bodhanatthāyāti. Aparehipi catūhi kāraṇehi buddhā bhagavanto cārikaṃ caranti buddham saraṇaṃ gacchissantīti vā, dhammaṃ, saṅghaṃ saraṇaṃ gacchissantīti vā, mahatā dhammavassena catasso parisā santappessāmīti vā. Aparehipi pañcahi kāraṇehi buddhā bhagavanto cārikaṃ caranti pañātipātā viramissantīti vā, adinnādānā, kāmesumicchācārā, musāvādā, surāmerayamajjapamādatṭhānā viramissantīti vā. Aparehipi aṭṭhahi kāraṇehi buddhā bhagavanto cārikaṃ caranti – paṭhamaṃ jhānaṃ paṭilabhissantīti vā, dutiyaṃ jhānaṃ...pe... nevasaññānāsaññāyatanaṃ apattiṃ paṭilabhissantīti vā. Aparehipi aṭṭhahi kāraṇehi buddhā bhagavanto cārikaṃ caranti – sotāpattimaggaṃ adhigamissantīti vā, sotāpattiphalaṃ...pe... arahattaphalaṃ sacchikarissantīti vāti. Ayaṃ aturita cārikā, idha cārikāti adhippetā. Sā panesā duvidhā hoti – anibaddhacārikā ca nibaddhacārikā ca. Tattha yaṃ gāmanigamanagara paṭipāṭivasena carati, ayaṃ anibaddhacārikā nāma. Yaṃ panekasseva bodhaneyyasattasatthāya gacchati, ayaṃ nibaddhacārikā nāma. Esā idha adhippetā.

Tadā kira bhagavato pacchima yāmakiccapariyosāne dasasahasilokadhātuyā nāñajālaṃ pattharivā bodhaneyyabandhave oloketassa pokkharasātībrāhmaṇo sabbaññūtaññāñajālassa anto pavīṭṭho. Atha bhagavā ayaṃ brāhmaṇo mayhaṃ nāñajāle paññāyati, “atthi nu khvassa upanissayo” ti vīmaṃsanto sotāpattimaggassa upanissayaṃ disvā – “eso mayi etaṃ janapadaṃ gate lakkhaṇapariyesanattaṃ ambaṭṭhaṃ antevāsīṃ paṇiṇissati, so mayā saddhiṃ vādapaṭivādaṃ katvā nānappakāraṃ asabbhivākyam vakkhati, tamahaṃ dametvā nibbisevanaṃ karissāmi. So ācariyassa kathessati, athassācariyo taṃ kathaṃ sutvā āgamma mama lakkhaṇāni pariyesissati, tassāhaṃ dhammaṃ desessāmi. So desanāpariyosāne sotāpattiphale paṭiṭṭhahissati. Desanā mahājanassa saphalā bhavissati” ti pañcabhikkhusataparivāro taṃ janapadaṃ paṭipanno. Tena vuttaṃ – “kosalesu cārikaṃ caramāno mahatā bhikkhusaṅghena saddhiṃ pañcamattehi bhikkhusatehī” ti.

**Yena icchānaṅgalanti** yena disābhāgena icchānaṅgalaṃ avasaritabbaṃ. Yasmiṃ vā padese icchānaṅgalaṃ. Ijjhānaṅgalantipi paṭṭho. **Tadavasari** ti tena avasari, taṃ vā avasari. Tena disābhāgena gato, taṃ vā padesaṃ gatoti attho. **Ichchānaṅgale viharati icchānaṅgalavanasaṇḍeti** icchānaṅgalaṃ upanissāya icchānaṅgalavanasaṇḍe sīlakhandhāvāraṃ bandhitvā samādhikontaṃ ussāpetvā sabbaññūtaññānasaraṃ parivattayamāno dhammarājā yathābhīrucitena vihārena viharati.

### Pokkharasātīvatthuvaṇṇanā

**255. Tena kho pana samayenāti** yena samayena bhagavā tattha viharati, tena samayena, tasmīṃ samayeti ayamattho. Brahmaṃ aṇatīti **brāhmaṇo**, mante sajjhāyatīti attho. Idameva hi jātibrahmaṇānaṃ niruttivacanaṃ. Ariyā pana bāhitapāpattā brāhmaṇāti vuccanti. **Pokkharasātīti** idaṃ tassa nāmaṃ. Kasmā pokkharasātīti vuccati. Tassa kira kāyo setapokkharasadiso, devanagare ussāpitarajataṭṭhānaṃ viya sobhati. Sīsaṃ panassa kālavaṇṇaṃ indanīlamanimayaṃ viya. Massupī candamaṇḍale kāḷamegharājī viya khāyati. Akkhīni nīluppasādisāni. Nāsā rajatapanālikā viya suvaṭṭitā suparisuddhā. Hatthapādatalāni ceva mukhadvāraṇca katalākhārasaparikkamaṃ viya sobhati, ativiya sobhaggappatto brāhmaṇassa attabhāvo. Arājake ṭhāne rājānaṃ kātuṃ yuttamimaṃ brāhmaṇaṃ. Evamesa sassiriko. Iti naṃ pokkharasadisattā pokkharasātīti sañjānanti.

Ayaṃ pana kassapasammāsambuddhakāle tiṇṇaṃ vedānaṃ pāragū dasabalassa dānaṃ datvā dhammadesanaṃ sutvā devaloke nibbatti. So tato manussalokamāgacchanto mātukucchivāsaṃ jigucchitvā himavantapadese mahāsare padumagabbhe nibbatti. Tassa ca sarassa avidūre tāpaso paṇṇasālāya vasati. So tīre t̥hito taṃ padumaṃ disvā – “idaṃ padumaṃ avasesapadumehi mahantataraṃ. Pupphitaḥkāle naṃ gahessāmī”ti cintesi. Taṃ sattāhenāpi na pupphati. Tāpaso kasmā nu kho idaṃ sattāhenāpi na pupphati. Handa naṃ gahessāmīti otarivā gaṇhi. Taṃ tena nāḷato chinnamattaṃyeva pupphitaṃ. Athassabbhantare suvaṇṇacuṇṇapīṇjaraṃ viya rajatabimbakaṃ padumareṇupīṇjaraṃ setavaṇṇaṃ dāraḥkaṃ addasa. So mahāpuṇṇo esa bhavissati. Handa naṃ paṭijaggāmīti paṇṇasālaṃ netvā paṭijaggitvā sattavassakālato paṭṭhāya tayo vede uggaṇhāpesi. Dāraḥko tiṇṇaṃ vedānaṃ pāraṃ gantvā paṇḍito byatto jambudīpe aggabrāhmaṇo ahoṣi. So aparena samayena rañño kosalassa sippaṃ dassesi. Athassa sippe pasanno rājā ukkaṭṭhaṃ nāma mahānagaraṃ brahmadeyyaṃ adāsi. Iti naṃ pokkhare sayitattā pokkharasātīti sañjānanti.

**Ukkaṭṭhaṃ ajjhāvasatīti** ukkaṭṭhanāmake nagare vasati. Abhibhavitvā vā āvasati. Tassa nagarassa sāmiko hutvā yāya mariyādāya tattha vasitabbaṃ, tāya mariyādāya vasi. Tassa kira nagarassa vatthuṃ ukkā t̥hapetvā ukkāsu jalamānāsu aggahesum, tasmā taṃ ukkaṭṭhanti vuccati. Okkaṭṭhantipi pāṭho, soyevattho. Upasaggavasena panettha bhummatthe upayogavacanaṃ veditabbaṃ. Tassa anupayogattā ca sesapadesu. Tattha lakkhaṇaṃ saddasatthato pariyesitabbaṃ.

**Sattussadanti** sattehi ussadaṃ, ussannaṃ bahujanaṃ ākiṇṇamanussaṃ. Posāvaniyahatthiassamoramiḡādiānekasattasamākiṇṇaṇcāti attho. Yasmā panetaṃ nagaraṃ bahi āvijjhivā jātena hatthiassādīnaṃ ghāsatiṇena ceva gehacchādanatiṇena ca sampannaṃ. Tathā dārukaṭṭhehi ceva gehasambhāraḥkaṭṭhehi ca. Yasmā cassabbhantare vaṭṭacaturassādisaṇṭhānā bahū pokkharāṇiyo jalajakusumavicittāni ca bahūni anekāni taḷākāni udakassa niccabharitāneva honti, tasmā **satiṇakaṭṭhodakanti** vuttaṃ. Saha dhañṇenāti **sadhañṇaṃ** pubbaṇṇāparaṇṇādibhedāṃ bahudhañṇasannicayanti attho. Ettāvataṃ yasmim nagare brāhmaṇo setacchattaṃ ussāpetvā rājālīlāya vasati, tassa samiddhisampatti dīpitā hoti.

Rājato laddhaṃ bhoggaṃ **rājabhoggaṃ**. Kena dinnanti ce? Raññā pasenadinā kosalena dinnāṃ. **Rājadāyanti** rañño dāyabhūtaṃ, dāyajjanti attho. **Brahmadeyyanti** seṭṭhadeyyaṃ, chattaṃ ussāpetvā rājasaṅkhepena bhuñjitabanti attho. Atha vā **rājabhogganti** sabbaṃ chejjabhejjaṃ anusāsantena nadītithapabbatādīsu suṅkaṃ gaṇhantena setacchattaṃ ussāpetvā raññā hutvā bhuñjitabbaṃ. Raññā pasenadinā kosalena dinnāṃ rājadāyanti ettha taṃ nagaraṃ raññā dinnattā **rājadāyaṃ** dāyakarājadīpanatthaṃ panassa “**raññā pasenadinā kosalena dinna**”nti idaṃ vuttaṃ. **Brahmadeyyanti** seṭṭhadeyyaṃ. Yathā dinnāṃ na puna gahetabbaṃ hoti, nissatṭhaṃ pariccattaṃ. Evaṃ dinnanti attho.

**Assosīti** suṇi upalabhi, sotadvārasampattavacananigghosānusārena aññāsi. **Khoti** avadhāraṇatthe padapūraṇamatte vā nipāto. Tattha avadhāraṇatthena assosi eva, nāssa koci savanantarāyo ahoṣīti ayamattho veditabbo. Padapūraṇena pana padabyañjanasilīṭṭhatāmatameva.

Idāni yamatthaṃ brāhmaṇo pokkharasāti assosi, taṃ pakāsento – “samaṇo khalu bho gotamo”tiādimāha. Tattha samitapāpattā **samaṇoti** veditabbo. Vuttañhetāṃ – “samtāssa honti pāpakā akusalā dhammā”tiādi (ma. ni. 1.434). Bhagavā ca anuttarena ariyamaggena samitapāpo. Tenassa yathābhūtaguṇādhigatametaṃ nāmaṃ, yadidaṃ samaṇoti. **Khalūti** anussavanatthe nipāto. **Bhoti** brāhmaṇajātisamudāgataṃ ālapanamattaṃ. Vuttampi cetāṃ – “bhovādī nāma so hoti, sace hoti sakiṇcano”ti (dha. pa. 55). **Gotamoti** bhagavantaṃ gottavasena parikitteti. Tasmā samaṇo khalu bho gotamoti ettha samaṇo kira bho gotamagottoti evamattho daṭṭhabbo.

**Sakyaputtoti** idaṃ pana bhagavato uccākulaparidīpanaṃ. **Sakyakulā pabbajitoti** saddhāpabbajitabhāvaridīpanaṃ. Kenaci pārījuñṇena anabhībhūto aparikkhīṇaṃyeva taṃ kulaṃ pahāya saddhāya pabbajitoti vuttaṃ hoti. Tato paraṃ vuttatthameva. **Taṃ kho panāti**tiādi sāmāññaphale vuttameva. **Sādhu kho panāti** sundaraṃ kho pana. Atthāvahaṃ sukhāvahanti vuttaṃ hoti. **Tathārūpānaṃ arahatanti** yathārūpo so bhavaṃ gotamo, evarūpānaṃ yathābhūtaguṇādhigamena loke arahantoti laddhasaddhānaṃ arahataṃ. **Dassanaṃ hotīti** pasādasommāni akkhīni ummīletvā dassanamattampi sādhu hotīti, evaṃ

ajjhāsayaṃ katvā.

### Ambaṭṭhamāṇavakathā

**256. Ajjhāyakoti** idaṃ – “na dānime jhāyanti, na dānime jhāyantīti kho, vāseṭṭha, ajjhāyakā ajjhāyakā tveva tatiyaṃ akkharaṃ upanibbatta”nti, evaṃ paṭhamakappikakāle jhānavirahitānaṃ brāhmaṇānaṃ garahavacanaṃ. Idāni pana taṃ ajjhāyatīti ajjhāyako. Mante parivattetīti iminā atthena pasamsāvacaṇaṃ katvā voharanti. Mante dhāretīti **mantadharo**.

**Tiṇṇaṃ vedānanti** iruvedaya juvedasāmavedānaṃ. Oṭṭhapahata karaṇavasena pāraṃ gatoti **pāragū**. Saha nighaṇḍunā ca keṭubhena ca **sanighaṇḍukeṭubhānaṃ**. **Nighaṇḍūti** nighaṇḍurukkhadānaṃ vevacana pakāsakaṃ satthaṃ. **Keṭubhanti** kiriyākappavikappo kavīnaṃ upakāravahaṃ satthaṃ. Saha akkharappabhedena **sākkharappabhedānaṃ**. **Akkharappabhedoti** sikkhā ca nirutti ca. **Itihāsapañcamānanti** āthabbaṇavedaṃ catutthaṃ katvā itiha āsa, itiha āsāti īdisavacana paṭisaṃyutto purāṇakathāsankhāto itihāso pañcama etesanti itihāsapañcamā, tesam itihāsapañcamānaṃ vedānaṃ.

Padam tadavasesaṇca byākaraṇaṃ adhīyati vedeti cāti **padako veyyākaraṇo**. Lokāyataṃ vuccati vitaṇḍavādasatthaṃ. **Mahāpurisalakkhaṇanti** mahāpurisānaṃ buddhadānaṃ lakkhaṇadīpakam dvādasasahassaganthapamānaṃ satthaṃ. Yatha soḷasasahassagāthāparimāṇā buddhamantā nāma ahesuṃ, yesaṃ vasena iminā lakkhaṇena samannāgatā buddhā nāma honti, iminā paccekabuddhā, iminā dve aggasāvakā, asīti mahāsāvakā, buddhamatā, buddhapitā, aggupatṭhāko, aggupatṭhāyikā, rājā cakkavattīti ayaṃ viseso paññāyati.

**Anavayoti** imesu lokāyatamahāpurisalakkhaṇesu anūno paripūrakārī, avayo na hotīti vuttaṃ hoti. Avayo nāma yo tāni atthato ca ganthato ca sandhāretuṃ na sakkoti. **Anuññāta paṭiññātoti** anuññāto ceva paṭiññāto ca. Ācariyenassa “yaṃ ahaṃ jānāmi, taṃ tvam jānāsī”tiādinaṃ anuññāto. “Āma ācariyā”ti attanā tassa paṭivacana dāna paṭiññāya paṭiññātoti attho. Katarasmim adhikāre? Sake ācariyake tevijjake pāvacane. Esa kira brāhmaṇo cintesi “imasmiṃ loke ‘ahaṃ buddho, ahaṃ buddho’ti uggatassa nāmaṃ gahetvā bahū janā vicaranti. Tasmā na me anussavamatteneva upasaṅkamituṃ yuttaṃ. Ekaccañhi upasaṅkamantassa apakkamanampi garu hoti, anatt hopi uppajjati. Yaṃnūnāhaṃ mama antevāsikaṃ pesetvā – ‘buddho vā, no vā’ti jānitvāva upasaṅkameyya”nti, tasmā māṇavaṃ āmantetvā ayaṃ tātātiādīmāha.

**257. Taṃ bhavantanti** tassa bhoto gotamassa. **Tathā santam yevāti** tathā satoyeva. Idhāpi hi itthambhūtākyānatthavaseneva upayogavacanaṃ.

**258. Yathā kathaṃ panāhaṃ, bho, tanti** ettha kathaṃ panāhaṃ bho taṃ bhavantaṃ gotamaṃ jānissāmi, yathā sakkā so ñātuṃ, tathā me ācikkhāhīti attho. **Yathāti** vā nipātamattamevetam. **Kathanti** ayaṃ ākārapucchā. Kenākārenāhaṃ taṃ bhavantaṃ gotamaṃ jānissāmīti attho. Evaṃ vutte kira naṃ upajjhāyo “kiṃ tvam, tāta, pathaviyaṃ ṭhito, pathaviṃ na passāmīti viya; candimasūriyaṇaṃ obhāse ṭhito, candimasūriye na passāmīti viya vadasī”tiādini vatvā jānanākāraṃ dassento āgatāni kho, tātātiādīmāha.

Tattha **mantesūti** vedesu. Tathāgato kira uppajjissatīti paṭikacceva suddhāvāsā devā vedesu lakkhaṇāni pakkhipitvā buddhamantā nāmeteti brāhmaṇaveseneva vede vācenti. Tadanusārena mahesakkhā sattā tathāgataṃ jānissantīti. Tena pubbe vedesu mahāpurisalakkhaṇāni āgacchanti. Parinibbute pana tathāgate anukkamena antaradhāyanti. Tenetarahi natthīti. **Mahāpurisassāti** paṇidhisamādānañākaruṇādiguṇamahato purisassa. **Dveyeva gatiyoti** dveyeva niṭṭhā. Kāmañcāyaṃ gatisaddo “pañca kho imā, sārīputta, gatiyo”tiādīsu (ma. ni. 1.153) bhavabhede vattati. “Gati migānaṃ pavana”ntiādīsu (pari. 399) nivāsaṭṭhāne. “Evaṃ adhimattagatimanto”tiādīsu paññāyaṃ. “Gatigata”ntiādīsu viṣaṭabhāve. Idha pana niṭṭhāyaṃ vattatīti veditabbo.

Tattha kiñcāpi yehi lakkhaṇehi samannāgato rājā cakkavattī hoti, na teheva buddho hoti; jātisāmaññāto pana tāniyeva tānīti vuccanti. Tena vuttaṃ – “yehi samannāgatassā”ti. **Sace agāraṃ ajjhāvasatīti** yadi agāre vasati. **Rājā hoti cakkavattīti** catūhi acchariyadhammehi, saṅgahavattūhi ca lokaṃ rañjanato rājā,

cakkaratanam vatteti, catūhi sampatticakkehi vattati, tehi ca param vatteti, parahitāya ca iriyāpathacakkānam vatto etasmim atthīti cakkavattī. Ettha ca rājāti sāmāññam. Cakkavattīti visesam. Dhammena caratīti **dhammiko**. Nāyena samena vattatīti attho. Dhammena rajjam labhivā rājā jātoti **dhammarājā**. Parahitadhammakaraṇena vā **dhammiko**. Attahitadhammakaraṇena **dhammarājā**. Caturantāya issaroti **cāturanto**, catusamuddantāya, catubbidhadīpavibhūsitāya pathaviyā issaroti attho. Ajjhataṃ kopādipaccatthike bahiddhā ca sabbarājāno vijetīti **vijitāvī**. **Janapadathāvariyaṃ** janapade dhuvabhāvaṃ thāvarabhāvaṃ patto, na sakkā kenaci cāletum. Janapado vā tamhi thāvariyaṃ anuyutto sakammanirato acalo asampavedhīti janapadathāvariyaṃ.

**Seyyathidanti** nipāto, tassa cetāni katamānīti attho. **Cakkaratananti**ādīsu cakkāñca, taṃ ratijananatthēna ratanañcāti cakkaratanam. Esa nayo sabbattha. Imesu pana ratanesu ayam cakkavattirājā cakkaratanena ajitam jināti, hatthiassaratanehi vijite yathāsukham anucarati, pariṇāyakaratanena vijitamanurakkhati, avasesehi upabhogasukhamanubhavati. Paṭhamena cassa ussāhasattiyogo, pacchimena mantasattiyogo, hatthiassagahapatiratanehi pabhusattiyogo superipuṇṇo hoti, itthimaṇiratanehi tividhasattiyogaphalam. So itthimaṇiratanehi bhogasukhamanubhavati, sesehi issariyasukham. Visesato cassa purimāni tīṇi adosakusalamūlajanitakammānubhāvena sampajjanti, majjhimāni alobhakusalamūlajanitakammānubhāvena, pacchimamekaṃ amohakusalamūlajanitakammānubhāvenāti veditabbaṃ. Ayamettha saṅkhepo. Vitthāro pana bojjhaṅgasamyutte ratanasuttassa upadesato gahetabbo.

**Parosahassanti** atirekasahassaṃ. **Sūrāti** abhīrukajātikā. **Vīraṅgarūpāti** devaputtasadisakāyā. Evaṃ tāva eke vaṇṇayanti. Ayam panettha sabbhāvo. **Vīrāti** uttamasūrā vuccanti, vīraṇam aṅgam vīraṅgam, vīrakāraṇam vīriyanti vuttaṃ hoti. Vīraṅgarūpaṃ etesanti **vīraṅgarūpā**, vīriyamayasarīrā viyāti vuttaṃ hoti. **Parasenappamaddanāti** sace paṭimukham tiṭṭheyya parasenā taṃ parimadditum samatthāti adhippāyo. **Dhammenāti** “pāṇo na hantabbo”tiādīnā pañcasīladhammena. **Arahaṃ hoti sammāsambuddho loke vivaṭṭacchadoti** ettha rāgadosamohamānadiṭṭhiavijjāduccaritachadanehi sattahi paṭicchanne kilesandhakāre loke taṃ chadanam vivaṭṭetvā samantato sañjātāloko hutvā tṭhoti vivaṭṭacchado. Tattha paṭhamena padena pūjārahātā. Dutiyaena tassā hetu, yasmā sammāsambuddhoti, tatiyena buddhattahetubhūtā vivaṭṭacchadatā vuttāti veditabbā. Atha vā vivaṭṭo ca vicchado cāti vivaṭṭacchado, vaṭṭarahito chadanarahito cāti vuttaṃ hoti. Tena arahaṃ vaṭṭābhāvena, sammāsambuddho chadanābhāvenāti evaṃ purimapadadvayasseva hetudvayam vuttaṃ hoti, dutiyaena vesārajjena cettha purimasiddhi, paṭhamena dūtiyasiddhi, tatiyacatutthehi tatiyasiddhi hoti. Purimañca dhammacakkhum, dūtiyam buddhacakkhum, tatiyam samantacakkhum sādhetīti veditabbaṃ. **Tvaṃ mantānam paṭiggahetāti** iminā’ssa mantesu sūrabhāvaṃ janeti.

**259.** Sopi tāya ācariyakathāya lakkhaṇesu vigatasammoho ekobhāsajāte viya buddhamante sampassamāno **evaṃ bhoti** āha. Tassattho – ‘yathā, bho, tvaṃ vadasi, evaṃ karissāmī’ti. **Valāvārathamārūyhatī** valāvāyuttaṃ ratham abhirūhitvā. Brāhmaṇo kira yena rathena sayam vicarati, tameva ratham datvā māṇavaṃ pesesi. Māṇavāpi pokkharasātisseva antevāsikā. So kira tesam – ‘ambatthēna saddhim gacchathā’ti saññam adāsi.

**Yāvatikā yānassa bhūmīti** yattakaṃ sakkā hoti yānena gantum, ayam yānassa bhūmi nāma. **Yānā paccorohitvāti** ayānabhūmim, dvārakoṭṭhakasamīpaṃ gantvā yānato paṭiorohitvā.

**Tena kho pana samayenāti** yasmim samaye ambaṭṭho āraṃam pāvisi. Tasmim pana samaye, tṭhitamajjhanhikasamaye. Kasmā pana tasmim samaye caṅkamantīti? Paṇītabhojanapaccayassa thinamiddhassa vinodanattaṃ, divāpadhānikā vā te. Tādisānañhi pacchābhattaṃ caṅkamitvā nhāyitvā sarīraṃ utum gāhāpetvā nisajja samaṇadhammaṃ karontānaṃ cittaṃ ekaggaṃ hoti. **Yena te bhikkhūti** so kira – ‘kuhim samaṇo gotamo’ti pariveṇato pariveṇam anāgantvā ‘pucchitvāva pavisissāmī’ti vilokento araññahatthī viya mahācaṅkame caṅkamamāne paṃsukūlike bhikkhū disvā tesam santikaṃ agamāsi. Taṃ sandhāya **yena te bhikkhūti**ādī vuttaṃ. **Dassanāyāti** daṭṭhum, passitukāmā hutvāti attho.

**260.** **Abhiññātakolaññoti** pākāṭakulajo. Tadā kira jambudīpe ambaṭṭhakulaṃ nāma pākāṭakulamahosi. **Abhiññātasāti** rūpajātimantakulāpadesehi pākāṭassa. **Agarūti** abhāriko. Yo hi ambaṭṭhaṃ nāpetum na sakkuṇeyya, tassa tena saddhim kathāsallāpo garu bhaveyya. Bhagavato pana tādisānaṃ māṇavaṇam



satenāpi sahasenāpi pañhaṃ puṭṭhassa vissajjane dandhāyitattaṃ natthīti maññamānā – “agaru kho panā”ti cintayimṃsu. **Vihāroti** gandhakuṭim sandhāya āhaṃsu.

**Ataramānoti** aturito, saṅikaṃ padappamāṇaṭṭhāne padaṃ nikkhipanto vattaṃ katvā susammaṭṭhaṃ muttādalasinduvārasantharasadisam vālikaṃ avināsentoti attho. **Āḷindanti** pamukhaṃ. **Ukkāsivāti** ukkāsitāsaddaṃ katvā. **Aggaḷanti** dvārakavāṭaṃ. **Ākoṭehīti** agganakhehi saṅikaṃ kuñcikasiddhasamāpe ākoṭehīti vuttaṃ hoti. Dvāraṃ kira atiupari amanussā, atihetṭhā dīghajātikā koṭenti. Tathā anākoṭetvā majjhe chiddasamāpe koṭetabbanti idaṃ dvārakoṭanavattanti dīpentā vadanti.

**261. Vivari bhagavā dvāranti** na bhagavā utṭhāya dvāraṃ vivari. Vivariyatūti pana hatthaṃ pasāresi. Tato “bhagavā tumhehi anekāsu kappakoṭisu dānaṃ dadamānehi na sahatthā dvāravivaraṇakammaṃ kata”nti sayameva dvāraṃ vivaṭaṃ. Taṃ pana yasmā bhagavato manena vivaṭaṃ, tasmā vivari bhagavā dvāranti vattuṃ vaṭṭati.

**Bhagavatā saddhiṃ sammodiṃsūti** yathā khamanīyādīni pucchanto bhagavā tehi, evaṃ tepi bhagavatā saddhiṃ samappavattamodā ahesuṃ. Sītodakaṃ viya uṇhodakena sammoditaṃ ekībhāvaṃ agamaṃsu. Yāya ca “kacci, bho gotama, khamanīyaṃ; kacci yāpanīyaṃ, kacci bho ca gotamassa sāvakānañca appābādhaṃ, appātākaṃ, lahuṭṭhānaṃ, balaṃ, phāsuvihāro”tiādikāya kathāya sammodiṃsu, taṃ pītipāmojjasaṅkhātasammodajananato sammodituṃ yuttabhāvato ca sammodanīyaṃ, atthabyañjanamadhuratāya sucirampi kālaṃ sāretuṃ nirantaraṃ pavattetuṃ arahabhāvato saritabbabhāvato ca sārāṇīyaṃ. Suyyamanāsukhato sammodanīyaṃ, anussariyamānasukhato ca sārāṇīyaṃ. Tathā byañjanaparissuddhatāya sammodanīyaṃ, atthaparissuddhatāya sārāṇīyaṃ. Evaṃ anekehi pariyāyehi sammodanīyaṃ kathaṃ sārāṇīyaṃ vītisāretvā pariyosāpetvā niṭṭhapetvā ekamantaṃ nisīdiṃsu.

**Ambaṭṭho pana māṇavoti** so kira bhagavato rūpasampattiyaṃ cittappasādamattampi akatvā “dasabalaṃ apasādessāmī”ti udare baddhasāṭakaṃ muñcitvā kaṇṭhe olambetvā ekena hatthena dussakaṇṇaṃ gahetvā caṅkamaṃ abhirūhitvā kālena bāhuṃ, kālena udaraṃ, kālena piṭṭhiṃ dassento, kālena hatthavikāraṃ, kālena bhamukavikāraṃ karonto, “kacci te bho, gotama, dhātusamatā, kacci bhikkhāhārena na kilamatha, akilamathākāroyeva pana te paññāyati; thūlāni hi te aṅgapaccaṅgāni, pāsādikattha gatagataṭṭhāne. ‘te bahujaṇā rājababbajitoti ca buddho’ti ca uppannabahumānā paṇītaṃ ojavantamāhāraṃ denti. Passatha, bho, gehaṃ, cittaśālā viya, dibbapāsādo viya. Imaṃ mañcaṃ passatha, bimbohanaṃ passatha, kiṃ evarūpe ṭhāne vasantassa samaṇadhammaṃ kātuṃ dukkara”nti evarūpaṃ uppaṇḍanakathaṃ anācārabhāvasārāṇīyaṃ katheti, tena vuttaṃ – “ambaṭṭho pana māṇavo caṅkamantopi nisinnena bhagavatā kiñci kiñci kathaṃ sārāṇīyaṃ vītisāreti, ṭhitopi nisinnena bhagavatā kiñci kiñci kathaṃ sārāṇīyaṃ vītisāreti”ti.

**262. Atha kho bhagavāti** atha bhagavā – “ayaṃ māṇavo hatthaṃ pasāretvā bhavaggaṃ gahetukāmo viya, pādaṃ pasāretvā avīciṃ vicaritukāmo viya, mahāsamuddaṃ taritukāmo viya, sineruṃ ārohitukāmo viya ca aṭṭhāne vāyamaṭi, handa, tena saddhiṃ mantemī”ti ambaṭṭhaṃ māṇavaṃ etadavoca. **Ācariyapācariyehīti** ācariyehi ca tesam ācariyehi ca.

### Paṭhamaibbhavādavaṇṇanā

**263. Gacchanto vāti** ettha kāmaṃ tīsu iriyāpathesu brāhmaṇo ācariyabrāhmaṇena saddhiṃ sallapitumarahati. Ayaṃ pana māṇavo mānathaddhatāya kathāsallāpaṃ karonto cattāropi iriyāpathe yojessāmīti “sayāno vā hi, bho gotama, sayānenā”ti āha.

Tato kira taṃ bhagavā – “ambaṭṭha, gacchantassa vā gacchantena, ṭhitassa vā ṭhitena, nisinnassa vā nisinnenācariyena saddhiṃ kathā nāma sabbācariyesu labbhati. Tvaṃ pana sayāno sayānenācariyena saddhiṃ kathesi, kiṃ te ācariyo gorūpaṃ, udāhu tva”nti āha. So kujjhitvā – “ye ca kho te, bho gotama, muṇḍakā”tiādīmāha. Tattha muṇḍe muṇḍāti samaṇe ca samaṇāti vattuṃ vaṭṭeyya. Ayaṃ pana hīlento muṇḍakā samaṇakāti āha. **Ibbhāti** gahapatikā. **Kaṇhāti** kaṇhā, kālakāti attho. **Bandhupādāpaccāti** ettha bandhūti brahmā adhippeto. Tañhi brāhmaṇā pitāmahoti voharanti. Pādānaṃ apaccā pādāpaccā, brahmuno

piṭṭhipādato jātāti adhippāyo. Tassa kira ayaṃ laddhi – brāhmaṇā brahmuno mukhato nikkhantā, khattiyā urato, vessā nābhito, suddā jāṇuto, samaṇā piṭṭhipādato. Evaṃ kathento ca panesa kiñcāpi aniyamtvā katheti. Atha kho bhagavantameva vadāmīti katheti.

Atha kho bhagavā – “ayaṃ ambaṭṭho āgatakālato paṭṭhāya mayā saddhiṃ kathayamāno mānameva nissāya kathesi, āsīvisam gīvāyaṃ gaṇhanto viya, aggikkhandham ālīnganto viya, mattavāraṇam soṇḍāya parāmasanto viya, attano pamāṇam na jānāti. Handa naṃ jānāpessāmī”ti cintevā “atthikavato kho pana te, ambaṭṭhā”tiādīmāha. Tattha āgantvā kattabbakiccasaṅkhāto attho, etassa atthīti atthikam, tassa māṇavassa cittaṃ. Atthikamassa atthīti atthikavā, tassa atthikavato tava idhāgamaṇam ahosīti attho.

**Kho panāti** nipātamattaṃ. **Yāyeva kho panatthāyāti** yeneva kho panatthena. **Āgaccheyyāthāti** mama vā aññesaṃ vā santikaṃ yadā kadāci āgaccheyyātha. **Tameva atthanti** idaṃ purisalingavaseneva vuttaṃ. **Manasi kareyyāthāti** citte kareyyātha. Idaṃ vuttaṃ hoti – tvaṃ ācariyena attano karaṇīyena pesito, na amhākaṃ paribhavanatthāya, tasmā tameva kiccaṃ manasi karohīti. Evamassa aññesaṃ santikaṃ āgatānaṃ vattaṃ dassetvā mānaniggaṇhanattham “avusitavāyeva kho panā”tiādīmāha. Tassattho passatha bho ayaṃ ambaṭṭho māṇavo ācariyakule avusitavā asikkhito appassutova samāno. **Vusitamānīti** “ahaṃ vusitavā sikkhito bahussuto”ti attānaṃ maññati. Etassa hi evaṃ pharusavacanasamudācāre kāraṇam kimaññātra avusitattāti ācariyakule asaṃvuddhā asikkhitā appassutāyeva hi evaṃ vadantīti.

**264. Kupitoti** kuddho. **Anattamanoti** asakamano, kiṃ pana bhagavā tassa kujjhanabhāvaṃ ñatvā evamāha udāhu añatvāti? Ñatvā āhāti. Kasmā ñatvā āhāti? Tassa mānanimmadanattham. Bhagavā hi aññāsi – “ayaṃ mayā evaṃ vutte kujjhivā mama ñātake akkosissati. Athassāhaṃ yathā nāma kusalo bhisakko dosaṃ uggiletvā nīharati, evameva gottena gottaṃ, kulāpadesena kulāpadesaṃ, utṭhāpetvā bhavaggappamāṇena viya utṭhitam mānaddhajaṃ mūle chetvā nipātesamī”ti. **Khumsetoti** ghaṭṭento. **Vambhentoti** hīlento. **Pāpito bhavissatīti** caṇḍabhāvādidosam pāpito bhavissati.

**Caṇḍāti** mānanissitakodhayuttā. **Pharusāti** kharā. **Lahusāti** lahukā. Appakeneva tussanti vā dussanti vā udakapiṭṭhe alābukaṭṭhaṃ viya appakeneva uplavanti. **Bhassāti** bahubhāṇino. Sakyānaṃ mukhe vivāṭe aññassa vacanokāso natthīti adhippāyeneva vadati. **Samānāti** idaṃ santāti purimapadassa vevacanaṃ. **Na sakkaronṭīti** na brāhmaṇānaṃ sundarenākārena karonti. **Na garuṃ karontīti** brāhmaṇesu gāvaṃ na karonti. **Na mānentīti** na manena piyāyanti. **Na pūjentīti** mālādīhi nesaṃ pūjaṃ na karonti. **Na apacāyantīti** abhivādanādīhi nesaṃ apacitikammaṃ nīcavuttiṃ na dassenti **tayidanti** taṃ idaṃ. **Yadime sakyāti** yaṃ ime sakyā na brāhmaṇe sakkaronṭī...pe... na apacāyanti, taṃ tesam asakkāraṇādī sabbam na yuttaṃ, nānulomanti attho.

### Dutiyaibbhavādavaṇṇanā

**265. Aparaddhanti** aparajjhimsu. **Ekamidāhanti** ettha idanti nipātamattaṃ. Ekaṃ ahanti attho. **Sandhāgaranti** rajjaanusāsanasālā. **Sakyāti** abhisittarājāno. **Sakyakumārāti** anabhisittā. **Uccesūti** yathānurūpesu pallaṅkapīṭhakavettāsanaphalakacittattharaṇādibhedesu. **Sañjagghantāti** uppaṇḍanavasena mahāhasitaṃ hasantā. **Samkīlantāti** hasitamatta karaṇaṅgulisaṅghaṭṭanapāṇippahāradānādīni karontā. **Mamaññeva maññeti** evamaṃ maññāmi, mamaññeva anuhasanti, na aññanti.

Kasmā pana te evamakamsūti? Te kira ambaṭṭhassa kulavaṃsaṃ jānanti. Ayañca tasmim samaye yāva pādantā olambetvā nivatthasātakassa ekena hatthena dussakaṇṇam gahetvā khandhatthikam nāmetvā mānamadena matto viya āgacchati. Tato – “passatha bho amhākaṃ dāsassa kaṇhāyanagottassa ambaṭṭhassa āgamanakāraṇa”nti vadantā evamakamsu. Sopi attano kulavaṃsaṃ jānāti. Tasmā “mamaññeva maññe”ti takkayittha.

**Āsanenāti** “idamāsanaṃ, ettha nisīdāhī”ti evaṃ āsanena nimantaṇam nāma hoti, tathā na koci akāsi.

### Tatiyaibbhavādavaṇṇanā

**266. Laṭukikāti** khettaledḍūnaṃ antarenivāsini khuddakasakuṇikā. **Kulāvaketi** nivāsanaṭṭhāne. **Kāmalāpinīti** yadicchakabhāṇinī, yaṃ yaṃ icchati taṃ taṃ lapati, na taṃ koci haṃso vā koṇco vā moro vā āgantvā “kiṃ tvam lapasī”ti nisedheti. **Abhisajjuntūti** kodhavasena laggitūṃ.

Evaṃ vutte māṇavo – “ayaṃ samaṇo gotamo attano ñātake laṭukikasadiṣe katvā amhe haṃsakoṇcamorasadiṣe karoti, nimmāno dāni jāto”ti maññamāno uttari cattāro vaṇṇe dasseti.

### Dāsiputtavādavaṇṇanā

**267. Nimmādetīti** nimmadeti nimmāne karoti. **Yaṃnūnāhanti** yadi panāhaṃ. “Kaṇhāyanohamasmi, bho gotamā”ti idaṃ kira vacanaṃ ambaṭṭho tikkhattuṃ mahāsaddena avoca. Kasmā avoca? Kiṃ asuddhabhāvaṃ na jānātīti? Ama jānāti. Jānantopi bhavaṇṇapaṭicchannametam kāraṇaṃ, taṃ anena na diṭṭhaṃ. Apassanto mahāsamaṇo kiṃ vakkhatīti maññamāno mānathaddhatāya avoca. **Mātāpettikanti** mātāpitūnaṃ santakaṃ. **Nāmagottanti** paṇṇattivasena nāmaṃ, paveṇīvasena gottam. **Anussaratoti** anussarantassa kulakoṭiṃ sodhentassa. **Ayyaputtāti** sāmīno puttā. **Dāsiputtoti** gharadāsiyāva putto. Tasmā yathā dāsena sāmīno upasaṅkamitabbā, evaṃ anupasaṅkamantaṃ taṃ disvā sakyā anujagghisūti dasseti.

Ito paraṃ tassa dāsabhāvaṃ sakyānaṅca sāmibhāvaṃ pakāsetvā attano ca ambaṭṭhassa ca kulavaṃsaṃ āharanto sakyā kho panātiādīmāha. Tattha **dahantīti** ṭhapenti, okkāko no pubbapurisoti, evaṃ karontīti attho. Tassa kira rañño kathanakāle ukkā viya mukhato pabhā niccharati, tasmā taṃ “okkāko”ti sañjānisūti. **Pabbājesīti** nīhari.

Idāni te nāmavasena dassento – “okkā mukha”ntiādīmāha. Tatrāyaṃ anupubbī kathā – paṭhamakappikānaṃ kira rañño mahāsammataṃ rojo nāma putto ahoṣi. Rojassa vararojo, vararojassa kalyāṇo, kalyāṇassa varakalyāṇo, varakalyāṇassa mandhātā, mandhātussa varamandhātā, varamandhātussa uposatho, uposathassa varo, varassa upavaro, upavarassa maghadevo, maghadevassa paramparāya caturāsītikhattiyasahassāni ahesuṃ. Tesam pacchato tayo okkākavaṃsā ahesuṃ. Tesu tatiyaokkākassa pañca mahesiyo ahesuṃ – hatthā, cittā, jantu, jālinī, visākhāti. Ekekissā pañcapañcaitthisataparivārā. Sabbajetṭhāya cattāro puttā – okkā mukho, karaṇḍu, hatthiniko, sinisūroti. Pañca dhītarō – piyā, suppiyā, ānandā, vijitā, vijitasenāti. Iti sā nava putte vijāyitvā kalamakāsi.

Atha rājā aññaṃ dahariṃ abhirūpaṃ rājadhītarāṃ ānetvā aggamahesitṭhāne ṭhapesi. Sā jantuṃ nāma puttaṃ vijāyī. Atha naṃ pañcamadivase alaṅkaritvā rañño dassesi. Rājā tuṭṭho tassā varaṃ adāsi. Sā ñātakehi saddhiṃ mantevā puttassa rajjaṃ yāci. Rājā – “nassa, vasali, mama puttānaṃ antarāyaṃ icchasi”ti tajjesi. Sā punappunaṃ raho rājānaṃ paritosevā – “mahārāja, musāvādo nāma na vaṭṭati”tiādīni vatvā yācetiyeva. Atha rājā putte āmantesi – “ahaṃ tātā, tumhākaṃ kaniṭṭhaṃ jantukumāraṃ disvā tassa mātuyā sahasā varaṃ adāsiṃ, sā puttassa rajjaṃ pariṇāmetuṃ icchati. Tumhe ṭhapetvā maṅgalahatthiṃ maṅgalaassaṃ maṅgalarathaṅca yattake icchatha, tattake hatthiassarathe gahetvā gacchatha. Mamaccayena āgantvā rajjaṃ kareyyāthā”ti, aṭṭhahi amaccehi saddhiṃ uyyojesi.

Te nānappakāraṃ roditvā kantiṭvā – “tāta, amhākaṃ dosaṃ khamathā”ti rājānaṅceva rājorodhe ca khamāpetvā, “mayampi bhātūhi saddhiṃ gacchāmā”ti rājānaṃ āpucchitvā nagarā nikkhantā bhaginiyo ādāya caturaṅginīyā senāya parivutā nagarā nikkhamiṃsu. “Kumārā pituaccayena āgantvā rajjaṃ kāressanti, gacchāma ne upaṭṭhahāmā”ti cintevā bahū manussā anubandhiṃsu. Paṭhamadivase yojanamattā senā ahoṣi, dutiye dviyojanamattā, tatiye tiyojanamattā. Kumārā mantayiṃsu – “mahā balakāyo, sace mayaṃ kañci sāmantarājānaṃ madditvā janapadaṃ gaṇheyyāma, sopi no nappasaheyya. Kiṃ paresaṃ pīlāya katāya, mahā ayaṃ jambudīpo, araṅṇe nagaraṃ māpessāmā”ti himavantābhīmukhā gantvā nagaravatthuṃ pariyesiṃsu.

Tasmiṅca samaye amhākaṃ bodhisatto brāhmaṇamahāsālakule nibbattitvā kapilabrāhmaṇo nāma hutvā nikkhamma isipabbajjaṃ pabbajitvā himavantapasse pokkharāṇiyā tīre sākavanasaṅḍe paṇṇasālaṃ māpetvā vasati. So kira bhummajālaṃ nāma vijjaṃ jānāti, yāya uddhaṃ asītihatthe ākāse, heṭṭhā ca bhūmiyampi guṇadosaṃ passati. Etasmiṃ padese tiṇagumbalātā dakkhiṇāvattā pācīnābhīmukhā jāyanti. Sīhabyagghādayo migasūkare sappabīlārā ca maṇḍūkamūsike anubandhamānā taṃ padesaṃ patvā na

sakkonti te anubandhitum. Tehi te aññadatthu santajjitā nivattantiyeva. So – “ayaṃ pathaviyā aggapadeso”ti ñatvā tattha attano paññasālaṃ māpesi.

Atha te kumāre nagaravatthum pariyesamāne attano vasanokāsaṃ āgate disvā pucchitvā taṃ pavattiṃ ñatvā tesu anukampaṃ janetvā avoca – “imasmiṃ paññasālaṃhāne māpitaṃ nagaraṃ jambudīpe agganagaraṃ bhavissati. Ettha jātapurisesu ekeko purisasatampi purisasahassampi abhivattitvā sakkhissati. Ettha nagaraṃ māpetha, paññasālaṃhāne rañño gharaṃ karotha. Imasmiñhi okāse tathā ca caṇḍālaputtopi cakkavattibalena atiseyyo”ti. Nanu, bhante, ayyassa vasanokāso? “Mama vasanokāso”ti mā cintayittha. Mayhaṃ ekapasse paññasālaṃ katvā nagaraṃ māpetvā **kapilavatthuntī** nāmaṃ karothā”ti. Te tathā katvā tattha nivāsaṃ kappesum.

Athāmaccā – “ime dārakā vayappattā, sace nesam pitā santike bhaveyya, so āvāhavivāhaṃ kareyya. Idāni pana amhākaṃ bhāro”ti cintetvā kumārehi saddhiṃ mantayimsu. Kumārā amhākaṃ sadisā khattiyadhītarō nāma na passāma, nāpi bhaginīnaṃ sadise khattiyakumārake, asadisasaṃyoge ca no uppannā puttā mātito vā pitito vā aparisuddhā jātisambhedaṃ pāpuñissanti. Tasmā mayam bhaginīhiyeva saddhiṃ saṃvāsaṃ rocemāti. Te jātisambhedaḥayena jeṭṭhakabhaginiṃ mātuṭṭhāne tthapetvā avasesāhi saṃvāsaṃ kappesum.

Tesaṃ puttehi ca dhītāhi ca vaḍḍhamānānaṃ aparena samayena jeṭṭhakabhaginiyā kuṭṭharogo udapādi, koviḷārapupphasadisāni gattāni ahesum. Rājakumārā imāya saddhiṃ ekato nisajjaṭṭhānabhojanādīni karontānampi upari ayaṃ rogo saṅkamatīti cintetvā ekadivasam uyyānakīlaṃ gacchantā viya taṃ yāne āropetvā araññaṃ pavisitvā bhūmiyaṃ pokkharāṇiṃ khaṇāpetvā tattha khādanīyabhojanīyena saddhiṃ taṃ pakkhipitvā gharasaṅkhepena upari padaraṃ paṭicchādetvā paṃsum datvā pakkamimsu.

Tena ca samayena rāmo nāma bārāṇasirājā kuṭṭharogo nātakitthīhi ca orodhehi ca jigucchiyamāno tena saṃvegena jeṭṭhaputtassa rajjaṃ datvā araññaṃ pavisitvā tattha paññasālaṃ māpetvā mūlaphalāni paribhuñjanto nacirasseva arogo suvaṇṇavaṇṇo hutvā ito cito ca vicaranto mahantaṃ susirarukkhaṃ disvā tassabbhantare soḷasahattappamānaṃ okāsaṃ sodhetvā dvārañca vātapānañca yojetvā nisseṇiṃ bandhitvā tattha vāsaṃ kappesi. So āngārakaṭṭhe aggiṃ katvā rattim migasūkarādīnaṃ sadde suṇanto sayati. So – “asukasmiṃ padese sīho saddamakāsi, asukasmiṃ byaggho”ti sallakkhetvā pabhāte tattha gantvā vighāsamaṃsaṃ ādāya pacitvā khādati.

Athekadivasam tasmim paccūsasamaye aggiṃ jāletvā nisinne rājadhītāya sarīragandhena āgantvā byaggho tasmim padese paṃsum viyūhanto padare vivaramakāsi, tena ca vivarena sā byagghaṃ disvā bhītā vissaramakāsi. So taṃ saddaṃ sutvā – “itthisaddo eso”ti ca sallakkhetvā pātova tattha gantvā – “ko etthā”ti āha. Mātugāmo sāmīti. Kiṃ jātikāsīti? Okkākamahārājassa dhītā sāmīti. Nikkhamāti? Na sakkā sāmīti. Kiṃ kāraṇāti? Chavirogo me atthīti. So sabbaṃ pavattiṃ pucchitvā khattiyamānena anikkhamantiṃ – “ahampi khattiyō”ti attano khattiyabhāvaṃ jānāpetvā nisseṇiṃ datvā uddharitvā attano vasanokāsaṃ netvā sayam paribhuttābhesajjāniyeva datvā nacirasseva arogaṃ suvaṇṇavaṇṇaṃ katvā tāya saddhiṃ saṃvāsaṃ kappesi. Sā paṭhamasaṃvāseneva gabbhaṃ gaṇhitvā dve putte vijāyi, punapi dveti, evaṃ soḷasakkhattumpi vijāyi. Evaṃ dvattiṃsa bhātaro ahesum. Te anupubbena vuḍḍhippatte pitā sabbasippāni sikkhāpesi.

Athekadivasam eko rāmarañño nagaravāsī vanacarako pabbate ratanāni gavesanto rājānaṃ disvā sañjānitvā āha – “jānāmaṃ, deva, tumhe”ti. Tato naṃ rājā sabbaṃ pavattiṃ pucchi. Tasmimyeva ca khaṇe te dārakā āgamimsu. So te disvā – “ke ime”ti āha. “Puttā me”ti ca vutte tesaṃ mātikavaṃsaṃ pucchitvā – “laddhaṃ dāni me pābhata”nti nagaraṃ gantvā rañño ārocesi. So ‘pitaraṃ ānayissāmī’ti caturaṅginīyā senāya tattha gantvā pitaraṃ vanditvā – “rajjaṃ, deva, sampaṭicchā”ti yāci. So – “alaṃ, tāta, na tattha gacchāmi, idheva me imaṃ rukkhaṃ apanetvā nagaraṃ māpehī”ti āha. So tathā katvā tassa nagarassa kolarukkhaṃ apanetvā katattā kolanagaranti ca byagghapathe katattā byagghapathanti cāti dve nāmāni āropetvā pitaraṃ vanditvā attano nagaraṃ āgamāsi.

Tato vayappatte kumāre mātā āha – “tātā, tumhākaṃ kapilavatthuvāsino sakyā mātulā santi. Mātuladhītaṃ pana vo evarūpaṃ nāma kesaggahaṇaṃ hoti, evarūpaṃ dussagahaṇaṃ. Yadā tā

nhānatitthaṃ āgacchanti, tadā gantvā yassa yā ruccati, so taṃ gaṇhatū’’ti. Te tatheva gantvā tāsu nhatvā sīsaṃ sukkhāpayamānāsu yaṃ yaṃ icchiṃsu, taṃ taṃ gahetvā nāmaṃ sāvetvā agamiṃsu. Sakyarājāno sutvā ‘‘hotu, bhaṇe, amhākaṃ ñātakā eva te’’ti tuṇhī ahesuṃ. Ayaṃ sakyakoliyānaṃ uppatti. Evaṃ tesam sakyakoliyānaṃ aññaṃaññaṃ āvāhavivāhaṃ karontānaṃ yāva buddhakālā anupacchinno vaṃso āgato. Tatha bhagavā sakyavaṃsaṃ dassetuṃ – ‘‘te raṭṭhasmā pabbājita himavantapasse pokkharāṇiyā tīre’’tiādīmāha. Tatha **samantīti** vasanti. **Sakyā vata bhoti** raṭṭhasmā pabbājita araṇṇe vasantāpi jātisambhedamakavā kulavaṃsaṃ anurakkhituṃ sakyā, samatthā, paṭibalāti attho. **Tadaggeti** taṃ aggaṃ katvā, tato paṭṭhāyāti attho. **So ca nesam pubbapurisoti** so okkāko rājā etesaṃ pubbapuriso. Natthi etesaṃ gahapativaṃsena sambhedamattampīti.

Evaṃ sakyavaṃsaṃ pakāsetvā idāni ambaṭṭhavaṃsaṃ pakāseto – ‘‘raṇṇo kho panā’’tiādīmāha. **Kaṇhaṃ nāma janesīti** kaḷavaṇṇaṃ antokucchiyaṃyeva sañjātadantaṃ parūḷhamassudāṭhikaṃ puttaṃ vijāyi. **Pabyāhāsīti** yakkho jātoti bhayena palāyitvā dvāraṃ pidhāya ṭhitesu gharamānusakesu ito cito ca vicaranto dhovatha mantiādīni vadanto uccāsaddamakāsi.

**268. Te māṇavakā bhagavantaṃ etadavocunti** attano upārambhamocanattāya – ‘‘etaṃ mā bhava’’ntiādivacanaṃ avocuṃ. Tesam kira etadahosi – ‘‘ambaṭṭho amhākaṃ ācariyassa jeṭṭhantevāsī, sace mayaṃ evarūpe ṭhāne ekadvevacanamattampi na vakkhāma, ayaṃ no ācariyassa santike amhe paribhindissatī’’ti upārambhamocanattaṃ evaṃ avocuṃ. Cittena panassa nimmadabhāvaṃ ākaṅkhanti. Ayaṃ kira mānanissitattā tesampi appiyova. **Kalyāṇavākkaraṇoti** madhuravacano. **Asmiṃ vacaneti** attanā uggahite vedattayavacane. **Paṭimantetunti** pucchitaṃ pañhaṃ paṭikathetuṃ, vissajjetunti attho. Etasmiṃ vā dāsiputtavacane. **Paṭimantetunti** uttaraṃ kathetuṃ.

**269. Atha kho bhagavāti** atha kho bhagavā – ‘‘sace ime māṇavakā ettha nisinnā evaṃ uccāsaddaṃ karissanti, ayaṃ kathā pariyosānaṃ na gamissati. Handa, ne nissadde katvā ambaṭṭheneva saddhiṃ kathemī’’ti te māṇavake etadavoca. Tatha **mantavhoti** mantayatha. **Mayā saddhiṃ paṭimantetūti** mayā saha kathetu. Evaṃ vutte māṇavakā cintayimṃsu – ‘‘ambaṭṭho tāva dāsiputtosīti vutte puna sīsaṃ ukkhipituṃ nāsakkhi. Ayaṃ kho jāti nāma dujjānā, sace aññaṃpi kiñci samaṇo gotamo ‘tvam dāso’’ti vakkhati, ko tena saddhiṃ aḍḍaṃ karissati. Ambaṭṭho attanā baddhaṃ puṭakaṃ attanāva mocetū’’ti attānaṃ parimocetvā tasseva upari khipantā – ‘‘sujāto ca bho gotamā’’tiādīmāhṃsu.

**270. Sahadhammikoti** sahetuko sakāraṇo. **Akāmā byākātābhoti** attanā anicchantenapi byākaritabbo, avassaṃ vissajjetābhoti attho. **Aññaṃ vā aññaṃ paṭicarissasīti** aññaṃ vacanena aññaṃ vacanaṃ paṭicarissasi ajjhottharissasi, paṭicchādessasīti attho. Yo hi ‘‘kiṃ gotto tva’’nti evaṃ puṭṭho – ‘‘ahaṃ tayo vede jānāmī’’tiādīni vadati, ayaṃ aññaṃ aññaṃ paṭicarati nāma. **Pakkamissasi vāti** pucchitaṃ pañhaṃ jānantova akathetukāmatāya uṭṭhāyāsānā pakkamissasi vā.

**Tuṇhī ahosīti** samaṇo gotamo maṃ sāmāyeva dāsiputtabhāvaṃ kathāpetukāmo, sāmāṃ kathite ca dāso nāma jātoyeva hoti. Ayaṃ pana dvatikkhattuṃ codetvā tuṇhī bhavissati, tato ahaṃ parivattitvā pakkamissāmīti cintetvā tuṇhī ahosi.

**271. Vajiraṃ pāṇimhi assāti vajirapāṇi. Yakkhoti** na yo vā so vā yakkho, sakko devarājāti veditabbo. **Ādittanti** aggivaṇṇaṃ. **Sampajjalitanti** suṭṭhu pajjalitaṃ. **Sajotibhūtanti** samantato jotibhūtaṃ, ekaggijālabhūtanti attho. **Ṭhito hotīti** mahantaṃ sīsaṃ, kandalamakuḷasadisā dāṭhā bhayānakāni akkhiṇāsādīni evaṃ virūparūpaṃ māpetvā ṭhito.

Kasmā panesa āgatoti? Diṭṭhivissajjāpanattaṃ. Api ca – ‘‘ahañceva kho pana dhammaṃ deseyyaṃ, pare ca me na ājāneyyu’’nti evaṃ dhammadesanāya apposukkabhāvaṃ āpanne bhagavati sakko mahābrahmunā saddhiṃ āgantvā – ‘‘bhagavā dhammaṃ desetha, tumhākaṃ āṇāya avattamāne mayaṃ vattāpessāma, tumhākaṃ dhammacakkaṃ hotu, amhākaṃ āṇācakka’’nti paṭiññaṃ akāsi. Tasmā – ‘‘ajja ambaṭṭhaṃ tāsetvā pañhaṃ vissajjāpessāmī’’ti āgato.

**Bhagavā ceva passati ambaṭṭho cāti** yadi hi taṃ aññepi passeyyuṃ, taṃ kāraṇaṃ agaru assa, ‘‘ayaṃ

samaṇo gotamo ambaṭṭhaṃ attano vāde anotarantaṃ ñatvā yakkhaṃ āvāhetvā dassesi, tato ambaṭṭho bhayena kathesi’ ti vadeyyuṃ. Tasmā bhagavā ceva passati ambaṭṭho ca. Tassa taṃ disvāva sakalasarīrato sedā muccimsu. Antokucchi viparivattamānā mahāraṇaṃ viravi. So “aññepi nu kho passanti’ ti olokento kassaci lomahaṃsamattampi nāddasa. Tato – “idaṃ bhayaṃ mameva uppannaṃ, sacāhaṃ yakkhoti vakkhāmi, ‘kiṃ tavameva akkhāni atthi, tvameva yakkhaṃ passasi, paṭhamāṃ yakkhaṃ adisvā samaṇena gotamena vādasāṅghaṭṭe pakkhittova yakkhaṃ passasi’ ti vadeyyu’ nti cintetvā “na dāni me idha aññaṃ paṭisaraṇaṃ atthi, aññaṭṭa samaṇā gotamā’ ti maññaṃāno atha kho ambaṭṭho māṇavo...pe... bhagavantaṃ etadavoca.

**272. Tāṇaṃ gavesīti tāṇaṃ gavesamāno. Leṇaṃ gavesīti leṇaṃ gavesamāno. Saraṇaṃ gavesīti saraṇaṃ gavesamāno.** Ettha ca tāyati rakkhatīti **tāṇaṃ**. Nilīyanti etthāti leṇaṃ. Saratīti saraṇaṃ, bhayaṃ hiṃsati, viddhaṃsetīti attho. **Upanisīditvāti** upagamma heṭṭhāsane nisīditvā. **Bravitūti** vadatu.

### Ambaṭṭhavaṃsakathā

**273-274. Dakkhiṇajanapadanti** dakkhiṇāpathoti pākaṭaṃ. Gaṅgāya dakkhiṇato pākaṭajanapadaṃ. Tadā kira dakkhiṇāpathe bahū brāhmaṇatāpasā honti, so tatha gantvā ekaṃ tāpasāṃ vattapaṭipattiyā ārādhesi. So tassa upakāraṃ disvā āha – “ambho, purisa, mantāṃ te demi, yaṃ icchasi, taṃ mantāṃ gaṇhāhi’ ti. So āha – “na me ācariya, aññaṃ mantena, kiccaṃ atthi, yassānubhāvena āvudhaṃ na parivattati, taṃ me mantāṃ dehi’ ti. So – “bhadraṃ, bho’ ti tassa dhanuagamaṇīyaṃ ambaṭṭhaṃ nāma vijjaṃ adāsi, so taṃ vijjaṃ gahetvā tattheva vīmaṃsitvā – “idāni me manorathaṃ pūressāmi’ ti isivesaṃ gahetvā okkākassa santikaṃ gato. Tena vuttaṃ – “dakkhiṇajanapadaṃ gantvā brahmamante adhīyitvā rājānaṃ okkākaṃ upasaṅkamitvā’ ti.

Ettha **brahmamanteti** ānubhāvasampannatāya seṭṭhamante. **Ko nevaṃ’re ayaṃ mayhaṃ dāsiputtoti** ko nu evaṃ are ayaṃ mama dāsiputto. **So taṃ khurappanti** so rājā taṃ māretukāmatāya sannahitaṃ saraṃ tassa mantānubhāvena neva khipituṃ na apanetuṃ sakkhi, tāvadeva sakalasarīre sañjātasedo bhayena vedhamāno atṭhāsi.

**Amaccāti** mahāmaccā. **Pārisajjāti** itare parisāvacaṛā. **Etadavocuntī** – “daṇḍakīrañño kisavacchatāpase aparaddhassa āvudhavuṭṭhiyā sakalaraṭṭhaṃ vinaṭṭhaṃ. Nāḷikero pañcasu tāpasasatesu ajjuno ca aṅgīrase aparaddho pathaviṃ bhinditvā nirayaṃ pavitṭho’ ti cintayantā bhayena etaṃ sotthi, bhaddantetiādivacanaṃ avocuṃ.

**Sotthi bhavissati raññoti** idaṃ vacanaṃ kaṇho ciraṃ tuṅhī hutvā tato anekappakāraṃ yācīyamāno – “tumhākaṃ rañña mādisassa isino khurappaṃ sannayhantena bhāriyaṃ kammaṃ kata’ ntiādīni ca vatvā pacchā abhāsi. **Undriyissatīti** bhijjissati, thusamuṭṭhi viya vipakiriyissatīti. Idaṃ so “janaṃ tāsessāmi’ ti musā bhaṇati. Sarasanthambhanamatteyeva hissa vijjāya ānubhāvo, na aññaṭṭa. Ito paresupi vacanesu eseva nayo.

**Pallomoti** pannalomo. Lomahaṃsanamattampissa na bhavissati. Idaṃ kira so “sace me rājā taṃ dārikaṃ dassati’ ti paṭiññaṃ kāretvā avaca. **Kumāre khurappaṃ patitṭhapesīti** tena “saro otarati’ ti mante parivattī, te kumārassa nābhīyaṃ patitṭhapesi. **Dhītaraṃ adāsīti** sīsaṃ dhovitvā adāsaṃ bhujissaṃ katvā dhītaraṃ adāsi, ulāre ca taṃ ṭhāne ṭhapesi. **Mā kho tumhe māṇavakāti** idaṃ pana bhagavā – “ekena pakkhena ambaṭṭho sakyānaṃ ñāti hotī’ ti pakāsento tassa samassāsanaṭṭhaṃ āha. Tato ambaṭṭho ghaṭasatena abhisitto viya passaddhadaratho hutvā samassāsetvā samaṇo gotamo maṃ “tosessāmi’ ti ekena pakkhena ñātiṃ karoti, khattīyo kirāhamasmī’ ti cintesi.

### Khattiyasetṭhabhāvavaṇṇanā

**275.** Atha kho bhagavā – “ayaṃ ambaṭṭho khattiyosmī’ ti saññaṃ karoti, attano akhattiyabhāvaṃ na jānāti, handa naṃ jānāpessāmīti khattiyavaṃsaṃ dassetuṃ uttaridesanaṃ vaḍḍhento – “taṃ kiṃ maññaṃsi ambaṭṭhā’ tiādīmāha. Tattha **idhāti** imasmiṃ loke. **Brāhmaṇesūti** brāhmaṇaṇaṃ antare. **Āsanaṃ vā**

**udakaṃ vāti** aggāsaṃ vā aggodakaṃ vā. **Saddheti** matake uddissa katabhatte. **Thālipāketi** maṅgalādibhatte. **Yaññeti** yaññabhatte. **Pāhuneti** pāhunakānaṃ katabhatte paṇṇākārabhatte vā. **Api nussāti** api nu assa khattiyaputtassa. **Āvaṭaṃ vā assa anāvaṭaṃ vāti**, brāhmaṇakaññāsu nivāraṇaṃ bhavēyya vā no vā, brāhmaṇadārikāṃ labheyya vā na vā labheyyāti attho. **Anupapannoti** khattiyabhāvaṃ apatto, aparisuddhoti attho.

**276. Itthiyā vā itthiṃ karitvāti** itthiyā vā itthiṃ pariyesitvā. **Kismiñcideva pakaraṇeti** kismiñcideva dose brāhmaṇānaṃ ayutte akattabbakaraṇe. **Bhassapuṭenāti** bhassapuṭena, sīse chārikaṃ okiritvāti attho.

**277. Janetasminti** janitasmim, pajāyāti attho. **Ye gottapaṭisārīnoti** ye janetasmim gottaṃ paṭisaranti – “ahaṃ gotamo, ahaṃ kassapo”ti, tesu loke gottapaṭisārīsu khattiyō seṭṭho. **Anumatā mayāti** mama sabbaññūtaññāna saddhim samsanditvā desitā mayā anuññātā.

Paṭhamabhāṇavāraṇṇanā niṭṭhitā.

### Vijjācaraṇakathāvaṇṇanā

**278.** Imāya pana gāthāya vijjācaraṇasampannoti idaṃ padaṃ sutvā ambaṭṭho cintesi – “vijjā nāma tayo vedā, caraṇaṃ pañca sīlāni, tayidaṃ amhākaṃyeva atthi, vijjācaraṇasampanno ce seṭṭho, mayameva seṭṭhā”ti niṭṭhaṃ gantvā vijjācaraṇaṃ pucchanto – “katamaṃ pana taṃ, bho gotama, caraṇaṃ, katamā ca pana sā vijjā”ti āha. Athassa bhagavā taṃ brāhmaṇasamaye siddhaṃ jātivādādīpaṭisaṃyuttaṃ vijjācaraṇaṃ paṭikkhipitvā anuttaraṃ vijjācaraṇaṃ dassetukāmo – “na kho ambaṭṭhā”tiādīmāha. Tattha **jātivādoti** jātim ārabha vādo, brāhmaṇassevidaṃ vaṭṭati, na suddassātiādi vacananti attho. Esa nayo sabbattha. **Jātivādavinibaddhāti** jātivāde vinibaddhā. Esa nayo sabbattha.

Tato ambaṭṭho – “yattha dāni mayaṃ laggissāmāti cintayimha, tato no samaṇo gotamo mahāvāte thusaṃ dhunanto viya dūrameva avakkhipi. Yattha pana mayaṃ na laggāma, tattha no niyojesi. Ayaṃ no vijjācaraṇasampadā ñātuṃ vaṭṭati”ti cintetvā puna vijjācaraṇasampadaṃ pucchi. Athassa bhagavā samudāgamato pabhuti vijjācaraṇaṃ dassetuṃ – “idha ambaṭṭha tathāgato”tiādīmāha.

**279.** Ettha ca bhagavā caraṇapariyāpannampi tividhaṃ sīlaṃ vibhajanto “idamassa hoti caraṇasmi”nti aniyyātetvā “idampissa hoti sīlasmi”nti sīlavaseneva niyyātesī. Kasmā? Tassapi hi kiñci kiñci sīlaṃ atthi, tasmā caraṇavasena niyyātiyamāne “mayampi caraṇasampannā”ti tattha tattheva laggeyya. Yaṃ pana tena supinepi na diṭṭhapubbaṃ, tasseva vasena niyyātentō paṭhamaṃ jhānaṃ upasampajja viharati. Idampissa hoti caraṇasmiṃ...pe... catutthaṃ jhānaṃ upasampajja viharati, idampissa hoti caraṇasmintiādīmāha. Ettāvātā aṭṭhapi samāpattiyo caraṇanti niyyātitā honti, vipassanā ñāṇato pana paṭṭhāya aṭṭhavidhāpi paññā vijjāti niyyātitā.

### Catuapāyamukhakathāvaṇṇanā

**280. Apāyamukhānti** vināsamukhāni. **Anabhisambhuṇamānoti** asampāpuṇanto, avisahamāno vā. **Khāriavidhamādāyāti** ettha khārīti araṇī kamaṇḍalu sujādayo tāpasaparikkhārā. **Vidhoti** kājo. Tasmā khāribharitaṃ kājamādāyāti attho. Ye pana khāriavidhanti paṭhanti, te “**khārīti** kājassa nāmaṃ, **vidhanti** bahukamaṇḍalūādi-parikkhārā”nti vaṇṇayanti. **Pavattaphalabhojanoti** patitaphalabhojano. **Paricārakoti** kappiyakaraṇapattapaṭiggahaṇapādadhovanādivattakaraṇavasena paricārako. Kāmañca guṇādhikopi khīṇāsavasāmaṇero puthujanabhikkhuno vuttanayena paricārako hoti, ayaṃ pana na tādiso guṇavasenapi veyyāvaccakaraṇavasenapi lāmakoyeva.

Kasmā pana tāpasapabbajjā sāsanaṃ vināsamukhanti vuttāti? Yasmā gacchantam gacchantam sāsanaṃ tāpasapabbajjāvasena osakkissati. Imasmiñhi sāsane pabbajitvā tisso sikkhā pūretuṃ asakkontaṃ lajjino sikkhākāmā – “natthi tayā saddhim uposatho vā pavāraṇā vā saṅghakammaṃ vā”ti jigucchitvā parivajjenti. So “dukkaraṃ khuradhārūpamaṃ sāsane paṭipattipūraṇaṃ dukkhaṃ, tāpasapabbajjā pana sukarā ceva bahujanassammata cā”ti vibbhamitvā tāpaso hoti. Aññe taṃ disvā – “kiṃ tayā kata”nti pucchanti. So –

“bhāriyaṃ tumhākaṃ sāsane kammaṃ, idha pana sachandacārino maya”nti vadati. Sopi, yadi evaṃ ahampi ettheva pabbajāmīti tassa anusikkhanto tāpaso hoti. Evamaññepi aññepīti kamena tāpasāva bahukā honti. Tesam uppanakāle sāsanaṃ osakkitaṃ nāma bhavissati. Loke evarūpo buddho nāma uppajji, tassa īdisaṃ nāma sāsanaṃ ahoṣīti sutamattameva bhavissati. Iduṃ sandhāya bhagavā tāpasapabbajjāṃ sāsanaṃ vināsamukhanti āha.

**Kudālapīṭakanti** kandaṃūlaphalaggahaṇatthaṃ kudālañceva piṭakañca. **Gāmasāmanāṃ vāti** vijjācaraṇasampadādīni anabhisambhuṇanto, kasikammādīhi ca jīvitaṃ nipphādetuṃ dukkhanti maññamāno bahujanakuhāpanatthaṃ gāmasāmanāte vā nigamasāmanāte vā aggisālaṃ katvā sappiteladadhimadhuphāṇitatalaṇḍulādīhi ceva nānādārūhi ca homakaraṇavasena aggiṃ paricaranto acchati.

**Catuvāraṃ agāraṃ karitvāti** catumukhaṃ pānāgāraṃ katvā tassa dvāre maṇḍapaṃ katvā tattha pānīyaṃ upaṭṭhapetvā āgatāgate pānīyena āpucchati. Yampissa addhikā kilantā pānīyaṃ pivitvā parituttā bhattapuṭaṃ vā taṇḍulādīni vā denti, taṃ sabbaṃ gahetvā ambilayāguādīni katvā bahutaraṃ āmisagahaṇatthaṃ kesañci annaṃ deti, kesañci bhattapacanabhājanādīni. Tehipi dinnaṃ āmisaṃ vā pubbaññādīni vā gaṇhanti, tāni vaḍḍhiyā payojeti. Evaṃ vaḍḍhamānavibhavo gomahimsadāsīdāsapariggahaṃ karoti, mahantaṃ kuṭumbaṃ saṅghapeti. Iduṃ sandhāyetaṃ vuttaṃ – “catuvāraṃ agāraṃ karitvā acchati”ti. “Tamahaṃ yathāsatti yathābalaṃ paṭipūjessāmī”ti iduṃ panassa paṭipattimukhaṃ. Iminā hi mukhena so evaṃ paṭipajjati. Ettāvata ca bhagavatā sabbāpi tāpasapabbajjā niddiṭṭhā honti.

Kathaṃ? **Aṭṭhavidhā hi tāpasā** – saputtabhariyā, uñchācariyā, anaggipakkikā, asāmapākā, asmamuṭṭhikā, dantavakkalikā, pavattaphalabhojanā, paṇḍupalāsikāti. Tattha ye keṇīyaṇṇaṃ viya kuṭumbaṃ saṅghapetvā vasanti, te **saputtabhariyā** nāma.

Ye pana “saputtadārabhāvo nāma pabbajitassa ayutto”ti lāyanamaddanaṭṭhānesu vīhimuggamāsatiḷādīni saṅkaḍḍhitvā pacitvā paribhuñjanti, te **uñchācariyā** nāma.

Ye “khalena khalāṃ vicaritvā vīhiṃ āharitvā koṭṭetvā paribhuñjanaṃ nāma ayutta”nti gāmanigamesu taṇḍulabhikkhaṃ gahetvā pacitvā paribhuñjanti, te **anaggipakkikā** nāma.

Ye pana “kiṃ pabbajitassa sāmāpākenā”ti gāmaṃ pavisitvā pakkabhikkhameva gaṇhanti, te **asāmapākā** nāma.

Ye “divase divase bhikkhāpariyetṭhi nāma dukkhā pabbajitassā”ti muṭṭhipāsāṇena ambātakādīnaṃ rukkhānaṃ tacāṃ koṭṭetvā khādanti, te **asmamuṭṭhikā** nāma.

Ye pana “pāsāṇena tacāṃ koṭṭetvā vicaraṇaṃ nāma dukkha”nti danteheva ubbāṭetvā khādanti, te **dantavakkalikā** nāma.

Ye “dantehi ubbāṭetvā khādanaṃ nāma dukkhaṃ pabbajitassā”ti leḍḍudaṇḍādīhi paharivā patitāni phalāni paribhuñjanti, te **pavattaphalabhojanā** nāma.

Ye pana “leḍḍudaṇḍādīhi pātetvā paribhogo nāma asāruppo pabbajitassā”ti sayāṃ patitāneva pupphaphalapaṇḍupalāsādīni khādantā yāpentī, te **paṇḍupalāsikā** nāma.

Te tividhā – ukkaṭṭhamajjhīmamudukavasena. Tattha ye nisinnaṭṭhānato anuttāhāya hatthena pāpuṇaṇaṭṭhāneva patitaṃ gahetvā khādanti, te ukkaṭṭhā. Ye ekarukkhatō aññaṃ rukkhaṃ na gacchanti, te majjhīmā. Ye taṃ taṃ rukkhamaṃ gantvā pariyesitvā khādanti, te mudukā.

Imā pana aṭṭhapi tāpasapabbajjā imāhi catūhiyeva saṅghaṃ gacchanti. Kathaṃ? Etāsu hi saputtabhariyā ca uñchācariyā ca agāraṃ bhajanti. Anaggipakkikā ca asāmapākā ca agyāgāraṃ bhajanti. Asmamuṭṭhikā ca dantavakkalikā ca kandaṃūlaphalabhojanaṃ bhajanti. Pavattaphalabhojanā ca



paṇḍupalāsikā ca pavattaphalabhojanaṃ bhajanti. Tena vuttaṃ – “ettāvata ca bhagavatā sabbāpi tāpasapabbajjā niddiṭṭhā hontī”ti.

**281-282.** Idāni bhagavā sācariyakassa ambaṭṭhassa vijjācaraṇasampadāya apāyamukhampi appattabhāvaṃ dassetuṃ taṃ kiṃ maññasi ambaṭṭhātiādīmāha. Taṃ uttānatthameva. **Attanā āpāyikopi aparipūramānoti** attanā vijjācaraṇasampadāya āpāyikenāpi aparipūramānena.

### Pubbakaisibhāvānuyogavaṇṇanā

**283. Dattikanti** dinnakaṃ. **Sammukhībhāvampi na dadātīti** kasmā na dadāti? So kira sammukhā āvaṭṭanim nāma vijjaṃ jānāti. Yadā rājā mahārahena alaṅkārena alaṅkato hotī, tadā rañño samīpe ṭhatvā tassa alaṅkāressa nāmaṃ gaṇhati. Tassa rājā nāme gaḥite na demīti vattuṃ na sakkotī. Datvā puna chaṇḍādivase alaṅkāraṃ āharathāti vatvā, natthi, deva, tumhehi brāhmaṇassa dinnoti vutto, “kasmā me dinno”ti pucchi. Te amaccā ‘so brāhmaṇo sammukhā āvaṭṭanimāyaṃ jānāti. Tāya tumhe āvaṭṭetvā gaḥetvā gacchatī’ti āhaṃsu. Apare raññā saha tassa atisahāyabhāvaṃ asahantā āhaṃsu – “deva, etassa brāhmaṇassa sarīre saṅkhaphalitaḥṭṭhaṃ nāma atthi. Tumhe etaṃ disvāva āliṅgatha parāmasatha, idaṅca kuṭṭhaṃ nāma kāyasamsaggavasena anugacchati, mā evaṃ karothā”ti. Tato paṭṭhāya tassa rājā sammukhībhāvaṃ na deti.

Yasmā pana so brāhmaṇo paṇḍito khattavijjāya kusalo, tena saha mantetvā katakammaṃ nāma na virujjhati, tasmā sānipākārassa anto ṭhatvā bahi ṭhitena tena saddhiṃ manteti. Taṃ sandhāya vuttaṃ “tiro dussantena mantetī”ti. Tattha **tirodussantenāti** tirodussena. Ayameva vā pāṭho. **Dhammikanti** anavajjaṃ. **Payātanti** abhiharitvā dinnam. **Katham tassa rājāti** yassa rañño brāhmaṇo īdisaṃ bhikkhaṃ paṭiggaṇheyya, katham tassa brāhmaṇassa so rājā sammukhībhāvampi na dadeyya. Ayaṃ pana adinnakaṃ māyāya gaṇhati, tenassa sammukhībhāvaṃ rājā na detīti niṭṭhamettha gantabbanti ayamettha adhippāyo. “Idaṃ pana kāraṇaṃ ṭhapetvā rājānaṅceva brāhmaṇaṅca na añño koci jānāti. Tadetam evaṃ rahassampi paṭicchannampi addhā sabbaññū samaṇo gotamoti niṭṭham gamissatī”ti bhagavā pakāsesi.

**284.** Idāni ayaṅca ambaṭṭho, ācariyo cassa mante nissāya atimānino. Tena tesam mantanissitamānanimmadanattham uttari desanaṃ vaḍḍhento taṃ kiṃ maññasi, ambaṭṭha, idha rājātiādīmāha. Tattha **rathūpatthareti** rathamhi rañño ṭhānattham attharivā sajjitapadesa. **Uggehī vāti** uggaṭṭaggaṭṭehi vā amaccehi. **Rājaññehīti** anabhisittakumārehi. **Kiñcideva mantananti** asukasmim dese taḷākaṃ vā mātikaṃ vā kātuṃ vaṭṭati, asukasmim gāmaṃ vā nigamaṃ vā nagaraṃ vā nivesetunti evarūpaṃ pākaṭamantanaṃ. **Tadeva mantananti** yaṃ raññā mantitaṃ tadeva. Tādisehiyeva sīsukkhepabhamukkhepādīhi ākārehi manteyya. **Rājabhaṇṇanti** yathā raññā bhaṇṇitaṃ, tassatthassa sādhanasamattham. Sopi tassatthassa sādhanasamatthameva bhaṇṇitaṃ bhaṇṇatīti attho.

**285. Pavattāro**ti pavattayitāro. **Yesanti** yesaṃ santakaṃ. **Mantapadanti** vedasaṅkhātaṃ mantameva. **Gītanti** aṭṭhakādīhi dasahi porāṇakabrāhmaṇehi sarasampattivasena sajjhāyitaṃ. **Pavuttanti** aññesaṃ vuttaṃ, vācitantī attho. **Samihitanti** samupabyūḷhaṃ rāsikataṃ, piṇḍaṃ katvā ṭhapitanti attho. **Tadanugāyantīti** etarahi brāhmaṇā taṃ tehi pubbe gītaṃ anugāyanti anusajjhāyanti. **Tadanubhāsantīti** taṃ anubhāsanti, idaṃ purimasseva vevacanaṃ. **Bhāsitamanubhāsantīti** tehi bhāsitaṃ sajjhāyitaṃ anusajjhāyanti. **Vācitanuvācentīti** tehi aññesaṃ vācitaṃ anuvācentī.

**Seyyathidanti** te katamehi attho. **Aṭṭhakotiādīni** tesam nāmāni. Te kira dibbena cakkhunā oloketvā parūpaghātaṃ akatvā kassapasammāsambuddhassa bhagavato pāvācānena saha saṃsanditvā mante ganthiṃsu. Aparāpare pana brāhmaṇā pāṇātipātādīni pakkhipitvā tayo vede bhinditvā buddhavācānena saddhiṃ viruddhe akaṃsu. **Netam ṭhānaṃ vijjatīti** yena tvaṃ isi bhavēyyāsi, etaṃ kāraṇaṃ na vijjati. Idha bhagavā yasmā – “esa pucchiyamānopi, attano avattharaṇabhāvaṃ ṇatvā paṭivācānaṃ na dassatī”ti jānāti, tasmā paṭiññaṃ agahetvāva taṃ isibhāvaṃ paṭikkhipi.

**286.** Idāni yasmā te porāṇā dasa brāhmaṇā nirāmagandhā anitthigandhā rajojalladharā brahmacārino araṇṇāyatane pabbatapādesu vanamūlaphalāhārā vasiṃsu. Yadā katthaci gantukāmā honti, iddhiyā ākāseveva gacchanti, natthi tesam yānena kiccaṃ. Sabbadisāsu ca nesaṃ mettādibrahmavihārabhāvanāva

ārakkhā hoti, natthi tesam pākārapurisaguttīhi attho. Iminā ca ambaṭṭhena sutapubbā tesam paṭipatti; tasmā imassa sācariyakassa tesam paṭipattito ārakabhāvaṃ dassetuṃ – “taṃ kiṃ maññasi, ambaṭṭhā” tiādīmāha.

Tattha **vicitakālakanti** vicinivā apanītakālakam. **Veṭhakanatapassāhīti** dussapaṭṭadussaveṇi ādīhi veṭhakehi namitaphāsukāhi. **Kuttavālehīti** sobhākarānattham kappetuṃ, yuttaṭṭhānesu kappitavālehi. Ettha ca vaḷavānaṃyeva vālā kappitā, na rathānaṃ, vaḷavapayuttattā pana rathāpi “kuttavālā” ti vuttā. **Ukkinṇaparikhāsūti** khataparikhāsu. **Okkhittapalighāsūti** ṭhapitapalighāsu. **Nagarūpakārikāsūti** ettha upakārikāti paresam ārohanivāraṇattham samantā nagaram pākārassa adbhāge katasudhākammaṃ vuccati. Idha pana tāhi upakārikāhi yuttāni nagarāneva “nagarūpakārikāyo” ti adhippetāni. **Rakkhāpentīti** tādisesu nāgaresu vasantāpi attānaṃ rakkhāpentī. **Kāṅkhātī** “sabbaññū, na sabbaññū” ti evaṃ saṃsayo. **Vimatīti** tasseva vevacanāṃ, virūpā mati, vicicchinituṃ asamattāhi attho. Idam bhagavā “ambaṭṭhassa iminā attabhāvena maggapātubhāvo natthi, kevalam divaso vītivattati, ayam kho pana lakkhaṇapariyesanattam āgato, tampi kiccam nassarati. Handassa satijananattam nayaṃ demī” ti āha.

### Dvelakkhaṇadassanavaṇṇanā

**287.** Evaṃ vatvā pana yasmā buddhānaṃ nisinnānaṃ vā nipannānaṃ vā koci lakkhaṇaṃ pariyesituṃ na sakkoti, ṭhitānaṃ pana caṅkamantānaṃ vā sakkoti. Āciṇṇañcetaṃ buddhānaṃ lakkhaṇapariyesanattam āgatabhāvaṃ ṇatvā uṭṭhāyāsanaṃ caṅkamādhiṭṭhānaṃ nāma, tena bhagavā uṭṭhāyāsanaṃ bahi nikkhanto. Tasmā atha kho bhagavātiādi vuttam.

**Samannesīti** gavesi, ekaṃ dveti vā gaṇayanto samānaya. **Yebhuyyenātī** pāyena, bahukāni addasa, appāni na addasāti attho. Tato yāni na addasa tesam dīpanattam vuttam – “ṭhapetvā dve” ti. **Kāṅkhatīti** “aho vata passeyya” nti patthanaṃ uppādeti. **Vicikicchātīti** tato tato tāni vicinanto kicchati na sakkoti datṭhuṃ. **Nādhimuccatīti** tāya vicikicchāya sannitṭhānaṃ na gacchati. **Na sampasīdatīti** tato – “paripuṇṇalakkhaṇo aya” nti bhagavati pasādam nāpajjati. Kāṅkhāya vā dubbalā vimatī vuttā, vicikicchāya majjhimā, anādhimuccanātāya balavatī, asampasādena tehi tīhi dhammehi cīttassa kālusiyabhāvo. **Kosohitēti** vatthikosena paṭicchanne. **Vatthaguyhetī** āṅgajāte bhagavato hi varavāraṇasseva kosohitam vatthaguyham suvaṇṇavaṇṇam padumagabbhasamānaṃ. Tam so vatthapaṭicchannattā apassanto, antomukhagatāya ca jivhāya pahūtabhāvaṃ asallakkhento tesu dvīsu lakkhaṇesu kāṅkhī ahoṣi vicikicchī.

**288. Tathārūpanti** tam rūpaṃ. Kimettha aññena vattabbaṃ? Vuttametam nāgasenatthereneva milindarañña puṭṭhena – “dukkaram, bhante, nāgasena, bhagavatā katanti. Kiṃ mahārājāti? Mahājanena hirikaraṇokāsam brahmāyu brāhmaṇassa ca antevāsī uttarassa ca, bāvarissa antevāsīnaṃ soḷasabrāhmaṇānaṃca, selassa brāhmaṇassa ca antevāsīnaṃ tisatamāṇavānaṃca dassesi, bhanteti. Na, mahārāja, bhagavā guyham dassesi. Chāyaṃ bhagavā dassesi. Iddhiyā abhisāṅkharitvā nivāsananivattham kāyabandhanabaddham cīvarapārutaṃ chāyārūpakamattam dassesi mahārājāti. Chāyaṃ diṭṭhe sati diṭṭhamyeva nanu, bhanteti? Tiṭṭhatetaṃ, mahārāja, hadayarūpaṃ disvā bujjanakasatto bhavēyya, hadayamaṃsam nīharitvā dasseyya sammāsambuddhoti. Kallosi, bhante, nāgasenā” ti.

**Ninnāmetvātī** nīharitvā. **Anumasīti** kathinasūciṃ viya katvā anumajji, tathākaraṇena cettha mudubhāvo, kaṇṇasotānumasanena dīghabhāvo, nāsikasotānumasanena tanubhāvo, nalāṭacchādanena puthulabhāvo pakāsītōti vedītabbo.

**289. Paṭimānentoti** āgamento, āgamanamassa patthento udikkhantoti attho.

**290. Kathāsallāpoti** kathā ca sallāpo ca, kathanam paṭikathananti attho.

**291. Aho vatātī** garahavacanametam. **Reti** idam hīlanavasena āmantanaṃ. **Paṇḍitakātī** tameva jigucchanto āha. Sesapadadvayepi eseva nayo. **Evarūpena kira bho puriso atthacarakenātī** idam yādiso tvam, edise atthacarake hitakārike sati puriso nirayamyeva gacchēyya, na aññatrātī imamattam sandhāya vadati. **Āsajja āsajjāti** ghaṭṭetvā ghaṭṭetvā. **Amhepi evam upaneyya upaneyyātī** brāhmaṇo kho pana

ambatṭha pokkharasātītiādīni vatvā evaṃ upanetvā upanetvā paṭicchannaṃ kāraṇaṃ āvikarivā suṭṭhu dāsādibhāvaṃ āropetvā avaca, tayā amhe akkosāpitāti adhippāyo. **Padasāyeva pavattesīti** pādena paharivā bhūmiyaṃ pātesi. Yañca so pubbe ācariyena saddhiṃ rathaṃ āruhitvā sārathi hutvā agamāsi, tampissa ṭhānaṃ acchinditvā rathassa purato padasā yevassa gamanaṃ akāsi.

### Pokkharasātibuddhūpasaṅkamanavaṇṇanā

**292-296. Ativikāloti** suṭṭhu vikālo, sammodanīyakathāyapi kālo natthi. **Āgamā nu khvidha bhoti** āgamā nu kho idha bho. **Adhivāsetūti** sampaṭicchatu. **Ajjatanāyāti** yaṃ me tumhesu kāraṃ karoto ajja bhavissati puññañca pītipāmojjañca tadatthāya. **Adhivāsesi bhagavā tuṇhībhāvenāti** bhagavā kāyaṅgaṃ vā vācaṅgaṃ vā acopetvā abbhantareyeva khantiṃ dhārento tuṇhībhāvena adhivāsesi. Brāhmaṇassa anuggahaṇatthaṃ manasāva sampaṭicchīti vuttaṃ hoti.

**297. Paṇītenāti** uttamena. **Sahatthāti** sahatthena. **Santappesīti** suṭṭhu tappesi paripuṇṇaṃ suhitaṃ yāvadatthaṃ akāsi. **Sampavāresīti** suṭṭhu pavāresi, alaṃ alanti hatthasaññāya paṭikkhipāpesi. **Bhuttāvinti** bhuttavantāṃ. **Onītapattapāṇinti** pattato onītapāṇiṃ, apanītahatthanti vuttaṃ hoti. Onītapattapāṇintipi pāṭho. Tassattho – onītaṃ nānābhūtaṃ vinābhūtaṃ pattaṃ pāṇito assāti onītapattapāṇi, taṃ onītapattapāṇiṃ. Hatthe ca pattañca dhovivā ekamante pattaṃ nikkhipitvā nisinnanti attho. **Ekamantaṃ nisīdīti** bhagavantaṃ evaṃ bhūtaṃ ṇatvā ekasmiṃ okāse nisīdīti attho.

**298. Anupubbim kathanti** anupaṭipāṭikathaṃ. Ānupubbikathā nāma dānānantaraṃ sīlaṃ, sīlānantaraṃ saggo, saggānantaraṃ maggoti etesaṃ atthānaṃ dīpanakathā. Teneva – “seyyathidaṃ dānakatha”ntiādīmāha. **Okāranti** avakāraṃ lāmakabhāvaṃ. **Sāmukkamsikāti** sāmaṃ ukkamsikā, attanāyeva uddharitvā gahitā, sayambhūñāṇena diṭṭhā, asādhāraṇā aññesanti attho. Kā pana sāti? Ariyasaccadesanā. Tenevāha – “dukkhaṃ, samudayaṃ, nirodhaṃ, magga”nti. **Dhammacakkhanti** ettha sotāpattimaggo adhippeto. Tassa uppattiākāradassanattaṃ – “yaṃ kiñci samudayadhammaṃ, sabbaṃ taṃ nirodhadhamma”nti āha. Tañhi nirodhaṃ ārammaṇaṃ katvā kiccavasena evaṃ sabbasaṅkhattaṃ paṭivijjhantaṃ uppajjati.

### Pokkharasātiupāsakattapaṭivedanāvaṇṇanā

**299. Diṭṭho** ariyasaccadhammo etenāti **diṭṭhadhammo**. Esa nayo sesapadesupi. Tiṇṇā vicikicchā anenāti **tiṇṇavicikiccho**. Vigatā kathaṃkathā assāti **vigatakathaṃkatho**. **Vesārajappattoti** visāradabhāvaṃ patto. Kattha? Satthusāsane. Nāssa paro paccayo, na parassa saddhāya ettha vattatīti **aparappaccayo**. Sesam sabbattha vuttanayattā uttānatthattā ca pākaṭamevāti.

Iti sumaṅgalavilāsiniyā dīghanikāyaṭṭhakathāyaṃ

Ambatṭhasuttavaṇṇanā niṭṭhitā.

## 4. Soṇadaṇḍasuttavaṇṇanā

**300. Evaṃ me suttaṃ...pe... aṅgesūti soṇadaṇḍasuttaṃ.** Tatrāyaṃ apubbapadavaṇṇanā. **Aṅgesūti** aṅgā nāma aṅgapāsādikatāya evaṃ laddhavohārā jānapadino rājakumārā, tesam nivāso ekopi janapado rūlhisaddena aṅgāti vuccati, tasmim aṅgesu janapade. **Cārikanti** idhāpi aturitacārikā ceva nibaddhacārikā ca adhippetā. Tadā kira bhagavato dasasahasilokadhātum olokontassa soṇadaṇḍo brāhmaṇo ñāṇajālassa anto paññāyittha. Atha bhagavā ayaṃ brāhmaṇo mayhaṃ ñāṇajāle paññāyati. ‘Atthi nu khvassupanissayo’ti vīmaṃsanto addasa. ‘Mayi tattha gate etassa antevāsino dvādasahākārehi brāhmaṇassa vaṇṇaṃ bhāsivā mama santike āgantuṃ na dassanti. So pana tesam vādaṃ bhinditvā ekūnatimsa ākārehi mama vaṇṇaṃ bhāsivā maṃ upasaṅkamtivā pañhaṃ pucchissati. So pañhavissajjanapariyosāne saraṇaṃ gamissatī’ti, disvā pañcasatabhikkhuparivāro taṃ janapadaṃ paṭipanno. Tena vuttaṃ – aṅgesu cārikaṃ caramāno...pe... yena campā tadavasārīti.

**Gaggarāya pokkharāṇiyā tīreti** tassa campānagarassa avidūre gaggarāya nāma rājaggamahesiyā khaṇitattā gaggarāti laddhavohārā pokkharāṇī atthi. Tassā tīre samantato nīlādipaṇcavaṇṇakusumapaṭimaṇḍitaṃ mahantaṃ campakavanaṃ. Tasmim bhagavā kusumagandhasugandhe campakavane viharati. Taṃ sandhāya gaggarāya pokkharāṇiyā tīreti vuttaṃ. **Māgadhenā seniyeṇa bimbisārenāti** ettha so rājā magadhānaṃ issarattā **māgadho**. Mahatiyā senāya samannāgatattā seniyo. Bimbīti suvaṇṇaṃ. Tasmā sārāsuvāṇṇasadisavaṇṇatāya bimbisāroti vuccati.

**301-302.** Bahū bahū hutvā saṃhatāti saṅghā. Ekekissāya disāya saṅgho etesaṃ atthīti **saṅghī**. Pubbe nagarassa anto agaṇā bahi nikkhamitvā gaṇataṃ pattāti **gaṇībhūtā**. **Khattaṃ āmantesīti**. Khattā vuccati pucchitapaṇhe byākaraṇasamattho mahāmatto, taṃ āmantesi **āgamentūti** muhuttaṃ paṭimānentu, mā gacchantūti vuttaṃ hoti.

### Soṇadaṇḍagaṇakathā

**303. Nānāverajjakānanti** nānāvidhesu rajjesu, aññesu aññesu kāsikosalādīsū rajjesu jātā, tāni vā tesam nivāsā, tato vā āgatāti nānāverajjakā, tesam nānāverajjakānaṃ. **Kenacideva karaṇīyēnāti** tasmim kira nagare dvīhi karaṇīyehi brāhmaṇā sannipatanti – yaññānubhavanatthaṃ vā mantasajjhāyanatthaṃ vā. Tadā ca tasmim nagare yamaññā natthi. Soṇadaṇḍassa pana santike mantasajjhāyanatthaṃ ete sannipatitā. Taṃ sandhāya vuttaṃ – “kenacideva karaṇīyēnā”ti. Te tassa gamanaṃ sutvā cintesum – “ayaṃ soṇadaṇḍo uggatabrāhmaṇo yebhuyyena ca aññe brāhmaṇā samaṇaṃ gotamaṃ saraṇaṃ gatā, ayameva na gato. Svāyaṃ sace tattha gamissati, addhā samaṇassa gotamassa āvaṭṭaniyā māyāya āvaṭṭito, taṃ saraṇaṃ gamissati. Tato etassāpi gehadvāre brāhmaṇānaṃ sannipāto na bhavissatī”ti. “Handassa gamanantarāyaṃ karomā”ti sammantayitvā tattha agamaṃsu. Taṃ sandhāya – atha kho te brāhmaṇātiādī vuttaṃ.

Tattha **imināpaṅgenāti** imināpi kāraṇena. Evaṃ etaṃ kāraṇaṃ vatvā puna – “attano vaṇṇe bhaññamāne atussanakasatto nāma natthi. Handassa vaṇṇaṃ bhaṇanena gamanaṃ nivāressāmā”ti cintetvā bhavaññhi soṇadaṇḍo ubhato sujātotiādīni kāraṇāni āhaṃsu.

**Ubhatoti** dvīhi pakkhehi. **Mātito ca pitito cāti** bhoto mātā brāhmaṇī, mātumātā brāhmaṇī, tassāpi mātā brāhmaṇī; pitā brāhmaṇo, pitupitā brāhmaṇo, tassāpi pitā brāhmaṇoti, evaṃ bhavaṃ ubhato sujāto mātito ca pitito ca. **Saṃsuddhagahaṇīkoti** saṃsuddhā te mātugahaṇī kucchīti attho. Samavepākiniyā gahaṇiyāti ettha pana kammajatejodhātu “gahaṇī”ti vuccati.

**Yāva sattamā pitāmahayugāti** ettha pitupitā pitāmaho, pitāmahassa yugaṃ pitāmahayugaṃ. **Yuganti** āyuppamānaṃ vuccati. Abhilāpamattameva cetam. Atthato pana pitāmahoyeva pitāmahayugaṃ. Tato uddhaṃ sabbepi pubbapurisā pitāmahaggahaṇeṇeva gahitā. Evaṃ yāva sattamo puriso, tāva saṃsuddhagahaṇīko. Atha vā akkhitto anupakuṭṭho jātivādenāti dassenti. **Akkhittoti** – “apanetha etaṃ, kim iminā”ti evaṃ akkhitto anavakkhitto. **Anupakuṭṭhoti** na upakuṭṭho, na akkosam vā nindaṃ vā laddhapubbo. Kena kāraṇenāti? Jātivādena. Itipi – “hīnajātiko eso”ti evarūpena vacanenāti attho.

**Adḍhoti** issaro. **Mahaddhanoti** mahatā dhanena samannāgato. Bhavato hi gehe pathaviyaṃ paṃsuvālikā viya bahudhanaṃ, samaṇo pana gotamo adhana bhikkhāya udaraṃ pūretvā yāpetīti dassenti. **Mahābhogoti** paṇcākāmaguṇavasena mahāupabhogo. Evaṃ yaṃ yaṃ guṇaṃ vadanti, tassa tassa paṭipakkhavasena bhagavato aguṇaṃyeva dassemāti maññamānā vadanti.

**Abhirūpoti** aññehi manussehi abhirūpo adhikarūpo. **Dassanīyoti** divasampi passantānaṃ atittikaraṇato dassanayoggo. Dassaneneva cittapasādajananato **pāsādiko**. Pokkharatā vuccati sundarabhāvo, vaṇṇassa pokkharatā vaṇṇapokkharatā, tāya vaṇṇasampattiyā yuttoti attho. Porāṇā panāhu – “pokkharanti sarīraṃ vadanti, vaṇṇaṃ vaṇṇamevā”ti. Tesam matena vaṇṇaṇca pokkharāṇca vaṇṇapokkharāni. Tesam bhāvo vaṇṇapokkharatā. Iti **paramāya vaṇṇapokkharatāyāti** uttamena parisuddhena vaṇṇena ceva sarīrasaṇṭhānasampattiyā cāti attho. **Brahmavaṇṇīti** seṭṭhavaṇṇī. Parisuddhavaṇṇesupī seṭṭhena suvaṇṇavaṇṇena samannāgatoti attho. **Brahmavacchasīti** mahābrahmuno sarīrasadiseneva sarīrena samannāgato. **Akhuddāvākāso dassanāyāti** “bhoto sarīre dassanassa okāso na khuddako mahā, sabbāneva

te aṅgapaccaṅgāni dassanīyāneva, tāni cāpi mahantānevā’’ti dīpentī.

Sīlamassa atthīti **sīlavā**. Vuddhaṃ vaddhitam sīlamassāti **vuddhasīli**. **Vuddhasīlenāti** vuddhena vaddhitena sīlena. **Samannāgatoti** yutto. Idam vuddhasīlīpadasseva vevacanaṃ. Sabbametaṃ pañcasīlamattameva sandhāya vadanti.

**Kalyāṇavācōti**ādīsu kalyāṇā sundarā parimaṅḍalapadabyañjanā vācā assāti kalyāṇavācō. Kalyāṇam madhuraṃ vākkaraṇam assāti **kalyāṇavākkaraṇo**. **Vākkaraṇanti** udāharaṇaghoso. Guṇaparipuṇṇabhāvena pure bhavāti porī. Pure vā bhavattā porī. Poriyā nāgarikitthiyā sukhumālattanena sadisāti porī, tāya **poriyā**. **Vissatṭhāyāti** apalibuddhāya sandiṭṭhivilambitādidosarahitāya. **Anelagalāyāti** elagaḷenavirahitāya. Yassa kassaci hi kathentassa elā gaḷanti, lālā vā paggharanti, kheḷaphusitāni vā nikkhamanti, tassa vācā elagaḷam nāma hoti, tabbiparītāyāti attho. **Atthassa viññāpaniyāti** ādimajjhapariyosānaṃ pākātaṃ katvā bhāsitatthassa viññāpanasamatthāya.

**Jiṇṇoti** jarājiṇṇatāya jiṇṇo. **Vuddhoti** aṅgapaccaṅgānaṃ vuddhibhāvamariyādappatto. **Mahallakoti** jātimahallakatāya samannāgato. Cirakālapasutoti vuttaṃ hoti. **Addhagatoti** addhānaṃ gato, dve tayo rājaparivatṭe atītoti adhippāyo. **Vayoanuppattoti** pacchimavayaṃ sampatto, pacchimavayo nāma vassasatassa pacchimo tatiyabhāgo.

Api ca **jiṇṇoti** porāṇo, cirakālapavattakulanvayoti vuttaṃ hoti. **Vuddhoti** sīlacārādiguṇavuddhiyā yutto. **Mahallakoti** vibhavamahantāya samannāgato. **Addhagatoti** maggappaṭipanno brāhmaṇānaṃ vatacarīyādimariyādaṃ avītikkamma caraṇasīlo. **Vayoanuppattoti** jātivuddhabhāvampi antimavayaṃ anuppatto.

### Buddhaguṇakathā

**304. Evaṃ vutteti** evaṃ tehi brāhmaṇehi vutte. Soṇadaṅḍo – “ime brāhmaṇā jātiādīhi mama vaṇṇam vadanti, na kho pana metaṃ yuttaṃ attano vaṇṇe rajjituṃ. Handāhaṃ etesaṃ vādaṃ bhinditvā samaṇassa gotamassa mahantabhāvaṃ nīpetvā etesaṃ tattha gamanaṃ karomī’’ti cintevā tena hi – bho mamapi suṇāthātiādīmāha. Tattha yepi ubhato sujātoti ādayo attano guṇehi sadisā guṇā tepi; “ko cāhaṃ ke ca samaṇassa gotamassa jātisampattiādayo guṇā’’ti attano guṇehi uttaritareyeva maññamāno, itare pana ekanteneva bhagavato mahantabhāvādīpanattham pakāseti.

**Mayameva arahāmāti** evaṃ niyāmentovettha idam dīpeti – “yadi guṇamahantatāya upasaṅkamitabbo nāma hoti. Yathā hi sineruṃ upanidhāya sāsapo, mahāsamuddam upanidhāya gopadakaṃ, sattasu mahāsaesu udakaṃ upanidhāya ussāvabindu paritto lāmako. Evameva samaṇassa gotamassa jātisampattiādayopi guṇe upanidhāya amhākaṃ guṇā parittā lāmakā; tasmā mayameva arahāma taṃ bhavantaṃ gotamaṃ dassanāya upasaṅkaminu’’nti.

**Mahantaṃ nātisaṃghaṃ ohāyāti** mātīpakkhe asītīkulasahassāni, pitīpakkhe asītīkulasahassānīti evaṃ saṭṭhīkulasatasahassaṃ ohāya pabbajito.

**Bhūmigatañca vehāsaṭṭhañcāti** ettha rājaṅgaṇe ceva uyyāne ca sudhāmaṭṭhapokkharāṇiyo sattaratanānaṃ pūretvā bhūmiyaṃ ṭhapitaṃ dhanam bhūmigataṃ nāma. Pāsādaniyūhādayo paripūretvā ṭhapitaṃ vehāsaṭṭhaṃ nāma. Etaṃ tāva kulapariyāyena āgataṃ. Tathāgatassa pana jātaḍivaseyeva saṅkho, elo, uppalo, puṇḍarīkoti cattāro nidhaya uggaṭā. Tesu saṅkho gāvutīko, elo aḍḍhayaḍjanīko, uppalo tigāvutīko, puṇḍarīko ḍjanīko. Tesupī gahitaṃ gahitaṃ pūratīyeva, itī bhagavā pahūtaṃ hiraññasuvaṇṇam ohāya pabbajitoti veditabbo.

**Daharova samānoti** taruṇova samāno. **Susukāḷakesoti** suṭṭhu kāḷakeso, añjanavaṇṇasadisakeso hutvā vāti attho. **Bhadrenāti** bhaddakena. **Paṭhamena vayasāti** tiṇṇam vayanam paṭhamavayena. **Akāmākānanti** anicchamānānaṃ. Anādaratthe sāmivacanaṃ. Assūni mukhe etesanti **assumukhā**, tesam assumukhānaṃ, assūhi kilinnamukhānanti attho. **Rudantānanti** kanditvā rodamānānaṃ. **Akhuddāvākāsoti** ettha bhagavato

aparimāṇoyeva dassanāya okāsoti veditabbo.

Tatridaṃ vatthu – rājagahe kira aññataro brāhmaṇo samaṇassa gotamassa pamāṇaṃ gahetuṃ na sakkotīti sutvā bhagavato piṇḍāya pavisanakāle saṅghihattamaṃ veḷuṃ gahetvā nagaradvārassa bahi tthatvā sampatte bhagavati veḷuṃ gahetvā samīpe aṭṭhāsī. Veḷu bhagavato jāṇukamattaṃ pāpuṇi. Puna divase dve veḷū ghaṭetvā samīpe aṭṭhāsī. Bhagavāpi dvinnaṃ veḷūnaṃ upari kaṭimattameva paññāyamāno – “brāhmaṇa, kiṃ karosī”ti āha. Tumhākaṃ pamāṇaṃ gaṇhāmīti. “Brāhmaṇa, sacepi tvaṃ sakalacakkavāḷagabbhaṃ pūretvā tḥite veḷū ghaṭetvā āgamissasi, neva me pamāṇaṃ gahetuṃ sakkhissasi. Na hi mayā cattāri asaṅkhyeyāni kappasatasahassaṇca tathā pāramiyo pūritā, yathā me paro pamāṇaṃ gaṇheyya, atulo, brāhmaṇa, tathāgato appameyyo”ti vatvā dhammapade gāthamāha –

“Te tādise pūjayato, nibbuta akutobhaye;  
Na sakkā puññaṃ saṅkhātuṃ, imettamaṃ kenacī”ti. (dha. pa. 36);

Gāthāpariyosāne caturāsītipāṇasahassāni amataṃ pivimsu.

Aparampi vatthu – rāhu kira asurindo cattāri yojanasahassāni aṭṭha ca yojanasatāni ucco. Bāhantaramassa dvādasayojanasatāni. Bahalantarena cha yojanasatāni. Hatthatalapādātālānaṃ puthulato tīṇi yojanasatāni. Aṅgulipabbāni paṇṇāsayojanāni. Bhamukantaraṃ paṇṇāsayojanaṃ. Mukhaṃ dviyojanasataṃ tiyojanasatagambhīraṃ tiyojanasataparimaṇḍalaṃ. Gīvā tiyojanasataṃ. Nalāṭaṃ tiyojanasataṃ. Sīsāṃ navayojanasataṃ. “So ahaṃ uccosmi, satthāraṃ onamitvā oloketuṃ na sakkhissāmī”ti cintetvā nāgacchi. So ekadivasāṃ bhagavato vaṇṇaṃ sutvā – “yathākathaṇca olokessāmī”ti āgato.

Atha bhagavā tassajjhāsayaṃ viditvā – “catūsu iriyāpathesu katarena dassessāmī”ti cintetvā “tḥitako nāma nīcopi ucco viya paññāyati. Nipannovassa attānaṃ dassessāmī”ti “ānanda, gandhakuṭipariveṇe mañcakaṃ paññāpehī”ti vatvā tattha sīhaseyyaṃ kappesi. Rāhu āgantvā nipannaṃ bhagavantaṃ gīvaṃ unnāmetvā nabhamajjhe puṇṇacandaṃ viya ullokesi. Kimidaṃ asurindāti ca vutte – “bhagavā onamitvā oloketuṃ na sakkhissāmī”ti nāgacchinti. Na mayā, asurinda, adhomukhena pāramiyo pūritā. Uddhaggameva katvā dānaṃ dinnanti. Taṃ divasaṃ rāhu saraṇaṃ āgamāsī. Evaṃ bhagavā akhuddāvakaṃ dassanāya.

Catupārisuddhisīlena sīlavā, taṃ pana sīlaṃ ariyaṃ uttamaṃ parisuddhaṃ. Tenāha – “ariyasīlī”ti. Tadetamaṃ anavajjaṭṭhena kusalaṃ. Tenāha – “kusalasīlī”ti. **Kusalasīlenāti** idamassa vevacanaṃ.

**Bahūnaṃ ācariyapācariyoti** bhagavato ekekāya dhammadesanāya caturāsītipāṇasahassāni aparimāṇāpi devamanussā maggaphalāmataṃ pivanti, tasmā bahūnaṃ ācariyo. Sāvaka veneyyānaṃ pana pācariyoti.

**Khīṇakāmarāgoti** ettha kāmaṃ bhagavato sabbepi kilesā khīṇā. Brāhmaṇo pana te na jānāti. Attano jānanaṭṭhāneyeva guṇaṃ katheti. **Vigatacāpalloti** – “pattamaṇḍanā cīvaramaṇḍanā senāsanamaṇḍanā imassa vā pūtikāyassa...pe... kelanā paṭikelanā”ti (vibha. 854) evaṃ vuttacāpallā virahito.

**Apāpapurekkhāroti** apāpe nava lokuttaradhamme purato katvā vicarati. **Brahmaññāya pajāyāti** sārīputtamoggallānamahākassapādibhedāya brāhmaṇapajāya, etissāya ca pajāya purekkhāro. Ayañhi pajā samaṇaṃ gotamaṃ purakkhatvā caratīti attho. Api ca **apāpapurekkhāroti** na pāpaṃ purekkhāro na pāpaṃ purato katvā carati, na pāpaṃ icchatīti attho. Kassa? Brahmaññāya pajāya. Attanā saddhiṃ paṭiviruddhāyapi brāhmaṇapajāya aviruddho hitasukhatthiko yevāti vuttaṃ hoti.

**Tiroraṭṭhāti** pararaṭṭhato. **Tirojanapadāti** parajanapadato. **Pañhaṃ pucchituṃ āgacchantīti** khattiyapaṇḍitādayo ceva devabrahmanāgagandhabbādayo ca – “pañhe abhisāṅkharitvā pucchissāmā”ti āgacchantī. Tattha keci pucchāya vā dosaṃ vissajjanasampaṭicchane vā asamattataṃ sallakkhetvā apucchitvāva tuṇhī nisīdanti. Keci pucchanti. Kesañci bhagavā pucchāya ussāhaṃ janetvā vissajjeti. Evaṃ sabbesampi tesāṃ vimatiyo tīraṃ patvā mahāsamuddassa ūmiyo viya bhagavantaṃ patvā bhijjanti.

**Ehi svāgatavādīti** devamanussapabbajitagahaṭṭhesu taṃ taṃ attano santikaṃ āgataṃ – “ehi svāgata”nti evaṃ vadatīti attho. **Sakhiloti** tattha katamaṃ sākhalayaṃ? “Yā sā vācā nelā kaṇṇasukhā”tiādīnā nayena vuttasākhalayena samannāgato, muduvacanoti attho. **Sammodakoti** paṭisanthārakusalo, āgatāgatānaṃ catunnaṃ parisānaṃ – “kacci, bhikkhave, khamaṇīyaṃ, kacci yāpanīya”ntiādīnā nayena sabbaṃ addhānadarathaṃ vūpasamento viya paṭhamataraṃ sammodanīyaṃ kathaṃ kattāti attho. **Abbhākuṭīkoti** yathā ekacce parisāṃ patvā thaddhamukhā saṅkuṭitamukhā honti, na ediso, parisadassanena panassa bālātapasamphassena viya padumaṃ mukhapadumaṃ vikasati puṇṇacandasassirikaṃ hoti. **Uttānamukhoti** yathā ekacce nikujjītamukhā viya sampattāya parisāya na kiñci kathenti, atidullabhakathā honti, na evarūpo. Samaṇo pana gotamo sulabhakatho. Na tassa santikaṃ āgatāgatānaṃ – “kasmā mayaṃ idhāgata”ti vipaṭṭisāro uppajjati dhammaṃ pana sutvā attamanāva hontīti dasseti. **Pubbhāhāsīti** bhāsanto ca paṭhamataraṃ bhāsati, tañca kho kālayuttaṃ pamāṇayuttaṃ atthanissitameva bhāsati, na niratthakakathaṃ.

**Na tasmim gāme vāti** yatha kira bhagavā paṭivasati, tattha mahesakkhā devatā ārakkhaṃ gaṇhanti, taṃ nissāya manussānaṃ upaddavo na hoti, paṃsupisācakādayoyeva hi manusse viheṭhenti, te tāsāṃ ānubhāvena dūraṃ apakkamanti. Api ca bhagavato mettābalenapi na amanussā manusse viheṭhenti.

**Saṅghīti**ādīsu anusāsitaṃ sayāṃ vā uppādito saṅgho assa atthīti **saṅghī**. Tādiso cassa gaṇo atthīti **gaṇī**. Purimapaḍasseva vā vevacanametamaṃ. Ācārasikkhāpanavasena gaṇassa ācariyoti **gaṇācariyo**. **Puthutitthakarānanti** bahūnaṃ titthakarānaṃ. **Yathā vā tathā vāti** yena vā tena vā acelakādimattakenāpi kāraṇena. **Samudāgacchatīti** samantato upagacchati abhivaḍḍhati.

**Atīthi no te hontīti** te amhākaṃ āgantukā, navakā pāhunakā hontīti attho. **Pariyāpuṇāmīti** jānāmi. **Aparimāṇavaṇṇoti** tathārūpeneva sabbaññunāpi appameyyavaṇṇo – “pageva mādisenā”ti dasseti. Vuttampi cettaṃ –

“Buddhopi buddhassa bhaṇeyya vaṇṇaṃ,  
Kappampī ce aññamabhāsamāno;  
Khīyetha kappo ciradīghamantare,  
Vaṇṇo na khīyetha tathāgatassā”ti.

**305.** Imaṃ pana satthu guṇakathaṃ sutvā te brāhmaṇā cintayimṣu – yathā soṇadaṇḍo brāhmaṇo samaṇassa gotamassa vaṇṇe bhaṇati, anomaguṇo so bhavaṃ gotamo; evaṃ tassa guṇe jānamānena kho pana ācariyena aticiraṃ adhivāsitaṃ, handa naṃ anuvattāmāti anuvattimṣu. Tasmā evaṃ vutte “te brāhmaṇā”tiādī vuttaṃ. Tattha **alamevāti** yuttameva. **Api puṭosenāti** puṭosaṃ vuccatī paṭheyyaṃ, taṃ gahetvāpi upasaṅkamitūṃ yuttamevāti attho. Puṭaṃsenātipi pāṭho, tassattho, puṭo aṃse assatī puṭaṃso, tena puṭaṃsena. Aṃsena hi pāṭheyyapuṭaṃ vahantenāpīti vuttaṃ hoti.

### Soṇadaṇḍaparivittakkavaṇṇanā

**306-308. Tirovanasaṇḍagatassāti** antovanasaṇḍe gatassa, viharabbhantaraṃ pavittassatī attho. **Añjaliṃ paṇāmetvāti** ete ubhatopakkhikā, te evaṃ cintayimṣu – “sace no micchādittikā codessanti – ‘kasmā tumhe samaṇaṃ gotamaṃ vanditthā’ti? Tesāṃ – ‘kiṃ añjalimattakaraṇenāpi vandanaṃ nāma hotī’ti vakkhāma. Sace no sammādittikā codessanti – ‘kasmā tumhe bhagavantaṃ na vanditthā’ti. ‘Kiṃ sīsena bhūmiyaṃ paharanteneva vandanaṃ nāma hoti, nanu añjalikammampi vandanaṃ evā’ti vakkhāmā’ti. **Nāmagottanti** “bho, gotama, ahaṃ asukassa putto datto nāma, mitto nāma, idhāgato”ti vadantā nāmaṃ sāventi nāma. “Bho, gotama, ahaṃ vāsetṭho nāma, kaccāno nāma, idhāgato”ti vadantā gottaṃ sāventi nāma. Ete kira daliddā jīṇṇā kulaputtā “parisamajjhe nāmagottavasena pākaṭā bhavissāmā”ti evamakaṃsu. Ye pana tuṇhībhūtā nisīdimṣu, te kerāṭikā ceva andhabālā ca. Tattha kerāṭikā – “ekaṃ dve kathāsallāpepi karonto vissāsiko hoti, atha vissāse satī ekaṃ dve bhikkhā adātūṃ na yutta”nti tato attānaṃ mocetvā tuṇhī nisīdanti. Andhabālā aññānatāyeva avakkhittamattikāpiṇḍo viya yatha katthaci tuṇhībhūtā nisīdanti.

### Brāhmaṇapaññattivaṇṇanā

**309-310. Cetasā cetoparivitakkanti** bhagavā – “ayaṃ brāhmaṇo āgatakālato paṭṭhāya adhomukho thaddhagatto kiṃ cintayamāno nisinno, kiṃ nu kho cinteti”ti āvajjanto attano cetasā tassa cittaṃ aññāsi. Tena vuttaṃ – “cetasā cetoparivitakkamaññāyā”ti. **Vihaññatīti** vighātaṃ āpajjati. **Anuviloketvā parisanti** bhagavato sakasamaye pañhapucchanena udake miyamāno ukkhipitvā thale ṭhapito viya samapassaddhakāyacitto hutvā parisam saṅgaṇhanatthaṃ diṭṭhisañjāneneva “upadhārentu me bhonto vacana”nti vadanto viya anuviloketvā parisam bhagavantaṃ etadavoca.

**311-313. Sujaṃ paggaṇhantānanti** yaññayaajanatthāya sujaṃ gaṇhantesu brāhmaṇesu paṭṭhamo vā dutiyo vāti attho. Sujāya diyyamānaṃ mahāyāgaṃ paṭiggaṇhantānanti porāṇā. Iti brāhmaṇo sakasamayavasena sammadeva pañhaṃ vissajjesi. Bhagavā pana visesato uttamabrāhmaṇassa dassanatthaṃ – “imesaṃ panā”tiādīmāha. **Etadavocunti** sace jātivaṇṇamantasampanno brāhmaṇo na hoti, atha ko carahi loke brāhmaṇo bhavissati? Nāseti no ayaṃ soṇadaṇḍo, handassa vādaṃ paṭikkhipissāmāti cintetvā etadavocuṃ. **Apavadatīti** paṭikkhipati. **Anupakkhandatīti** anupavisati. Idaṃ – “sace tvaṃ pasādavasena samaṇaṃ gotamaṃ saraṇaṃ gantukāmo, gaccha; mā brāhmaṇassa samayaṃ bhindī”ti adhippāyena āhaṃsu.

**314. Etadavocāti** imesu brāhmaṇesu evaṃ ekappahāreneva viravantesu “ayaṃ kathā pariyosānaṃ na gamissati, handa ne nissadde katvā soṇadaṇḍeneva saddhiṃ kathemi”ti cintetvā – “etaṃ sace kho tumhāka”ntiādikaṃ vacanaṃ avoca.

**315-316. Sahadhamenāti** sakāraṇena. **Samasamoti** ṭhapetvā ekadesasamattaṃ samabhāvena samo, sabbākārena samoti attho. **Ahamassa mātāpitaro jānāmīti** bhaginiyā puttassa mātāpitaro kiṃ na jānissati, kulakoṭiparidīpanaṃ sandhāyeva vadati. **Musāvādampi bhaṇeyyāti** atthabhañjanakaṃ musāvādaṃ katheyya. **Kiṃ vaṇṇo karissatīti** abbhantare guṇe asati kiṃ karissati? Kimassa brāhmaṇabhāvaṃ rakkhituṃ sakkhissatīti attho. Athāpi siyā puna – “pakatisīle ṭhitassa brāhmaṇabhāvaṃ sādheti”ti evampi sīlameva sādhesati, tasmīṃ hissa asati brāhmaṇabhāvo nāhosīti sammohamattaṃ vaṇṇādayo. Idaṃ pana sutvā te brāhmaṇā – “sabhāvaṃ ācariyo āha, akāraṇāva mayaṃ ujjhāyimhā”ti tuṅhī ahesuṃ.

### Sīlapaññākathāvaṇṇanā

**317.** Tato bhagavā ‘kathito brāhmaṇena pañho, kiṃ panettha patitṭhātuṃ sakkhissati, na sakkhissati’ti? Tassa vīmaṃsanatthaṃ – “imesaṃ pana brāhmaṇā”tiādīmāha. **Sīlaparidhotāti** sīlaparisuddhā. **Yattha sīlaṃ tattha paññāti** yasmiṃ puggale sīlaṃ, tattheva paññā, kuto dussīle paññā? Paññārahite vā jaḷe eḷamūge kuto sīlanti? **Sīlapaññānanti** sīlañca paññānañca sīlapaññānaṃ. **Paññānanti** paññāyeva. Evametam brāhmaṇāti bhagavā brāhmaṇassa vacanaṃ anujānanto āha. Tattha **sīlaparidhotā paññāti** catupārisuddhisīlena dhotā. Kathaṃ pana sīlena paññaṃ dhovatīti? Yassa puthujjanassa sīlaṃ saṭṭhīasītivassāni akhaṇḍaṃ hoti, so maraṇakālepi sabbakilese ghātetvā sīlena paññaṃ dhovitvā arahattaṃ gaṇhāti. Kandarasaḷapariveṇe mahāsaṭṭhivassatthero viya. There kira maraṇamañce nipajjitvā balavavedanāya nitthunante, tissamahārājā “theraṃ passissāmī”ti gantvā pariveṇadvāre ṭhito taṃ saddaṃ sutvā pucchi – “kassa saddo aya”nti? Therassa nitthunanasaddoti. “Pabbajjāya saṭṭhivassena vedanāpariggahamattampi na kataṃ, na dāni naṃ vandissāmī”ti nivattitvā mahābodhiṃ vandituṃ gato. Tato upaṭṭhākadaharo therā āha – “kiṃ no, bhante, lajjāpetha, saddhopi rājā vippaṭisārī hutvā na vandissāmī”ti gatoti. Kasmā āvusoti? Tumhākaṃ nitthunanasaddaṃ sutvāti. “Tena hi me okāsaṃ karoṭhā”ti vatvā vedanaṃ vikkhambhitvā arahattaṃ patvā daharassa saññaṃ adāsi – “gacchāvuso, idāni rājānaṃ amhe vandāpehī”ti. Daharo gantvā – “idāni kira therā, vandathā”ti āha. Rājā saṃsumārapatitena therā vandanto – “nāhaṃ ayyassa arahattaṃ vandāmi, puthujjanabhūmiyaṃ pana ṭhatvā rakkhitasīlameva vandāmi”ti āha, evaṃ sīlena paññaṃ dhovati nāma. Yassa pana abbhantare sīlasaṃvaro natthi, ugghāṭitaññutāya pana catuppadikagāthāpariyosāne paññāya sīlaṃ dhovitvā saha paṭisambhidāhi arahattaṃ pāpuṇāti. Ayaṃ paññāya sīlaṃ dhovati nāma. Seyyathāpi santatimahāmatto.

**318. Katamaṃ pana taṃ brāhmaṇāti** kasmā āha? Bhagavā kira cintesi – “brāhmaṇā brāhmaṇasamaye pañcasīlāni ‘sīla’nti paññāpentī, vedattayauggahaṇapaññā paññāti. Uparivisesaṃ na jānanti. Yaṃnūnāhaṃ brāhmaṇassa uttarivisesabhūtaṃ maggasīlaṃ, phalasīlaṃ, maggapaññaṃ, phalapaññaṃ dassetvā arahattanikūṭeṇa desanaṃ niṭṭhapeyya”nti. Atha naṃ kathetukamyatāya pucchanto



– “katamaṃ pana taṃ, brāhmaṇa, sīlaṃ katamā sā paññā”ti āha. Atha brāhmaṇo – “mayā sakasamayavasena pañño vissajjito. Samaṇo pana maṃ gotamo puna nivattitvā pucchati, idānissāhaṃ cittaṃ paritosevā vissajjituṃ sakkuṇeyyaṃ vā na vā? Sace na sakkhissaṃ paṭhamaṃ uppannāpi me lajjā bhijjissati. Asakkontassa pana na sakkomīti vacane doso natthi”ti puna nivattitvā bhagavatoyeva bhāraṃ karonto “ettakaparamāva maya”ntiādīmāha. Tattha **ettakaparamāti** ettakaṃ sīlapaññānanti vacanameva paramaṃ amhākaṃ, te mayam ettakaparamā, ito parama etassa bhāsītassa atthaṃ na jānāmāti attho.

Athassa bhagavā sīlapaññāya mūlabhūtassa tathāgatassa uppādato pabhuti sīlapaññānaṃ dassetuṃ – “idha brāhmaṇa, tathāgato”tiādīmāha. Tassattho sāmāññaphale vuttanayeneva veditabbo, ayaṃ pana viseso, idha tividhampi sīlaṃ – “idampissa hoti sīlasmi”nti evaṃ sīlamicceva niyyātitaṃ paṭhamajjhānādīni cattāri jhānāni atthato paññāsampadā. Evaṃ paññāvasena pana aniyyātetvā vipassanāpaññāya padaṭṭhānabhāvamattena dassetvā vipassanāpaññāto paṭṭhāya paññā niyyātītāti.

### Soṇadaṇḍaupāsakattapaṭivedanākathā

**319-322. Svātanāyāti** padassa attho ajjatanāyāti ettha vuttanayeneva veditabbo. **Tena maṃ sā parisā paribhaveyyāti** tena tumhe dūratova disvā āsanā vuṭṭhitakāraṇena maṃ sā parisā – “ayaṃ soṇadaṇḍo pacchimavaye ṭhito mahallako, gotamo pana daharo yuvā nattāpissa nappahoti, so nāma attano nattumattabhāvampi appattassa āsanā vuṭṭhātī”ti paribhaveyya. **Āsanā me taṃ bhavaṃ gotamo paccuṭṭhānanti** mama agāravena avuṭṭhānaṃ nāma natthi, bhoganāsanabhayena pana na vuṭṭhahissāmi, taṃ tumhe hi ceva mayā ca nātumuṃ vaṭṭati. Tasmā āsanā me etaṃ bhavaṃ gotamo paccuṭṭhānaṃ dhāretūti, iminā kira sadiso kuhako dullabho, bhagavati panassa agāraṃ nāma natthi, tasmā bhoganāsanabhayā kuhanavasena evaṃ vadati. Parapadesupi eseṃ nayo. **Dhammiyā kathāyāti**ādīsu taṅkhaṇānurūpāya dhammiyā kathāya diṭṭhadhammikasamparāyikaṃ atthaṃ sandassetvā kusale dhamme samādapetvā gaṇhāpetvā. Tattha naṃ samuttejetvā saussāhaṃ katvā tāya ca saussāhatāya aññehi ca vijjamānaguṇehi sampahaṃsetvā dhammaratanavassaṃ vassitvā uṭṭhāyāsanā pakkāmi. Brāhmaṇo pana attano kuhakatāya evampi bhagavati dhammavassaṃ vassite visesaṃ nibbattetuṃ nāsakkhi. Kevalamassa āyatim nibbānatthāya vāsanābhāgiyāya ca sabbā purimacchimakathā ahoṣīti.

Iti sumaṅgalavilāsiniyā dīghanikāyaṭṭhakathāyaṃ

Soṇadaṇḍasuttavaṇṇanā niṭṭhitā.

## 5. Kūṭadantasuttavaṇṇanā

**323. Evaṃ me sutam...pe... magadhesūti** kūṭadantasuttaṃ. Tatrāyaṃ apubbapadavaṇṇanā. **Magadhesūti** magadhā nāma jānapadino rājakumārā, tesam nivāso ekopi janapado rūlḥīsaddena magadhāti vuccati, tasmim magadhesu janapade. Ito parama purimasuttadvaye vuttanayameva. Ambalaṭṭhikā brahmajāle vuttasadisāva. **Kūṭadantoti** tassa brāhmaṇassa nāmaṃ. **Upakkhaṭoti** sajjito. **Vacchatarasatānīti** vacchasatāni. **Urabbhāti** taruṇameṇḍakā vuccanti. Ete tāva pāliyaṃ āgatāyeva. Pāliyaṃ pana anāgatānampi anekesaṃ migapakkhīnaṃ sattasattasatāni sampiṇḍitānevāti veditabbāni. Sabbasattasatikayāgaṃ kiresa vajitukāmo hoti. **Thūṇūpanītānīti** bandhitvā ṭhapanatthāya yūpasaṅkhātāṃ thūṇaṃ upanītāni.

**328. Tividhanti** ettha vidhā vuccati ṭhapanā, tiṭṭhapananti attho. **Soḷasaparikkhāranti** soḷasaparivāraṃ.

**330-336. Paṭivasantīti** yaññānubhavanatthāya paṭivasanti. **Bhūtapubbanti** idaṃ bhagavā pathavīgatāṃ nidhiṃ uddharitvā purato rāsīm karonto viya bhavaṇḍācchannaṃ pubbacaritaṃ dassento āha. **Mahāvijitoti** so kira sāgarapariyantaṃ mahantaṃ pathavīmaṇḍalaṃ vijini, iti mahantaṃ vijitamassāti mahāvijito tveva saṅkhyāṃ agamāsī. **Aḍḍhoti**ādīsu yo koci attano santakena vibhavana aḍḍho hoti, ayaṃ pana na kevalaṃ aḍḍhoyeva, mahaddhano mahatā aparimāṇasaṅkhyena dhanena samannāgato. Pañcakāmaguṇavasena mahantā ulārā bhogā assāti **mahābhogo**. Piṇḍapiṇḍavasena ceva suvaṇṇamāsakarajataṃ māsaḍḍivasena ca jātarūparajataṃ pahūtātāya **pahūtājātarūparajato**, anekakoṭisaṅkhyena jātarūparajataṃ samannāgatoti

attho. **Vittīti** tuṭṭhi, vittiyā upakaraṇaṃ **vittūpakaraṇaṃ** tuṭṭhikāraṇanti attho. Pahūtaṃ nānāvīdhālaṅkārasuvaṇṇarajatabhājanādibhedam vittūpakaraṇamassāti **pahūtavittūpakaraṇo**. Sattaratanasāṅkhātassa nidahitvā ṭhapitadhanassa sabbapubbaṇṇāparaṇṇasaṅgahitassa dhañṇassa ca pahūtātāya **pahūtadhanadhañño**. Athavā idamassa devasikaṃ paribbayadānaggahaṇādivasena parivattanadhanadhañṇavasena vuttaṃ.

**Paripuṇṇakosakoṭṭhāgāro**ti koso vuccati bhaṇḍāgāraṃ, nidahitvā ṭhapitena dhanena paripuṇṇakoso, dhañṇena paripuṇṇakoṭṭhāgāro cāti attho. Athavā catubbidho koso – hatthī, assā, rathā, pattīti. Koṭṭhāgāraṃ tividham – dhanakoṭṭhāgāraṃ, vatthakoṭṭhāgāraṃ, dhañṇakoṭṭhāgāraṃ, taṃ sabbampi paripuṇṇamassāti paripuṇṇakosakoṭṭhāgāro. **Udapādīti** uppajji. Ayaṃ kira rājā ekadivasam ratanāvalokanacārikaṃ nāma nikkhanto. So bhaṇḍāgārikaṃ pucchi – “tāta, idaṃ evaṃ bahudhanaṃ kena saṅgharita”nti? Tumhākaṃ pitupitāmahādīhi yāva sattamā kulaparivaṭṭāti. Idaṃ pana dhanam saṅgharivā te kuhiṃ gatāti? Sabbeva te, deva, maraṇavasam pattāti. Attano dhanam agahetvāva gatā, tātāti? Deva, kiṃ vadetha, dhanam nāmetam pahāya gamanīyameva, no ādāya gamanīyanti. Atha rājā nivattitvā sirīgabbhe nisinno – ‘adhigatā kho me’tiādīni cintesi. Tena vuttaṃ – “evaṃ cetaso parivitakko udapādī”ti.

**337. Brāhmaṇaṃ āmantetvāti** kasmā āmantesi? Ayaṃ kirevaṃ cintesi – “dānaṃ dentena nāma ekena paṇḍitena saddhiṃ mantetvā dātuṃ vaṭṭati, anāmantetvā katakammañhi pacchānutāpaṃ karoti”ti. Tasmā āmantesi. Atha brāhmaṇo cintesi – “ayaṃ rājā mahādānaṃ dātukāmo, janapade cassa bahū corā, te avūpasametvā dānaṃ dentassa khīradadhitaṇḍulādike dānasambhāre āharantānaṃ nippurisāni gehāni corā vilumpissanti janapado corabhayeneva kolāhalo bhavissati, tato rañño dānaṃ na ciraṃ pavattissati, cittampissa ekaggaṃ na bhavissati, handa, naṃ etamatthaṃ saññāpemī”ti tato tamatthaṃ saññāpento “bhoto, kho rañño”tiādīmāha.

**338.** Tattha **sakaṇṭakoti** corakaṇṭakehi sakaṇṭako. **Panthaduhanāti** panthaduhā, panthaghātakāti attho. **Akiccakārī** assāti akattabbakārī adhammakārī bhavēyya. **Dassukhilaṃ** corakhīlam. **Vadhena vāti** mārāṇena vā koṭṭanena vā. **Bandhanenāti** addubandhanādīnā. **Jāniyāti** hāniyā; “sataṃ gaṇhatha, sahasam gaṇhathā”ti evaṃ pavattitadāṇḍenāti attho. **Garahāyāti** pañcasikhamuṇḍakaraṇaṃ, gomayasīṅcanaṃ, gīvāya kudaṇḍakabandhananti evamādīni katvā garahapāpanena. **Pabbājanāyāti** raṭṭhato nīharaṇena. **Samūhanissāmīti** sammā hetunā nayena kāraṇena ūhanissāmi. **Hatāvasesakāti** matāvasesakā. **Ussahantīti** ussāham karonti. **Anuppadetūti** dinne appahonte puna aññampi bījañca bhattañca kasiupakaraṇabhaṇḍaṇca sabbam detūti attho. **Pābhatam anuppadetūti** sakkhiṃ akatvā paṇṇe anāropetvā mūlacchejjavasena bhaṇḍamūlam detūti attho. Bhaṇḍamūlassa hi pābhatanti nāmaṃ. Yathāha –

“Appakenapi medhāvī, pābhatena vicakkhaṇo;  
Samuṭṭhāpeti attānaṃ, aṇuṃ aggiṃva sandhama”nti. (jā. 1.1.4);

**Bhattavetananti** devasikaṃ bhattañceva māsikādiparibbayañca tassa tassa kusalakammasūrabhāvānurūpena ṭhānantaragāmanigamādīdānena saddhiṃ detūti attho. **Sakammapasutāti** kasivāñijjādīsū sakesu kammesu uyyuttā byāvaṭṭā. **Rāsikoti** dhanadhañṇānaṃ rāsiko. **Khemaṭṭhitāti** khemena ṭhitā abhayā. **Akaṇṭakāti** corakaṇṭakarāhitā. **Mudā modamānāti** modā modamānā. Ayameva vā pāṭho, aññamaññaṃ pamuditacittāti adhippāyo. **Apārutagharāti** corānaṃ abhāvena dvārāni asaṃvaritvā vivaṭadvārāti attho. **Etadavocāti** janapadassa sabbākārena iddhaphītabhāvaṃ ñatvā etaṃ avoca.

### Catuparikkhāraṇaṇā

**339. Tena hi bhavaṃ rājāti** brāhmaṇo kira cintesi – “ayaṃ rājā mahādānaṃ dātuṃ ativiya ussāhajāto. Sace pana attano anuyantā khattiyādayo anāmantetvā dassati. Nāssa te attamanā bhavissanti; yathā dānaṃ te attamanā honti, tathā karissāmī”ti. Tasmā “tena hi bhava”ntiādīmāha. Tattha **negamāti** nigamavāsino. **Jānapadāti** janapadavāsino. **Āmantayatanti** āmantetu jānāpetu. **Yaṃ mama assāti** yaṃ tumhākaṃ anujānanaṃ mama bhavēyya. **Amaccāti** piyasahāyakā. **Pārisajjāti** sesā āṇattikārakā. **Yajataṃ bhavaṃ rājāti** yajatu bhavaṃ, te kira – ayaṃ rājā “ahaṃ issaro”ti pasayha dānaṃ adatvā amhe āmantesi, ahonena suṭṭhu kata”nti attamanā evamāhaṃsu. Anāmantite panassa yaññāṭṭhānaṃ dassanāyapi na gaccheyyūṃ.

**Yaññakālo mahārājāti** deyyadhammasmiñhi asati mahallakakāle ca evarūpaṃ dānaṃ dātuṃ na sakkā, tvaṃ pana mahādhanō ceva taruṇo ca, etena te yaññakāloti dassentā vadanti. **Anumatipakkhāti** anumatiyā pakkhā, anumatiḍāyakāti attho. **Parikkhārā bhavantīti** parivārā bhavanti. “Ratho sīlaparikkhāro, jhānakkho cakkavīriyo”ti (saṃ. ni. 5.4) ettha pana alaṅkāro parikkhāroti vutto.

### Aṭṭhaparikkhāravaṇṇanā

**340. Aṭṭhahaṅgehīti** ubhato sujātādīhi aṭṭhahi aṅgehi. **Yasasāti** āṇāṭhapanasamatthatāya. **Saddhoti** dānassa phalaṃ atthīti saddahati. **Dāyakoti** dānasūro. Na saddhāmatkeneva tiṭṭhati, pariccajitumpi sakkotīti attho. **Dānapatīti** yaṃ dānaṃ deti, tassa pati hutvā deti, na dāso, na sahāyo. Yo hi attanā madhuraṃ bhuñjati, paresaṃ amadhuraṃ deti, so dānasaṅkhātassa deyyadhammassa dāso hutvā deti. Yo yaṃ attanā bhuñjati, tadeva deti, so sahāyo hutvā deti. Yo pana attanā yena kenaci yāpeti, paresaṃ madhuraṃ deti, so pati jeṭṭhako sāmī hutvā deti, ayaṃ tādīsoti attho. **Samaṇabrāhmaṇakapaṇaddhikavaṇibbakayācakānanti** ettha samitapāpā **samaṇā**, bāhitapāpā brāhmaṇā. **Kapaṇāti** duggatā daliddamanussā. **Addhikāti** pathāvino. **Vaṇibbakāti** ye – “iṭṭhaṃ dinnaṃ, kantaṃ, manāpaṃ, kālena anavajjaṃ dinnaṃ, dadaṃ cittaṃ pasādeyya, gacchatu bhavaṃ brahmaloka”ntiādinā nayena dānassa vaṇṇaṃ thomayamānā vicaranti. **Yācakāti** ye – “pasatamattaṃ detha, sarāvamattaṃ dethā”tiādinā vatvā yācamānā vicaranti. **Opānabhūtōti** udapānabhūto. Sabbesaṃ sādharmaṇaparibhogo, catumahāpathe khatapokkharāṇī viya hutvāti attho. **Sutajātassāti** ettha sutameva sutajātaṃ. **Atītānāgatapaccuppane atthe cintetuntīti** ettha – “atīte puññaṃ katattāyeva me ayaṃ sampattī”ti, evaṃ cintento atītamatthaṃ cintetuṃ paṭibalo nāma hoti. “Idāni puññaṃ katvāva anāgate sakkā sampattiṃ pāpuṇitu”nti cintento anāgatamatthaṃ cintetuṃ paṭibalo nāma hoti. “Idaṃ puññaṃ katvāva anāgate sakkā sampattiṃ pāpuṇitu”nti cintento anāgatamatthaṃ cintetuṃ paṭibalo nāma hoti. “Idaṃ puññaṃ katvāva anāgate sakkā sampattiṃ pāpuṇitu”nti cintento anāgatamatthaṃ cintetuṃ paṭibalo nāma hoti. “Idaṃ puññaṃ katvāva anāgate sakkā sampattiṃ pāpuṇitu”nti cintento anāgatamatthaṃ cintetuṃ paṭibalo nāma hoti. **Iti imānīti** evaṃ yathā vuttāni etāni. Etehi kira aṭṭhahaṅgehi samannāgatassa dānaṃ sabbadisāhi mahājano upasaṅkamati. “Ayaṃ dujjāto kittakaṃ kālaṃ dassati, idāni vippaṭisārī hutvā upacchindissatī”ti evamādinā cintetvā na koci upasaṅkamitabbaṃ maññati. Tasmā etāni aṭṭhaṅgāni parikkhārā bhavantīti vuttāni.

### Catuparikkhārādivaṇṇanā

**341. Sujaṃ paggaṇhantānanti** mahāyāgapaṭiḅgaṇhanaṭṭhāne dānakaṭacchūṃ paggaṇhantānaṃ. **Imehi catūhīti** etehi sujātādīhi. Etesu hi asati – “evaṃ dujjātassa saṃvidhānena pavattadānaṃ kittakaṃ kālaṃ pavattissatī”tiādinā vatvā upasaṅkamitāro na honti. Garahitabbābhāvato pana upasaṅkamantiyeva. Tasmā imānipi parikkhārā bhavantīti vuttāni.

**342. Tisso vidhā desesīti** tīṇi ṭhapanāni desesi. So kira cintesi – “dānaṃ dadamānā nāma tiṇṇaṃ ṭhānānaṃ aññatarasmiṃ calanti handāhaṃ imaṃ rājānaṃ tesu ṭhānesu paṭhamataraññeva niccalaṃ karomī”ti. Tenassa tisso vidhā desesīti. **So bhoto raññoti** idaṃ karaṇatthe sāmivacanaṃ. Bhotā raññāti vā pāṭho. **Vippaṭisāro na karaṇīyoti** “bhogānaṃ vigamahetuko pacchānutāpo na kattabbo, pubbacetanā pana acalā patiṭṭhapetabbā, evaṃhi dānaṃ mahapphalaṃ hoti”ti dasseti. Itaresupi dvīsu ṭhānesu eseṃva nayo. Muñcacetanāpi hi pacchāsamanussaraṇacetanā ca niccalāva kātabbā. Tathā akarontassa dānaṃ na mahapphalaṃ hoti, nāpi uḷāresu bhogesu cittaṃ namati, mahārōruvaṃ upapannassa seṭṭhigahapatino viya.

**343. Dasahākārehīti** dasahi kāraṇehi. Tassa kira evaṃ ahoṣi – sacāyaṃ rājā dussīle disvā – “nassati vata me dānaṃ, yassa me evarūpā dussīlā bhuñjantī”ti sīlavantesupi vippaṭisāraṃ uppādesatī, dānaṃ na mahapphalaṃ bhavissati. Vippaṭisāro ca nāma dāyakanāṃ paṭiggāhakatova uppajjati, handassa paṭhamameva taṃ vippaṭisāraṃ vinodemīti. Tasmā dasahākārehi upacchijjituṃ yuttaṃ paṭiggāhakesupi vippaṭisāraṃ vinodesīti. **Tesaññeva tenāti** tesaññeva tena pāpena anitṭho vipāko bhavissati, na aññesanti dasseti. **Yajataṃ bhavanti** detu bhavaṃ. **Sajjantanti** vissajjatu. **Antaranti** abbhantaraṃ.

**344. Soḷasahi ākārehi cittaṃ sandassesīti** idha brāhmaṇo rañño mahādānānumodanaṃ nāma āradhho. Tattha **sandassesīti** – ‘idaṃ dānaṃ dātā evarūpaṃ sampattiṃ labhatī’ti dassetvā dassetvā kathesi. **Samādapesīti** tadatthaṃ samādapetvā kathesi. **Samuttejesīti** vippaṭisāravinodanena cittaṃ vodāpesi. **Sampahamsesīti** ‘sundaraṃ te kataṃ, mahārāja, dānaṃ dadamānenā’ti thutiṃ katvā kathesi. **Vattā**

**dhammato natthīti** dhammena samena kāraṇena vattā natthi.

**345. Na rukkhā chijjimsu yūpatthāya na dabbhā lūyimsu barihisatthāyāti** ye yūpanāmake mahāthambhe ussāpetvā – “asukarājā asukāmacco asukabrāhmaṇo evarūpaṃ nāma mahāyāgaṃ yajati”ti nāmaṃ likhitvā ṭhapenti. Yāni ca dabbhatīṇāni lāyitvā vanamālāsāṅkhepena yaññasālaṃ parikkhipanti, bhūmiyaṃ vā pattharanti, tepi na rukkhā chijjimsu, na dabbhā lūyimsu. Kiṃ pana gāvo vā ajādayo vā haññissantīti dasseti. **Dāsāti** antogehadāsādayo. **Pessāti** ye pubbameva dhanam gahetvā kammaṃ karonti. **Kammakarāti** ye bhattavetanam gahetvā karonti. Daṇḍatajjitā nāma daṇḍayaṭṭhimuggarādīni gahetvā – “kammaṃ karotha karothā”ti evaṃ tajjitā. Bhayatajjitā nāma – sace kammaṃ karosi, kusalaṃ. No ce karosi, chindissāma vā bandhissāma vā māressāma vāti evaṃ bhayena tajjitā. Ete pana na daṇḍatajjitā, na bhayatajjitā, na assumukhā rodamānā parikkammāni akaṃsu. Atha kho piyasamudācāreṇeva samudācariyamānā akaṃsu. Na hi tattha dāsaṃ vā dāsāti, pessaṃ vā pessāti, kammakaraṃ vā kammakarāti ālapanti. Yathānāmaseneva pana piyasamudācāreṇa ālapitvā itthipurisabalavantadubbalaṇam anurūpameva kammaṃ dassetvā – “idañcidañca karothā”ti vadanti. Tepi attano rucivaseneva karonti. Tena vuttaṃ – “ye icchimsu, te akaṃsu; ye na icchimsu, na te akaṃsu. Yaṃ icchimsu, taṃ akaṃsu; yaṃ na icchimsu, na taṃ akaṃsu”ti. **Sappitelanavanītadadhimadhuphāṇitena ceva so yañño niṭṭhānamagamāsīti** rājā kira bahinagarassa catūsu dvāresu antonagarassa ca majjheti pañcasu ṭhānesu mahādānasālāyo kārapetvā ekekissāya sālāya satahassaṃ satahassaṃ katvā divase divase pañcasatasahassāni vissajjetvā sūriyuggamanato paṭṭhāya tassa tassa kālassa anurūpehi sahatthena suvaṇṇakaṭacchuṃ gahetvā paṇītehi sappitelādisammisseheva yāgukhajjakabhattabyañjanapānakādīhi mahājanam santappesi. Bhājanāni pūretvā gaṇhitukāmānam tatheva dāpesi. Sāyaṇhasamaye pana vatthagandhamālādīhi sampūjesi. Sappiādīnam pana mahācāṭīyo pūrapetvā – “yo yaṃ paribhuñjitukāmo, so taṃ paribhuñjatū”ti anekasatesu ṭhānesu ṭhapāpesi. Taṃ sandhāya vuttaṃ – “sappitelanavanītadadhimadhuphāṇitena ceva so yañño niṭṭhānamagamāsī”ti.

**346. Pahūtam sāpateyyam ādāyāti** bahum dhanam gahetvā. Te kira cintesum – “ayaṃ rājā sappitelādīni janapadato anāharāpetvā attano santakameva nīharitvā mahādānam deti. Amhehi pana ‘rājā na kiñci āharāpeti’ti na yuttaṃ tuṇhī bhavitum. Na hi rañño ghare dhanam akkhayadhamameva, amhesu ca adentesu ko añño rañño dassati, handassa dhanam upasaṃharāmā”ti te gāmahāgena ca nigamabhāgena ca nagarabhāgena ca sāpateyyam saṃharitvā sakaṭāni pūretvā rañño upaharimsu. Taṃ sandhāya – “pahūtam sāpateyya”ntiādīmāha.

**347. Puratthimena yaññavāṭassāti** puratthimato nagaradvāre dānasālāya puratthimabhāge. Yathā puratthimadisato āgacchantā khattiyānam dānasālāya yāgum pivitvā rañño dānasālāya bhujjitvā nagaram pavisanti. Evarūpe ṭhāne paṭṭhapesum. **Dakkhiṇena yaññavāṭassāti** dakkhiṇato nagaradvāre dānasālāya vuttanayeneva dakkhiṇabhāge paṭṭhapesum. Pacchimuttāresupi eseva nayo.

**348. Aho yañño, aho yaññasampadāti** brāhmaṇā sappiādīhi niṭṭhānagamanam sutvā – “yaṃ loke madhuraṃ, tadeva samaṇo gotamo katheti, handassa yaññam pasamsāmā”ti tuṭṭhacittā pasamsamānā evamāhaṃsu. **Tuṇhībhūtova nisinnō hotīti** upari vattabbamattham cintayamāno nissaddova nisinnō hoti. **Abhijānāti pana bhavam gotamoti** idaṃ brāhmaṇo parihārena pucchanto āha. Itarathā hi – “kiṃ pana tvam, bho gotama, tadā rājā ahosi, udāhu purohito brāhmaṇo”ti evaṃ ujukameva pucchayamāno agāravo viya hoti.

### Niccadānaanukulayaññavaṇṇanā

**349. Atthi pana, bho gotamāti** – idaṃ brāhmaṇo “sakalajambudīpavāsīnam uṭṭhāya samuṭṭhāya dānam nāma dātum garukaṃ sakalajanapado ca attano kammāni akaronto nassissati, atthi nu kho amhākampi imamhā yaññā añño yañño appasamārambhataro ceva mahapphalataro cā”ti etamattham pucchanto āha. **Niccadānānīti** dhuvadānāni niccabhattāni. **Anukulayaññānīti** – “amhākaṃ pitupitāmahādīhi pavattitānī”ti katvā pacchā duggatapuriṣehipi vaṃsaparamparāya pavattetabbāni yāgāni, evarūpāni kira sīlavante uddissa nibaddhadānāni tasmiṃ kule daliddāpi na upacchindanti.

**Tatridam vatthu** – anāthapiṇḍikassa kira ghare pañca niccabhattasatāni dīyimsu. Dantamayasalākāni

pañcasatāni ahesuṃ. Atha taṃ kulaṃ anukkamena dāliddiyena abhibhūtaṃ, ekā tasmiṃ kule dārikā ekasālākato uddhaṃ dātuṃ nāsakkhi. Sāpi pacchā setavāhanarajjaṃ gantvā khalaṃ sodhetvā laddhadhaññena taṃ salākaṃ adāsi. Eko thero rañño ārocesi. Rājā taṃ ānetvā aggamaheṣiṭṭhāne ṭhapesi. Sā tato paṭṭhāya puna pañcapi salākabhattasatāni pavattesi.

**Daṇḍappahārāti** – “paṭipāṭiyā tiṭṭhatha tiṭṭhathā”ti ujum gantvā gaṇhatha gaṇhathāti ca ādīni vatvā dīyamānā daṇḍappahārāpi galaggāhāpi dissanti. **Ayaṃ kho, brāhmaṇa, hetu...pe... mahānisamsatarañcāti.** Ettha yasmā mahāyaññe viya imasmiṃ salākabhatte na bahūhi veyyāvaccakarehi vā upakaraṇehi vā attho atthi, tasmā etaṃ appaṭṭhataṃ. Yasmā cettha na bahūnaṃ kammachedavasena pīlāsānkhāto samārambho atthi, tasmā appasamārambhataṃ. Yasmā cettaṃ saṅghassa yiṭṭhaṃ pariccattaṃ, tasmā yaññanti vuttaṃ, yasmā pana chaḷaṅgasamannāgatāya dakkhiṇāya mahāsamudde udakasseva na sukaraṃ puññābhisaṇḍassa pamāṇaṃ kātuṃ, idaṅca tathāvidhaṃ. Tasmā taṃ mahapphalatarañca mahānisamsatarañcāti veditabbaṃ. Idaṃ sutvā brāhmaṇo cintesi – idampi niccabhattaṃ uṭṭhāya samuṭṭhāya dadato divase divase ekassa kammaṃ nassati. Navanavo ussāho ca janetabbo hoti, atthi nu kho itopi añño yañño appaṭṭhataro ca appasamārambhataro cāti. Tasmā “atthi pana, bho gotamā”tiādimāha. Tattha yasmā salākabhatte kiccapariyosānaṃ natthi, ekena uṭṭhāya samuṭṭhāya aññaṃ kammaṃ akatvā saṃvidhātābameva. Vihāradāne pana kiccapariyosānaṃ atthi. Paṇṇasālaṃ vā hi kāretuṃ koṭidhanaṃ vissajjetvā mahāvihāraṃ vā, ekavāraṃ dhanapariccāgaṃ katvā kāritaṃ sattaṭṭhavassānīpi vassasatampi vassasahassampi gacchatiyeva. Kevalaṃ jiṇṇapatitaṭṭhāne paṭisaṅkharāṇamattameva kātabbaṃ hoti. Tasmā idaṃ vihāradānaṃ salākabhattato appaṭṭhataṃ appasamārambhatarāñca hoti. Yasmā panettha suttantapariyāyena yāvadeva sītassa paṭighātāyāti ādayo navānisamsā vuttā, khandhakapariyāyena.

“Sītaṃ uṇhaṃ paṭihanti, tato vālamigāni ca;  
Sirimsape ca makase ca, sisire cāpi vuṭṭhiyo.

Tato vātātapo ghorō, sañjāto paṭihaññati;  
Leṇatthañca sukhatthañca, **jhāyituñca vipassituṃ.**

Vihāradānaṃ saṅghassa, aggaṃ buddhena vaṇṇitaṃ;  
Tasmā hi paṇḍito poso, sampassaṃ atthamattano;  
Vihāre kāraye ramme, vāsayettha bahussute.

Tasmā annaṅca pānañca, vatthasenāsanāni ca;  
Dadeya ujubhūtesu, vippasannena cetāsā.

Te tassa dhammaṃ desenti, sabbadukkhāpanūdanaṃ;  
Yaṃ so dhammaṃ idhaññāya, parinibbāti anāsavo”ti. (cūḷava. 295);

Sattarasānisamsā vuttā. Tasmā etaṃ salākabhattato mahapphalatarañca mahānisamsatarañcāti veditabbaṃ. Saṅghassa pana pariccattattāva yaññoti vuccati. Idampi sutvā brāhmaṇo cintesi – “dhanapariccāgaṃ katvā vihāradānaṃ nāma dukkaraṃ, attano santakā hi kākaṇikāpi parassa duppariccajā, handāhaṃ itopi appaṭṭhatarāñca appasamārambhatarāñca yaññaṃ pucchāmi”ti. Tato taṃ pucchanto – “atthi pana bho”tiādimāha.

**350-351.** Tattha yasmā sakim pariccattepi vihāre punappunaṃ chādanakhaṇḍaphullappaṭisaṅkharāṇādivasena kiccaṃ atthiyeva, saraṇaṃ pana ekabhikkhussa vā santike saṅghassa vā gaṇassa vā sakim gahitaṃ gahitameva hoti, natthi tassa punappunaṃ kattabbatā, tasmā taṃ vihāradānato appaṭṭhatarāñca appasamārambhatarāñca hoti. Yasmā ca saraṇagamaṇaṃ nāma tiṇṇaṃ ratanānaṃ jīvitapariccāgamayaṃ puññakammaṃ saggasampattiṃ deti, tasmā mahapphalatarañca mahānisamsatarañcāti veditabbaṃ. Tiṇṇaṃ pana ratanānaṃ jīvitapariccāgavasena yaññoti vuccati.

**352.** Idaṃ sutvā brāhmaṇo cintesi – “attano jīvitaṃ nāma parassa pariccajituṃ dukkaraṃ, atthi nu kho itopi appaṭṭhataro yañño”ti tato taṃ pucchanto puna “atthi pana, bho gotamā”tiādimāha. Tattha pāṇātipātā

veramaṇītiādīsu **veramaṇī** nāma virati. Sā tividhā hoti – sampattavirati, samādānavirati setughātaviratīti. Tattha yo sikkhāpadāni agahetvāpi kevalaṃ attano jātigottakulāpadesādīni anussarivā – “na me idaṃ patirūpa”nti pāṇātipātādīni na karoti, sampattavatthūṃ pariharati. Tato ārakā viramati. Tassa sā virati sampattaviratīti veditabbā.

“Ajjatagge jīvītahetupi pāṇaṃ na hanāmī”ti vā “pāṇātipātā viramāmī”ti vā “veramaṇiṃ samādiyamī”ti vā evaṃ sikkhāpadāni gaṇhantassa pana virati samādānaviratīti veditabbā.

Ariyasāvakaṇaṃ pana maggasampayuttā virati setughātavirati nāma. Tattha purimā dve viratiyo yaṃ voropānādivasena vītikkamitabbaṃ jīvitindriyādivatthu, taṃ ārammaṇaṃ katvā pavattanti. Pacchimā nibbānārammaṇāva. Ettha ca yo pañca sikkhāpadāni ekato gaṇhati, tassa ekasmiṃ bhinne sabbāni bhinnāni honti. Yo ekekaṃ gaṇhati, so yaṃ vītikkamati, tadeva bhijjati. Setughātaviratiyā pana bhedo nāma natthi, bhavantarepi hi ariyasāvako jīvītahetupi neva pāṇaṃ hanatī na suraṃ pivatī. Sacepissa suraṇca khīraṇca missetvā mukhe pakkhipanti, khīrameva pavisati, na surā. Yathā kiṃ? Koñcasakuṇaṇaṃ khīramissake uduke khīrameva pavisati? Na udakaṃ. Idaṃ yonisiddhanti ce, idaṃ dhammatāsiddhanti ca veditabbāṃ. Yasmā pana saraṇagamane diṭṭhiujukakaraṇaṃ nāma bhāriyaṃ. Sikkhāpadasamādāne pana viratimattakameva. Tasmā etaṃ yathā vā tathā vā gaṇhantassāpi sādhukaṃ gaṇhantassāpi appaṭṭhataṇca appasamārambhataṇca. Pañcasīlasadisassa pana dānassa abhāvato ettha mahapphalatā mahānisamsatā ca veditabbā. Vuttañhetuṃ –

“Pañcimāni, bhikkhave, dānāni mahādānāni aggaññāni rattaññāni vaṃsaññāni porāṇāni asaṃkiṇṇāni asaṃkiṇṇapubbāni na saṅkiyanti na saṅkiyissanti appaṭṭikuttāni samaṇehi brāhmaṇehi viññūhi. Katamāni pañca? Idha, bhikkhave, ariyasāvako pāṇātipātāṃ pahāya pāṇātipātā paṭivirato hoti. Pāṇātipātā paṭivirato, bhikkhave, ariyasāvako aparimāṇaṇaṃ sattānaṃ abhayaṃ deti, averaṃ deti abyāpajjhaṃ deti. Aparimāṇaṇaṃ sattānaṃ abhayaṃ datvā averaṃ datvā abyāpajjhaṃ datvā aparimāṇassa abhayaṃ averassa abyāpajjhassa bhāgī hoti. Idaṃ, bhikkhave, paṭhamāṃ dānaṃ mahādānaṃ...pe... viññūhīti.

Puna caparaṃ, bhikkhave, ariyasāvako adinnādānaṃ pahāya...pe... kāmesumicchācāraṃ pahāya...pe... musāvādaṃ pahāya...pe... surāmerayamajjapamādaṭṭhānaṃ pahāya...pe... imāni kho, bhikkhave, pañca dānāni mahādānāni aggaññāni...pe... viññūhī”ti (a. ni. 8.39).

Idaṇca pana sīlapañcakaṃ – “attasinehaṇca jīvitasinehaṇca pariccajivā rakkhissāmī”ti samādinnaṭṭāya yaññoti vuccati. Tattha kiñcāpi pañcasīlato saraṇagamanaṃ eva jeṭṭhakaṃ, idaṃ pana saraṇagamaneva paṭiṭṭhāya rakkhitasīlavasena mahapphalanti vuttaṃ.

**353.** Idampi sutvā brāhmaṇo cintesi – “pañcasīlaṃ nāma rakkhituṃ garukaṃ, atthi nu kho aññaṃ kiñci īdisameva hutvā ito appaṭṭhataṇca mahapphalataṇca”ti. Tato taṃ pucchanto punapi – “atthi pana, bho gotamā”tiādīmāha. Athassa bhagavā tividhasīlapāripūriyaṃ ṭhitassa paṭhamajjhānādīnaṃ yaññānaṃ appaṭṭhataṇca mahapphalataṇca dassetukāmo buddhuppādato paṭṭhāya desanaṃ ārabhanto “idha brāhmaṇā”tiādīmāha. Tattha yasmā heṭṭhā vuttehi guṇehi samannāgato paṭhamāṃ jhānaṃ, paṭhamajjhānādīsu ṭhito dutiyajjhānādīni nibbattento na kilamati, tasmā tāni appaṭṭhāni appasamārambhāni. Yasmā panettha paṭhamajjhānaṃ ekaṃ kappāṃ brahmaloke āyūṃ deti. Dutiyāṃ aṭṭhakappe. Tatiyaṃ catusaṭṭhikappe. Catutthaṃ pañcakappasatāni. Tadeva ākāsānañcāyatanādīsamāpattivasena bhāvitāṃ vīsati, cattālīsaṃ, saṭṭhi, caturāsīti ca kappasahassāni āyūṃ deti; tasmā mahapphalataṇca mahānisamsataraṇca. Nīvaraṇādīnaṃ pana paccanīkānaṃ dhammānaṃ pariccattatā taṃ yaññanti veditabbāṃ.

Vipassanāññaṃpi yasmā catutthajjhānapariyosānesu guṇesu paṭiṭṭhāya nibbattento na kilamati, tasmā appaṭṭhaṃ appasamārambhaṃ; vipassanāsukhasadisassa pana sukhassa abhāvā mahapphalaṃ. Paccanīkakilesapariccāgato yaññoti. Manomayiddhipi yasmā vipassanāññaṃ paṭiṭṭhāya nibbattento na kilamati, tasmā appaṭṭhā appasamārambhā; attano sadisarūpanimmānasamattatāya mahapphalā. Attano paccanīkakilesapariccāgato yañño. Iddhividhaññādīnīpi yasmā manomayaññādīsu paṭiṭṭhāya nibbattento na kilamati, tasmā appaṭṭhāni appasamārambhāni, attano attano paccanīkakilesappahānato yañño.

Iddhividhaṃ panettha nānāvidhavicubbānādasānasamatthāya. Dibbasotaṃ devamanussānaṃ saddasavanasamatthāya; cetopariyaññaṃ paresaṃ soḷasavidhacittajānānasamatthāya; pubbenivāsānussatiññaṃ icchiticchitaṭṭhānasamanussaraṇasamatthāya; dibbacakkhu icchiticchitarūpadassanasamatthāya; āsavakkhayaññaṃ atipaṇṭalokuttaramaggasukhanipphādanasamatthāya mahapphalanti veditabbaṃ. Yasmā pana arahattato viṣiṭṭhataro añño yañño nāma natthi, tasmā arahattanikūṭṭeṇeva desanaṃ samāpento – ‘‘ayampi kho, brāhmaṇa’’tiādimāha.

### Kūṭadantaupāsakattapaṭivedanāvāṇṇanā

**354-358. Evaṃ vutteti** evaṃ bhagavatā vutte desanāya pasīditvā saraṇaṃ gantukāmo kūṭadanto brāhmaṇo – ‘etaṃ abhikkantaṃ bho, gotamā’tiādikāṃ vacanaṃ avoca. **Upavāyatūti** upagantvā sarīradarathaṃ nibbāpento tanusītaḷo vāto vāyatūti. Idañca pana vatvā brāhmaṇo purisaṃ pesesi – ‘‘gaccha, tāta, yaññavāṭaṃ pavisitvā sabbe te pāṇayo bandhanā mocehī’’ti. So ‘‘sādhū’’ti paṭissuṇitvā tathā katvā āgantvā ‘‘muttā bho, te pāṇayo’’ti ārocesi. Yāva brāhmaṇo taṃ pavattiṃ na suṇi, na tāva bhagavā dhammaṃ desesi. Kasmā? ‘‘Brāhmaṇassa citte ākulabhāvo atthī’’ti. Sutvā panassa ‘‘bahū vata me pāṇā mocitā’’ti cittacāro vippasīdati. Bhagavā tassa vippasannamanataṃ ṇatvā dhammadesanaṃ ārabhi. Taṃ sandhāya – ‘‘atha kho bhagavā’’tiādi vuttaṃ. Puna ‘kallacitta’ntiādi ānupubbikathānubhāvena vikkhambhitanīvaraṇataṃ sandhāya vuttaṃ. Sesāṃ uttānatthamevāti.

Iti sumaṅgalavilāsiniyā dīghanikāyatṭhakathāyaṃ

Kūṭadantasuttavaṇṇanā niṭṭhitā.

## 6. Mahālisuttavaṇṇanā

### Brāhmaṇadūtavattuvaṇṇanā

**359. Evaṃ me sutāṃ – ekaṃ samayaṃ bhagavā vesāliyanti** mahālisuttaṃ. Tatrāyaṃ apubbapadavaṇṇanā. **Vesāliyanti** punappunaṃ visālabhāvūpagamanato vesālīti laddhanāmake nagare. **Mahāvaneti** bahinagare himavanteṇa saddhiṃ ekābaddhaṃ hutvā ṭhitaṃ sayāṃ jātavanaṃ atthi, yaṃ mahantabhāveṇeva mahāvananti vuccati, tasmīṃ mahāvane. **Kūṭāgārasālayanti** tasmīṃ vanasaṇḍe saṅghārāmaṃ paṭiṭṭhapesuṃ. Tattha kaṇṇikaṃ yojetvā thambhānaṃ upari kūṭāgārasālāsānkhepena devavimānasadisāṃ pāsādaṃ akaṃsu, taṃ upādāya sakalopi saṅghārāmo ‘‘kūṭāgārasālā’’ti paññāyittha. Bhagavā taṃ vesāliṃ upanissāya tasmīṃ saṅghārāme viharati. Tena vuttaṃ – ‘‘vesāliyaṃ viharati mahāvane kūṭāgārasālāya’’nti. **Kosalakāti** kosalaratṭhavāsino. **Māgadhakāti** magadharatṭhavāsino. **Karaṇīyenāti** avassaṃ kattabbakamma. Yañhi akātumpi vaṭṭati, taṃ kiccanti vuccati, yaṃ avassaṃ kātabbameva, taṃ karaṇīyaṃ nāma.

**360. Paṭisallīno bhagavāti** nānārammaṇacārato paṭikkamma sallīno nilīno, ekībhāvaṃ upagamma ekattārammaṇe jhānaratiṃ anubhavatīti attho. **Tatthevāti** tasmīññeva vihāre. **Ekamantanti** tasmā ṭhānā apakkamma tāsu tāsu rukkhacchāyāsu nisīdiṃsu.

### Oṭṭhaddhalicchavīvatthuvaṇṇanā

**361. Oṭṭhaddhoti** addhoṭṭhatāya evaṃladdhanāmo. **Mahatiyā licchavīparisāyāti** purebhattaṃ buddhappamukhassa bhikkhusaṅghassa dānaṃ datvā bhagavato santike uposathaṅgāni adhiṭṭhahitvā gandhamālādīni gāhāpetvā ugghosānāya mahatiṃ licchavīrājapariṣaṃ sannipātāpetvā tāya nīlapītādivaṇṇavattābhāraṇavilepanapaṭimaṇḍitāya tāvatīṃsapariṣasappaṭibhāgāya mahatiyā licchavīparisāya saddhiṃ upasaṅkami. **Akālo kho mahālīti** tassa oṭṭhaddhassa mahālīti mūlanāmaṃ, tena mūlanāmamattena naṃ thero mahālīti ālapati. **Ekamantaṃ nisīdīti** patirūpāsu rukkhacchāyāsu tāya licchavīparisāya saddhiṃ ratanattayassa vaṇṇaṃ kathayanto nisīdi.

**362. Siho samaṇuddesoti** āyasmato nāgitassa bhāgineyyo sattavassakāle pabbajitvā sāsane uttappayutto “siho”ti evaṃnāmako samaṇero, so kira taṃ mahāparisaṃ disvā – “ayaṃ parisā mahatī, sakalaṃ vihāraṃ pūretvā nisinnā, addhā bhagavā ajja imissā parisāya mahantena ussāhena dhammaṃ desessati, yaṃnūnāhaṃ upajjhāyassācikkhitvā bhagavato mahāparisāya sannipatitabhāvaṃ ārocāpeyya”nti cintetvā yenāyasmā nāgito tenupasaṅkama. **Bhante kassapāti** therāṃ gottena ālapati. **Esā janatāti** eso janasamūho.

**Tvaññeva bhagavato ārocehīti** siho kira bhagavato vissāsiko, ayañhi thero thūlasarīro, tenassa sarīragarutāya uttāhananisajjādīsu ālasiyabhāvo īsakaṃ appahīno viya hoti. Athāyaṃ sāmāṇero bhagavato kālena kālaṃ vattaṃ karoti. Tena naṃ thero “tvampi dasabalassa vissāsiko”ti vatvā gaccha tvaññevārocehīti āha. **Vihārapacchāyāyanti** viharachāyāyaṃ, kūṭāgāramahāgehacchāyāya pharitokāseti attho. Sā kira kūṭāgārasālā dakkhiṇuttarato dīghā pācīnamukhā, tenassā purato mahatī chāyā patthaṭā hoti, siho tattha bhagavato āsanaṃ paññapesi.

**363.** Atha kho bhagavā dvārantarehi ceva vātapānantarehi ca nikkhamitvā vidhāvantaṃhi vippharantīhi chabbaṇṇāhi buddharasmīhi saṃsūcitanikkhamano valāhakantarato puṇṇacando viya kūṭāgārasālato nikkhamitvā paññattavarabuddhāsane nisīdi. Tena vuttaṃ – “atha kho bhagavā viharā nikkhamma viharapacchāyāya paññatte āsane nisīdi”ti.

**364-365. Purimāni, bhante, divasāni purimatarānīti** ettha hiyyo divasaṃ purimaṃ nāma, tato paraṃ purimatarāṃ. Tato paṭṭhāya pana sabbāni purimāni ceva purimatarāni ca honti. **Yadaggeti** mūladivasato paṭṭhāya yaṃ divasaṃ aggaṃ parakoṭṭiṃ katvā viharāmīti attho, yāva vihāsinti vuttaṃ hoti. Idāni tassa parimāṇaṃ dassento “naciraṃ tīṇi vassāni”ti āha. Atha vā **yadaggeti** yaṃ divasaṃ aggaṃ katvā naciraṃ tīṇi vassāni viharāmītipi attho. Yaṃ divasaṃ ādiṃ katvā naciraṃ vihāsiṃ tīṇiyeva vassānīti vuttaṃ hoti. Ayaṃ kira bhagavato pattacīvaraṃ gaṇhanto tīṇi saṃvaccharāni bhagavantaṃ upaṭṭhāsi, taṃ sandhāya evaṃ vadati. **Piyarūpānīti** piyajātīkāni sātājātīkāni. **Kāmūpasamphitānīti** kāmāssādayuttāni. **Rajanīyānīti** rāgajanakāni. **No ca kho dibbāni saddānīti** kasmā sunakkhatto tāni na suṇāti? So kira bhagavantaṃ upasaṅkamitvā dibbacakkhuparikammaṃ yāci, tassa bhagavā ācikkhi, so yathānusiṭṭhaṃ paṭipanno dibbacakkhuṃ uppādetvā devatānaṃ rūpāni disvā cintesi “imasmīṃ sarīrasaṅṭhāne saddena madhurena bhavitabbaṃ, kathaṃ nu kho naṃ suṇeyya”nti bhagavantaṃ upasaṅkamitvā dibbasotaparikammaṃ pucchi. Ayañca atīte ekaṃ sīlavantaṃ bhikkhuṃ kaṇṇasakkhaliyaṃ paharitvā badhiraṃkāsi. Tasmā parikammaṃ karontopi abhabbo dibbasotādhigamāya. Tenassa na bhagavā parikammaṃ kathesi. So ettāvataṃ bhagavati āghātaṃ bandhitvā cintesi – “addhā samaṇassa gotamassa evaṃ hoti – ‘ahampi khattiyō ayampi khattiyō, sacassa ñāṇaṃ vaḍḍhissati, ayampi sabbaññū bhavissati”ti usūyāya mayhaṃ na kathesi”ti. So anukkamena gihibhāvaṃ patvā tamatthaṃ mahālicchavino kathento evamāha.

**366-371. Ekaṃsabhāvitoti** ekaṃsāya ekakoṭṭhāsāya bhāvito, dibbānaṃ vā rūpānaṃ dassanattāya dibbānaṃ vā saddānaṃ savanattāya bhāvito attho. **Tiriyanti** anudisāya. **Ubhayaṃsabhāvitoti** ubhayaṃsāya ubhayakoṭṭhāsāya bhāvito attho. **Ayaṃ kho mahāli hetūti** ayaṃ dibbānaṃyeva rūpānaṃ dassanāya ekaṃsabhāvito samādhi hetu. Imamatthaṃ sutvā so licchavī cintesi – “idaṃ dibbasotena saddasūnaṃ imasmīṃ sāsane uttamattabhūtaṃ maññe imassa nūna atthāya ete bhikkhū paññāsaṃpi saṭṭhipi vassāni apaṇṇakaṃ brahmacariyaṃ caranti, yaṃnūnāhaṃ dasabalaṃ etamatthaṃ puccheyya”nti.

**372.** Tato tamatthaṃ pucchanto “etāsaṃ nūna, bhante”tiādimāha. **Samādhibhāvanānanti** ettha samādhiyeva samādhibhāvanā, ubhayaṃsabhāvitānaṃ samādhinanti attho. Atha yasmā sāsanaṃ bāhirā etā samādhibhāvanā, na ajjhantikā. Tasmā tā paṭikkhipitvā yadatthaṃ bhikkhū brahmacariyaṃ caranti, taṃ dassento bhagavā “na kho mahāli”tiādimāha.

### Catuariyaphalavaṇṇanā

**373. Tiṇṇaṃ saṃyojanānanti** sakkāyaditṭhiādīnaṃ tiṇṇaṃ bandhanānaṃ. Tāni hi vaṭṭadukkhamaye rathe satte saṃyojenti, tasmā saṃyojanānīti vuccanti. **Sotāpanno hotīti** maggasotaṃ āpanno hoti. **Avinipātadhammoti** catūsu apāyesu apatanadhammo. **Niyatoti** dhammaniyāmena niyato.



**Sambodhiparāyaṇoti** uparimaggattayasāṅkhātā sambodhi paraṃ ayaṇaṃ assa, anena vā pattabbāti sambodhiparāyaṇo.

**Tanuttāti** pariyuṭṭhānamandatāya ca kadāci karahaci uppattiyā ca tanubhāvā. **Orambhāgiyānanti** heṭṭhābhāgiyānaṃ, ye hi baddho upari suddhāvāsabhūmiyaṃ nibbattituṃ na sakkoti. **Opapātikoti** sesayoniṭṭhāpavacanametam. **Tattha parinibbāyīti** tasmim uparibhaveyeva parinibbānadhhammo. **Anāvattidhammoti** tato brahmalokā puna paṭisandhivasena anāvattanadhhammo. **Cetovimuttinti** cittavisuddhiṃ, sabbakilesabandhanavimuttassa arahattaphalacittasetam adhivacanam. **Paññāvimuttinti** etthāpi sabbakilesabandhanavimuttā arahattaphalapaññāva paññāvimuttīti veditabbā. **Diṭṭheva dhammeti** imasmiṃyeva attabhāve. **Sayanti** sāmaṃ. **Abhiññāti** abhijānitvā. **Sacchikatvāti** paccakkham katvā. Atha vā **abhiññā sacchikatvāti** abhiññāya abhivisiṭṭhena ñāṇena sacchikarivātipi attho. **Upasampajjāti** patvā paṭilabhitvā. Idaṃ sutvā licchavirājā cintesi – “ayaṃ pana dhammo na sakuṇena viya uppattivā, nāpi godhāya viya urena gantvā sakkā paṭivijjhituṃ, addhā pana imaṃ paṭivijjhantassa pubbhāgappaṭipadāya bhavitabbaṃ, pucchāmi tāva na”nti.

### Ariyaatṭhaṅgikamaggavaṇṇanā

**374-375.** Tato bhagavantaṃ pucchanto “atthi pana bhante”tiādīmāha. **Aṭṭhaṅgikoti** pañcaṅgikaṃ turiyaṃ viya aṭṭhaṅgiko gāmo viya ca aṭṭhaṅgamattoyeva hutvā aṭṭhaṅgiko, na aṅgato añño maggo nāma atthi. Tenevāha – “**seyyathidaṃ, sammādiṭṭhi...pe... sammāsamādhi**”ti. Tattha sammādassanalakkhaṇā **sammādiṭṭhi**. Sammā abhiniropanalakkhaṇo **sammāsaṅkappo**. Sammā pariggahaṇalakkhaṇā **sammāvācā**. Sammā samuṭṭhāpanalakkhaṇo **sammākammanto**. Sammā vodāpanalakkhaṇo **sammājīvo**. Sammā paggahalakkhaṇo **sammāvāyāmo**. Sammā upaṭṭhānalakkhaṇā **sammāsati**. Sammā samādhānalakkhaṇo **sammāsamādhi**. Etesu ekekassa tīṇi tīṇi kiccāni honti. Seyyathidaṃ, sammādiṭṭhi tāva aññehipi attano paccanīkakilesehi saddhiṃ micchādiṭṭhiṃ pajahati, nirodhaṃ ārammaṇaṃ karoti, sampayuttadhamme ca passati tappatīcchādakamohavidhamanavasena asammohato. Sammāsaṅkappādayopi tatheva micchāsaṅkappādīni pajahanti, nirodhaṅca ārammaṇaṃ karonti, viśesato panettha sammāsaṅkappo sahaṅgātadhamme abhiniropeti. Sammāvācā sammā pariggaṇhāti. Sammākammanto sammā samuṭṭhāpeti. Sammājīvo sammā vodāpeti. Sammāvāyāmo sammā paggaṇhāti. Sammāsati sammā upaṭṭhāpeti. Sammāsamādhi sammā padahati.

Api cesā sammādiṭṭhi nāma pubbhāge nānākkhaṇā nānārammaṇā hoti, maggakkhaṇe ekakkhaṇā ekārammaṇā. Kiccato pana “dukkhe ñāṇa”ntiādīni cattāri nāmāni labhati. Sammāsaṅkappādayopi pubbhāge nānākkhaṇā nānārammaṇā honti. Maggakkhaṇe ekakkhaṇā ekārammaṇā. Tesu sammāsaṅkappo kiccato “nekkhammasaṅkappo”tiādīni tīṇi nāmāni labhati. Sammā vācādayo tisso viratiyopi honti, cetanādayopi honti, maggakkhaṇe pana viratiyeva. Sammāvāyāmo sammāsati idampi dvayaṃ kiccato sammappadhānasatīpaṭṭhānavasena cattāri nāmāni labhati. Sammāsamādhi pana pubbhāgepi maggakkhaṇepi sammāsamādhiyeva.

Iti imesu aṭṭhasu dhammesu bhagavatā nibbānādhigamāya paṭipannassa yogino bahukārattā paṭhamam sammādiṭṭhi desitā. Ayañhi “paññāpajjoto paññāsathā”nti (dha. sa. 20) ca vuttā. Tasmā etāya pubbhāge vipassanāñāṇasaṅkhātāya sammādiṭṭhiyā avijjandhakāraṃ vidhamitvā kilesacore ghātento khemena yogāvacarō nibbānaṃ pāpuṇāti. Tena vuttaṃ – “nibbānādhigamāya paṭipannassa yogino bahukārattā paṭhamam sammādiṭṭhi desitā”ti.

Sammāsaṅkappo pana tassā bahukāro, tasmā tadanantaram vutto. Yathā hi heraññiko hatthena parivaṭṭetvā parivaṭṭetvā cakkhunā kahāpaṇaṃ olokento – “ayaṃ cheko, ayaṃ kūṭo”ti jānāti. Evaṃ yogāvacaropi pubbhāge vitakkena vitakketvā vipassanāpaññāya olokayamāno – “ime dhammā kāmāvacarā, ime dhammā rūpāvacarādayo”ti pajānāti. Yathā vā pana purisena koṭiyaṃ gahetvā parivaṭṭetvā parivaṭṭetvā dinnaṃ mahārukkham tacchako vāsiyā tacchetvā kamme upaneti, evaṃ vitakkena vitakketvā vitakketvā dinne dhamme yogāvacarō paññāya – “ime kāmāvacarā, ime rūpāvacarā”tiādīnā nayena paricchinditvā kamme upaneti. Tena vuttaṃ – “sammāsaṅkappo pana tassā bahukāro, tasmā tadanantaram vutto”ti. Svāyaṃ yathā sammādiṭṭhiyā evaṃ sammāvācāyapi upakārako. Yathāha – “pubbe kho, visākha,

vitakketvā vicāretvā pacchā vācaṃ bhindatī’ ti, (ma. ni. 1.463) tasmā tadanantaraṃ sammāvācā vuttā.

Yasmā pana – ‘‘idañcidañca karissāmā’’ ti paṭhamaṃ vācāya saṃvidahitvā loke kammante payojenti; tasmā vācā kāyakammaṃ upakārikāti sammāvācāya anantaraṃ sammākammanto vutto. Catubbidhaṃ pana vaciduccaritaṃ, tividhañca kāyaduccaritaṃ pahāya ubhayaṃ sucaritaṃ pūrentasseva yasmā ājīvaṭṭhamakaṃ sīlaṃ pūreti, na itarassa, tasmā tadubhayānantaraṃ sammāājīvo vutto. Evaṃ visuddhājīvena pana ‘‘parisuddho me ājīvo’’ ti ettāvata ca paritosam katvā suttapamattena viharituṃ na yuttaṃ, atha kho ‘‘sabbiriyāpathesu idaṃ vīriyaṃ samārabhitabba’’ nti dassetuṃ tadanantaraṃ sammāvāyāmo vutto. Tato ‘‘āraddhavīriyenapi kāyādīsu catūsu vatthūsu sati sūpaṭṭhitā kātabbā’’ ti dassanattaṃ tadanantaraṃ sammāsati desitā. Yasmā panevaṃ sūpaṭṭhitā sati samādhissupakārānupakārānaṃ dhammānaṃ gatiyo samannesitvā pahoti ekattārammaṇe cittaṃ samādhātuṃ, tasmā sammāsatiyā anantaraṃ sammāsamādhī desitoti veditabbo. **Etesaṃ dhammānaṃ sacchikiriyāyāti** etesaṃ sotāpattiṃ phalādīnaṃ paccakkhikiriyatthāya.

### Dve pabbajitavattuvaṇṇanā

**376-377. Ekamidāhanti** idaṃ kasmā āraddhaṃ? Ayaṃ kira rājā – ‘‘rūpaṃ attā’’ ti evaṃ laddhiko, tenassa desanāya cittaṃ nādhimuccati. Atha bhagavatā tassa laddhiyā āvikaraṇattaṃ ekaṃ kāraṇaṃ āharituṃ idamā raddhaṃ. Tatrāyaṃ saṅkhepattho – ‘‘ahaṃ ekaṃ samayaṃ ghoṣitārāme viharāmi, tatra vasantaṃ maṃ te dve pabbajitā evaṃ pucchimsu. Athāhaṃ tesam buddhuppādaṃ dassetvā tantidhammaṃ nāma kathento idamavocaṃ – ‘‘āvuso, saddhāsampanno nāma kulaputto evarūpassa satthu sāsane pabbajito, evaṃ tividhaṃ sīlaṃ pūretvā paṭhamajjhānādīni patvā ṭhito ‘taṃ jīva’ ntiādīni vadeyya, yuttaṃ nu kho etamassā’’ ti? Tato tehi ‘‘yutta’’ nti vutte ‘‘ahaṃ kho panetaṃ, āvuso, evaṃ jānāmi, evaṃ passāmi, atha ca panāhaṃ na vadāmi’’ ti taṃ vādaṃ paṭikkhipitvā uttari khīṇāsavaṃ dassetvā ‘‘imassa evaṃ vattuṃ na yutta’’ nti avocaṃ. Te mama vacanaṃ sutvā attamaṇā ahesunti. Evaṃ vutte sopi attamano ahoṣi. Tenāha – ‘‘idamavoca bhagavā. Attamano oṭṭhaddho licchavī bhagavato bhāsitaṃ abhinandi’’ ti.

Iti sumaṅgalavilāsiniyā dīghanikāyaṭṭhakathāyaṃ

Mahālisuttavaṇṇanā niṭṭhitā.

## 7. Jāliyasuttavaṇṇanā

### Dve pabbajitavattuvaṇṇanā

**378. Evaṃ me suttaṃ...pe... kosambiyanti** jāliyasuttaṃ. Tatrāyaṃ apubbapadavaṇṇanā. **Ghoṣitārāmeti** ghoṣitena seṭṭhinā kate ārāme. Pubbe kira allakappaṭṭhaṃ nāma ahoṣi. Tato kotūhaliko nāma daliddo chātakabhayena saputtadāro avantiraṭṭhaṃ gacchanto puttaṃ vahituṃ asakkonto chaḍḍetvā agamāsi, mātā nivattitvā taṃ gahetvā gatā, te ekaṃ gopālakagāmaṃ pavisiṃsu. Gopālakena ca tadā bahupāyāso paṭiyatto hoti, te tato pāyāsaṃ labhitvā bhuñjiṃsu. Atha so puriso balavapāyāsaṃ bhutto jīrāpetuṃ asakkonto rattibhāge kālaṃ katvā tattheva sunakhiyā kucchismiṃ paṭisandhiṃ gahetvā kukkuro jāto, so gopālakassa piyo ahoṣi. Gopālako ca paccekabuddhaṃ upaṭṭhahati. Paccekabuddhopi bhattakiccapariyosāne kukkurassa ekekaṃ piṇḍaṃ deti, so paccekabuddhe sinehaṃ uppādetvā gopālakena saddhiṃ paṇṇasālampi gacchati. Gopālako asannihite bhattavelāyaṃ sayameva gantvā kālārocanattaṃ paṇṇasāladvāre bhussati, antarāmaggepi caṇḍamige disvā bhussitvā palāpeti. So paccekabuddhe mudukena cittaṃ kālaṃ katvā devaloke nibbatti. Tatrassa ghoṣakadevaputto tveva nāmaṃ ahoṣi. So devalokato cavitvā kosambiyaṃ ekassa kulassa ghare nibbatti. Taṃ aputtako seṭṭhi tassa mātāpitūnaṃ dhaṇaṃ datvā puttaṃ katvā aggahesi. Atha attano putte jāte sattakkhattuṃ ghātāpetuṃ upakkāmi. So puñṇavantatāya sattaṃsupi ṭhānesu maraṇaṃ appatvā avasāne ekāya seṭṭhidhītāya veyyattiyena laddhajīvito aparabhāge pituaccayena seṭṭhiṭṭhānaṃ patvā ghoṣakaseṭṭhi nāma jāto. Aññepi kosambiyaṃ kukkuṭaseṭṭhi, pāvāriyaseṭṭhi dve seṭṭhino atthi, iminā saddhiṃ tayo ahesuṃ.

Tena ca samayena himavantato pañcasatāpasā sarīrasantappanatham antarantarākosambim āgacchanti, tesam ete tayo seṭṭhī attano attano uyyānesu paṇṇakuṭiyo katvā upaṭṭhānam karonti. Athekadivasam te tāpasā himavantato āgacchantā mahākantāre tasitā kilantā ekaṃ mahantam vaṭarukkham patvā tatha adhvattāya devatāya santikā saṅgaham paccāsisantā nisīdimṣu. Devatā sabbālaṅkāravibhūsitam hattham pasāretvā tesam pāṇiyapānakādīni datvā kilamatham paṭivinodesi, ete devatāyānubhāvena vimhitā pucchimṣu – “kiṃ nu kho, devate, kammaṃ katvā tayā ayaṃ sampatti laddhā”ti? Devatā āha – “loke buddho nāma bhagavā uppanno, so etarahi sāvattiyam viharati, anāthapiṇḍiko gahapati tam upaṭṭhahati. So uposathadivasesu attano bhatakānam pakatibhattavetanameva datvā uposatham kārapesi. Athāham ekadivasam majjhanhike pātarāsattāya āgato kañci bhatakakammaṃ akarontam disvā – ‘ajja manussā kasmā kammaṃ na karonti’ti pucchim. Tassa me tamattham ārocesum. Athāham etadavocam – ‘idāni upaḍḍhadivaso gato, sakkā nu kho upaḍḍhuposatham kātu’nti. Tato seṭṭhissa paṭivedetvā ‘sakkā kātu’nti āha. Svāham upaḍḍhadivasam upaḍḍhuposatham samādiyitvā tadaheva kālam katvā imam sampattim paṭilabhi’nti.

Atha te tāpasā “buddho kira uppanno”ti sañjātapītipāmojjā tatova sāvattim gantukāmā hutvāpi – “bahukārā no upaṭṭhākasēṭṭhino tesampi imamathamārocessāmā”ti kosambim gantvā seṭṭhīhi katasakkārabahumānā “tadaheva mayam gacchāmā”ti āhaṃsu. “Kiṃ, bhante, turitāttha, nanu tumhe pubbe cattāro pañca māse vasitvā gacchathā”ti ca vutte tam pavattim ārocesum. “Tena hi, bhante, saheva gacchāmā”ti ca vutte “gacchāma mayam, tumhe saṅikam āgacchathā”ti sāvattim gantvā bhagavato santike pabbajitvā arahattam pāpuṇimṣu. Tepi seṭṭhino pañcasatapañcasatasakaṭaparivārā sāvattim gantvā dānādīni datvā kosambim āgamanattāya bhagavantam yācitvā paccāgamma tayo vihāre kāresum. Tesu kukkuṭaseṭṭhinā kato kukkuṭārāmo nāma, pāvāriyaseṭṭhinā kato pāvārikambavanam nāma, ghositaseṭṭhinā kato ghositārāmo nāma ahoṣi. Tam sandhāya vuttam – “kosambiyam viharati ghositārāme”ti.

**Muṇḍiyoti** idam tassa nāmam. **Jāliyoti** idampi itarassa nāmameva. Yasmā panassa upajjhāyo dārumayena pattena piṇḍāya carati, tasmā dārupattikantevāsīti vuccati. **Etadavocunti** upārambhādhippāyena vādam āropetukāmā hutvā etadavocum. Iti kira nesam ahoṣi, sace samaṇo gotamo “tam jīvam tam sarīra”nti vakkhati, athassa mayam etam vādam āropessāma – “bho gotama, tumhākam laddhiyā idheva satto bhijjati, tena vo vādo ucchedavādo hotī”ti. Sace pana “aññam jīvam aññam sarīra”nti vakkhati, athassetam vādam āropessāma “tumhākam vāde rūpam bhijjati, na satto bhijjati. Tena vo vāde satto sassato āpajjati”ti. Atha bhagavā “ime vādāropanattāya pañham pucchanti, mama sāsane ime dve ante anupagamma majjhimā paṭipadā atthīti na jānanti, handa nesam pañham avissajjetvā tassāyeva paṭipadāya āvibhāvattham dhammam desemī”ti cintetvā “tena hāvuso”tiādimāha.

**379-380.** Tatha **kalam nu kho tasetam vacanāyāti** tasetam saddhāpabbajitassa tividham silam paripūretvā paṭhamajjhānam pattassa yuttam nu kho etam vattunti attho. Tam sutvā paribbājakā puthujjano nāma yasmā nibbicikiccho na hoti, tasmā kadāci evam vadeyyāti maññamānā – “kalam tasetam vacanāyā”ti āhaṃsu. **Atha ca panāham na vadāmīti** aham etamevam jānāmi, no ca evam vadāmi, atha kho kaṣiṇaparikkammaṃ katvā bhāventassa paññābalena uppannam mahaggatacittametanti saññam ṭhapesim. **Na kalam tasetanti** idam te paribbājakā – “yasmā khīṇāsavo vīgatasammoho tiṇṇavicikiccho, tasmā na yuttam tasetam vattu”nti maññamānā vadanti. Sesamettha uttānatthamevāti.

Iti sumaṅgalavilāsiniyā dīghanikāyaṭṭhakathāyam

Jāliyasuttavaṇṇanā niṭṭhitā.

## 8. Mahāsīhanādasuttavaṇṇanā

Acelakassapavattavaṇṇanā

**381. Evaṃ me sutam...pe... uruññāyam viharatīti** mahāsīhanādasuttam. Tatrāyam apubbapadavaṇṇanā. **Uruññāyanti** uruññāti tassa raṭṭhassapi nagarassapi etadeva nāmam, bhagavā uruññānagaram upanissāya viharati. **Kaṇṇakatthale migadāyēti** tassa nagarassa avidūre kaṇṇakatthalam

nāma eko ramaṇīyo bhūmibhāgo atthi. So migānaṃ abhayatthāya dinnattā “migadāyo”ti vuccati, tasmim kaṇṇakatthale migadāye. **Aceloti** naggaparibbājako. **Kassapoti** tassa nāmaṃ. **Tapassinti** tapanissitakaṃ. **Lūkhājivinti** acelakamuttācārādivasena lūkho ājīvo assāti lūkhājīvī, taṃ lūkhājivim. **Upakkosatīti** upaṇḍeti. **Upavadatīti** hīleti vambheti. **Dhammassa ca anudhammaṃ byākarontīti** bhotā gotamena vuttakāraṇassa anukāraṇaṃ kathenti. **Sahadhammiko vādānuvādoti** parehi vuttakāraṇena sakāraṇo hutvā tumhākaṃ vādo vā anuvādo vā viññūhi garahitabbaṃ, kāraṇaṃ koci appamattakopi kiṃ na āgacchati. Idaṃ vuttaṃ hoti, “kiṃ sabbākārenapi tava vāde gārayhaṃ kāraṇaṃ natthī”ti. **Anabbhakkhātukāmāti** na abhūtena vattukāmā.

**382. Ekaccaṃ tapassim lūkhājivinti**ādīsu idhekacco acelakapabbajjāditapanissitattā tapassī “lūkhena jīvitam kappessāmī”ti tiṇagomayādibhakkhanādīhi nānappakārehi attānaṃ kilameti, appapuññatāya ca sukhena jīvitavuttimeva na labhati, so tīṇi duccharitāni pūretvā niraye nibbattati.

Aparo tādīsaṃ tapanissitopi puññavā hoti, labhati lābhasakkāraṃ. So “na dāni mayā sadiso atthī”ti attānaṃ ucce ṭhāne sambhāvetvā “bhiyyosomattāya lābhaṃ uppādessāmī”ti anesanasena tīṇi duccharitāni pūretvā niraye nibbattati. Ime dve sandhāya paṭhamanayo vutto.

Aparo tapanissitako lūkhājīvī appapuñño hoti, na labhati sukhena jīvitavuttiṃ. So “mayhaṃ pubbepe akatapuññatāya sukhajīvikā nuppajjati, handadāni puññāni karomī”ti tīṇi sucaritāni pūretvā sagge nibbattati.

Aparo lūkhājīvī puññavā hoti, labhati sukhena jīvitavuttiṃ. So – “mayhaṃ pubbepe katapuññatāya sukhajīvikā uppajjati”ti cintetvā anesanaṃ pahāya tīṇi sucaritāni pūretvā sagge nibbattati. Ime dve sandhāya dutiyanayo vutto.

Eko pana tapassī appadukkhavīhārī hoti bāhirakācārayutto tāpaso vā channaparibbājako vā, appapuññatāya ca manāpe paccaye na labhati. So anesanasena tīṇi duccharitāni pūretvā attānaṃ sukhe ṭhapetvā niraye nibbattati.

Aparo puññavā hoti, so – “na dāni mayā sadiso atthī”ti mānaṃ uppādetvā anesanasena lābhasakkāraṃ vā uppādentō micchādīṭṭhivasena – “sukho imissā paribbājikāya daharāya mudukāya lomasāya samphasso”tiādīni cintetvā kāmesu pātabyataṃ vā āpajjanto tīṇi duccharitāni pūretvā niraye nibbattati. Ime dve sandhāya tatiyanayo vutto.

Aparo pana appadukkhavīhārī appapuñño hoti, so – “ahaṃ pubbepe akatapuññatāya sukhena jīvikam na labhāmī”ti tīṇi sucaritāni pūretvā sagge nibbattati.

Aparo puññavā hoti, so – “pubbepāhaṃ katapuññatāya sukhaṃ labhāmi, idāni puññāni karissāmī”ti tīṇi sucaritāni pūretvā sagge nibbattati. Ime dve sandhāya catutthanayo vutto. Idaṃ tittiyavasena āgataṃ, sāsanepi pana labbhati.

Ekacco hi dhutaṅgasamādānavasena lūkhājīvī hoti, appapuññatāya vā sakalampi gāmaṃ vicarivā udarapūraṃ na labhati. So – “paccaye uppādessāmī”ti vejjakammādivasena vā anesanaṃ katvā, arahattaṃ vā paṭijānitvā, tīṇi vā kuhanavattūni paṭisevitvā niraye nibbattati.

Aparo ca tādīsova puññavā hoti. So tāya puññasampattiyā mānaṃ janayitvā uppannaṃ lābhaṃ thāvaram kattukāmo anesanasena tīṇi duccharitāni pūretvā niraye uppajjati.

Aparo samādinna dhutaṅgo appapuñño hoti, na labhati sukhena jīvitavuttiṃ. So – “pubbepāhaṃ akatapuññatāya kiñci na labhāmi, sace idāni anesanaṃ karissaṃ, āyatimpi dullabhasukho bhavissāmī”ti tīṇi sucaritāni pūretvā arahattaṃ pattuṃ asakkonto sagge nibbattati.

Aparo puññavā hoti, so – “pubbepāhaṃ katapuññatāya etarahi sukhitō, idānīpi puññaṃ karissāmī”ti anesanaṃ pahāya tīṇi sucaritāni pūretvā arahattaṃ pattuṃ asakkonto sagge nibbattati.

**383. Āgatiñcāti** – “asukatṭhānato nāma ime āgatā”ti evaṃ āgatiñca. **Gatiñcāti** idāni gantabbatṭhānañca. **Cutiñcāti** tato cavanañca. **Upapattiñcāti** tato cutānaṃ puna upapattiñca. **Kim sabbaṃ tapaṃ garahissāmīti** – “kena kāraṇena garahissāmi, garahitabbameva hi mayaṃ garahāma, pasamsitabbaṃ pasamsāma, na bhaṇḍikaṃ karonto mahārajako viya dhotañca adhotañca ekato karomā”ti dasseti. Idāni tamatthaṃ pakāsento – “santi kassapa eke samaṇabrāhmaṇā”tiādimāha.

**384. Yaṃ te ekaccanti** pañcavidhaṃ sīlaṃ, tañhi loke na koci “na sādhu”ti vadati. Puna **yaṃ te ekaccanti** pañcavidhaṃ veraṃ, taṃ na koci “sādhu”ti vadati. Puna **yaṃ te ekaccanti** pañcadvāre asaṃvaram, te kira – “cakkhu nāma na nirundhitabbaṃ, cakkhunā manāpaṃ rūpaṃ daṭṭhabba”nti vadanti, esa nayo sotādīsu. Puna **yaṃ te ekaccanti** pañcadvāre saṃvaram.

Evaṃ paresaṃ vādena saha attano vādassa samānāsamānataṃ dassetvā idāni attano vādena saha paresaṃ vādassa samānāsamānataṃ dassento “yaṃ maya”ntiādimāha. Tatrāpi pañcasīlādivaseneva attho veditabbo.

### Samanuyuñjāpanakathāvaṇṇanā

**385. Samanuyuñjantanti** samanuyuñjantu, ettha ca laddhiṃ pucchanto samanuyuñjati nāma, kāraṇaṃ pucchanto samanugāhati nāma, ubhayaṃ pucchanto samanubhāsati nāma. **Satthārā vā satthāranti** satthārā vā saddhiṃ satthāraṃ upasaṃharitvā – “kiṃ te satthā te dhamme sabbaso pahāya vattati, udāhu samaṇo gotamo”ti. Dutiyapadepe eseva nayo.

Idāni tamatthaṃ yojetvā dassento – “ye imesaṃ bhavata”ntiādimāha. Tattha **akusalā akusalasaṅkhātāti** akusalā ceva “akusalā”ti ca saṅkhātā ñātā koṭṭhāsaṃ vā katvā ṭhapitāti attho. Esa nayo sabbapadesu. Api cettha **sāvajjāti** sadosā. **Na alamariyāti** niddosaṭṭhena ariyā bhavituṃ nālaṃ asamatthā.

**386-392. Yaṃ viññū samanuyuñjantāti** yena viññū amhe ca aññe ca pucchantā evaṃ vadeyyuṃ, taṃ ṭhānaṃ vijjati, atthi taṃ kāraṇanti attho. **Yaṃ vā pana bhonto pare gaṇācariyāti** pare pana bhonto gaṇācariyā yaṃ vā taṃ vā appamattakaṃ pahāya vattantīti attho. **Amheva tattha yebhuyena pasamseyyunti** idaṃ bhagavā satthārā satthāraṃ samanuyuñjanepi āha – saṅghena saṃghaṃ samanuyuñjanepi. Kasmā? Saṅghapasamsāyapi satthuyeva pasamsāsiddhito. Pasīdamānāpi hi buddhasampattiyā saṅghe, saṅghasampattiyā ca buddhe pasīdanti, tathā hi bhagavato sarīrasampattiṃ disvā, dhammadesanaṃ vā sutvā bhavanti vattāro – “lābhā vata bho sāvakānaṃ ye evarūpassa satthu santikāvacarā”ti, evaṃ buddhasampattiyā saṅghe pasīdanti. Bhikkhūnaṃ panācāragocaraṃ abhikkamaṭṭhikamādīni ca disvā bhavanti vattāro – “santikāvacarānaṃ vata bho sāvakānaṃ ayañca upasamaṃ satthu kīva rūpo bhavissati”ti, evaṃ saṅghasampattiyā buddhe pasīdanti. Iti yā satthupasamsā, sā saṅghassa. Yā saṅghassa pasamsā, sā satthūti saṅghapasamsāyapi satthuyeva pasamsāsiddhito bhagavā dvīsupi navesu – “**amheva tattha yebhuyena pasamseyyu**”nti āha. **Samaṇo gotamo ime dhamme anavasesaṃ pahāya vattati, yaṃ vā pana bhonto pare gaṇācariyāti**ādisupi panettha ayamadhippāyo – sampattasamādānasetughātavasena hi tisso viratiyo. Tāsu sampattasamādāna viratimattameva aññesaṃ hoti, setughātavirati pana sabbena sabbaṃ natthi. Pañcasu pana tadaṅgavikkhambhanasamucchedapaṭipassaddhinissaraṇappahānesu aṭṭhasamāpattivāsena ceva vipassanāmatavasena ca tadaṅgavikkhambhanappahānamattameva aññesaṃ hoti. Itarāni tīṇi pahānāni sabbena sabbaṃ natthi. Tathā sīlasaṃvaro, khantisaṃvaro, ñāṇasaṃvaro, satisaṃvaro, vīriyasaṃvaroti pañca saṃvarā, tesu pañcasīlamattameva adhivāsanaṅkhamattameva ca aññesaṃ hoti, sesaṃ sabbena sabbaṃ natthi.

Pañca kho panime uposathuddesā, tesu pañcasīlamattameva aññesaṃ hoti. Pātimokkhasaṃvarasīlaṃ sabbena sabbaṃ natthi. Iti akusalappahāne ca kusalasamādāne ca, tīsu viratīsu, pañcasu pahānesu, pañcasu saṃvaresu, pañcasu uddesesu, – “ahameva ca mayhañca sāvakaṅgho loke paññāyati, mayā hi sadiso satthā nāma, mayhaṃ sāvakaṅghena sadiso saṅgho nāma natthi”ti bhagavā sīhanādaṃ nadati.

### Ariyaatṭhaṅgikamaggavaṇṇanā

**393.** Evaṃ sīhanādaṃ naditvā tassa sīhanādassa aviparītabhāvāvabodhanatthaṃ – “atthi, kassapa, maggo” tiādīmāha. Tattha **maggoti** lokuttaramaggo. **Paṭipadāti** pubbabhāgapaṭipadā. **Kālavādī** tiādīni brahmajāle vaṇṇitāni. Idāni taṃ duvidhaṃ maggañca paṭipadañca ekato katvā dassento – “ayameva ariyo” tiādīmāha. Idaṃ pana sutvā acelo cintesi – “samaṇo gotamo mayhamyeva maggo ca paṭipadā ca atthi, aññesaṃ natthīti maññati, handassāhaṃ amhākampi maggaṃ kathemī” ti. Tato acelakapaṭipadaṃ kathesi. Tenāha – “evaṃ vutte acelo kassapo bhagavantaṃ etadavoca...pe... udakorohanānuyogamanuyutto viharatī” ti.

### Tapopakkamakathāvaṇṇanā

**394.** Tattha **tapopakkamāti** tapārambhā, tapakammānīti attho. **Sāmaññasāṅkhātī** samaṇakammasāṅkhātā. **Brahmaññasāṅkhātī** brāhmaṇakammasāṅkhātā. **Acelakoti** niccolo, naggoti attho. **Muttācāroti** viṣaṭṭhācāro, uccārakammādīsu lokiyakulaputtācārena virahito ṭhitakova uccāraṃ karoti, passāvaṃ karoti, khādāti, bhuñjati ca. **Hatthāpalekhanoti** hatthe piṇḍamhi ṭhite jivhāya hatthaṃ apalikhati, uccāraṃ vā katvā hatthasmiññeva daṇḍakasaññī hutvā hatthena apalikhati. “Bhikkhāgahaṇatthaṃ ehi, bhante” ti vutto na etīti na **ehibhaddantiko**. “Tena hi tiṭṭha, bhante” ti vuttopi na tiṭṭhatīti **natīṭṭhabhaddantiko**. Tadubhayampi kira so – “etassa vacanaṃ kataṃ bhavissatī” ti na karoti. **Abhihaṭanti** puretaraṃ gahetvā āhaṭaṃ bhikkhaṃ, **uddissakatanti** “imaṃ tumhe uddissa kata” nti evaṃ ārocitaṃ bhikkhaṃ. **Na nimantananti** “asukaṃ nāma kulaṃ vā vīthiṃ vā gāmaṃ vā paviseyyāthā” ti evaṃ nimantitabhikkhampi na sādīyati, na gaṇhati. **Na kumbhimukhātī** kumbhito uddharitvā diyyamānaṃ bhikkhaṃ na gaṇhati. **Na kaḷopimukhātī kaḷopīti** ukkhali vā pacchi vā, tatopi na gaṇhati. Kasmā? Kumbhikaḷopiyo maṃ nissāya kaṭacchunā pahāraṃ labhantīti. **Na eḷakamantaranti** ummāraṃ antaraṃ katvā diyyamānaṃ na gaṇhati. Kasmā? “Ayaṃ maṃ nissāya antarakaraṇaṃ labhatī” ti. Daṇḍamusalesupi eseva nayo.

**Dvinnanti** dvīsu bhuñjamānesu ekasmiṃ utthāya dente na gaṇhati. Kasmā? “Ekassa kabaḷantarāyo hotī” ti. **Na gabbhiniyāti** adīsu pana “gabbhiniyā kucchiyaṃ dāraako kilamati. Pāyantiyā dārakassa khīrantarāyo hoti, purisantaragatāya ratiantarāyo hotī” ti na gaṇhati. **Samkittīsūti** samkittitvā katabhattesu, dubbhikkhasamaye kira acelakasāvakā acelakānaṃ atthāya tato tato taṇḍulādīni samādapetvā bhattaṃ pacanti. Ukkattho acelako tatopi na paṭigggaṇhati. **Na yattha sāti** yattha sunakho – “piṇḍaṃ labhissāmī” ti upaṭṭhito hoti, tattha tassa adatvā āhaṭaṃ na gaṇhati. Kasmā? Etassa piṇḍantarāyo hotīti. **Sanḍasaṇḍacārīnīti** samūhasamūhacārīnī, sace hi acelakaṃ disvā – “imassa bhikkhaṃ dassāmā” ti manussā bhattagehaṃ pavisanti, tesu ca pavisantesu kaḷopimukhādīsu nilīnā makkhikā uppatitvā sanḍasaṇḍā caranti, tato āhaṭaṃ bhikkhaṃ na gaṇhati. Kasmā? Maṃ nissāya makkhikānaṃ gocarantarāyo jātoti.

**Thusodakanti** sabbasassasambhārehi kataṃ sovīraṃ. Ettha ca surāpānameva sāvajjaṃ, ayaṃ pana sabbesupi sāvajjasaññī. **Ekāgārikoti** yo ekasmiṃyeva gehe bhikkhaṃ labhitvā nivattati. **Ekālopi** yo ekeneva ālopa yāpeti. **Dvāgārikādīsupi** eseva nayo. **Ekissāpi dattiyāti** ekāya dattiyā. Datti nāma ekā khuddakapāti hoti, yattha aggabhikkhaṃ pakkhipitvā ṭhapenti. **Ekāhikanti** ekadivasantarikaṃ. **Addhamāsikanti** addhamāsantarikaṃ. **Pariyāyabhattabhojananti** vārabhattabhojanaṃ, ekāhavārena dvīhavārena sattāhavārena aḍḍhamāsavārenāti evaṃ divasavārena āgatabhattabhojanaṃ.

**395.** **Sākabhakkhoti** allasākabhakkho. **Sāmākabhakkhoti** sāmākataṇḍulabhakkho. **Nivārādīsu** nīvāro nāma araññe sayamjātā vīhijāti. **Daddulanti** cammakārehi cammaṃ likhitvā chaḍḍitakasaṭaṃ. **Haṭaṃ** vuccati silesopi sevālopi. **Kaṇanti** kuṇḍakaṃ. **Ācāmoti** bhattaukkhalikāya laggo jhāmakaodano, taṃ chaḍḍitaṭṭhānatova gahetvā khādāti, “odanakañjiya” ntipi vadanti. **Piññākā** dayo pākāṭa eva. **Pavattaphalabhojīti** patitaphalabhojī.

**396.** **Sāṇānīti** sāṇavākacoḷāni. **Masāṇānīti** missakacoḷāni. **Chavadussānīti** matasarīrato chaḍḍitavatthāni, erakatiṇḍāni vā ganthetvā katanivāsanāni. **Pamsukūlānīti** pathaviyaṃ chaḍḍitanantakāni. **Tirīṭānīti** rukkhatacavatthāni. **Ajinanti** ajinamīgacammaṃ. **Ajinakkhipanti** tadeva majjhe phālitaṃ. **Kusacīranti** kusatiṇāni ganthetvā katacīraṃ. **Vākacīraphalalakacīresupi** eseva nayo. **Kesakambalanti** manussakesehi katakambalaṃ. Yaṃ sandhāya vuttaṃ –

“Seyyathāpi bhikkhave, yāni kānici tantāvutāni vatthāni, kesakambalo tesam paṭikiṭṭho akkhāyati. Kesakambalo, bhikkhave, sīte sīto, uṇhe uṇho appaggho ca dubbaṇṇo ca duggandho dukkhasamphasso”ti.

**Vālakambalanti** assavālehi katakambalaṃ. **Ulūkapakkhikanti** ulūkapakkhāni ganthetvā katanivāsanam. **Ukkuṭikappadhānamanuyuttoti** ukkuṭikavīriyam anuyutto, gacchantopi ukkuṭikova hutvā uppatitvā uppatitvā gacchati. **Kaṇṭakāpassayikoti** ayakaṇṭake vā pakatikaṇṭake vā bhūmiyam koṭṭetvā tattha cammam attharivā ṭhānacaṅkamādīni karoti. **Seyyanti** sayantopi tattheva seyyam kappeti. **Phalakaseyyanti** rukkhaphalake seyyam. **Thaṇḍilaseyyanti** thaṇḍile ucce bhūmiṭhāne seyyam. **Ekapassayikoti** ekapasseneva sayati. **Rajojalladharoti** sarīram telena makkhitvā rajujṭhānattṭhāne tiṭṭhati, athassa sarīre rajojallam laggati, tam dhāreti. **Yathāsanthatikoti** laddham āsanam akopetvā yadeva labhati, tattheva nisīdanasīlo. **Vekāṭikoti** vikaṭakhādanasīlo. **Vikaṭanti** gūtham vuccati. **Apānakoti** paṭikkhittasītudakapāno. Sāyam tatiyamassāti **sāyatatiyakam**. Pāto, majjhanhike, sāyanti divasassa tikkhattam pāpam pavāhessāmīti **udakorohanānuyogam anuyutto viharatīti**.

### Tapopakkamaniratthakatāvaṇṇanā

**397.** Atha bhagavā sīlasampadādīhi vinā tesam tapopakkamānam niratthakatam dassento – “acelako cepi kassapa hotī”tiādīmāha. Tattha **ārakā vāti** dūreyeva. **Averanti** dosaveravirahitam. **Abyāpajjanti** domanassabyāpajjarahitam.

**398. Dukkaram, bho gotamāti** idam kassapo “mayam pubbe ettakamattam sāmāññaṅca brahmaññaṅcāti vicarāma, tumhe pana aññaṃyeva sāmāññaṅca brahmaññaṅca vadathā”ti dīpento āha. **Pakati kho esāti** pakatikathā esā. **Imāya ca, kassapa, mattāyāti** “kassapa yadi iminā pamāṇena evam parittakena paṭipattikkamena sāmāññaṃ vā brahmaññaṃ vā dukkaram sudukkaram nāma abhavissa, tato netam abhavissa kalam vacanāya dukkaram sāmāñña”nti ayamettha padasambandhena saddhim attho. Etena nayena sabbattha padasambandho vedītabbo.

**399. Dujjānoti** idampi so “mayam pubbe ettakena samaṇo vā brāhmaṇo vā hotīti vicarāma, tumhe pana aññathā vadathā”ti idam sandhāyāha. Athassa bhagavā tam pakativādam paṭikkhipitvā sabhāvatova dujjānabhāvaṃ āvikaronto punapi – “pakati kho”tiādīmāha. Tatrāpi vuttanayeneva padasambandham katvā attho vedītabbo.

### Sīlasamādhipaññasampadāvaṇṇanā

**400-401. Katamā pana sā, bho gotamāti** kasmā pucchati. Ayam kira paṇḍito bhagavato kathentasseva katham uggahehi, atha attano paṭipattiyā niratthakatam viditvā samaṇo gotamo – “tassa ‘cāyam sīlasampadā, cittasampadā, paññasampadā abhāvitā hoti asacchikatā, atha kho so ārakāva sāmāñña”tiādīmāha. Handa dāni nam tā sampattiyo pucchāmī”ti sīlasampadādivijānanattham pucchati. Athassa bhagavā buddhuppādam dassetvā tantidhammam kathento tā sampattiyo dassetum – “idha kassapā”tiādīmāha. **Imāya ca kassapa sīlasampadāyāti** idam arahattaphalameva sandhāya vuttam. Arahattaphalapariyosānañhi bhagavato sāsanaṃ. Tasmā arahattaphalasampayuttāhi sīlacittapaññasampadāhi añña uttaritarā vā paṇītarā vā sīlādisampadā natthīti āha.

### Sīhanādakathāvaṇṇanā

**402.** Evaṅca pana vatvā idāni anuttaram mahāsīhanādam nadanto – “santi kassapa eke samaṇabrāhmaṇā”tiādīmāha. Tattha **ariyanti** nirupakkilesam paramavisuddham. **Paramanti** uttamam, pañcasīlāni hiādīm katvā yāva pātimokkhasamvarasīlā sīlameva, lokuttaramaggaphalasampayuttam pana paramasīlam nāma. **Nāham tatthāti** tattha sīlepi paramasīlepi aham attano samasamam mama sīlasamena sīlena mayā samam puggalam na passāmīti attho. **Ahameva tattha bhīyyoti** ahameva tasmim sīle uttamo. Katasmim? **Yadidam adhisīlanti** yam etam uttamam sīlanti attho. Iti imam paṭhamam sīhanādam nadati.

**Tapojigucchavādāti** ye tapojiguccham vadanti. Tattha tapatīti tapo, kilesasantāpakavīriyassetam nāmaṃ, tadeva te kilese jigucchātīti jigucchā. **Ariyā paramāti** ettha niddosattā ariyā, aṭṭhārambhavattthuvasenapi uppannā vipassanāvīriyasankhātā tapojigucchā tapojigucchāva, maggaphalasampayuttā paramā nāma. **Adhijegucchanti** idha jigucchabhāvo jeguccham, uttamaṃ jeguccham adhijeguccham, tasmā yadidaṃ adhijeguccham, tattha ahameva bhīyyoti evamettha attho daṭṭhabbo. Paññādhikārepi kammassakatāpaññā ca vipassanāpaññā ca paññā nāma, maggaphalasampayuttā paramā paññā nāma. **Adhipaññanti** ettha līngavipallāso vedītabbo, ayam panetthattho – yāyam adhipaññā nāma ahameva tattha bhīyyoti vimuttādhikāre tadaṅgavikkhambhanavimuttiyo vimutti nāma, samucchadapaṭipassaddhinissaraṇavimuttiyo pana paramā vimuttīti vedītabbā. Idhāpi ca **yadidaṃ adhivimuttīti** yā ayam adhivimutti, ahameva tattha bhīyyoti attho.

**403. Suññāgāreti** suññe ghare, ekakova nisīditvāti adhippāyo. **Parisāsu cāti** aṭṭhasu parisāsu. Vuttampi cetam –

“Cattārimāni, sārīputta, tathāgatassa vesārajjāni. Yehi vesārajjehi samannāgato tathāgato āsabham ṭhānaṃ paṭijānāti, parisāsu sīhanādaṃ nadatī”ti (ma. ni. 1.150) suttaṃ vitthāretabbam.

**Paññañca naṃ pucchantīti** paṇḍitā devamanussā naṃ paññaṃ abhisankharitvā pucchanti. **Byākarotīti** taṅkhaṇaṇṇeva vissajjesi. **Cittaṃ ārādhentīti** paññāvissajjanena mahājanassa cittaṃ paritosetiyeva. **No ca kho sotabbaṃ maññantīti** cittaṃ ārādhentvā kathentassapissa vacanaṃ pare sotabbaṃ na maññantīti, evañca vadeyyunti attho. **Sotabbañcassa maññantīti** devāpi manussāpi mahanteneva ussāhena sotabbaṃ maññanti. **Pasīdantīti** supasannā kallacittā muducittā hontī. **Pasannākāraṃ karontīti** na muddhappasannāva hontī, paṇḍitāni cīvarādāni veḷuvanavīhārādayo ca mahāvīhāre pariccajantā pasannākāraṃ karontī. **Tathattāyāti** yaṃ so dhammaṃ deseti tathā bhāvāya, dhammānudhammapaṭipattipūraṇatthāya paṭipajantīti attho. **Tathattāya ca paṭipajantīti** tathabhāvāya paṭipajanti, tassa hi bhagavato dhammaṃ sutvā keci saraṇesu keci pañcasu sīlesu paṭiṭṭhahanti, apare nikkhamitvā pabbajanti. **Paṭipannā ca ārādhentīti** tañca pana paṭipadaṃ paṭipannā pūretuṃ sakkontī, sabbākārena pana pūrentī, paṭipattipūraṇena tassa bhoto gotamassa cittaṃ ārādhentīti vattabbā.

Imasmiṃ panokāse ṭhatvā sīhanādā samodhānetabbā. Ekaccaṃ tapassiṃ niraye nibbattaṃ passāmīti hi bhagavato eko sīhanādo. Aparam sagge nibbattaṃ passāmīti eko. Akusaladhammappahāne ahameva seṭṭhoti eko. Kusaladhammasamādānēpi ahameva seṭṭhoti eko. Akusaladhammappahāne mayhameva sāvakaśaṅho seṭṭhoti eko. Kusaladhammasamādānēpi mayhamyeva sāvakaśaṅho seṭṭhoti eko. Sīlena mayham sadiso natthīti eko. Vīriyena mayham sadiso natthīti eko. Paññāya...pe... vimuttīyā...pe... sīhanādaṃ nadanto parisamajjhe nisīditvā nadāmīti eko. Visārado hutvā nadāmīti eko. Paññaṃ maṃ pucchantīti eko. Paññaṃ puṭṭho vissajjemīti eko. Vissajjanena parassa cittaṃ ārādhentīti eko. Sutvā sotabbaṃ maññantīti eko. Sutvā me pasīdantīti eko. Pasannākāraṃ karontīti eko. Yaṃ paṭipattim desemi, tathattāya paṭipajantīti eko. Paṭipannā ca maṃ ārādhentīti eko. Iti purimānaṃ dasannaṃ ekekassa – “parisāsu ca nadatī”ti ādayo dasa dasa parivārā. Evaṃ te dasa purimānaṃ dasannaṃ parivāravasena sataṃ purimā ca dasāti dasādhikam sīhanādasataṃ hoti. Ito aññaṃmaṃ pana sutte ettakā sīhanādā dullabhā, tenidaṃ suttaṃ mahāsīhanādanti vuccati. Iti bhagavā “sīhanādaṃ kho samaṇo gotamo nadati, tañca kho suññāgāre nadatī”ti evaṃ vādānu vādaṃ paṭisedhetvā idāni parisati naditapubbaṃ sīhanādaṃ dassento “ekamidāha”ntīdimāha.

### Titthiyaparivāsakathāvaṇṇanā

**404.** Tattha **tatra maṃ aññataro tapabrahmacārīti** tatra rājagahe gijjhakūṭe pabbate viharantaṃ maṃ aññataro tapabrahmacārī nigrodho nāma paribbājako. **Adhijeguccheti** vīriyena pāpajigucchānādhikāre paññaṃ pucchi. Idam yaṃ tam bhagavā gijjhakūṭe mahāvīhāre nisinna udumbarikāya deviyā uyyāne nisinnassa nigrodhassa ca paribbājakassa sandhānassa ca upāsakassa dibbāya sotadhātuyā kathāsallāpaṃ sutvā ākāsēnāgantvā tesam santike paññatte āsane nisīditvā nigrodhena adhijegucche puṭṭhapaññaṃ vissajjesi, tam sandhāya vuttaṃ. **Param viya mattāyāti** paramāya mattāya, atimahanteneva pamāṇenāti attho. **Ko hi, bhanteti** ṭhapetvā andhabālam diṭṭhigatikaṃ añño paṇḍitajātiko “ko nāma bhagavato dhammaṃ sutvā na attamaṇo assā”ti vadati. **Labheyāhanti** idam so – “ciraṃ vata me aniyānikapakke



yojetvā attā kilamito, ‘sukkhanaḍḍitīre nhāyissāmī’ti samparivattentena viya thuse koṭṭentena viya na koci attho nipphādito. Handāhaṃ attānaṃ yoge yojeṣṣāmī’ti cintetvā āha. Atha bhagavā yo anena khandhake titthiyaparivāso paññatto, yo aññatitthiyapubbo sāmaṇerabhūmiyaṃ ṭhito – ‘‘ahaṃ bhante, itthannāmo aññatitthiyapubbo imasmim̐ dhammavinaye ākaṅkhāmi upasampadaṃ, svāhaṃ, bhante, saṃghaṃ cattāro māse parivāsaṃ yācāmi’’tiādinā (mahāva. 86) nayena samādiyitvā parivasati, taṃ sandhāya – ‘‘yo kho, kassapa, aññatitthiyapubbo’’tiādimāha.

**405.** Tatha **pabbajjanti** vacanasiliṭṭhatāvaseneva vuttaṃ, aparivasitvāyeva hi pabbajjaṃ labhati. Upasampadatthikena pana nātikālena gāmapavesanādīni aṭṭha vattāni pūrentena parivasitabbaṃ. **Āraddhacittā**ti aṭṭhavattapūraṇena tuṭṭhacittā, ayamettha saṅkhepattho. Vitthārato panesa titthiyaparivāso samantapāsādikāya **vinayaṭṭhakathāyaṃ** pabbajjakhandhakavaṇṇanāya vuttanayena veditabbo. **Api ca metthāti** api ca me ettha. **Puggalavemattatā viditāti** puggalanānattaṃ viditaṃ. ‘‘Ayaṃ puggalo parivāsāraho, ayaṃ na parivāsāraho’’ti idaṃ mayhaṃ pākaṇanti dasseti. Tato kassapo cintesi – ‘‘aho acchariyaṃ buddhasāsaṇaṃ, yattha evaṃ ghaṃsitvā koṭṭetvā yuttameva gaṇhanti, ayuttaṃ chaḍḍentī’’ti, tato sutṭhutamaṃ pabbajjāya sañjātussāho – ‘‘sace bhante’’tiādimāha.

Atha kho bhagavā tassa tibbacchandataṃ viditvā – ‘‘na kassapo parivāsaṃ arahatī’’ti aññataraṃ bhikkhuṃ āmantesi – ‘‘gaccha bhikkhu kassapaṃ nhāpetvā pabbājetvā ānehī’’ti. So tathā katvā taṃ pabbājetvā bhagavato santikaṃ āgamāsi. Bhagavā taṃ gaṇamaṃjhe nisīdāpetvā upasampādesi. Tena vuttaṃ – ‘‘alattha kho acelo kassapo bhagavato santike pabbajjaṃ, alattha upasampada’’nti. **Acirūpasampannoti** upasampanno hutvā nacirameva. **Vūpakatṭhoti** vatthukāmakilesakāmehi kāyena ceva cittenā ca vūpakatṭho. **Appamattoti** kammaṭṭhāne satim̐ avijahanto. **Ātāpīti** kāyikacetasikasāṅkhātena vīriyātāpena ātāpī. **Pahitattoti** kāye ca jīvite ca anapekkhatāya pesitacitto vissatṭhaattabhāvo. **Yassatthāyāti** yassa atthāya. **Kulaputtāti** ācārakulaputtā. **Sammadevāti** hetunāva kāraṇeneva. **Tadanuttaranti** taṃ anuttaraṃ. **Brahmacariyapariyosānanti** maggabrahmacariyassa pariyosānabhūtaṃ arahattaphalaṃ. Tassa hi atthāya kulaputtā pabbajanti. **Diṭṭheva dhammeti** imasmim̐yeva attabhāve. **Sayaṃ abhiññā sacchikatvāti** attanāyeva paññāya paccakkaṃ katvā, aparappaccayaṃ katvāti attho. **Upasampajja vihāsīti** pāpuṇitvā sampādetvā vihāsi, evaṃ viharanto **ca khīṇā jāti...pe... abbhāññāsīti**.

Evamassa paccavekkhaṇabhūmim̐ dassetvā arahattanikūṭena desanaṃ niṭṭhāpetuṃ ‘‘aññataro kho panāyasmā kassapo arahataṃ ahoṣī’’ti vuttaṃ. Tatha **aññataroti** eko. **Arahatanti** arahantānaṃ, bhagavato sāvakānaṃ arahantānaṃ abbhantaro ahoṣīti ayamettha adhippāyo. Yaṃ yaṃ pana antarantarā na vuttaṃ, taṃ taṃ tatha tatha vuttattā pākaṭamevāti.

Iti sumaṅgalavilāsiniyā dīghanikāyaṭṭhakathāyaṃ

Mahāsīhanādasuttavaṇṇanā niṭṭhitā.

## 9. Poṭṭhapādasuttavaṇṇanā

### Poṭṭhapādaparibbājakavattuvaṇṇanā

**406.** **Evaṃ me suttaṃ...pe... sāvattthiyanti** poṭṭhapādasuttaṃ. Tatrāyaṃ apubbapadavaṇṇanā. **Sāvattthiyaṃ viharati jetavane anāthapiṇḍikassa ārāmeti** sāvattthim̐ upanissāya yo jetassa kumārassa vane anāthapiṇḍikena gahapatinā ārāmo kārito, tatha viharati. **Poṭṭhapādo paribbājakoti** nāmena poṭṭhapādo nāma channaparibbājako. So kira gihikāle brāhmaṇamahāsālo kāmesuādīnavaṃ disvā cattālīsakoṭṭiparimāṇaṃ bhogakkhandhaṃ pahāya pabbajitvā titthiyānaṃ gaṇācariyo jāto. Samayaṃ pavadanti etthāti **samayappavādako**, tasmim̐ kira ṭhāne caṅkītārukkhapokkharasātippabbutayo brāhmaṇā niṅaṇṭhaacelakaparibbājakādayo ca pabbajitā sannipativā attano attano samayaṃ vadanti kathenti dipenti, tasmā so ārāmo **samayappavādakoti** vuccati. Sveva ca tīndukācīrasaṅkhātāya timbarūrukhpantiyā parikkhattattā **tīndukācīro**. Yasmā panettha paṭhamaṃ ekāva sālā ahoṣi, pacchā mahāpuññaṃ paribbājakam̐ nissāya bahū sālā katā. Tasmā tameva ekaṃ sālāṃ upādāya laddhanāmasena **ekasālakoti** vuccati.

Mallikāya pana pasenadirañño deviyā uyyānabhūto so pupphaphalasanghamo āramoti katvā **mallikāya āramoti** saṅkhyam gata. Tasmim samayappavādake tindukācīre ekasālake mallikāya ārame.

**Paṭivasatī** nivāsaphāsutāya vasati. Athekadivasam bhagavā paccūsasamaye sabbaññutaññānam pattharivā lokam pariggaṇhanto ñāṇajālassa antogataṃ paribbājakam disvā – “ayam poṭṭhapādo mayham ñāṇajāle paññāyati, kinu kho bhavissatī”ti upaparikkhanto addasa – “aham ajja tattha gamissāmi, atha mam poṭṭhapādo nirodhañca nirodhavuṭṭhānañca pucchissati, tassāham sabbabuddhānam ñāṇena saṃsanditvā tadubhayaṃ kathessāmi, atha so katipāhaccayena cittaṃ hatthisāriputtaṃ gahetvā mama santikam āgamissati, tesamahaṃ dhammaṃ desessāmi, desanāvasāne poṭṭhapādo mam saraṇam gamissati, citto hatthisāriputto mama santike pabbajivā arahattaṃ pāpuñissatī”ti. Tato pātova sarīrapaṭijjaggaṇam katvā surattadupaṭṭam nivāsetvā vijjulatāsadisam kāyabandhanaṃ bandhitvā yugandharapabbataṃ parikkhipitvā ṭhitamahamegham viya meghavaṇṇam paṃsukūlam ekasavaragataṃ katvā paccaggham selamayapattaṃ vāmaṃsakūṭe laggetvā sāvattim piṇḍaya pavissāmi sīho viya himavantapādā vihārā nikkhami. Imamattham sandhāya – “atha kho bhagavā”tiādi vuttaṃ.

**407. Etadahosī** nagaradvārasamīpaṃ gantvā attano rucivasena sūriyam oloketvā atippagabhāvameva disvā etaṃ ahoṣi. **Yaṃnūnāhanti** saṃsayaparidīpano viya nipāto, buddhānañca saṃsayo nāma natthi – “idaṃ karissāma, idaṃ na karissāma, imassa dhammaṃ desessāma, imassa na desessāma”ti evaṃ parivittakapubbabhāgo panesa sabbabuddhānam labbhati. Tenāha – “yaṃnūnāha”nti, yadi panāhanti attho.

**408. Unnādinīyā**ti uccaṃ nadamānāya, evaṃ nadamānāya cassā uddham gamanavasena ucco, disāsu patthaṭavasena mahā saddotī uccāsaddamahāsaddāya, tesañhi paribbājakānam pātova vuṭṭhāya kattabbaṃ nāma cetiyavattaṃ vā bodhivattaṃ vā ācariyupajjhāyavattaṃ vā yoniso manasikāro vā natthi. Tena te pātova vuṭṭhāya bālātape nisinnā – “imassa hattho sobhano, imassa pādo”ti evaṃ aññamaññassa hatthapādādīni vā ārabha, itthipurisadārakadārikādīnam vaṇṇe vā, aññam vā kāmassādabhavassādādivatthum ārabha katham samuṭṭhāpetvā anupubbena rājakathādiānekavidham tiracchānakatham kathenti. Tena vuttaṃ – “unnādinīyā uccāsaddamahāsaddāya anekavihitam tiracchānakatham kathentiya”ti.

Tato poṭṭhapādo paribbājako te paribbājake oloketvā – “ime paribbājakā ativiya aññamaññam agāravā, mayañca samaṇassa gotamassa pātubhāvato paṭṭhāya sūriyuggamane khajjopanakūpamā jātā, lābhasakkāropi no parihīno. Sace panimam ṭhānam samaṇo gotamo vā gotamassa sāvako vā gihī upaṭṭhāko vā tassa āgaccheyya, ativiya lajjanīyam bhavissati, parisadoso kho pana parisajjethakasseva upari ārohatī”ti itocito ca vilokento bhagavantaṃ addasa. Tena vuttaṃ – “addasā kho poṭṭhapādo paribbājako...pe... tuṇhī ahesu”nti.

**409.** Tattha **saṅṭhapesī**ti sikkhāpesi, vajjamassā paṭicchadesi. Yathā susaṅṭhitā hoti, tathā nam ṭhapesi. Yathā nāma parisamajjham pavissanto puriso vajjapaṭicchādanattham nivāsanaṃ saṅṭhapesi, pārupanaṃ saṅṭhapesi, rajokīṇṇaṭṭhānam puñchatī; evamassā vajjapaṭicchādanattham – “appasaddā bhonto”ti sikkhāpento yathā susaṅṭhitā hoti, tathā nam ṭhapesīti attho. **Appasaddakāmoti** appasaddam icchati, eko nisīdati, eko tiṭṭhati, na gaṇasaṅgaṇikāya yāpeti. **Upasaṅkamtibbam maññeyyā**ti idhāgantabbaṃ maññeyya. Kasmā panesa bhagavato upasaṅkamanam paccāsīsatī? Attano vuddhim patthayamāno. Paribbājakā kira buddhesu vā buddhasāvakesu vā attano santikam āgatesu – “ajja amhākam santikam samaṇo gotamo āgato, sārīputto āgato, na kho pana te yassa vā tassa vā santikam gacchanti, passatha amhākam uttamabhāva”nti attano upaṭṭhākānam santike attānam ukkhipanti, ucce ṭhāne ṭhāpentī, bhagavatopi upaṭṭhāke gaṇhitum vāyamanti. Te kira bhagavato upaṭṭhāke disvā evaṃ vadanti – “tumhākam satthā bhavam gotamopi gotamasāvakāpi amhākam santikam āgacchanti, mayaṃ aññamaññam samaggā. Tumhe pana amhe akkhihi passitum na icchatha, sāmīcikkammaṃ na karotha, kiṃ vo amhehi aparaddha”nti. Athekacce manussā – “buddhāpi etesaṃ santikam gacchanti kiṃ amhāka”nti tato paṭṭhāya te disvā nappamajjanti. **Tuṇhī ahesu**ti poṭṭhapādam parivāretvā nissaddā nisīdiṃsu.

**410. Svāgatam, bhanteti** suṭṭhu āgamaṃ, bhante, bhagavato; bhagavati hi no āgate ānando hoti, gate sokoti dīpeti. **Cirassam kho, bhanteti** kasmā āha? Kiṃ bhagavā pubbepi tattha gatapubboti, na gatapubbo. Manussaṃ pana – “kuhiṃ gacchantā, kuto āgatatha, kiṃ maggamūlhattha, cirassam āgatatha”ti evamādayo piyasamudācārā honti, tasmā evamāha. Evañca pana vatvā na mānathaddho hutvā nisīdi,

uṭṭhāyāsanaṃ bhagavato paccuggamanamakāsi. Bhagavantañhi upagataṃ disvā āsanena animantento vā apacitiṃ akaronto vā dullabho. Kasmā? Uccākulīnatāya. Ayampi paribbājako attano nisinnāsanam papphotetvā bhagavantam āsanena nimantento – “nisīdatu, bhante, bhagavā idamāsanaṃ paññatta”nti āha. **Antarākathā vippakatā**ti nisinnānam vo ādito paṭṭhāya yāva mamāgamanam, etasmiṃ antare kā nāma kathā vippakatā, mamāgamanapaccayā katamā kathā pariyantaṃ na gatā, vadatha, yāva nam pariyantaṃ netvā demīti sabbaññupavāraṇam pavāresi. Atha paribbājako – “niratthakakathā esā nissārā vaṭṭasannissitā, na tumhākaṃ purato vattabbaṃ arahatī”ti dīpento “tiṭṭhatesā, bhante”tiādimāha.

### Abhisaññānirodhakathāvaṇṇanā

**411. Tiṭṭhatesā, bhanteti** sace bhagavā sotukāmo bhavissati, pacchāpesā kathā na dullabhā bhavissati, amhākaṃ panimāya kathāya attho natthi. Bhagavato panāgamanam labhivā mayam aññadeva sukāraṇam pucchāmāti dīpeti. Tato tam pucchanto – “purimāni, bhante”tiādimāha. Tattha **koṭūhalasālāyanti** koṭūhalasālā nāma paccakasālā natthi. Yattha pana nānātitthiyā samaṇabrāhmaṇā nānāvidham katham pavattenti, sā bahūnam – “ayaṃ kiṃ vadati, ayaṃ kiṃ vadatī”ti koṭūhaluppattiṭṭhānato koṭūhalasālāti vuccati. **Abhisaññānirodheti** ettha **abhīti** upasaggamattam. **Saññānirodheti** cittanirodhe, khaṇikanirodhe kathā uppanāti attho. Idam pana tassā uppattikāraṇam. Yadā kira bhagavā jātakam vā katheti, sikkhāpadaṃ vā paññapeti tadā sakalajambudīpe bhagavato kittighoso pattharati, titthiyā tam sutvā – “bhavam kira gotamo pubbacariyam kathesi, mayam kiṃ na sakkoma tādisam kiñci kathetu”nti bhagavato paṭibhāgakariyam karontā ekaṃ bhavantarasamayaṃ kathenti – “bhavam gotamo sikkhāpadaṃ paññapesi, mayam kiṃ na sakkoma paññapetu”nti attano sāvakanam kiñciveva sikkhāpadaṃ paññapenti. Tadā pana bhagavā aṭṭhavidhaparisaṃmajjhe nisīditvā nirodhakatham kathesi. Titthiyā tam sutvā – “bhavam kira gotamo nirodham nāma kathesi, mayampi tam kathessāmā”ti sannipatitvā kathayimsu. Tena vuttam – “abhisaññānirodhe kathā udapādī”ti.

**Tatrekacceti** tesu ekacce. Purimo cettha yvāyam bāhire titthāyatane pabbajito cittappavattiyam dosam disvā acittakabhāvo santoti samāpattim bhāvetvā ito cuto pañca kappasatāni asaṇṇibhave ṭhatvā puna idha uppajjati. Tassa saññuppāde ca nirodhe ca hetum apassanto – **ahetū appaccayāti** āha.

Dutiyo nam nisedhetvā migasiṅgatāpasassa asaṇṇakabhāvam gahetvā – “upetipi apeti”ti āha. Migasiṅgatāpaso kira attantapo ghoratapo paramadhitindriyo aho. Tassa silatejēna sakkavimānam uṇham aho. Sakko devarājā “sakkatṭhānam nu kho tāpaso pattheti”ti alambusam nāma devakaññam – “tāpasassa tapam bhindivā ehi”ti pesesi. Sā tattha gatā. Tāpaso paṭhamadivase tam disvāva palāyitvā paṇṇasālāṃ pāvīsi. Dutiya divase kāmaccandanīvaraṇena bhaggo tam hatthe aggahesi, so tena dibbaphassena phutṭho visaññī hutvā tiṇṇam samvaccharānam accayena saññam paṭilabhi. Tam so diṭṭhigatiko – “tiṇṇam samvaccharānam accayena nirodhā vuṭṭhito”ti maññamāno evamāha.

Tatiyo nam nisedhetvā āthabbaṇapayogaṃ sandhāya “upakaḍḍhantipi apakaḍḍhantipi”ti āha. Āthabbaṇikā kira āthabbaṇam payojetvā sattaṃ sīsacchinnaṃ viya hatthacchinnaṃ viya mataṃ viya ca katvā dassenti. Tassa puna pākatikabhāvam disvā so diṭṭhigatiko – “nirodhā vuṭṭhito aya”nti maññamāno evamāha.

Catuttho nam nisedhetvā yakkhadāsīnam madaniddam sandhāya “santi hi bho devatā”tiādimāha. Yakkhadāsīyo kira sabbarattim devatūpahāram kurumānā naccitvā gāyitvā aruṇodaye ekaṃ surāpātim pivitvā parivattitvā supitvā divā vuṭṭhahanti. Tam disvā so diṭṭhigatiko – “suttakāle nirodham samāpannā, pabuddhakāle nirodhā vuṭṭhitā”ti maññamāno evamāha.

Ayam pana poṭṭhapādo paribbājako paṇḍitajātiko. Tenassa tam katham sutvā vippaṭisāro uppajji. “Imesam kathā eḷamūgakathā viya cattāro hi nirodhe ete paññapenti, iminā ca nirodhena nāma ekena bhavitabbaṃ, na bahunā. Tenāpi ekena aññeneva bhavitabbaṃ, so pana aññena nītuṃ na sakkā aññatra sabbaññunā. Sace bhagavā idha abhavissa ‘ayaṃ nirodho ayaṃ na nirodho’ti dīpasahassaṃ viya ujjaletvā ajjameva pākaṭam akarissā”ti dasabalaññeva anussari. Tasmā “tassa mayham bhante”tiādimāha. Tattha **aho nūnāti** anussaraṇatthe nipātadvayaṃ, tena tassa bhagavantaṃ anussarantassa etadahosi “aho nūna bhagavā

aho nūna sugato’’ti. **Yo imesanti** yo etesaṃ nirodhadhammānaṃ sukusalo nipuṇo cheko, so bhagavā aho nūna katheyya, sugato aho nūna katheyyāti ayamettha adhippāyo. **Pakataññūti** ciñṇavasitāya pakatiṃ sabhāvaṃ jānātīti pakataññū. **Kathaṃ nu khoti** idaṃ paribbājako ‘‘mayam bhagavā na jānāma, tumhe jānātha, kathetha no’’ti āyācanto vadati. Atha bhagavā kathento ‘‘tatra poṭṭhapāda’’tiādīmāha.

### Ahetukasaññuppadanirodhakathāvaṇṇanā

**412.** Tattha **tatrāti** tesu samaṇabrāhmaṇesu. **Āditova tesam aparaddhanti** tesam ādimhiyeva viraddham, gharamajjheyyeva pakkhalitāti dīpeti. **Sahetū sappaccayāti** ettha hetupi paccayopi kāraṇasseva nāmaṃ, sakāraṇāti attho. Tam pana kāraṇaṃ dassento ‘‘sikkhā ekā’’ti āha. Tattha **sikkhā ekā saññā uppajjantīti** sikkhāya ekaccā saññā jāyantīti attho.

**413. Kā ca sikkhāti bhagavā avocāti** katamā ca sā sikkhāti bhagavā vitthāretukamyatāpucchāvasena avoca. Atha yasmā adhisīlasikkhā adhicittasikkhā adhipaññāsikkhāti tisso sikkhā honti. Tasmā tā dassento bhagavā saññāya sahetukaṃ uppādanirodham dīpetuṃ buddhuppādato pabhuti tantidhammaṃ ṭhapento ‘‘idha poṭṭhapāda, tathāgato loke’’tiādīmāha. Tattha adhisīlasikkhā adhicittasikkhāti dve eva sikkhā sarūpena āgatā, tatiyā pana ‘‘ayaṃ dukkhanirodhagāminī paṭipadāti kho poṭṭhapāda mayā ekamsiko dhammo desito’’ti ettha sammādiṭṭhisammāsaṅkappavasena pariyāpannattā āgatāti veditabbā. **Kāmasaññāti** pañcakāmaguṇikarāgopi asamuppannakāmacāropi. Tattha pañcakāmaguṇikarāgo anāgāmimaggena samugghātaṃ gacchati, asamuppannakāmacāro pana imasmiṃ ṭhāne vaṭṭati. Tasmā **tassa yā purimā kāmasaññāti** tassa paṭhamajjhānasamaṅgino yā pubbe uppānapubbāya kāmasaññāya sadisattā purimā kāmasaññāti vucceyya, sā nirujjhati, anuppannāva nuppajjati attho.

**Vivekajapītisukhasukhumasaccasaññīyeva tasmim samaye hotīti** tasmim paṭhamajjhānasamaye vivekajapītisukhasaṅkhātā sukhumasaññā saccā hoti, bhūtā hotīti attho. Atha vā kāmacchandādiolārikaṅgappahānavasena sukhumā ca sā bhūtātāya saccā ca saññāti sukhumasaccasaññā, vivekajehi pītisukhehi sampayuttā sukhumasaccasaññāti vivekajapītisukhasukhumasaccasaññā sā assa atthīti vivekajapītisukhasukhumasaccasaññīti evamettha attho daṭṭhabbo. Esa nayo sabbattha. **Evampi sikkhāti** ettha yasmā paṭhamajjhānaṃ samāpajjanto adhiṭṭhahanto, vuṭṭhahanto ca sikkhāti, tasmā tam evaṃ sikkhitabbato sikkhāti vuccati. Tenapi sikkhāsaṅkhātena paṭhamajjhānena evaṃ ekā vivekajapītisukhasukhumasaccasaññā uppajjati. Evaṃ ekā kāmasaññā nirujjhatīti attho. **Ayam sikkhāti bhagavā avocāti** ayam paṭhamajjhānasāṅkhātā ekā sikkhāti, bhagavā āha. Etenupāyena sabbattha attho daṭṭhabbo.

Yasmā pana aṭṭhamasamāpattiyā aṅgato sammasanaṃ buddhānaṃyeva hoti, sāvakesu sārīputtasadisānampi natthi, kalāpato sammasanaṃyeva pana sāvakānaṃ hoti, idaṅca ‘‘saññā saññā’’ti, evaṃ aṅgato sammasanaṃ uddhaṭaṃ. Tasmā ākiñcaññāyatanaparamaṃyeva saññaṃ dassetvā puna tadeva saññaṅganti dassetuṃ ‘‘yato kho poṭṭhapāda...pe... saññaṅgaṃ phusati’’ti āha.

**414.** Tattha **yato kho poṭṭhapāda bhikkhūti** yo nāma poṭṭhapāda bhikkhu. **Idha sakasaññī hotīti** idha sāsane sakasaññī hoti, ayameva vā pāṭho, attano paṭhamajjhānasaññāya saññāvā hotīti attho. **So tato amutra tato amutrāti** so bhikkhu tato paṭhamajjhānato amutra dutiyajjhāne, tatopi amutra tatiyajjhāneti evaṃ tāya tāya jhānasaññāya sakasaññī sakasaññī hutvā anupubbena saññaṅgaṃ phusati. **Saññaṅganti** ākiñcaññāyatanam vuccati. Kasmā? Lokiyānaṃ kiccakāraṇasamāpattīnaṃ aggatā. Ākiñcaññāyatanasamāpattiyāhi ṭhatvā nevasaññānāsaññāyatanampi nirodhampi samāpajjanti. Iti sā lokiyānaṃ kiccakāraṇasamāpattīnaṃ aggatā saññaṅganti vuccati, tam phusati pāpuṇātīti attho.

Idāni abhisaññānirodham dassetuṃ ‘‘**tassa saññaṅge ṭhitassā**’’tiādīmāha. Tattha **ceteyyam, abhisāṅkhareyyanti** padadvaye ca jhānaṃ samāpajjanto ceteti nāma, punappunaṃ kappetīti attho. Uparisamāpattiatthāya nikantiṃ kurumāno abhisāṅkharoti nāma. **Imā ca me saññā nirujjheyyuntī** imā ākiñcaññāyatanasaññā nirujjheyyuṃ. **Aññā ca oḷārikāti** aññā ca oḷārikā bhavaṅgasaññā uppajjeyyuṃ. **So na ceva ceteti na abhisāṅkharotīti** ettha kāmam cesa cetentova na ceteti, abhisāṅkharontova nābhisāṅkharoti. Imassa bhikkhuno ākiñcaññāyatanato vuṭṭhāya nevasaññānāsaññāyatanam samāpajjivā ‘‘ekam dve cittavāre

ṭhassāmī’ ti ābhogasamannāhāro natthi. Uparinirodhasamāpattatthāya eva pana ābhogasamannāhāro atthi, svāyamattho puttagarācikkhaṇena dīpetabbo.

Pitugharamajjhena kira gantvā pacchābhāge puttassa gharaṃ hoti, tato paṇītaṃ bhojanaṃ ādāya āsanasālāṃ āgataṃ daharaṃ thero – “manāpo piṇḍapāto kuto ābhato” ti pucchi. So “asukassa gharato” ti laddhagharameva ācikkhi. Yena panassa pitugharamajjhena gatopi āgatopi tattha ābhogopi natthi. Tattha āsanasālā viya ākiñcaññāyatanasamāpatti daṭṭhabbā, pitugehaṃ viya nevasaññānāsaññāyatanasamāpatti, puttagehaṃ viya nirodhasamāpatti, āsanasālāya ṭhatvā pitugharaṃ amanasikarivā puttagarācikkhaṇaṃ viya ākiñcaññāyatanato vuṭṭhāya nevasaññānāsaññāyatanam samāpajjitvā “ekaṃ dve cittavāre ṭhassāmī’ ti pitugharaṃ amanasikarivāva uparinirodhasamāpattatthāya manasikāro, evamesa cetentova na ceteti, abhisankharontova nābhisankharoti. **Tā ceva saññāti** tā jhānasaññā nirujjhanti. **Aññā cāti** aññā ca oḷārikā bhavaṅgasaññā nuppajjanti. **So nirodhaṃ phusatī** so evaṃ paṭipanno bhikkhu saññāvedayitanirodhaṃ phusati vindati paṭilabhati.

**Anupubbābhisaññānirodhasampajānasamāpattinti** ettha **abhīti** upasaggamattaṃ, sampajānapadaṃ nirodhapadena antarikaṃ katvā vuttaṃ. Anupaṭipāṭiyā sampajānasaññānirodhasamāpattīti ayaṃ panetthatto. Tatrāpi sampajānasaññānirodhasamāpattīti sampajānantassa ante saññā nirodhasamāpatti sampajānantassa vā paṇḍitassa bhikkhuno saññānirodhasamāpattīti ayaṃ visesatto.

Idāni idha ṭhatvā nirodhasamāpattikathā kathetabbā. Sā panesā sabbākārena visuddhimagge paññābhāvanānisamsādhikāre kathitā, tasmā tattha kathitatova gahetabbā.

Evaṃ bhagavā poṭṭhapādassa paribbājakassa nirodhakathaṃ kathetvā – atha naṃ tādīsāya kathāya aññattha abhāvaṃ paṭijānāpetuṃ “taṃ kiṃ maññasi” tiādimāha. Paribbājakopi “bhagavā ajja tumhākaṃ kathaṃ ṭhapetvā na mayā evarūpā kathā sutapubbā” ti paṭijānanto, “no hetam bhante” ti vatvā puna sakkaccaṃ bhagavato kathāya uggahitabhāvaṃ dassento “evaṃ kho aham bhante” tiādimāha. Athassa bhagavā “suuggahitaṃ tayā” ti anujānanto “evaṃ poṭṭhapādā” ti āha.

**415.** Atha paribbājako “bhagavatā ‘ākiñcaññāyatanam saññagga’ nti vuttaṃ. Etadeva nu kho saññaggaṃ, udāhu avasesasamāpattīsūpi saññaggaṃ atthi” ti cintevā tamatthaṃ pucchanto “ekaññeva nu kho” tiādimāha. Bhagavāpissa vissajjesi. Tattha **puṭhūpīti** bahūnipi. **Yathā yathā kho, poṭṭhapāda, nirodhaṃ phusatīti** pathavīkasiṇādīsū yena yena kasiṇena, paṭhamajjhānādīnaṃ vā yena yena jhānena. Idaṃ vuttaṃ hoti – sace hi pathavīkasiṇena karaṇabhūtena pathavīkasiṇasamāpattim ekavāraṃ samāpajjanto purimasaññānirodhaṃ phusati ekaṃ saññaggaṃ, atha dve vāre, tayo vāre, vārasataṃ, vārasahassaṃ, vārasatasahassaṃ vā samāpajjanto purimasaññānirodhaṃ phusati, satasahassaṃ, saññaggāni. Esa nayo sesakasiṇesu. Jhānesūpi sace paṭhamajjhānena karaṇabhūtena ekavāraṃ purimasaññānirodhaṃ phusati ekaṃ saññaggaṃ. Atha dve vāre, tayo vāre, vārasataṃ, vārasahassaṃ, vārasatasahassaṃ vā purimasaññānirodhaṃ phusati, satasahassaṃ saññaggāni. Esa nayo sesajjhānasamāpattīsūpi. Iti ekavāraṃ samāpajjanavasena vā sabbampi sañjānalakkhaṇena saṅgahetvā vā ekaṃ saññaggaṃ hoti, aparāparaṃ samāpajjanavasena bahūni.

**416. Saññā nu kho, bhanteti** bhante nirodhasamāpajjanakassa bhikkhuno “saññā nu kho paṭhamam uppajjati” ti pucchati. Tassa bhagavā “saññā kho, poṭṭhapādā” ti byākāsi. Tattha **saññāti** jhānasaññā. **Ñāṇanti** vipassanāñāṇaṃ. Aparo nayo, **saññāti** vipassanā saññā. **Ñāṇanti** maggañāṇaṃ. Aparo nayo, **saññāti** maggasaññā. **Ñāṇanti** phalañāṇaṃ. Tipiṭakamahāsivatthero panāha –

Kiṃ ime bhikkhū bhaṇanti, poṭṭhapādo heṭṭhā bhagavantaṃ nirodhaṃ pucchi. Idāni nirodhā vuṭṭhānaṃ pucchanto “bhagavā nirodhā vuṭṭhahantassa kiṃ paṭhamam arahattaphalasaññā uppajjati, udāhu paccavekkhaṇañāṇa” nti vadati. Athassa bhagavā yasmā phalasaññā paṭhamam uppajjati, pacchā paccavekkhaṇañāṇaṃ. Tasmā “saññā kho poṭṭhapādā” ti āha. Tattha **saññūppādāti** arahattaphalasaññāya uppādā, pacchā “idaṃ arahattaphala” nti evaṃ paccavekkhaṇañāṇuppādo hoti. **Idappaccayā kira meti** phalasaññādhisaññāpaccayā kira mayhaṃ paccavekkhaṇañāṇaṃ uppananti.

### Saññāattakathāvaṇṇanā

**417.** Idāni paribbājako yathā nāma gāmasūkaro gandhodakena nhāpetvā gandhehi anulimpitvā mālādāmaṃ piḷandhitvā sirisayane āropitopi sukhaṃ na vindati, vegena gūthaṭṭhānameva gantvā sukhaṃ vindati. Evameva bhagavatā saṅhasukhumatilakkhaṇabbhāhatāya desanāya nhāpitavillitamaṇḍitopi nirodhakathāsirisayanaṃ āropitopi tattha sukhaṃ na vindanto gūthaṭṭhānasadisamaṃ attano laddhiṃ gahetvā tameva pucchanto “saññā nu kho, bhante, purisassa attā” tiādimāha. Athassānumatiṃ gahetvā byākātukāmo bhagavā – “kaṃ pana tva” ntiādimāha. Tato so “arūpī attā” ti evaṃ laddhiko samānopi “bhagavā desanāya sukusalo, so me āditova laddhiṃ mā viddhamsetū” ti cintetvā attano laddhiṃ pariharanto “oḷārikaṃ kho” tiādimāha. Athassa bhagavā tattha dosaṃ dassento “oḷāriko ca hi te” tiādimāha. Tattha **evaṃ santanti** evaṃ sante. Bhummatthe hi etaṃ upayogavacanaṃ. Evaṃ santaṃ attānaṃ paccāgacchato tavāti ayaṃ vā ettha attho. Catunnaṃ khandhānaṃ ekuppādekanirodhattā kiñcāpi yā saññā uppajjati, sāva nirujjhati. Aparāparaṃ upādāya pana “aññā ca saññā uppajjanti, aññā ca saññā nirujjhanti” ti vuttaṃ.

**418-420.** Idāni aññaṃ laddhiṃ dassento – “manomayaṃ kho ahaṃ, bhante” tiādimāha vatvā tatrāpi dose dinne yathā nāma ummattako yāvassa saññā nappatiṭṭhāti, tāva aññaṃ gahetvā aññaṃ vissajjeti, saññāpatiṭṭhānakāle pana vattabbameva vadati, evameva aññaṃ gahetvā aññaṃ vissajjetvā idāni attano laddhiṃyeva vadanto “arūpī kho” tiādimāha. Tatrāpi yasmā so saññāya uppādanirodhaṃ icchati, attānaṃ pana sassataṃ maññati. Tasmā tathevassa dosaṃ dassento bhagavā “evaṃ santampī” tiādimāha. Tato paribbājako micchādassanena abhibhūtattā bhagavatā vuccamānampi taṃ nānattaṃ ajānanto “sakkā panetaṃ, bhante, mayā” tiādimāha. Athassa bhagavā yasmā so saññāya uppādanirodhaṃ passantopi saññāmayamaṃ attānaṃ niccameva maññati. Tasmā “dujjānaṃ kho” tiādimāha.

Tatthāyaṃ saṅkhepattho – tava aññā diṭṭhi, aññā khanti, aññā ruci, aññathāyeva te dassanaṃ pavattaṃ, aññadeva ca te khamatī ceva rucati ca, aññatra ca te āyogo, aññissāyeva paṭipattiyā yuttapayuttatā, aññattha ca te ācariyakaṃ, aññasmiṃ titthāyatane ācariyabhāvo. Tena tayā evaṃ aññādiṭṭhikena aññākhantikena aññārucikena aññātrāyogena aññātrācariyakena dujjānaṃ etanti. Atha paribbājako – “saññā vā purisassa attā hotu, aññā vā saññā, taṃ sassatādi bhāvamassa pucchissa” nti puna “kiṃ pana bhante” tiādimāha.

Tattha **lokoti** attānaṃ sandhāya vadati. **Na hetamaṃ potṭhapāda atthasañhitanti** potṭhapāda etaṃ diṭṭhigataṃ na idhalokaparalokaatthanissitaṃ, na attatthaparathanissitaṃ. **Na dhammasaṃhitanti** na navalokuttaradhammanissitaṃ. **Nādibrahmacariyakanti** sikkhattayasaṅkhātassa sāsanabrahmacariyakassa na ādimattaṃ, adhisīlasikkhāmattampi na hoti. **Na nibbidāyāti** saṃsāraṃ nibbindanattāya na saṃvattati. **Na virāgāyāti** vaṭṭavirāgattāya na saṃvattati. **Na nirodhāyāti** vaṭṭassa nirodhakarānatthāya na saṃvattati. **Na upasamāyāti** vaṭṭassa vūpasamanattāya na saṃvattati. **Na abhiññāyāti** vaṭṭābhijānanāya paccakkhākiriyāya na saṃvattati. **Na sambodhāyāti** vaṭṭasambujjhanattāya na saṃvattati. **Na nibbānāyāti** amatamahānibbānassa paccakkhākiriyāya na saṃvattati.

**Idamaṃ dukkhanti** ādīsū taṇhaṃ ṭhapetvā tebhūmakā pañcakkhandhā dukkhanti, tasseva dukkhassa pabhāvanato sappaccayā taṇhā dukkhasamudayoti. Ubhinnaṃ appavatti dukkhanirodhoti, ariyo aṭṭhaṅgiko maggo dukkhanirodhagāminī paṭipadāti mayā byākatanti attho. Evañca pana vatvā bhagavā “imassa paribbājakassa maggapātubhāvo vā phalasaṃchikiriyaṃ vā natthi, mayhañca bhikkhācāraṃ” ti cintetvā tuṅhī ahoṣi. Paribbājakopi taṃ ākāraṃ ñatvā bhagavato gamanakālaṃ ārocento viya “evameta” ntiādimāha.

**421. Vācāsannitodakenāti** vacanapatodena. **Sañjhabbharimakamsūti** sañjhabbharitaṃ niraṇṭaraṃ phuṭṭhaṃ akaṃsu, upari vijjhimsūti vuttaṃ hoti. **Bhūtanti** sabhāvato vijjamānaṃ. **Tacchaṃ, tathanti** tasseva vevacanaṃ. **Dhammaṭṭhitanti** navalokuttaradhammesu ṭhitasabhāvaṃ. **Dhammaniyāmatanti** lokuttaradhammaniyāmatamaṃ. Buddhānañhi catusaccavinimuttā kathā nāma natthi. Tasmā sā edisā hoti.

### Cittahatthisāriputtapaṭṭhapādavattuvaṇṇanā

**422. Citto ca hatthisāriputtoti** so kira sāvatthiyaṃ hatthiācariyassa putto bhagavato santike pabbajitvā ṭṭhi piṭakāni uggahetvā sukumesu atthantaresu kusalo ahoṣi, pubbe katapāpakammavasena pana sattavāre vibbhamitvā gihi jāto. Kassapasammāsambuddhassa kira sāsanā dve saṅgāyāni ahesuṃ, aññamaññaṃ samaggā ekatova sajjhāyanti. Tesu eko anabhirato gihibhāve cittaṃ uppādetvā itarassa ārocesi. So gihibhāve

ādīnavam pabbajjāya ānisaṃsaṃ dassetvā taṃ ovadī. So taṃ sutvā abhiramitvā punekadivasam tādise citta uppanne taṃ etadavoca “mayham āvuso evarūpaṃ cittaṃ uppajjati – ‘imāhaṃ pattacīvaraṃ tuyham dassāmī’ ti”. So pattacīvaralobhena tassa gihibhāve ānisaṃsaṃ dassetvā pabbajjāya ādīnavam kathesi. Athassa taṃ sutvāva gihibhāvato cittaṃ virajjitvā pabbajjāyameva abhirami. Evamesa tadā sīlavantassa bhikkhuno gihibhāve ānisaṃsakathāya kathitattā idāni cha vāre vibbhamitvā sattame vāre pabbajito. Mahāmoggallānassa, mahākoṭṭhikattherassa ca abhidhammakathaṃ kathentānaṃ antarantarā kathaṃ opāpeti. Atha naṃ mahākoṭṭhikatthero apasādeti. So mahāsāvakaṃsa kathite patiṭṭhātuṃ asakkonto vibbhamitvā gihi jāto. Poṭṭhapādassa panāyaṃ gihisahāyako hoti. Tasmā vibbhamitvā dvīhatīhaccayena poṭṭhapādassa santikaṃ gato. Atha naṃ so disvā “samma kiṃ tayā kataṃ, evarūpassa nāma satthu sāsanaṃ apasakkantosi, ehi pabbajituṃ idāni te vaṭṭatī” ti taṃ gahetvā bhagavato santikaṃ agamāsi. Tena vuttaṃ “citto ca hatthisāriputto poṭṭhapādo ca paribbājako” ti.

**423. Andhāti paññācakkhuno natthitāya andhā, tasseva abhāvena acakkhukā. Tvamyeva nesam eko cakkhumāti** subhāsidadubbhāsitaṃ jānanabhāvamattena paññācakkhunā cakkhumā. **Ekamsikāti ekakoṭṭhāsā. Paññattāti** ṭhapitā. **Anekamsikāti** na ekakoṭṭhāsā ekeneva koṭṭhāsena sassatāti vā asassatāti vā na vuttāti attho.

### Ekamsikadhammavaṇṇanā

**424-425. Santi poṭṭhapādāti** idaṃ bhagavā kasmā ārabhi? Bāhirakehi paññāpitaniṭṭhāya aniyyānikabhāvadassanatthaṃ. Sabbe hi titthiyā yathā bhagavā amataṃ nibbānaṃ, evaṃ attano attano samaye lokathupikādivasena niṭṭhaṃ paññāpentī, sā ca na niyyānikā. Yathā paññattā hutvā na niyyāti na gacchati, aññadatthu paṇḍitehi paṭikkhittā nivattati, taṃ dassetuṃ bhagavā evamāha. Tattha **ekantasukham lokam jānam passanti** puratthimāya disāya ekantasukho loko pacchimādīnaṃ vā aññatarāyāti evaṃ jānantā evaṃ passantā viharatha. Diṭṭhapubbāni kho tasmim loke manussānaṃ sarīrasaṅṭhānādīnīti. **Appāṭihīrakatanti** appāṭihīrakataṃ paṭiharaṇavirahitaṃ, aniyyānikanti vuttaṃ hoti.

**426-427. Janapadakalyāṇīti** janapade aññāhi itthīhi vaṇṇasaṅṭhānavilāsākappādīhi asadisā.

### Tayoattapaṭilābhavaṇṇanā

**428.** Evaṃ bhagavā paresaṃ niṭṭhāya aniyyānikattaṃ dassetvā attano niṭṭhāya niyyānikabhāvaṃ dassetuṃ “tayo kho me poṭṭhapādā” ti adīmāha. Tattha **attapaṭilābhoti** attabhāvaṃ paṭilābho, ettha ca bhagavā tīhi attabhāvaṃ paṭilābhehi tayo bhava dassesi. Oḷārikattabhāvaṃ paṭilābhena avīcīto paṭṭhāya paranimmitavasavattipariyosānaṃ kāmabhavaṃ dassesi. Manomayaattabhāvaṃ paṭilābhena paṭhamajjhānabhūmito paṭṭhāya akaniṭṭhabrahmalokapariyosānaṃ rūpabhavaṃ dassesi. Arūpaattabhāvaṃ paṭilābhena ākāśānañcāyatanabrahmalokato paṭṭhāya nevasaññānāsaññāyatanabrahmalokapariyosānaṃ arūpabhavaṃ dassesi. Saṃkilesikā dhammā nāma dvādasa akusalacittuppādā. Vodāniyā dhammā nāma samathavipassanā.

**429. Paññāpāripūriṃ vepullattanti** maggapaññāphalapaññānaṃ pāripūriṃ ceva vipulabhāvaṃ ca. **Pāmujjanti** taruṇapīti. **Pīti**ti balavatutṭhi. Kiṃ vuttaṃ hoti? Yaṃ avocumha “sayam abhiññā sacchikatvā upasampajja viharatī” ti, tattha tassa evaṃ viharato taṃ pāmojjaṃ ceva bhavissati, pīti ca nāmakāyapassaddhi ca sati ca sūpaṭṭhitā uttamaññaṃ ca sukho ca vihāro. Sabbavīhāresu ca ayameva viharo “sukho” ti vattum yutto “upasanto paramamadhuro” ti. Tattha paṭhamajjhāne pāmojjādayo chapi dhammā labbhanti, dutiyajjhāne dubbalapītisaṅkhātaṃ pāmojjaṃ nivattati, sesā pañca labbhanti. Tatiye pīti nivattati, sesā cattāro labbhanti. Tathā catutthe. Imesu catūsū jhānesu sampasādanasutte suddhavipassanā pādakajjhānameva kathitaṃ. Pāsādikasutte catūhi maggehi saddhiṃ vipassanā kathitā. Dasuttarasutte catutthajjhānikaphalasaṃpatti kathitā. Imasmim poṭṭhapādasutte pāmojjaṃ pītivevacanameva katvā dutiyajjhānikaphalasaṃpattināma kathitāti veditabbā.

**432-437. Ayam vā soti** ettha vā saddo vibhāvanattho hoti. **Ayam soti** evaṃ vibhāvetvā pakāsetvā byākareyyāma. Yathāpare “ekantasukham attānaṃ sañjānāthā” ti puṭṭhā “no” ti vadanti, na evaṃ vadāmāti

attho. **Sappāṭihīrakatanti** sappāṭiharaṇaṃ, niyyānikanti attho. **Mogho hotīti** tuccho hoti, natthi so tasmim samayeti adhippāyo. **Sacco hotīti** bhūto hoti, sveva tasmim samaye sacco hotīti attho. Ettha paṇāyaṃ citto attano asabbaññūtāya tayo attapaṭilābhe kathetvā attapaṭilābho nāma paññattimattaṃ etanti uddharitum nāsakkhi, attapaṭilābho tveva niyyātesī. Athassa bhagavā rūpādayo cettha dhammā, attapaṭilābhoti pana nāmamattameṭaṃ, tesu tesu rūpādīsū sati evarūpā vohārā hontīti dassetukāmo tasseva kathaṃ gahetvā nāmapaññattivāsena niyyātanatthaṃ “yasmim citta samaye” tiādimāha.

**438.** Evañca pana vatvā paṭipucchitvā vinayanatthaṃ puna “sace taṃ, citta, evaṃ puccheyyu” ntiādimāha. Tattha yo me ahosi atīto attapaṭilābho, sveva me attapaṭilābho, tasmim samaye sacco ahosi, mogho anāgato mogho paccuppannoti ettha tāva imamattaṃ dasseti – yasmā ye te atītā dhammā, te etarahi natthi, ahesunti pana saṅkhyāṃ gatā, tasmā sopi me attapaṭilābho tasmimyeva samaye sacco ahosi. Anāgatapaccuppannānaṃ pana dhammānaṃ tadā abhāvā tasmim samaye “mogho anāgato, mogho paccuppanno” ti, evaṃ atthato nāmamattameva attapaṭilābhaṃ paṭijānāti. Anāgatapaccuppannesupi eseva nayo.

**439-443.** Atha bhagavā tassa byākaraṇena saddhim attano byākaraṇaṃ saṃsanditum “evameva kho cittā” tiādinī vatvā puna opammato tamattaṃ sādheṭo “**seyyathāpi citta gavā khīra**” ntiādimāha. Tatrāyaṃ saṅkhepattho, yathā gavā khīraṃ, khīrādīhi ca dadhiādīni bhavanti, tattha yasmim samaye khīraṃ hoti, na tasmim samaye dadhīti vā navanīdīsū vā aññataranti saṅkhyāṃ niruttiṃ nāmaṃ vohāraṃ gacchati. Kasmā? Ye dhamme upādāya dadhītiādi vohārā honti, tesam abhāvā. Atha kho khīraṃ tveva tasmim samaye saṅkhyāṃ gacchati. Kasmā? Ye dhamme upādāya khīranti saṅkhyā nirutti nāmaṃ vohāro hoti, tesam bhāvāti. Esa nayo sabbattha. **Imā kho cittāti** oḷāriko attapaṭilābho iti ca manomayo attapaṭilābho iti ca arūpo attapaṭilābho iti ca imā kho citta lokasamaññā loka samaññāmattakāni samanujānanamattakāni etāni. Tathā lokaniruttimattakāni vacanapathamattakāni vohāramattakāni nāmapaññattimattakāni etānīti. Evaṃ bhagavā heṭṭhā tayo attapaṭilābhe kathetvā idāni sabbameṭaṃ vohāramattakanti vadati. Kasmā? Yasmā paramatthato satto nāma natthi, suñño tuccho esa loko.

Buddhānaṃ pana dve kathā sammutikathā ca paramatthakathā ca. Tattha “satto poso devo brahmā” tiādikā “sammutikathā” nāma. “Aniccaṃ dukkhamanattā khandhā dhātuyo āyatanāni satipaṭṭhānā sammappadhānā” tiādikā paramatthakathā nāma. Tattha yo sammutidesanāya “satto” ti vā “poso” ti vā “devo” ti vā “brahmā” ti vā vutte vijānitum paṭivijjhītum niyyātum arahattajayaggāhaṃ gahetum sakkoti, tassa bhagavā āditova “satto” ti vā “poso” ti vā “devo” ti vā “brahmā” ti vā katheti, yo paramatthadesanāya “anicca” nti vā “dukkha” nti vātiādīsū aññataraṃ sutvā vijānitum paṭivijjhītum niyyātum arahattajayaggāhaṃ gahetum sakkoti, tassa “anicca” nti vā “dukkha” nti vātiādīsū aññatarameva katheti. Tathā sammutikathāya bujjanakasattassāpi na paṭhamam paramatthakathaṃ katheti. Sammutikathāya pana bodhetvā pacchā paramatthakathaṃ katheti. Paramatthakathāya bujjanakasattassāpi na paṭhamam sammutikathaṃ katheti. Paramatthakathāya pana bodhetvā pacchā sammutikathaṃ katheti. Pakatiyā pana paṭhamameva paramatthakathaṃ kathentassa desanā lūkhākārā hoti, tasmā buddhā paṭhamam sammutikathaṃ kathetvā pacchā paramatthakathaṃ kathenti. Sammutikathaṃ kathentāpi saccameva sabhāvameva amusāva kathenti. Paramatthakathaṃ kathentāpi saccameva sabhāvameva amusāva kathenti.

Duve saccāni akkhāsi, sambuddho vadatam varo;  
Sammutim paramatthañca, tatiyaṃ nūpalabbhati.

Saiketavacanaṃ saccaṃ, lokasammutikāraṇaṃ;  
Paramatthavacanaṃ saccaṃ, dhammānaṃ bhūtalakkhaṇanti.

**Yāhi tathāgato voharati aparāmasanti** yāhi lokasamaññāhi lokaniruttīhi tathāgato taṇhāmānadiṭṭhiparāmāsānaṃ abhāvā aparāmasanto voharati desanaṃ vinivaṭṭetvā arahattanikūṭena niṭṭhāpesi. Sesam sabbattha uttānatthamevāti.

Iti sumaṅgalavilāsiniyā dīghanikāyaṭṭhakathāyaṃ



Poṭṭhapādasuttavaṇṇanā niṭṭhitā.

## 10. Subhasuttavaṇṇanā

### Subhamāṇavakavatthuvaṇṇanā

**444. Evaṃ me sutam...pe... sāvattthiyanti** subhasuttaṃ. Tatrāyaṃ anuttānapadavaṇṇanā.

**Aciraparinibbute bhagavatīti** aciraṃ parinibbute bhagavati, parinibbānato uddhaṃ māsamatte kāle. Nidānavāṇṇanāyaṃ vuttanayeneva bhagavato pattacīvaraṃ ādāya āgantvā khīravirecanaṃ pivivā vihāre nisinnadivasam sandhāyetaṃ vuttaṃ. **Todeyyaputtoti** todeyyabrāhmaṇassa putto, so kira sāvattthiyā avidūre tudigāmo nāma atthi, tassa adhipatittā todeyyoti saṅkhyam gato. Mahaddhano pana hoti pañcacattālīsakoṭivibhavo, paramamaccharī – “dadato bhogānaṃ aparikkhayo nāma natthī”ti cintetvā kassaci kiñci na deti, puttampi āha –

“Añjanānaṃ khayam disvā, vammikānañca sañcayam;  
Madhūnañca samāhāraṃ, paṇḍito gharamāvase”ti.

Evaṃ adānameva sikkhāpetvā kāyassa bhedaṃ tasmiṃyeva ghare sunakho hutvā nibbato. Subho taṃ sunakhaṃ ativiya piyāyati. Attano bhuñjanakabhattaṃyeva bhojeti, ukkhipitvā varasayane sayāpeti. Atha bhagavā ekadivasam nikkhante māṇave taṃ gharaṃ piṇḍāya pāvisi. Sunakho bhagavantaṃ disvā bhukkāraṃ karonto bhagavato samīpaṃ gato. Tato naṃ bhagavā avoca “todeyya tvaṃ pubbepi maṃ ‘bho, bho’ti paribhavitvā sunakho jāto, idānipi bhukkāraṃ katvā avīciṃ gamissasi”ti. Sunakho taṃ kathaṃ sutvā vippaṭṭisārī hutvā uddhanantare chārikāya nipanno, manussā naṃ ukkhipitvā sayane sayāpetuṃ nāsakkhimsu.

Subho āgantvā “kenāyaṃ sunakho sayanā oropito”ti āha. Manussā “na kenacī”ti vatvā taṃ pavattiṃ ārocesuṃ. Māṇavo sutvā “mama pitā brahmaloke nibbato, samaṇo pana gotamo me pitaraṃ sunakhaṃ karoti yaṃ kiñci esa mukhārūlhaṃ bhāsati”ti kujjhivā bhagavantaṃ musāvādena codetukāmo vihāraṃ gantvā taṃ pavattiṃ pucchi. Bhagavā tassa tatheva vatvā avisaṃvādanatthaṃ āha – “atthi pana te, māṇava, pitarā na akkhātaṃ dhana”nti. Atthi, bho gotama, satahassagghanikā suvaṇṇamālā, satahassagghanikā suvaṇṇapādukā, satahassagghanikā suvaṇṇapāti, satahassañca kahāpaṇanti. Gaccha taṃ sunakhaṃ appodakaṃ madhupāyāsaṃ bhojetvā sayanaṃ āropetvā īsakaṃ niddaṃ okkantakāle puccha, sabbaṃ te ācikkhissati, atha naṃ jāneyyāsi – “pitā me eso”ti. So tathā akāsi. Sunakho sabbaṃ ācikkhi, tadā naṃ – “pitā me”ti ñatvā bhagavati pasannacitto gantvā bhagavantaṃcuddasa pañhe pucchitvā vissajjanapariyosāne bhagavantaṃ saraṇaṃ gato, taṃ sandhāya vuttaṃ “subho māṇavo todeyyaputto”ti. **Sāvattthiyam paṭivasatīti** attano bhogagāmato āgantvā vasati.

**445-446. Aññataram māṇavakaṃ āmantesi**ti sathari parinibbute “ānandatthero kirassa pattacīvaraṃ gahetvā āgato, mahājano taṃ dassanattāya upasaṅkamati”ti sutvā “vihāraṃ kho pana gantvā mahājanamajjhe na sakkā sukkena paṭisanthāraṃ vā kātuṃ, dhammakathaṃ vā sotuṃ gehaṃ āgataṃyeva naṃ disvā sukkena paṭisanthāraṃ karissāmi, ekā ca me kañkhā atthi, tampi naṃ pucchissāmi”ti cintetvā aññataram māṇavakaṃ āmantesi. **Appābādhanti**ādisu **ābādhoti** visabhāgavedanā vuccati, yā ekadese uppajjitvā cattāro iriyāpathe ayapaṭṭena ābandhitvā viya gaṇhati, tassā abhāvaṃ pucchāti vadati. **Appātaṅkoti** kicchajīvitakaro rogo vuccati, tassāpi abhāvaṃ pucchāti vadati. Gilānasseva ca utṭhānaṃ nāma garukaṃ hoti, kāye balaṃ na hoti, tasmā niggelāññabhāvañca balañca pucchāti vadati. **Phāsuvihāranti** gamanathānanisajjasayanesu catūsu iriyāpathesu sukhavihāraṃ pucchāti vadati. Athassa pucchitabbākāraṃ dassento “subho”tiādimāha.

**447. Kālañca samayañca upādāyāti** kālañca samayañca paññāya gahetvā upadhāretvāti attho. Sace amhākaṃ sve gamanakālo bhavissati, kāye balamattā ceva pharissati, gamanapaccayā ca añño aphāsuvihāro na bhavissati, athetaṃ kālañca gamanakāraṇasamavāyasaṅkhātaṃ samayañca upadhāretvā – “api eva nāma sve āgaccheyyāmā”ti vuttaṃ hoti.

**448. Cetakena bhikkhunāti** cetiraṭṭhe jātatā cetakoti evaṃ laddhanāmena. **Sammodanīyaṃ katham sāraṇīyanti** bho, ānanda, dasabalassa ko nāma ābādho ahosi, kiṃ bhagavā paribhuñji. Api ca satthu parinibbānena tumhākaṃ soko udapādi, satthā nāma na kevalaṃ tumhākaṃyeva parinibbuto, sadevakassa lokassa mahājāni, ko dāni añño maraṇā muccissati, yatra so sadevakassa lokassa aggapuggalo parinibbuto, idāni kaṃ aññaṃ disvā maccurājā lajjissati evamādinā nayena maraṇapaṭisaṃyuttaṃ sammodanīyaṃ katham sāraṇīyaṃ vītisāretvā therassa hiyyo pītabhesajjānurūpaṃ āhāraṃ datvā bhattakiccāvasāne ekamantaṃ nisīdi.

**Upaṭṭhāko santikāvacaroti** upaṭṭhāko hutvā santikāvacaro, na randhagavesī. Na vīmaṃsanādhippāyo. **Samīpacārīti** idam purimapadasseva vevacanaṃ. **Yesam so bhavaṃ gotamoti** kasmā pucchati? Tassa kira evaṃ ahosi “yesu dhammesu bhavaṃ gotamo imaṃ lokaṃ patiṭṭhapesi, te tassa accayena natthā nu kho, dharanti nu kho, sace dharanti, ānando jānissati, handa naṃ pucchāmi”ti, tasmā pucchi.

**449.** Athassa thero tīṇi piṭakāni tīhi khandhehi saṅgahetvā dassento “tiṇṇaṃ kho”tiādimāha. Māṇavo saṅkhittena kathitaṃ asallakkhento – “vitthārato pucchissāmi”ti cintetvā “katamesaṃ tiṇṇa”ntiādimāha.

### Sīlakkhandhavaṇṇanā

**450-453.** Tato therena “ariyassa sīlakkhandhassā”ti tesu dassitesu puna “**katamo pana so, bho ānanda, ariyo sīlakkhandho**”ti ekekaṃ pucchi. Theropissa buddhuppādaṃ dassetvā tantidhammaṃ desento anukkamena bhagavatā vuttanayeneva sabbaṃ vissajjesi. Tattha **atthi cevettha uttarikaraṇīyanti** ettha bhagavato sāsane na sīlameva sāro, kevalañhetam patiṭṭhāmatameva hoti. Ito uttari pana aññaṃpi kattabbaṃ atthi yevāti dassesi. **Ito bahiddhāti** buddhasāsano bahiddhā.

### Samādhikkhandhavaṇṇanā

**454. Kathanca, māṇava, bhikkhu indriyesu guttadvāro hotīti** idamāyasmā ānando “katamo pana so, bho ānanda, ariyo samādhikkhandho”ti evaṃ samādhikkhandham puṭṭhopi ye te “sīlasampanno indriyesu guttadvāro satisampajāññena samannāgato santuṭṭho”ti evaṃ sīlānantaraṃ indriyasamvarādayo sīlasamādhīnaṃ antare ubhinnaṃpi upakāradhammā uddiṭṭhā, te niddisitvā samādhikkhandham dassetukāmo ārabhi. Ettha ca rūpajjhānāneva āgatāni, na arūpajjhānāni, ānetvā pana dīpetabbāni. Catutthajjhānena hi asaṅgahitā arūpasamāpatti nāma natthiyeva.

**471-480. Atthi cevettha uttarikaraṇīyanti** ettha bhagavato sāsane na cittekaggatāmattakeneva pariyoṣānappatti nāma atthi, itopi uttari pana aññaṃ kattabbaṃ atthi yevāti dasseti. **Natthi cevettha uttarikaraṇīyanti** ettha bhagavato sāsane ito uttari kātabbaṃ nāma natthiyeva, arahattapariyoṣānañhi bhagavato sāsanaṃ dasseti. Sesam sabbattha uttānatthamevāti.

Iti sumaṅgalavilāsiniyā dīghanikāyaṭṭhakathāyaṃ

Subhasuttavaṇṇanā niṭṭhitā.

## 11. Kevaṭṭasuttavaṇṇanā

### Kevaṭṭagahapatiputtavatthuvaṇṇanā

**481. Evaṃ me sutam...pe... nālandāyanti** kevaṭṭasuttaṃ. Tatrāyaṃ apubbapadaṇṇanā. **Pāvārikambavaneti** pāvārikassa ambavane. **Kevaṭṭoti** idam tassa gahapatiputtassa nāmaṃ. So kira cattālīsakoṭidhano gahapatimahāsālo ativiya saddho pasanno ahosi. So saddhādhikattāyeva “sace eko bhikkhu aḍḍhamāsantarena vā māsantarena vā saṃvaccharena vā ākāse uppatitvā vividhāni pāṭihāriyāni dasseyya, sabbo jano ativiya pasīdeyya. Yaṃnūnāham bhagavantaṃ yācitvā pāṭihāriyakaraṇatthāya ekam bhikkhuṃ anujānāpeyya”nti cintetvā bhagavantaṃ upasaṅkamitvā evamāha.

Tattha **iddhāti** samiddhā **phītāti** nānābhaṇḍaussannatāya vuddhippattā. **Ākiṇṇamanussāti** aṃsakūṭena aṃsakūṭaṃ paharivā viya vicarantehi manussehi ākiṇṇā. **Samādisatūti** āṇāpetu ṭhānantare ṭhapetu. **Uttarimanussadhammāti** uttarimanussānaṃ dhammato, dasakusalasaṅkhātato vā manussadhammato uttari. **Bhiyyosomattāyāti** pakatiyāpi pajjalitapadīpo telasnehaṃ labhitvā viya atirekappamaṇena abhippasīdissati. **Na kho ahanti** bhagavā rājagahaseṭṭhivatthusmiṃ sikkhāpadaṃ paññāpesi, tasmā “na kho aha”ntiādimāha.

**482. Na dhamsemīti** na guṇavināsanena dhamsemi, sīlabhedam pāpetvā anupubbena uccaṭṭhānato otārento nīcaṭṭhāne na ṭhapemi, atha kho aham buddhasāsanassa vuddhiṃ paccāsīsanto kathamīti dasseti. **Tatiyampi khoti** yāvattiyam buddhānaṃ katham paṭibāhitvā kathetum visahanto nāma natthi. Ayam pana bhagavatā saddhiṃ vissāsiko vissāsam vaḍḍhetvā vallabho hutvā atthakāmosmīti tikkhattum kathesi.

### Iddhipāṭihāriyavaṇṇanā

**483-484.** Atha bhagavā ayam upāsako mayi paṭibāhantepi punappunaṃ yācatiyeva. “Handassa pāṭihāriyakaraṇe ādīnavaṃ dassemi”ti cintetvā “tīṇi kho”tiādimāha. Tattha **amāham bhikkhunti** amum aham bhikkhum. **Gandhārīti** gandhārena nāma isinā katā, gandhāraratṭhe vā uppannā vijjā. Tattha kira bahū isayo vasiṃsu, tesu ekena katā vijjāti adhippāyo. **Aṭṭiyāmīti** aṭṭo pīlito viya homi. **Harāyāmīti** lajjāmi. **Jigucchāmīti** gūtham disvā viya jiguccham uppādemī.

### Ādesanāpāṭihāriyavaṇṇanā

**485. Parasattānanti** aññesaṃ sattānaṃ. Dutiyam tasseva vevacanaṃ. **Ādisatīti** katheti. **Cetasikanti** somanassadomanassaṃ adhippetam. **Evampi te manoti** evam tava mano somanassito vā domanassito vā kāmavitakkādisampayutto vā. Dutiyam tasseva vevacanaṃ. **Itipi te cittanti** iti tava cittaṃ, idañcīdañca attham cintayamānaṃ pavattatīti attho. **Maṇikā nāma vijjāti** cintāmaṇīti evam laddhanāmā loke ekā vijjā atthi. Tāya paresam cittaṃ jānātīti dīpeti.

### Anusāsanīpāṭihāriyavaṇṇanā

**486. Evaṃ vitakkethāti** nekkhamavitakkādayo evam pavattentā vitakketha. **Mā evam vitakkayitthāti** evam kāmavitakkādayo pavattentā mā vitakkayittha. **Evaṃ manasi karoṭhāti** evam aniccasaññameva, dukkhasaññādīsu vā aññataraṃ manasi karoṭha. **Mā evanti** “nicca”ntiādinā nayena mā manasi karittha. Idanti idam pañcakāmaguṇikarāgaṃ pajahatha. **Idam upasampajjāti** idam catumaggaphalappabhedam lokuttaradhammameva upasampajja pāpuṇitvā nipphādetvā viharatha. Iti bhagavā iddhividham **iddhipāṭihāriyanti** dasseti, parassa cittaṃ ṇatvā kathanam ādesanāpāṭihāriyanti. Sāvakānañca buddhānañca satataṃ dhammadesanā **anusāsanīpāṭihāriyanti**.

Tattha iddhipāṭihāriyena anusāsanīpāṭihāriyam mahāmogallānassa āciṇṇam, ādesanāpāṭihāriyena anusāsanīpāṭihāriyam dhammasenāpatissa. Devadatte saṃgham bhinditvā pañca bhikkhusatāni gahetvā gayāsīse buddhalīlāya tesam dhammam desante hi bhagavatā pesitesu dvīsu aggasāvakesu dhammasenāpati tesam cittācāram ṇatvā dhammam desesi, therassa dhammadesanaṃ sutvā pañcasatā bhikkhū sotāpattiphale patiṭṭhahimṃsu. Atha nesaṃ mahāmogallāno vikubbanam dassetvā dassetvā dhammam desesi, tam sutvā sabbe arahattaphale patiṭṭhahimṃsu. Atha dvepi mahānāgā pañca bhikkhusatāni gahetvā vehāsam abhuggantvā veḷuvanamevāgamimṃsu. Anusāsanīpāṭihāriyam pana buddhānaṃ satataṃ dhammadesanā, tesu iddhipāṭihāriyādesanāpāṭihāriyāni saupārambhāni sadosāni, addhānaṃ na tiṭṭhanti, addhānaṃ atīṭṭhanato na niyyanti. Anusāsanīpāṭihāriyam anupārambham niddosaṃ, addhānaṃ tiṭṭhati, addhānaṃ tiṭṭhanato niyyāti. Tasmā bhagavā iddhipāṭihāriyāñca ādesanāpāṭihāriyāñca garahati, anusāsanīpāṭihāriyamēva pasamsati.

### Bhūtanīrodhesakavatthuvaṇṇanā

**487. Bhūtapubbanti** idam kasmā bhagavatā āradham. Iddhipāṭihāriyādesanāpāṭihāriyānaṃ aniyyānikabhāvadassanattam, anusāsanīpāṭihāriyasēva niyyānikabhāvadassanattam. Api ca sabbabuddhānaṃ mahābhūtapariyesako nāmeko bhikkhu hotiyeva. Yo mahābhūte pariyesanto yāva

brahmalokā vicarivā vissajjetāraṃ alabhitvā āgamma buddhameva pucchitvā nikkāṅkho hoti. Tasmā buddhānaṃ mahantabhāvappakāsanatthaṃ, idaṅca kāraṇaṃ paṭicchannaṃ, atha naṃ vivaṭaṃ katvā desentopi bhagavā “bhūtapubba”ntiādimāha.

Tattha **kattha nu khoti** kismiṃ ṭhāne kiṃ āgamma kiṃ pattassa te anavasesā appavattivasena nirujjhanti. Mahābhūtakathā panesā sabbākārena visuddhimagge vuttā, tasmā sā tatova gaheṭṭabbā.

**488. Devayāniyo maggoti** pāṭiyekko devalokagamanamaggo nāma natthi, iddhividhañāṇasseva panetaṃ adhivacanaṃ. Tena hesa yāva brahmalokāpi kāyena vasaṃ vattento devalokaṃ yāti. Tasmā “taṃ devayāniyo maggo”ti vuttaṃ. **Yena cātumahārājikāti** samīpe ṭhitampi bhagavantaṃ apucchitvā dhammatāya codito devatā mahānubhāvāti maññamāno upasaṅkamaṃ. **Mayampi kho, bhikkhu, na jānāmāti** buddhavisaye pañhaṃ pucchitvā devatā na jānanti, tenevamāhaṃsu. Atha kho so bhikkhu “mama imaṃ pañhaṃ na kathetuṃ na labbhā, sīghaṃ kathethā”ti tā devatā ajjhottharati, punappaṇaṃ pucchati, tā “ajjhottharati no ayaṃ bhikkhu, handa naṃ hatthato mocessāmā”ti cintevā “atthi kho bhikkhu cattāro mahārājāno”tiādimāhaṃsu. Tattha **abhikkantatarāti** atikkamma kantatarā. **Pañīatarāti** vaṇṇayasaissariyādīhi uttamatarā etena nayena sabbavāresu attho vedītabbo.

**491-493.** Ayaṃ pana viseso – sakko kira devarājā cintesi “ayaṃ pañho buddhavisayo, na sakkā aññaena vissajjituṃ, ayaṅca bhikkhu aggiṃ pahāya khajjopanakaṃ dhamanto viya, bheriṃ pahāya udaraṃ vādentō viya ca, loke aggapuggalaṃ sammāsambuddhaṃ pahāya devatā pucchanto vicarati, pesemi naṃ satthusantika”nti. Tato punadeva so cintesi “sudūraṃpi gantvā satthu santikeva nikkāṅkho bhavissati. Atthi ceva puggalo nāmesa, thokaṃ tāva āhiṇḍanto kilamatu pacchā jānissati”ti. Tato taṃ “ahampi kho”tiādimāha. Brahmayāniyopi devayāniyasadisova. Devayāniyamaggoti vā brahmayāniyamaggoti vā dhammasetūti vā ekacittakkhaṇikaappaṇāti vā sannitṭhānikacetanāti vā mahaggatacittanti vā abhiññāṇanti vā sabbametaṃ iddhividhañāṇasseva nāmaṃ.

**494. Pubbanimittanti** āgamanapubbabhāge nimittaṃ sūriyassa udayato aruṇuggaṃ viya. Tasmā idāneva brahmā āgamissati, evaṃ mayaṃ jānāmāti dīpayiṃsu. **Pāturaḥosīti** pākaṭo ahoṣi. Atha kho so brahmā tena bhikkhunā puṭṭho attano avisayabhāvaṃ ñatvā sacāhaṃ “na jānāmī”ti vakkhāmi, ime maṃ paribhavissanti, atha jānanto viya yaṃ kiñci kathessāmi, ayaṃ me bhikkhu veyyākaraṇena anāraddhacitto vādaṃ āropessati. “Ahamasmi bhikkhu brahmā”tiādinī pana me bhaṇantassa na koci vacanaṃ saddahissati. Yaṃnūnāhaṃ vikkhepaṃ katvā imaṃ bhikkhuṃ satthusantikaṃyeva peseyyanti cintevā “ahamasmi bhikkhu brahmā”tiādimāha.

**495-496. Ekamantaṃ apanetvāti** kasmā evamakāsi? Kuhakattā. **Bahiddhā pariyeṭṭhinti** telatthiko vālikaṃ nippīṭiyamāno viya yāva brahmalokā bahiddhā pariyesanaṃ āpajjati.

**497. Sakuṇanti** kākaṃ vā kulalaṃ vā. **Na kho eso, bhikkhu, pañho evaṃ pucchitabboti** idaṃ bhagavā yasmā padesenesa pañho pucchitabbo, ayaṅca kho bhikkhu anupādinnakepi gahetvā nippadesato pucchati, tasmā paṭisedheti. Āciṇṇaṃ kiretaṃ buddhānaṃ, pucchāmūḷhassa janassa pucchāya dosaṃ dassetvā pucchāṃ sikkhāpetvā pucchāvissajjanaṃ. Kasmā? Pucchituṃ ajānitvā paripucchanto duviññāpayo hoti. Pañhaṃ sikkhāpento pana “kattha āpo cā”tiādimāha.

**498.** Tattha **na gādhātīti** na patiṭṭhāti, ime cattāro mahābhūtā kiṃ āgamma appatiṭṭhā bhavanti attho. Upādinnaṃyeva sandhāya pucchati. **Dīghaṅca rassañcāti** saṅghānavasena upādārūpaṃ vuttaṃ. **Aṇuṃ thūlanti** khuddakaṃ vā mahantaṃ vā, imināpi upādārūpe vaṇṇamattameva kathitaṃ. **Subhāsubhanti** subhañca asubhañca upādārūpameva kathitaṃ. Kiṃ pana upādārūpaṃ subhanti asubhanti atthi? Natthi. Itṭhāniṭṭhārammaṇaṃ paneva kathitaṃ. **Nāmañca rūpañcāti** nāmañca dīghādibhedaṃ rūpañca. **Uparujjhatīti** nirujjhanti, kiṃ āgamma asesametaṃ nappavattatīti.

Evaṃ pucchitabbaṃ siyāti pucchāṃ dassetvā idāni vissajjanaṃ dassento tatra veyyākaraṇaṃ bhavatīti vatvā – “viññāṇa”ntiādimāha.

**499.** Tattha viññātabbanti **viññāṇaṃ** nibbānassetam nāmaṃ, tadetaṃ nidassanābhāvato **anidassanaṃ**. Uppādanto vā vayanto vā ʘhitassa aññathattanto vā etassa natthīti **anantaṃ**. **Pabhanti** panetaṃ kira titthassa nāmaṃ, tañhi papanti etthāti papaṃ, pakārassa pana bhakāro kato. Sabbato pabhamassāti **sabbatopabhaṃ**. Nibbānassa kira yathā mahāsamuddassa yato yato otaritukāmā honti, taṃ tadeva titthaṃ, atitthaṃ nāma natthi. Evameva aʘthatiṃsāya kammaʘthānesu yena yena mukhena nibbānaṃ otaritukāmā honti, taṃ tadeva titthaṃ, nibbānassa atitthaṃ nāma natthi. Tena vuttaṃ “sabbatopabha”nti. **Ettha āpo cāti** ettha nibbāne idaṃ nibbānaṃ āgamma sabbametaṃ āpotiādinaṃ nayena vuttaṃ upādinnaṃ dhammajātaṃ nirujjhati, appavattaṃ hotīti.

Idānissa nirujjhanūpāyaṃ dassento “viññāṇassa nirodhena etthetaṃ uparujjhatī”ti āha. Tattha **viññāṇanti** carimakaviññāṇampi abhisankhāraviviññāṇampi, carimakaviññāṇassāpi hi nirodhena etthetaṃ uparujjhati. Vijjhātadīpasikhā viya apanṇattikabhāvaṃ yāti. Abhisankhāraviviññāṇassāpi anuppādanirodhena anuppādasena uparujjhati. Yathāha “sotāpattimaggañāṇena abhisankhāraviviññāṇassa nirodhena ʘhapetvā sattaḥave anamatagge saṃsāre ye uppajjeyyūṃ nāmañca rūpañca etthete nirujjhatī”ti sabbam cūlaniddese vuttanayeneva veditabbaṃ. Sesam sabbattha uttānamevāti.

Iti sumaṅgalavilāsiniyā dīghanikāyaʘthakathāyaṃ

Kevaʘtasuttavaṇṇanā niʘhitā.

## 12. Lohiccasuttavaṇṇanā

### Lohiccabrāhmaṇavattavaṇṇanā

**501. Evaṃ me suttaṃ...pe... kosalesūti** lohiccasuttaṃ. Tatrāyaṃ anuttānapadavaṇṇanā. **Sālavatikāti** tassa gāmassa nāmaṃ, so kira vatiyā viya samantato sālapantiyā parikkhitto. Tasmā sālavatikāti vuccati. **Lohiccoti** tassa brāhmaṇassa nāmaṃ.

**502-503. Pāpakanti** parānukampā virahitattā lāmakam, na pana ucchedasassatānaṃ aññataraṃ. **Uppannaṃ hotīti** jātaṃ hoti, na kevalaṃ citta jātamaṃ. So kira tassa vasena parisamajjhepi evaṃ bhāsatiyeva. **Kiñhi paro parassāti** paro yo anusāsīyati, so tassa anusāsakassa kiṃ karissati. Attanā paṭiladdhaṃ kusalaṃ dhammaṃ attanāva sakkatvā garuṃ katvā vihātabbanti vadati.

**504-407. Rosikaṃ nhāpitaṃ āmantesīti** rosikāti evaṃ itthilingavasena laddhanāmaṃ nhāpitaṃ āmantesi. So kira bhagavato āgamaṃ sutvā cintesi – “vihāraṃ gantvā diʘthaṃ nāmaṃ bhāro, gehaṃ pana āṇāpetvā passissāmi ceva yathāsatti ca āgantukabhikkhaṃ dassāmi”ti, tasmā evaṃ nhāpitaṃ āmantesi.

**508. Piʘhito piʘhitoti** kathāphāsukatthaṃ pacchato pacchato anubandho hoti. **Vivecetūti** vimocetu, taṃ diʘhigataṃ vinodetūti vadati. Ayaṃ kira upāsako lohiccassa brāhmaṇassa piyasahāyako. Tasmā tassa atthakāmatāya evamāha. **Appeva nāma siyāti** ettha paṭhamavacanena bhagavā gajjati, dutiyavacanena anugajjati. Ayaṃ kirettha adhippāyo – rosike etadatthameva mayā cattāri asankhyeyyāni. Kappasatasahassañca vividhāni dukkarāni karontena pāramiyo pūritā, etadatthameva sabbaññutaññāṇaṃ paṭividdhaṃ, na me lohiccassa diʘhigataṃ bhindituṃ bhāroti, imamatthaṃ dassento paṭhamavacanena bhagavā gajjati. Kevalaṃ rosike lohiccassa mama santike āgamaṃ vā nisajjā vā allāpasallāpo vā hotu, saṃcepi lohiccasadisānaṃ satasahassassa kaṅkhā hoti, paṭibalo ahaṃ vinodetuṃ lohiccassa pana ekassa diʘhivinodane mayhaṃ ko bhāroti imamatthaṃ dassento dutiyavacanena bhagavā anugajjati veditabbo.

### Lohiccabrāhmaṇānuyogavaṇṇanā

**509. Samudayasañjātīti** samudayassa sañjāti bhoguppādo, tato uʘhitam dhanadhaññanti attho. **Ye taṃ upajivanti** ye ñātiparijanadāsakammakarādayo janā taṃ nissāya jivanti. **Antarāyakaroti** lābhantarāyako. **Hitānukampīti** ettha hitanti vuḍḍhi. **Anukampatīti** anukampī, icchatīti attho, vuḍḍhiṃ icchati vā no vāti

vuttaṃ hoti. **Nirayaṃ vā tiracchānayaṃ vā**ti sace sā micchādīṭṭhi sampajjati, niyatā hoti, ekaṃsena niraye nibbattati, no ce, tiracchānayaṃ nibbattatīti attho.

**510-512.** Idāni yasmā yathā attano lābhantarāyena sattā saṃvijjanti na tathā paresaṃ, tasmā suṭṭhutaṃ brāhmaṇaṃ pavecetukāmo “taṃ kiṃ maññasi”ti dutiyaṃ upapattimāha. **Ye cimetī ye ca ime** tathāgatassa dhammadesanaṃ sutvā ariyabhūmiṃ okkamituṃ asakkontā kulaputtā **dibbā gabbhāti** upayogathe paccattavacanaṃ, dibbe gabbheti attho. Dibbā, gabbhāti ca channaṃ devalokānametaṃ adhvācānaṃ. **Paripācentīti** devalokagāminiṃ paṭipadaṃ pūrayamānā dānaṃ, dadamānā, sīlaṃ rakkhamānā, gandhamālādīhi, pūjaṃ kurumānā bhāvanaṃ bhāvayamānā pācenti vipācenti paripācenti pariṇāmaṃ gamenti. **Dibbānaṃ bhavānaṃ abhinibbattiyāti** dibbabhavā nāma devānaṃ vimānāni, tesam nibbattanatthāyāti attho. Atha vā **dibbā gabbhāti** dānādayo puññavisesā. **Dibbā bhavāti** devaloke vipākakkhandhā, tesam nibbattanatthāya tāni puññāni karontīti attho. **Tesaṃ antarāyakaroti** tesam maggasampatti phalasampattidibbabhavavisesānaṃ antarāyakaro. Iti bhagavā ettāvataṃ aniyamiteneva opammavidhinā yāva bhavaggā uggataṃ brāhmaṇassa mānaṃ bhinditvā idāni codanārahe tayo satthāre dassetuṃ “tayo kho me, lohiccā”tiādīmāha.

### Tayo codanārahavaṇṇanā

**513.** Tattha sā codanāti tayo satthāre codentassa codanā. **Na aññā cittaṃ upaṭṭhapentīti** aññāya ājānanatthāya cittaṃ na upaṭṭhapentī. **Vokkammāti** nīrantaraṃ tassa sāsanaṃ akatvā tato ukkamitvā vattantīti attho. **Osakkantiyā vā ussakkeyyāti** paṭikkamantiyā upagaccheyya, anicchantiyā iccheyya, ekāya sampayogaṃ anicchantiyā eko iccheyyāti vuttaṃ hoti. **Parammukhiṃ vā āliṅgeyyāti** daṭṭhumpi anicchamānaṃ parammukhiṃ ṭhitaṃ pacchato gantvā āliṅgeyya. **Evamsampadamidanti** imassāpi satthuno “mama ime sāvakā”ti sāsanaṃ vokkamma vattamānepi te lobhena anusāsato imaṃ lobhadhammaṃ evamsampadameva īdisameva vadāmi. Iti so evarūpo tava lobhadhammo yena tvaṃ osakkantiyā ussakkanto viya parammukhiṃ āliṅganto viya ahoṣīti paṭipattiyā tvaṃ codanaṃ arahati. **Kiñhi paro parassa karissatīti** yena dhammena pare anusāsī, attānameva tāva tattha sampādehi, ujum karohi. Kiñhi paro parassa karissatīti codanaṃ arahati.

**514. Niddāyitabbanti** sassarūpakāni tiṇāni uppāṭetvā parisuddhaṃ kātabbaṃ.

**515.** Tatiyacodanāya **kiñhi paro parassāti** anusāsanaṃ asampaṭicchana kālato paṭṭhāya paro anusāsitaṃ, parassa anusāsakassa kiṃ karissatīti nanu tattha appossukkatam āpajjitvā attanā paṭividdhadhammaṃ attanāva mānetvā pūjetvā vihātabbanti evaṃ codanaṃ arahatīti attho.

### Na codanārahasatthavaṇṇanā

**516. Na codanārahoti** ayañhi yasmā paṭhamameva attānaṃ patirūpe patitṭhāpetvā sāvakānaṃ dhammaṃ deseti. Sāvakā cassa assavā hutvā yathānusiṭṭhaṃ paṭipajjanti, tāya ca paṭipattiyā mahantaṃ visesamadhigacchanti. Tasmā na codanārahoti.

**517. Narakapapātaṃ papatantoti** mayā gahitāya diṭṭhiyā ahaṃ narakapapātaṃ papatanto. **Uddharitvā thale patitṭhāpitoti** taṃ diṭṭhiṃ bhinditvā dhammadesanāhatthena apāyapatanato uddharitvā saggamaggathale ṭhapitomhīti vadati. Sesamettha uttānamevāti.

Iti sumaṅgalavilāsiniyā dīghanikāyaṭṭhakathāyaṃ

Lohiccāsuttavaṇṇanā niṭṭhitā.

## 13. Tevijjasuttavaṇṇanā

**518. Evaṃ me sutam...pe... kosalesūti** tevijjasuttaṃ. Tatrāyaṃ anuttānapadavaṇṇanā. **Manasākaṭanti**

tassa gāmassa nāmaṃ. **Uttarena manasākaṭassāti** manasākaṭato avidūre uttarapasse. **Ambavaneti** taruṇaambarukkhasaṇḍe, ramaṇīyo kira so bhūmibhāgo, heṭṭhā rajatapaṭṭasadisā vālikā vippakiṇṇā, upari maṇivitaṇaṃ viya ghanasākhāpattaṃ ambavanaṃ. Tasmīṃ buddhānaṃ anucchavike pavivekasukhe ambavane viharatīti attho.

**519. Abhiññātā abhiññātāti** kulacārittādisampattiyā tattha tattha paññātā. **Caṅkīti**ādīni tesam nāmāni. Tattha **caṅkī** opāsādavāsiko. **Tārukko** icchānaṅgalavāsiko. **Pokkharasāti** ukkaṭṭhavāsiko. **Jāṇusoṇi** sāvattivāsiko. **Todeyyo** tudigāmvāsiko. **Aññe cāti** aññe ca bahujanā. Attano attano nivāsattṭhānehi āgantvā mantasajjhāyakaraṇatthaṃ tattha paṭivasanti. Manasākaṭassa kira ramaṇīyatāya te brāhmaṇā tattha nadītīre gehāni kāretvā parikkhipāpetvā aññesaṃ bahūnaṃ pavesanaṃ nivāretvā antarantarā tattha gantvā vasanti.

**520-521. Vāsetṭhabhāradvājānanti vāsetṭhassa** ca pokkharasātino antevāsikassa, **bhāradvājassa** ca tārukkhantevāsikassa. Ete kira dve jātisampannā tiṇṇaṃ vedānaṃ pāragū ahesuṃ. **Jaṅghavīhāraṇti** aticiranaśajjapaccayā kilamathavinodanattṭhāya jaṅghacāraṃ. Te kira divasaṃ sajjhāyaṃ katvā sāyanhe vuṭṭhāya nhānīyasambhāragandhamālateladhotavattṭhāni gāhāpetvā attano pariṇanaparivutā nhāyitukāmā nadītīraṃ gantvā rajatapaṭṭavaṇṇe vālikāsaṇḍe aparāparaṃ caṅkamīsu. Ekaṃ caṅkamantaṃ itaro anucaṅkami, puna itaraṃ itaroti. Tena vuttaṃ “anucaṅkamantānaṃ anuvicarantāna”nti. **Maggāmaggeti** magge ca amagge ca. Katamaṃ nu kho paṭipadaṃ pūretvā katamena maggena sakkā sukhaṃ brahmalokaṃ gantunti evaṃ maggāmaggaṃ ārabba kathaṃ samuṭṭhāpesunti attho. **Añjasāyanoti** ujumaggassetam vevacanaṃ, añjasā vā ujukameva etena āyanti āgacchanṭīti añjasāyano **niyyāniko niyyāṭīti** niyyāyanto niyyāti, gacchanto gacchatīti attho.

**Takkarassa brahmasahabyatāyāti** yo taṃ maggaṃ karoti paṭipajjati, tassa brahmunā saddhiṃ sahabhāvāya, ekaṭṭhāne pātubhāvāya gacchatīti attho. **Yvāyanti** yo ayaṃ. **Akkhātoti** kathito dīpito. **Brāhmaṇena pokkharasātināti** attano ācariyaṃ apadisati. Iti vāsetṭho sakameva ācariyavādaṃ thometvā paggaṇhitvā vicarati. Bhāradvājopi sakamevāti. Tena vuttaṃ “**neva kho asakki vāsetṭho**”tiādi.

Tato vāsetṭho “ubhinnaṃpi amhākaṃ kathā aniyānikāva, imasmiṇca loke maggakusalo nāma bhotā gotamena sadiso natthi, bhavaṇca gotamo avidūre vasati, so no tulaṃ gahetvā nisinnavāṇiyo viya kaṅkhaṃ chindissati”ti cintetvā tamatthaṃ bhāradvājassa ārocetvā ubhopi gantvā attano kathaṃ bhagavato ārocesuṃ. Tena vuttaṃ “atha kho vāsetṭho...pe... yvāyaṃ akkhāto brāhmaṇena tārukkenā”ti.

**522. Ettha bho gotamāti** etasmīṃ maggāmagge. **Viggaho vivādoti**ādīsu pubbuppattiko viggaho. Aparabhāge vivādo. Duvidhopi eso nānācariyaṇaṃ vādato nānāvādo.

**523. Atha kismiṃ pana voti** tvampi ayameva maggoti attano ācariyavādameva paggayha tiṭṭhasi, bhāradvājopi attano ācariyavādameva, ekassāpi ekasmīṃ saṃsayo natthi. Evaṃ sati kismiṃ vo viggahoti pucchati.

**524. Maggāmagge, bho gotamāti** magge bho gotama amagge ca, ujumagge ca anujumagge cāti attho. Esa kira ekabrāhmaṇassāpi maggaṃ “na maggo”ti na vadati. Yathā pana attano ācariyassa maggo ujumaggo, na evaṃ aññesaṃ anujānāti, tasmā tamevatthaṃ dīpento “kiñcāpi bho gotamā”tiādimāha.

**Sabbāni tānīti** līṅgavipallāsena vadati, sabbe teti vuttaṃ hoti. **Bahūnīti** atṭha vā dasa vā. **Nānāmaggaṇīti** mahantāmahantaṅgaṅghamaṅgasakaṭamaggādivasena nānāvīdhāni sāmantaṃ gāmanadītaṅgakkhattādīhi āgantvā gāmaṃ pavisaṇamaggāni.

**525-526. “Niyyantīti vāsetṭha vadesī”**ti bhagavā tikkhattuṃ vacībhedam katvā paṭiññaṃ kārapesi. Kasmā? Titthiyā hi paṭijānitvā pacchā niggaṃhamānā avajānanti. So tathā kātuṃ na sakkhissatīti.

**527-529. Teva tevijjāti** te tevijjā. Vakāro āgamasandhimattaṃ. **Andhaveṇīti** andhapaveṇī, ekena cakkhumatā gahitayaṭṭhiyā koṭiṃ eko andho gaṇhati, taṃ andhaṃ añño taṃ aññoti evaṃ paṇṇāsasaṭṭhi andhā paṭipāṭiyā ghaṭṭā andhaveṇīti vuccati. **Paramparasamsattāti** aññamaññaṃ laggā, yaṭṭhiṅgāhakenapi

cakkhumatā virahitāti attho. Eko kira dhutto andhagaṇaṃ disvā “asukasmiṃ nāma gāme khajjabhojjaṃ sulabha”nti ussāhetvā “tena hi tattha no sāmi nehi, idaṃ nāma te demā”ti vutte, lañjaṃ gahetvā antarāmagge maggā okkamma mahantaṃ gacchaṃ anuparigantvā purimassa hatthena pacchimassa kacchaṃ gaṇhāpetvā “kiñci kammaṃ atthi, gacchatha tāva tumhe”ti vatvā palāyi, te divasampi gantvā maggaṃ avindamānā “kuhiṃ no cakkhumā, kuhiṃ maggo”ti paridevitvā maggaṃ avindamānā tattheva mariṃsu. Te sandhāya vuttaṃ “paramparasamsattā”ti. **Purimopīti** purimesu dasasu brāhmaṇesu ekopi. **Majjhimopīti** majjhimesu ācariyapācariyesu ekopi. **Pacchimopīti** idāni tevijjesu brāhmaṇesu ekopi. **Hassakaññevāti** hasitabbameva. **Nāmakaññevāti** lāmakamyeva. Tadetaṃ atthābhāvena **rittakaṃ**, rittakattāyeva **tucchakaṃ**. Idāni brahmaloko tāva tiṭṭhatu, yo tevijjehi na diṭṭhapubbova. Yepi candimasūriye tevijjā passanti, tesampi saḥabyatāya maggaṃ desetum nappahontīti dassanattaṃ “taṃ kiṃ maññasi”tiādimāha.

**530.** Tattha **yato candimasūriyā uggacchantīti** yasmiṃ kāle uggacchanti. **Yattha ca oggacchantīti** yasmiṃ kāle atthamenti, uggamanakāle ca atthaṅgamanakāle ca passantīti attho. **Āyācantīti** “udehi bhavaṃ canda, udehi bhavaṃ sūriyā”ti evaṃ āyācanti. **Thomayantīti** “sommel cando, parimaṇḍalo cando, sappabho cando”tiādīni vadantā pasamsanti. **Pañjalikāti** paggahitaañjalikā. **Namassamānāti** “namo namo”ti vadamānā.

**531-532.** **Yaṃ passantīti** ettha yanti nipātamattaṃ. **Kiṃ pana na kirāti** ettha idha pana kiṃ vattabbaṃ. **Yattha** kira tevijjehi brāhmaṇehi na brahmā sakkhidiṭṭhoti evamattho daṭṭhabbo.

#### Aciravatīnadīupamākathā

**542.** **Samatittikāti** samabharitā. **Kākapeyyāti** yattha katthaci tīre ṭhitena kākena sakkā pātunti kākapeyyā. **Pāraṃ taritukāmoti** nadiṃ atikkamitvā paratīraṃ gantukāmo. **Avheyyāti** pakkoseyya. **Ehi pārāpāranti** ambho pāra apāraṃ ehi, atha maṃ sahasāva gahetvā gamissasi, atthi me accāyikakammanti attho.

**544.** **Ye dhammā brāhmaṇakārakāti** ettha pañcasīladasakusalakammaṃ pathabhedā dhammā brāhmaṇakārakāti veditabbā, tabbiparītā abrāhmaṇakārakā. **Indamavhāyāmāti** idaṃ avhāyāma pakkosāma. Evaṃ brāhmaṇānaṃ avhāyanassa niraṭṭhakataṃ dassetvā punapi bhagavā aṇṇavakucchiyaṃ sūriyo viya jalamāno pañcasatabhikkhuparivuto aciravatiyā tīre nisinnō aparampi nadīupamaṃ yeveva āharanto “seyyathāpi”tiādimāha.

**546.** **Kāmaguṇāti** kāmayitabbaṭṭhena kāmā, bandhanaṭṭhena guṇā. “Anujānāmi bhikkhave, ahatānaṃ vatthānaṃ diguṇaṃ saṅghāṭi”nti (mahāva. 348) ettha hi paṭalaṭṭho guṇaṭṭho. “Accentī kālā tarayanti rattiyo, vayoguṇā anupubbaṃ jahanti”ti ettha rāsaṭṭho guṇaṭṭho. “Sataguṇā dakkhiṇā pāṭikaṅkhitabbā”ti (ma. ni. 3.379) ettha ānisaṃsaṭṭho guṇaṭṭho. “Antaṃ antaguṇaṃ (khu. pā. 3.1) kayirā mālāguṇe bahū”ti (dha. pa. 53) ca ettha bandhanaṭṭho guṇaṭṭho. Idhāpi eseva adhippeto. Tena vuttaṃ “bandhanaṭṭhena guṇā”ti. **Cakkhuvīññeyyāti** cakkhuvīññānaṃ passitabbā. Etenupāyena sotavīññeyyādīsipi attho veditabbo. **Iṭṭhāti** pariyaṭṭhā vā hontu, mā vā, iṭṭhārammaṇabhūtāti attho. **Kantāti** kāmanīyā. **Manāpāti** manavaḍḍhanakā. **Piyarūpāti** piyajātikā. **Kāmūpasañhitāti** ārammaṇaṃ katvā uppajjamānena kāmena upasañhitā. **Rajanīyāti** rañjanīyā, rāgupattikāraṇabhūtāti attho.

**Gadhītāti** gedhena abhibhūtā hutvā. **Mucchītāti** mucchākārappattāya adhimattakāya taṇhāya abhibhūtā. **Ajjhoppānāti** adhiopannā ogāḷhā “idaṃ sāra”nti pariniṭṭhānappattā hutvā. **Anādīnavadassāvīnoti** ādīnavāṃ apassantā. **Anissaraṇapaññāti** idamettha nissaraṇanti, evaṃ pariyaṇanapaññāvīrahitā, paccavekkhaṇaparibhogavīrahitāti attho.

**548.** **Āvaraṇāti** ādīsū āvarantīti **āvaraṇā**. Nivārentīti **nīvaraṇā**. Onandhantīti **onāhanā**. Pariyonandhantīti **pariyonāhanā**. Kāmacchandādīnaṃ viṭṭhārakathā visuddhimaggato gahetabbā.

**549-550.** **Āvutā nivutā onaddhā pariyonaddhāti** padāni āvaraṇādīnaṃ vasena vuttāni. **Sapariggahoti** itthipariggahena sapariggahoti pucchati. **Apariggaho bho gotamāti** ādīsipi kāmacchandassa abhāvato



itthipariggahena apariggaho. Byāpādassa abhāvato kenaci saddhiṃ veracittena avero. Thinamiddhassa abhāvato cittagelaññasāṅkhātena byāpajjena abyāpajjo. Uddhaccakukkuccābhāvato uddhaccakukkuccādīhi saṃkilesehi asaṃkiliṭṭhacitto suparisuddhamānaso. Vicikicchāya abhāvato cittaṃ vase vatteti. Yathā ca brāhmaṇā cittagatikā hontīti, cittaṃ vasena vattanti, na tādisoti vasavattī.

**552. Idha kho paṇāti** idha brahmalokamagge. **Āsīditvāti** amaggameva ‘‘maggo’’ti upagantvā. **Saṃsīdantīti** ‘‘samatala’’nti saññāya paṅkaṃ otiṇṇā viya anuppavisanti. **Saṃsīditvā visāraṃ pāpuṇantīti** evaṃ paṅke viya saṃsīditvā visāraṃ aṅgamaṅgasam̐bhañjanaṃ pāpuṇanti. **Sukkhataṃ maññe tarantīti** marīcikāya vañcetvā ‘‘kākaṃpeyyā nadi’’ti saññāya ‘‘tarissāmā’’ti hatthehi ca pādehi ca vāyamamānā sukkhataṃ maññe taranti. Tasmā yathā hatthapādādīnaṃ sam̐bhañjanaṃ paribhañjanaṃ, evaṃ apāyesu sam̐bhañjanaṃ paribhañjanaṃ pāpuṇanti. Idheva ca sukhaṃ vā sātamaṃ vā na labhanti. **Tasmā idaṃ tevijjānaṃ brāhmaṇānanti** tasmā idaṃ brahmasahabyatāya maggadīpakaṃ tevijjakaṃ pāvacaṇaṃ tevijjānaṃ brāhmaṇānaṃ. **Tevijjāiraṇanti** tevijjāraññaṃ **iraṇanti** hi agāmaṃ mahāraññaṃ vuccati. **Tevijjāvivaṇanti** pupphaphalehi aparibhogarukkhehi sañchannaṃ nirudakaṃ araññaṃ. Yathā maggato ukkamitvā parivattitumpi na sakkā honti, taṃ sandhāyāha ‘‘tevijjāvivaṇanti vuccati’’ti. **Tevijjābyasaṇanti** tevijjānaṃ pañcavidhabyasaṇasadisamaṃ. Yathā hi ñātirogabhoga diṭṭhi sīlabyasaṇappattassa sukhaṃ nāma natthi, evaṃ tevijjānaṃ tevijjakaṃ pāvacaṇaṃ āgamma sukhaṃ nāma natthīti dasseti.

**554. Jātasamvaḍḍhoti** jāto ca vaḍḍhito ca, yo hi kevalaṃ tattha jātova hoti, aññattha vaḍḍhito, tassa samantā gāmaṃaggā na sabbaso paccakkhā honti, tasmā jātasamvaḍḍhoti āha. Jātasamvaḍḍhoti yo ciranikkhanto, tassa na sabbaso paccakkhā honti. Tasmā ‘‘tāvadeva avasaṭa’’nti āha, taṅkhaṇameva nikkhantanti attho. **Dandhāyitattanti** ayaṃ nu kho maggo, ayaṃ na nukhoti kaṅkhāvasena cirāyitattaṃ. **Vitthāyitattanti** yathā sukhaṃ atthajātaṃ sahasā pucchitassa kassaci sarīraṃ thaddhabhāvaṃ gaṇhāti, evaṃ thaddhabhāvaggahaṇaṃ. **Na tvevāti** iminā sabbaññutaññāṇassa appaṭihatabhāvaṃ dasseti. Tassa hi purisassa mārāvattaṇādivasena siyā ñāṇassa paṭighāto. Tena so dandhāyeyya vā vitthāyeyya vā. Sabbaññutaññāṇaṃ pana appaṭihataṃ, na sakkā tassa kenaci antarāyo kātunti dīpeti.

**555. Ullumpatu bhavaṃ gotamoti** uddharatu bhavaṃ gotamo. **Brāhmaṇiṃ pajanti** brāhmaṇadāraṃ, bhavaṃ gotamo mama brāhmaṇaputtaṃ apāyamaṃggato uddharitvā brahmalokamagge paṭiṭṭhapetūti attho. Athassa bhagavā buddhuppādaṃ dassetvā saddhiṃ pubbhāgapaṭipadāya mettāvihārādibrahmalokagāmiṃmaggaṃ desetukāmo ‘‘tena hi vāseṭṭhā’’tiādīmāha. Tattha ‘‘idha tathāgato’’tiādi sāmāññaphale vitthāritamaṃ. Mettāsahagatenātiādīsu yaṃ vattabbaṃ, taṃ sabbamaṃ visuddhimagge brahmavihāraṃkammaṭṭhānakathāyaṃ vuttaṃ. **Seyyathāpi vāseṭṭha balavā saṅkhadhamoti**tiādi pana idha apubbaṃ. Tattha **balavāti** balasampanno. **Saṅkhadhamoti** saṅkhadhamako. **Appakasireṇāti** akicchena adukkheṇa. Dubbalo hi saṅkhadhamo saṅkhaṃ dhamantopi na sakkoti catasso disā sareṇa viññāpetumaṃ, nāssa saṅkhasaddo sabbato pharati. Balavato pana vipphāriko hoti, tasmā ‘‘balavā’’tiādīmāha. **Mettāya cetovimuttīyāti** ettha mettāti vutte upacāropi appanāpi vaṭṭati, ‘‘cettovimutti’’ti vutte pana appanāva vaṭṭati. **Yaṃ pamāṇakataṃ kammanti** pamāṇakataṃ kammaṃ nāma kāmāvacaraṃ vuccati. Appamāṇakataṃ kammaṃ nāma rūpārūpāvacaraṃ. Tañhi pamāṇaṃ atikkamitvā odissakaṇodissakadisāpharaṇavasena vaḍḍhetvā katattā appamāṇakataṃ vuccati. **Na taṃ tatrāvasissati na taṃ tatrāvatitṭhatīti** taṃ kāmāvacarakammaṃ tasmīṃ rūpāvacarārūpāvacarakammaṃ na ohīyati, na tiṭṭhati. Kiṃ vuttaṃ hoti – taṃ kāmāvacarakammaṃ tassa rūpārūpāvacarakammaṃ antarā laggitumaṃ vā ṭhātumaṃ vā rūpārūpāvacarakammaṃ pharitvā pariyādiyitvā attano okāsaṃ gahetvā paṭiṭṭhātumaṃ na sakkoti. Atha kho rūpāvacarārūpāvacarakammameva kāmāvacaraṃ mahogho viya parittaṃ udakaṃ pharitvā pariyādiyitvā attano okāsaṃ gahetvā tiṭṭhati. Tassa vipākaṃ paṭibāhitvā sayameva brahmasahabyataṃ upaneti. **Evaṃvihārīti** evaṃ mettādivihārī.

**559. Ete mayaṃ bhavaṃtaṃ gotamanti** idaṃ tesamaṃ dutiyaṃ saraṇagamaṇaṃ. Paṭhamameva hete majjhimaṇṇāsake vāseṭṭhasuttaṃ sutvā saraṇaṃ gatā, imaṃ pana tevijjasuttaṃ sutvā dutiyampi saraṇaṃ gatā. Katipāhaccayena pabbajitvā aggaññasutte upasampadañceva arahattañca alatthumaṃ. Sesamaṃ sabbattha uttānamevāti.

Iti sumaṅgalavilāsiniyā dīghanikāyatṭhakathāyaṃ

Tevijjasuttavaṇṇanā niṭṭhitā.

Niṭṭhitā ca terasasuttapaṭimaṇḍitassa sīlakkhandhavaggassa

Atthavaṇṇanāti.

Sīlakkhandhavaggaṭṭhakathā niṭṭhitā.